



S.T.S.

BB.


S. Jacobi

~~XXXI~~ XXXII

~~S. IACOBO~~
1676

5. 5. 450





AXIOMATA THEOLOGICA
SANCTI PATRIARCHÆ
AVGVSTINI
S. Romana Ecclesia Doctoris Maximi
DE ANGELIS

Quibus explicantur difficiliora, quæ de illis contro-
uertuntur in Scholis. Dubijs ex illis ortis
breuiter disputatis, & resolutis.

A P. BENEDICTO A S. IACOBO FERRARIENSE

*Congregationis FF. Eremitarum Discalceatorum
Augustinensium.*

DEFINITORE GENERALI,
Et Sacra Theologia Lectore.



FERRARIÆ M. DC. LXXVI.

Ex Typographia Heredum Iulij Bulzoni Liliij Impress. Episcopalis.

SVPERIORVM PERMISSV,

AXIOMATA THEOLOGICA
 SANCTI PATRIARCHAE
 AUGUSTINI

2. Romanus Ecclesiae Doctor Maximus
 DE ANGELIS

Quibus explicatur diffinitio, quae de illis con-
 tinentur in hoc libro. Deinde explicatur
 brevis distinctio, et responsio.

A. P. BENEDICTO A. S. IACOBO FERRARIENSE

Compositum a P. F. Ferrariensi in D. A. A. A. A.
 in Episcopatu

DEFINITIONE GENERALI

Et 2a: Theologiae Latinae.



FERRARIAE MDCCLXXVI

747. Theologiae Latinae, in Episcopatu
 1775. Theologiae Latinae, in Episcopatu

Adm. Reu. in Christo Patri

F. MARTINO

A S. Guilhelmo Congregationis Eremitarum Excalceat.
S. AVGVSTINI Italix Generali Vic. Dignissimo.

Æ. D. F.



*N*ihil mihi incundius (Admodum Reuerende Pater) in his-
se mess circa S. P. N. Augustini doctrinam lucubratiq;
bus contingere poterat, quam ut hoc de Angelis opuscu-
lum eo potissimum tempore absoluerem, quo Sacram. hanc
Eremitarum Augustinensium Excalceatorum familiam in
Supremo Generalis Vicarij munere, & onera moderaris.
Tua enim erga me beneficia, innatus amor, filij obligatio iam à longo tem-
pore obstrinxerant, ut tibi quod tuum magis, quam meum plane erat red-
derem. Nec aliud ex meo inopi penu magis tempore congruum, vel per-
fantis accomdatum, licet re exiguum, affectu tamen maximum, & munu-
sculum, & tributum offerendum esse duxi. Tempori quidem; quia inter
varias regiminis vicissitudines, in quibus non infrequentes occurrant reru
mutationes, illorum Beatorum Spirituum offertur. Idcirco, qui vel Deo assiste-
tes ang. contemplatione perfruuntur, eiusque Maiestatem continuo Sacram
laudum concentin prædicant, vel rebus inferioribus præsidentes, sic miro or-
dine cuncta moderantur, ut in paucè innumera, & infinita multitudine,
mirabilis, tam spiritualium, quam corporearum appareat dispositio natura-
rum. Quapropter si ex principijs illius Sanij Sapientis, [de quo Vates
cecinit: a Mente Deos adiit, & quæ natura negauit
Vasibus humanis, oculis ea pectoris hausit.]
philosophari volumus; non solum cælestium orbium, sed etiam totius Uni-

*aeris molem harmoniam quandam puris mentibus iucundissimam iure me-
 ritò appellare possumus; cuius supremæ partes, quas in hoc speculo descri-
 bo, non incongruè Hierarchie nomine gloriantur: Hæc est enim, Arco-
 pagita testè, b. Ordo sacratorum, quæ scientia, & operatione ad Dei simili-
 tudinem pro viribus nititur, & pro modo suo ad illius imitationem ex in-
 dulta sibi diuinitus hæc subuehitur. Tuus amula nostra hæc Religiosa
 Respublica sub tuo regimine, hoc etiam potissimum tempore, quo totus sine
 Catholicus ordo in armorum commotionibus, & fragoribus strepit, sic in
 Diuinis concitiis, & contemplationibus tranquilla perseruat, & in tam
 quieta beatitudine, [si mortalitatem demas] perfrui videatur. Si perso-
 nas spectes; Maximi Patriarcha nostri Augustini axiomata selecta offero,
 illius inquam, summi S. R. E. Theologi doctrinam, c. qui inter Sacros Do-
 ctiores, tam in Græca, quam in Latina Ecclesia clarissimos, qui pro tempo-
 rum ratione Christianam nostram Religionem, & conseruauerunt, & strenuè
 defenderunt, talis fuit c. [verbis eruditi viri Hieronymi Torrensis uxor:]
 ut nemo eorum maioribus quam Aurelius Augustinus Naturæ, Deique
 donis instructus ad res Ecclesiæ iuuandas plus studij, diligentique
 contulerit: Huius ego licet minimis, & indignis suis verbis, & luce,
 quæ magis recondita, & in sacris litteris adstrusa de his Beatissimis spiri-
 tibus videntur, quorum præsentia nostrorum sensuum aciem fugit, sublato
 velamine Aureliano fulgore nota facere totis viribus conatus sum, ut non
 sine fructu, & delectatione sublimes illæ Angelorum Personæ, Naturæ,
 Præprietates, Charites, Felicitates, muneræ, ordines, & Custodiæ appareant;
 Hæc olim cum anno reparata salutis, millesimo, sexcentesimo, quadagesi-
 mo secundo, quando prima vice in hoc Sacro S. Patriarcha Ioseph cano-
 bio erectum fuit Theologiæ Scolasticæ studium moderante nostram hanc Re-
 ligiosissimam Congregationem Adm. Rcu P. bonæ memoriae sene Ioseph à
 Matre Dei in Lectorem ex nostris PP. Ferrariensibus primus, licet imme-
 ritus, delectatus fuit, exponere rudi esto Minerva libuit, cupiens tamen ex
 tunc meliori data opportunitate, quid de tam sublimi, & spiritali Repu-
 blica S. P. N. Augustinus docuerat explicare, nec fuit sine fructu vorum:
 Cui enim omnes Prima Partis Summa Angelici Doctoris Tractatus, &
 Prima secunda difficultiores Controuersias explicassem; discendi magis, quam
 docendi cupidos, otium potius studendi, quam regendi potestatem exoptans
 à te cum Visitationis Generalis munere fungereris; in Pedemontana Prouin-
 cia Conuictibus humanissime receptus fui, & his liberius vacandi commoditas,*

& facultas libenti animo collata; Vbi eas que per transitum degusta-
 ram, profundius penetrandi copia fuit. Idcirco merito igitur dixi, magis
 tuum, quam meum esse hoc opus: quod propterea libens, ac libens tibi tam-
 quam vero Patrono dico, & offero; & eo libentius quod est antiqui debiti
 iusta solutio, & eo magis debiti, quod alias cum in eadem Provincia Pri-
 oris Provinciae officio fulgeres, eadem ora non semel benignè obtulisti:
 Hoc quoque eo magis magno mihi in pretio esse debet, quod à Serenissimis, &
 Realibus Domus Sabaudia Principibus in grauioribus, & sacratioribus curis
 occupatus me insinuum nostra Religionis alumnorum tanta humanitate respe-
 xisti. Cuius etiam officij debeo; quod ad Primi Desinitoris Generalis gra-
 dum assumptus fuerim: Reliquum est, ut dum hos veluti terrestrium An-
 gelorum Choros regis, hæc que de caelestibus ex Paterno Augustiniano
 thesauro depromere potui, ea, qua polles, benignitate excipias: Dum ego Om-
 nipotentem supplico exoro, ut quas ipse in mentem tuam pijs pro commu-
 ni totius Eremitane Discalceatorum familia bono cogitationis immisit, &
 in heroico animo inclusas fones, eodem adspirante reipsa declares, atque
 perficias: ut omnibus nobis talis existas, qualis S. Pater, & Patriarchæ
 nosse, Augustinus extitit, summi, & immortalis Boni amore flagrans, &
 iuuanda huic Religiosa eius Reipublica studio perpetuò vacans. Quæ Chri-
 stus Dominus diu nobis incolumem seruet, & in perpetuum beet.

In Paternitatis tuæ Admodum Reuerendæ

Seruus, & Filius Obsequentijs,

Fr. Benedictus à S. Iacobo.

AP.

APPROBATIONES.

EX commissione Adm. D. P. Martini à S. Guiljelmo Vic. Generalis, opus astud. continens AXIOMATA D. P. N. AVGVSTINI, Scholasticam de Angelis materiam, siue tractatum concernentia, à R. Patre Benedicto à S. Iacobo Ferrariensi, Sac. Theologiæ Lectore, nec non Generali nostræ Congregationis Definitore Dubijs explicata attentè peruolui, atque non mediocri animi voluptate plusquam semel perlegi. Cumq; in eo ne quidquam minimum repperim, Catholicæ Fidei dogmatibus dissonum, aut morum integritatem obnubilans; quin potius quæque opportuna sunt ad beatarum intelligentiarum Sacramenta reseranda, summa puritate, ac subtilitate discenti: Hinc censeo fore, iure optimo, idem opus, communi omnium vtilitati, præli beneficio commendandum. Et ita subscribo.

Romæ in Conuentu Iesu Mariæ die 14. Mensis Iulij Anni 1675.

*Fr. Celsinus à Iesu Maria Augustinianus Excalceatorum
Sacra Theologia Lector Ordinarius.*

CUm ex commissione Admodum R. P. Matthæi à S. Eustachio Vicarij nostri Generalis, opus continens Axiomata Theologica S. P. N. Augustini S. R. E. Doctoris Maximi de Angelis, controuersijs, & dubijs explicata à R. P. Benedicto à S. Iacobo Ferrariensi in nostra Congregatione pluries S. Theologiæ Lectore, & ad præsens primò Definitore Generali studiosè perlegerim, nihil in eo reperi, quod correctione dignum iudicarem, sed potius multum, quod laudarem, non modicum vnde proficerem; in omnibus enim Questionibus Angelicam Doctrinam catholicæ fidei, bonis moribus, rectaq; rationi conformem redolere mihi videtur. Non exigua igitur utilitatem omnibus studiosis, & maxime Augustinianâ doctrinam zelantibus, si typis mandetur, arbitror allaturû.
Datum Comacini in Conu. nostro SS. August. & Mauri die 10. Iulij 1675.

*F. Fabianus à S. Maria Magd. Erem. August. Excalceatus
S. Theologia Lector indiguus.*

Nos

Nos F. Martinus à S. Guilelmo Fratrum Eremitarum Excal-
cear. Ordinis S. Augustini Congreg. Italiae Vic. Gen.
Dilecto Nobis in Christo Patri Fratri Benedicto à
S. Iacobo eiusdem nostrae Congreg. Sacerd.
Professo, Theol. ac Desin. Gen. salutem.

VT opus inscriptum SS. Patriarchae ALEXANDINI Sanctae Rom. Ecclesiae
Doct. Maximi AXIOMATA THEOLOGICA, quibus explican-
tur Selecta difficultiora, quae de Angelis controuertuntur in Scholis, Cre-
de te elucubraturum, & à quibus Patribus nostrae Congreg. Theologis reco-
gnitum, & approbatum Typis dare possis; harum ut litterarum, nostrisq;
Officij, ac muneris potestate quantum ad nos attinet, seruatis in reliquo
seruandis facultatem impartimur. In nomine Patris, & Filij, & Spi-
ritus Sancti. Amen.

Dat. Nicea in nostro Conuentu S. Iohannis Baptistae die 22. Iulij 1675.

F. Martinus à S. Guilelmo Vic. Gen. &c.

F. David à S. Maria Sec. Gen.

Die 1. Iulij 1675.

Videat Reuer. D. Andreas Bertonus Canon. Theol. & referat, &c.

Fr. Prosper Vinc. de Florentiola Lect. Theol. & Vic. S. Officij Ferr.

Approbatio pro Emin. & Reu. D. Card. Cerro Ferr. Episc.
ac pro Reuer. Patre Inquisitorre Ferraria.

DVplici decoratus caractere, ac vtriusque Tribunalis fungendus munere,
opus inscriptum SS. Patriarchae ALEXANDINI Sanctae Romanae
Ecclesiae Doct. Max. Axiomata Theologica, quibus explicantur sce-
lecta difficultiora, quae de Angelis controuertuntur in Scolis. Dubijs ex
illis ortis breuiter disputatis, & resolutis à Patre Benedicto à S. Iacobo
Ferra-

Ferrariensi Congreg. F.F. Bremitarum Discalceatorum Sancti Augustini Sacre Theologie Lectore, exactissime, et oneris etas perstruavi, illudque per omnes sui partes Sanctissime Fidei veritati congruum, virtutis decoratum nitore, scientiarum (speculariarum subtilitate firma u, SS. Patrum sententijs, & autoritatibus innixum, sacris eruditioibus cumulatam, iustitie virgente pondere, pronuntiandum adiudicavi, ac dignum sane, quod prelo donatum, studioforum euulgetur profectui.

Datum Ferrariæ, die 15. Augusti 1578.

Andreas Bertonus Sacre Theol. & I.V. D. Sanctæ Ferrarien. Ecclesiæ Can. Theol. & Sacri Tribunalis Sanctæ Inquisitionis Consultor.

Stante suprad: Attestatione

Imprimatur

Fr. Io: Michael Bergamaschi Inquisitor Gen. Ferrariæ.

Imprimatur

F. à Balneo Vic. Gen.



A X I O M A T A
S. P. A V G V S T I N I .
D E A N G E L I S .

C O N T R O V E R S I A P R I M A
D e E x i s t e n t i a , & E s s e n t i a
A n g e l o r u m

A X I O M A P R I M V M .



Existentiam Angelorum fide tenemus
Ex enarratione in Ps. 103. ad illa verba.

*Qui ambulat super pennas ventorum, qui facit
Angelos suos spiritus, & ministros suos
ignem flagrantem.*



Vamuis non videamus apparitionem Angelorum; abscondita est enim ab oculis nostris, & est in quadam Republica magna Imperatoris Dei; tamen esse Angelos nouimus ex fide, & multis apparuisse scriptum, legimus, & tenemus; nec inde dubitare fas nobis est.

DVBIUM PRIMVM.

Vtrum existentia Angeli ratione naturali probetur.

Premitto hic primo; quod si nomine Angeli intelligatur substantia intellectualis Superior natura homine, quam propter subtilitatem spiritum appellamus, & propter nunciandi munus vocamus Angelos. Existentiam Angeli esse de fide, vt docet hic S. P. in axioma, nam multis apparuisse Angelos legimus in script. SS. & in eisdem saepe fit mentione illis vt in Ps. 103. eo loco quem S. P. ad hoc nostrum intentum explicat id est *qui facit Angelos suos Spiritus, &c.* Hunc locum etiam S. Paulus Apostolus in epistola ad Heb. cap. 1 interpretatur de illis spiritibus probans eos esse inferiores Filio Dei, qui nunquam filij vocantur per naturam, sed ministri, & in Ps. 8. *Minuisti eum patulo minus ab Angelis, vbi etiam S. P. sic exponit, addis illa clarificatio, qua resurgens ascendit in Calum Gloria inquit, & honore coronasti eum, & constituisti eum super opera manuum tuarum. Quandoquidem, & Angeli sunt opera manuum Dei, etiam super Angelos constitutum accepimus unigenitum filium, quem minus paulo minus ab Ange-*

lis, per humilitatem carnalis generationis, atque passionis amidimus, & credimus.

Præmitto 2. quod si per Angelos intelligantur substantiæ intellectuales, completæ omnino independentes à corpore, & à materia, aliquos existimare temerarium esse, negare Angelos esse: quia dicunt videri definitum esse in Concil. Lateranensi sub Innoc. III. cum dicit Deum simul ab initio temporis utramque de nihilo condidisse creaturam spirituales, & corporales, Angelicam scilicet, & mundanam, ac deinde humanam quasi corpore, & spiritu constitutam, &c. Quo loco cum Sacrosanctum Concilium opponat Creaturam spirituales, quam vocat Angelicam, mundanam, & humanam, neque dicat illam constare ex corpore, & spiritu, sicut humana, neque ex solo corpore sicut natura corporalis mundana, satis aperte indicare videtur, Angelos esse substantias spirituales, completas omnino independentes à corpore. Præterea quia in actis Apostolorum cap. 23. refertur hæresis Sadducæorum dicentium, *neque esse*

esse resurrectionem, neque Angelos neque spiritum: quo loco cum pro eodem sumat scriptura, Angelum, & spiritum immediate enim post subdit. Pharisei autem multa consentuntur puta resurrectionem, & Angelos, seu spiritum videt. ostendere Angelos esse substantias, omnino independentes à corpore: Denique quia qui negaret Angelos esse, aliquid assereret sine ratione, & fundamento contra id, quod communiter docent S. R. E. D. D. & Theologi, tanquam pium, & conforme religioni, in quò cōsistit formaliter ratio propositionis temerariæ. Hæc ratio nimis probat, & propterea nō probat intentum. Aliud est enim negare Angelos esse, & aliud est negare illos esse puros spiritus carentes quocumque corpore, & quacumque materia, qui enī primū negaret nō solū loqueretur sine ratione, & sine fundamento, sed etiam contradiceret Sacræ Scripturæ, tam in locis supra citatis, quam in alijs plurimis, & determinationi S. R. E. tam in Concilio supradictō, quā alibi; vnde nō solum haberet assertionē temerariā; sed etiam hæreticam. Qui verò primo admisso negaret hoc secundum; an loqueretur omnino sine fundamento, & sine ratione infra in dubio *An Angeli sint incorporei*, videbimus; propterea.

Præmitto 3. nō esse hæresim, vel errorem contra fidem negare Ange-

los esse substantias intellectuales, completas, carentes omni compositione cuiuscunque corporis, vel materiæ: nam S. Th. q. 16. de malo art. 1. in corpore docet non multum referre ad fidei christianæ Doctrinam, siue Dæmones habeant corpora, siue non; pro quo citat etiam S. P. lib. 12. de Ciuitate Dei, idē sentiunt Sixtus Senensis lib. 5. Biblioth. Sanctæ Annotat. quinta: Caranza in summa Concil. aŋot. ad acti: Quintam septimæ Synodi Generalis, quæ fuit secunda Nicæna. Bafiez. Zumel: Molina: Vasquez, & alij in commēt. ad q. 50. primæ Partis S. Th. ad art. primum.

Nec obstat locus Concilij Lateranensis sup. cit. nam ibi Concilium voluit solum determinare: Deum si nūl ab initio temporis omnes creaturas condidisse; reliqua verò pertinentia ad distinctionem creaturarū conditarum remisit ad disputationes Theologorum, in quibus tamen voluit vti modo loquēdi magis comuni. Hoc ex eo cōmuniter ostēditur, quòd cum plures PP. vt infra patebit; docuerint Angelos esse corporeos, nunquam tamen in Ecclesia fuit sententia ista existimata hæresis, aut damnata: immo D. Bernardus, & Rupertus viri doctissimi non multis annis ante prædictum Concilium docuerunt, rem hanc esse in opinione positam. Præterea etiā dato quod Concilium definiuisset ibi

aliquas creaturarum esse spirituales, & inuisibiles, aliquas visibiles, & corporeas, & harum alias esse mundanas, aliam humanam, ex spiritu, & corpore constantem; non tamen sequeretur; ex tali definitione Concilij haberi creaturas omnino spirituales: eo quod opponeretur creaturis visibilibus, & esse dicatur creaturas inuisibiles, & spirituales; eo quod non habeant adiunctam materiam, vel corpus; nam responderi posset quod solum seq. non habere corpus visibile, & sensibile, quale habet creatura mundana, & humana, sed tamē habere magis tenue, & subtile ab illis solum visibile, quibus Dominus oculos aperire voluisset, ut dixit Ioannes Episcopus Theſſalonicensis; vel certē sibi magis subiectū, ut indicauit S. P. in lib. de Genesi ad litteram posse dici: [quod tamē postea retractauit;] nam ratione huius maioris subiectionis, & tenuitatis licet haberent Angeli sibi corpora vnita, ac pro inde essent corporei. Nihilominus, ut docet S. Th. quest. 16. de malo supradict. act. 1. ad prim. magis possent dici spiritus quam nos, cum, & ipse aer spiritus dicatur.

Premitto 4. Sadducæorum errorem fuisse quod dicerent nullum esse spiritum intellectualem, immortalem, & omnino independentem à corpore sensibus subiecto: credebant enim, omnia esse corporea, & sensibilia. In eo errore fuerunt etiā aliqui Phi-

losophi naturales, qui, & ipsam animam, etiam rationale corpus esse dicebant, & Manichæi, qui Deum ipsum lucem quamdam corpoream esse affirmabāt ut refert S. P. in lib. Cōt. ut videre est apud S. Th. opus de spiritualibus creaturis art. 5. & qu. 16. de malo art. 1. ad 6. & qu. 6. de potentia art. 6. His positis: vertitur in cōtrouersiam, utrum possit ratione naturali demonstrari, existere Angelos sumendo pro Angelis substantias intellectuales, completas, omnino independentes à corpore: in quā sunt duæ oppositæ sententiæ.

Prima est aliquorum Thomistarū qui docēt hoc sufficienter demonstrari, & à priori, & à posteriori.

Secunda sententia est pluriū, tum antiq; tum rec. qui docent eorum existentia ratione naturali euidēter demonstrari non posse. Valentia in prima parte disp. 4. q. 1. puncto primo Paragrapho *queret autem*, & Becanus prima parte Tract. 3. qui est de Angelis q. 1. & Petrus à S. Ioseph. lib. 3. cap. 1. Resol. prima §. *Verum quod existant Angeli, & alij plures* & hanc ego arbitror esse apertam sententiam S. P. in axiomatica posita si attentē perpendantur illa verba, *Quamuis non videamus apparitionem Angelorum, abscondita est enim ab oculis nostris, & est in quadam Republica magna Imperatoris Dei; tamen esse Angelos nouimus ex fide.* His verbis satis aperte declarat nos omnem

certitudinem, quam de Angelorum existentia habemus, ex fide habere, & cum dicat nos non videre, & esse absconditam ab oculis nostris, sufficienter docet, nos non habere de hoc euidenciam naturalem sufficientem ad demonstrationem veram Metaphysicā, vel saltem Phylicā propterea.

Dico nos ratione naturali euidēter probare non posse, quod existāt Angeli nullo genere demonstrationis. Hæc alterio prob. primo, quia si euidenter hoc probari posset, vel esset à priori, vel à posteriori. Non à priori quia hoc vel esset ab intrinseco, vel ab extrinseco, non ab intrinseco, quia non est de essentia Angeli, sicut nec vilius alterius creaturæ, quod existat; nec ab extrinseco, id est à causa producente, quia Deus non necessario, sed libere creaturas producit, cuius decreta libera, nisi ipse manifestet, vel per effectū, vel per reuelationem, non cognoscimus; sed nec à posteriori hoc euidenter probatur quia nullus est effectus nobis euidens: et naturaliter notus, qui nos ducat in cognitionē certā, & euidenciam talis existentie. Hoc clare infra patebit in solutione argumentorū oppositæ sententiæ, in quibus aperietur non dari euidenciā in illis requisitam ad naturalem demonstrationem: ergo, &c.

Dices 1. probari euidenter intentum à priori ex perfecta similitudine

vniuersi cum ipso Deo sic. Hoc vniuersum est productum ad representandum perfecte ipsum Deum, & eius attributa, & perfectiones, sed non repræsenteret perfecte, nisi in eo esset summus gradus naturæ, puta intellectualis purus, & segregatus ab omni concreione materialitatis, & corporeitatis. Ergo necesse est admittere talem gradum in rerum natura. Maior est certa, & euidens; nā quodcūq; agens agit ad assimilandū sibi passum, quantum potest; minor etiam est certa; nā euidens est, quod vniuersum cum tali gradu est magis simile Deo, quam sine tali gradu; est enim ipse Deus purissimus actus, & primus intellectus segregatus, non solum ab omni corporeitate, & materia, sed etiam ab omni potentialitate; ergo licet non possit dari talis creatura, quæ careat omni potētiatate; saltem per illam quæ comparatur secum, solummodo potentialitatem obiectiuam in esse substantiali perfectius repræsētabitur Deus; quā per vniuersum; quod careat tali gradu, & hoc argumēt. nullo modo habere vim demonstrariam. Primo quia adhuc manet dubium, an remaneant alij gradus, & aliæ rerum species producendæ. Secundo pendet etiam lis sub Iudice, an implicet creatura tam pura in esse spiritali, quæ non admittat compositionem verā, & realem ex actu. & materia spiritali, & de facto in schola D. Bonauentura-

uenturæ communiter: tenetur omnes Angelos, qui de factō sunt; constare ex materia spiritali, quod etiā cōstanter asserunt eius discipuli, esse de mente S. P. N. Augustini; quæ sententia in ratione nō haberet fundamentum, nisi teneret implicare creaturam carentem compositione vera, & reali ex partibus realiter contradistinctis; præterea non est necessē quod agens per intellectū assimilet sibi effectū, tam in ratione agēdi, quam in modo efficiendi, puta in idea; nam hæc est spiritalis: effectus verò est materialis, & corporeus, & multo minus in potentia intellectiua, vel in natura; alioquin agēs intellectuale creatum semper produceret effectū naturæ intellectuales, & omnes creaturæ a Deo productæ essent intellectuales; præterea perfecta assimilatio in natura est quando agens est vniuocum, non verò quando est æquiuocum, vt est Deus; non euidenter ergo, & cum omni certitudine requisita ad demonstrationem ex similitudine effectus cum agēte infertur similitudo in natura cum ipso agente. Dices cū Thomistis; quod licet agens æquiuocū, & per intellectū non semper producat effectū sibi similem in natura, nihilominus tale agens æquiuocū & intellectuale, quod est Deus producit aliquam creaturam sibi similem in natura; cum enim semper sibi assimilet effectū in ratione agendi, &

hæc sit intelligere Dei, quod est formaliter ipsum esse Dei, & hoc esse sit formaliter intellectuale, & eminēter continens omne esse omnium creaturarum; vt sibi assimilat aliquas creaturas in esse emiñētiā; ita videtur non solū possibile, sed etiam necessariū ad perfectionē Vniuersi, quod sibi assimilet aliquas creaturas in esse formali, seu intellectuāli, ac proprio Dei; atque adeo in sua natura; quod non habet locum in artifice creato; nam huius idea in qua sibi assimilat effectū neq; est formalis, neque identicē natura ipsius artificis, sed ab illo realiter, & prædicamento differt; neque continet eminēter esse effectus. Præterea Artifex creatus non agit ad communicandū se sicut Deus, sed solū ad exprimendam suā artem, & propterea non est mirum si effectus non est similis artificii creato nisi solū in idea; At Artifici creato potest esse similis etiam in natura. Hæc instantia licet afferat probabilitatem secum, non tamen affert euidentiā, & certitudinem requisitam ad demonstrationem; nā licet sit verum, Deum esse agens intellectuāle, & intelligi Dei esse ipsum esse Dei; nihilominus sola intellectio non est ei ratio agendi ad extra; sed etiā ipsa volitio; quæ volitio Diuina cū in ordine ad creaturas sit libera nulla ratione intrinseca, vel extrinseca potest necessitari, ad producendum has, vel illas creaturas, sed merè li-

rè liberè pro suo libito producit quas vult, quādo vult, & quomodo vult, & sicut produxit creaturas in tempore; cum tamen in sententia aduersariorum potuisset eas producere ab æterno, ita etiam data possibilitate harum creaturarum intellectualium carentium omni compositione physica, non est euidens quod propterea, eas produxerit. Dixi data possibilitate earum; quia vt supra dixi, adhuc est in opinione; an tales creaturæ omnino physice simplices sint possibiles. Præterea adhuc data necessitate assimilandi sibi hoc Vniuersum in esse intellectuāli, non propterea sequitur intentū; nam potest responderi, sufficenter assimilari ei in hoc gradu per illas creaturas intellectuāles, quæ sunt compositæ ex materia, & forma; discrepantia illa, quæ affertur inter Deū Artificē increatū, & Artifices creatos si probat, nimis probat, ac proinde nihil probat, si enim aliquid probaret, conuinceret vtique huiusmodi creaturas deberi & ipsas assimilari Deo in ipso esse intellectuāli increato, & independēti; quod implicat contradiccionem, sequela probatur, quia hæc est natura Dei, ac proinde si effectus iste deberet ei assimilari in natura, etiam in his prædicatis, quæ sunt de formali cōstitutio ipsius essentia Dei, deberet assimilari. Dices sufficere quod assimilētur in aliquo prædic: similitudo. n. non importat æqualita-

tem. Respondeo quod etiam Artifici creato assimilatur eius effectus, in aliquibus prædicatis, ac proinde huiusmodi replicā non conuincere intentum. Aliqui ex his qui nobiscū sentiunt putant posse etiam infirmari prædictam rationem ex perfectione Vniuersi desumptā: ex eo quod sequeretur etiā euidēter colligi dari gradum rerum supernaturaliū, quales sunt gratia, gloria, & vnio hypostatica, quorum tamen existentiam solo lumine supernaturali fidei cognoscimus. Verum hoc non sequi. Prob. 1. quia illi duo gradus gratiæ scilicet, & gloriæ non sunt substantiarum, sed qualitatum, quæ per se nō producuntur, sed in substantia; neque enim potest dari substantia creata, quæ sit supernaturalis, nam l. substantia esset, & diceretur supernaturalis, quia esset superior alia substantia, & sic essent innumeræ substantiæ supernaturales; imō excepta infima specie substantiarum, omnes aliæ species essent supernaturales; nam vnaquæque haberet aliam, vel alias quibus esset superior; vel esset supernaturalis, quia produceretur à Deo per creationem, & sic materia prima, elementa, Animæ rationales, cæli, & spiritus creati essent entia supernaturalia, quod nullus audebit dicere; solis ergo accidētibus, siue physicis, siue metaphysicis conuenit supernaturalitas; cū enim supernaturale dicatur relatiuè ad naturale, seu ad natura

rum, vel tamquã ad subiectum vnde sumitur ratio supernat. quoad substantiam. tamquam ad causam sive sumitur ratio supernatur. quoad modũ; forma verò, accidentalis cũ sit perfectio substantiæ, quæ est res naturalis, tunc dicitur, & est supernaturalis quo ad substantiam, quando perficit suũ subiectum supra exigentiã illius, vel alterius subiecti creati eo; quod nec illi, nec alteri subiecto creato debetur ex princip: illius, & constitutione naturali; ac proinde à solo Deo producitur; sic vero dicitur supernaturalis secundum modum, quando licet habeat causam naturalem, à quã possit produci, tamen à solo Deo producitur nulla causa naturali tunc postulãre, vel ad ipsũ disponente; vt quando oculus miraculo sè restituitur, ex quibus pater hos gradus, & has entitates supernaturales nõ inferri euidenter à perfectione Vniuersi; cũ pendeant à gratuito beneplacito Dei, & sint vel quò ad substantiam, vel quo ad modum supra exigentiã cuiusq; substantiæ creatæ. Præterea cum lumine naturali non innotescant nobis euidenter nisi perfectiones naturales Vniuersi; cum loquimur de demonstratione naturali, non possumus arguere nisi ex perfectione naturali ipsius, quæ scilicet illi naturaliter debetur; gradus verò rerũ supernaturaliũ non debetur Vniuerso, & ideo sine illo ad huc dicitur Vniuersũ na-

turaliter perfectũ; est, n. perfectũ vt coll. ex lib. 5. metaph. t. 21. cui nihil eorum de est quæ ipsi naturaliter debentur, & per hoc patet responsio etiam ad instantiam de gradu vnionis hypostaticæ; sine hoc enim gradu Vniuersum in ordine naturali fuit perfectum per plura sæcula antequã poneretur.

Dices 2. saltem probari posse à posteriori euidenter ex effectibus scilicet ipsorum spirituum. Primo quidem ex motu cæli; hic enĩ neq; est a forma cæli, neque immediate à Deo, ergo debet esse ab aliqua substantia intellectuali incorporea creata. Consequentia probatur ex sufficienti partium enumeratione. Anteced. vero prob. quia neq; primo est à forma, quæ sit anima, quia cælum non est animatum, neq; esse potest; anima enĩ nõ vnitur corpori propter corpus, sed propter suã perfectionem, id est propter suas operationes, ad quas indiget corpore quia sunt finis mediatas animæ, sicut etiam cuiuslibet substantiæ; vt habetur lib. 2. de cælo t. 17. Vnde necessario deberent esse in Cælo operationes animæ; sed nullæ tales actiones ibi reperiuntur; ergo, &c. maior est certa ex communi experientia, & lumine naturali nota; minor prob. quia ibi nec est vegetatio, nec sensatio vlla; nam actiones istæ requirunt corpus corruptibile ex primis qualitatibus mixtum; omnes enim

enim sensus super tactum fundatur, qui est apprehensiuus primarū qualitatum; omnia etiam organa potentiarum tam vegetatiuarum, quam sensitiuarum requirunt determinatam proportionē elementorū, à quorum natura cælum est remotum, cum sit naturæ superioris omnibus elementis. Neque ibi est intellectio; cum enim hæc non exerceatur per corpus, eo non indiget, nisi quatenus per sensus ipsius (qui nullo modo cælo concedendi sunt) phantasmata ministrantur; Neque est motus localis, tum quia, ut anima moueat corpus, non oportet, quod vniatur illi ut forma, sed sufficit si vniatur per contactum virtutis, ut motor mobili, quo pacto Platonici Ethnici dicebant omnes animas vniiri corporibus; & Aristoteles lib. 8. Phys: postquam à textu 40. & deinceps, ostendit primum quod mouet seipsum motu vero, reali, & physico, debere componi ex duabus partibus, quarum vna sit mouens, altera verò mota, assignans modum, quo hæc duæ partes vniuntur, & text. 43. & 44. docet quod motus sit per contactum vel duorum ad inuicem, si vtrumque sit corpus, vel vnius ad alterum, & non è contra si vnum est corpus alterum verò non; tum quia motio localis per se sola, si non procedit à cognitione, & appetitu, non est actio vitalis, cum possit, & ab extrin-

seco motore, & per naturalem emanationem fieri, ut in grauib, & leuib. Neque potest dici talem cælestium corporum motum esse à forma inanimata; ut est ille grauiū, & leuium; tum quia forma naturalis eatenus est principiū motus localis, quatenus tali corpori secundum suam formam debetur aliquis locus; cælo autem secundum suam formā non magis conuenit vnus, quam alter locus: sic arguit etiam S. Th. lib. 3. contra gent: cap. 23. & q. 5. de potentia art. 5. &c. Tum quia, cum natura sit determinata ad vnū, non potest inclinari ad motum propter motum; nam hic in sui ratione includit difformitatem, & cum sit essentialiter via vltior, non potest habere rationem finis, & consequenter non potest propter se, sed tantū propter terminum esse necessarius, & connaturalis corpori. Quapropter si forma cæli inclinat ad motum hoc debet esse propter aliquid determinatum, quod ex motu consequitur, puta, propter determinatum locum, ad quem magis accedens secundum condicionem motus naturalis celerius mouetur; quo acquisito, in eo naturaliter quiescat, & à quo recedens violenter moueatur; sed cælum neque vno tempore velocius, quam aliō mouetur, neque violenter recedit ab occidente, vbi ad ipsum naturaliter ex oriente reuertitur, neque quiescit: ergo talis motus

motus celestis non potest esse à forma intrinseca. Confirmatur quia motus indeterminatus, qualis est ille cæli non potest prouenire à forma determinata, qualis est illa cæli, vt hab. ex cap. 1. lib. 2. de Cælo.

Neque potest dici, quod proueniat immediatè ab ipso Deo. Pertinet enim ad ordinè diuinæ Sapientię, & Prouidentię, vt quæ potest efficere per causas secundas, non faciat per seipsum; Huius rei ratio optima à S. Th. p. 1. q. 104. art. 6. assignatur ex eo, quod cum Deus sit ipsa Bonitas per essentiam, vnumquodque tribuendum est illi secundum suum optimum; & cum in gubernatione, quæ ad Prouidentiam spectat, duo sint, ratio scilicet gubernationis, quæ est ipsa Prouidentia, & executio; optimum verò in cognitione practica qualis est ratio gubernationis, sit cognoscere particularia, in quibus est actus; in genere verò executionis, qua res gubernantur, & ad perfectionem perducuntur, optimum sit rebus creatis gubernatis magnam perfectionem tribuere, qualis est, quod aliquid non solum in se sit bonum, sed etiam alijs sit causa bonitatis; propterea spectat ad diuinam prouidentiam, si ratio gubernationis spectetur; vt Deus immediate omnia gubernet: si verò executio, quod creaturas inferiores per superiores, & nobiliores regat, & consequenter cælestia corpora per Angelos mo-

ueat; desumpta est hæc doctrina ex S. P. N. Augustino lib. 3. de Trin. cap. 4. vbi docet omnia corpora per spiritus regi, quem etiam de morte sequutus est S. Greg. Magnus lib. 4. Dial. vbi ait nihil in mundo visibili disponi, nisi per inuisibilem creaturam. R. Valentia loco cit. huiusmodi argumēta non cōvincere planè euidenter intentum; Eo quod ad cælorum motum posset sufficere aliqua alia vis ipsorum cælorum, & maxime si cæli essent anima præditi, quod vtrum ita non sit; non potest euidenter definiri, licet sit communior sententia, quæ docet non esse animatos; Quod sic ostendo. Ex nullo capite potest euidenter ostendi non dari in cælis operationes vitales superioris ordinis, vel in quidditate, vel in modo essendi, nostris. Falsum est enim requiri omnino necessario corpus corruptibile, vt patet in Beatis, quorum corpora sunt incorruptibilia ex gratia, & dono Dei, & tamen iuxta communem sensum Theologorum exercere poterunt suas sensationes, & operationes vitales, quæ non repugnant illi statui. Neque est omnino euidenter cælum esse omninò naturæ superioris elementis, de quo satis egit tomo 2. Philos. Naturalis cap. 2. quod est de cælo, & astris pag. 571. Præterea non repugnat motum illum esse à vi appetitiua, & cognoscitiua formæ ipsius cæli in bonum Vniuersi; Immo data etiam negatio-

negatione animationis cælorum, non constat euidenter, quod motus ille non possit esse ab ipsa forma, quæ non sit anima; nam dato quod illa corpora sydereæ, vt tenent plures, essent naturæ igneæ; & quod solum sydera mouerentur, cæli verò immoti manerent; non posset euidenter ostendi, quod ipsa se ipsis non moueantur, & discurrant ibi per vias sibi determinatas, deo pacto quo videmus ignes, quos vocamus artificiales plures, & insolitos motus exercere, qui quandoque nobis videntur excedere vires naturæ, & Cometas; ac alia meteora ignita moueri per aerem, neque est omnino euidentius grauius, aut leuius celerius moueri prope suam sphaeram, aut centrum, vt plures, & graues A. A. moderni ostendunt. Per quæ patet, quod licet non debeat ille motus immediate attribui ipsi Deo; vt rectè arguitur in vltima instantia; nihilominus non desunt rationes, per quas possit refundi in vim motricem intrinsecam; absque eo quod recurratur ad formas assistentes, & motores extrinsecos.

Secundo demonstrare conatur à posteriori ex effectibus veneficorum lamianum, & arreperitiorum; quales sunt, ignotis linguis loqui maxima, & ingentia pondera transferre, modis naturæ humanæ cursum, superantibus, prædicere futura, & remotissima à sensibus,

& cognitionibus nostris, & his similibus, quæ vim corporeæ substantiæ manifestissimè superant; & non nisi à substantia intelligente præstari possunt. Si dicas tales effectus posse tribui vel inmediate ipsi Deo, vel animabus defunctorum impiorum. Contra est primo; quia plures ex illis effectibus repugnant Sanctitati, & Bonitati, vt sunt maledicere, imprecari, blasphemare, & vsus rerum illarum ad malum finem, & actus ex genere suo peccaminosos, vt faciunt venefici, incantatores, & Lamie. Secundo q. plures ex illis arguerent in Deo impotentiam in agendo; nam aliquando medicamenti aliqui effectus in arrepticijs impediuntur, vt sunt vehementes torsiones, quæ sublati humoribus cessant; vnde si essent immediate a Deo, non impedirentur. Contra est tertio, quia non videtur rationale, vt obseruat S. Th. q. 16. de malo art. primo: animam separatam hic oberrare; statim enim ac quis moritur, anima illius vel penetrat cælum, vel ad infernum detruditur, vel in alijs receptaculis iuxta exigentiam ipsius collocatur; & oppositum huius docet idem Angelicus Præceptor esse hæresim, sic habet in 4. dist. 45. q. 1. art. 1. quæst. 2. & in prima parte q. 64. art. 4. ad 3. Contra est quarto, quia licet daretur posse animas ex suis receptaculis exire, non tamen

nien possent mouere localiter aliquod corpus, & consequenter, nec etiam linguam arreptitijs; quod probat S. Th. q. 16. de malo art. 10. ad 2. & prima parte q. 117. art. 4. Primò quia cum anima humana teneat infimum gradum substantiarum spiritualium, non habet virtutem mouendi nisi corpus sibi unitum, & ab ipsa viuificatum, cuius signum est quod si aliquod membrum arescat omnino, & moriatur, esto unitum corpori non amplius obedit animæ ad motum localem; præterea si anima separata moueret corpora, id faceret solo nutu, & imperio voluntatis, sed coniuncta corpori hoc non potest facere: ergo nec etiam separata. Probatur consequentia quia separatione non fit potentior, aut efficacior ad operandum: neque corpora redduntur illi magis subiecta ad obediendū; modus enim existendi in corpore nihil derogat prædictæ virtuti, esto deroget virtuti intellectiux; Anima enim alio perfectiori modo intelligit separata, quam coniuncta; ex eo quod dum est in corpore recipit à sensibus species, quibus intelligit, & ad actus omnes intellectiōis iuuatur, quibus separata iuari non potest; At verò ut nutu suæ voluntatis sit potens operari, nihil potest obflare coniunctio corporis: nam ut moueat non eget contactu quantitatiuo; denique si

possibile esset animam mortui in alterius corpus intrare, & illud mouere; multo magis posset in suū; quod est falsum. Sic arguit quidam eruditus modernus, & in Doctrina S. Th. egregiè versatus in suis manuscriptis; His tamē nō obstātibz, Valentia, & Becanus locis citatis putant neque his indicijs euidenter conuincisse Angelos modo supra explicato: ille quidem, quia putat plures ex illis effectibus posse prouenire à causa prima propter fines nobis ignotos; eo quod eiusmodi homines ut potè mentis impotentes in illis sermonibus; siue actionibus qualescumque sint, minime peccant: sic discurrit Valentia. Verum quia aliquando in his actionibus dantur aliquæ maxima deformitate prædita, quæ non videntur vllō bono fine cohonestari posse, ut sunt blasphemix, delatio, & obedientia ad Veneficos, & Sagas, seu Lamias in omni opere peccaminoso, non videntur hæc vllō modo posse referri in ipsā primam causam immediatè; Propterea magis placet responsio Becani, qui dicit non esse euidens huiusmodi effectus, non posse fieri ab animabus separatis. Nam ad illos producendos ad suū tria requiruntur. Primo peritia linguarū. Secundo vis mouendi instrumenta, vocis, vel alia corpora. Tercio voluntas mentiendi, aut male agendi.

di. Sed certum est primo animas separatas interdum callere varias linguas, quas in hac vita didicerunt. Secundo certum est animas damnatas habere voluntatem malè agendi. Tertio probabile est habere vim mouendi corpora; nam licet D. Th. loc. citatis hoc neget, tamen multi alij satis probabiliter hoc affirmant, & ideo nihil euidenter ex his concludi potest. Ad id, quod dicebatur esse hæresim, apud S. Th. quod longe à receptaculis animæ oberrent, & S. Th. ibi hoc non docere de omnibus omnino animabus in vniuersum: nam in prima parte loco ab arg. citato solum dicit, esse erroneū dicere, quod pœna sensibilis, tam dæmonum quam animarū differatur vsq; ad diē iudicij, quod est valde diuersum ab intento arguentis, & in alio loco num. 4. tantum abest vt doceat esse hæresim, aliquas animas esse extra receptacula communia animarum, vt in responsione ad octauum concedat animas

separatas aliquando in loco nostrę habitationis puniri ad nostram instructionē, vt earum pœnas videntes retrahantur à culpis. Ex supradictis manet, quod licet sit certum ex fide; ac etiam ex prædictis rationibus, & obiectionibus naturali lumine probabilissimum appareat esse Angelos modo explicato; non tamen hæc posse demonstratione naturali euidenter probari; maxime si nomine Angelorum sumantur naturæ omnino spirituales creatæ, segregatæ ab omni, & quacumq; compositione physica; seu ex materia etiam spiritali, & actu realiter non identificatis. Rectissime ergo dixit S. P. in Axiomate hæc abscondita esse ab oculis nostris, & esse Angelos nos ex fide tenere: imò, & in Enchiridione cap. 38. ait *Quomodo se habeat superna illa societas, & quæ ibi sit differentia personarum, &c. dicant qui possunt, si tamen possunt probare quod dicunt. Ego me ista ignorare confiteor.*



AXIOMA SECVNDVM.

Natura Angeli est Spiritualis
ex enarratione in Ps. 103.

*Angelus offitij nomen est, non natura. Quæris nomen
huius naturæ spiritus est; quæris
offitium, Angelus est.*

D V B I V M.

Vtrum Angeli sint immateriales, & incorporei.



DVo hic quærentur, quæ fortasse videbuntur alicui esse, omnino idem re, & ratione; cum apud plures auctores idē sit non solum realiter, sed etiam formaliter materiale, ac corporeum, & consequenter etiā immateriale, ac incorporeū. Verum quia in aliquorum Doctorem scholis admittitur materia spiritualis, & in aliquibus etiam materia indifferēs ad esse spirituale, & ad esse corporeum, quæ determinantur ad esse spirituale, per coniunctionem cum actū, seu forma, quæ sit omnino spiritualis, & ad esse corporeum per actum seu formā, quæ sit corporea, quod intendunt esse germanam mentem, & Doctrinā S. P. N. Augustini; prop

terea necesse est in præsentī, de utraque puncto, determinare; separatim perpendendo quid re vera sentiat S. P. in hoc puncto. Primo quidem videndo quid dicendum sit circa esse corporeum, vel incorporeum Angeli. Deinde circa hoc quod est esse materiale vel immateriale.

Præmitto solut. primi puncti: Hoc quod est esse incorporeum in scholis communiter tripliciter accipi. Primo, ut opponitur extenso, & quanto siue per se, siue per accidens. Secundo, ut opponitur composito ex materia capaci formæ, & extensionis seu quantitatis molis. Tertiō, ut opponitur ei, quod licet in entitate non sit compositum ex materia prædicta, & forma, habet tamē corpus sibi unitum, vel exigit habere. Alias acceptiones huius nominis alij

assignant istæ sunt communiore ad quas aliæ facillè reuocari possunt. Quest. procedit de his tribus modis: an Angeli re vera sint omnibus tribus modis incorporei; in quâ sunt duæ extremæ inter se oppositæ sententiæ.

Prima est Angelos esse corporeos, id est habere corpora sibi naturaliter vnita; pro ea citatur communiter Plato, in Timæo. & alibi de quare videndus est S. P. lib. 8. de Ciuitate Dei cap. 14. 15. & 16. quibus locis explicat sententiam Platoniam de hac re etiam testimonio Apulei Platonici lib. de Deo Socratis. Idem senserunt plures P. P. antiqui, vt Origenes lib. 2. Periarcho: cap. 2., & 3. vbi docet nihil præter Patrem Filium, & Spiritum Sanctum viuere sine corpore, & cap. 8. ait Angelos esse corporeos, & habere suas animas: Tertullianus lib. de carne Christi ait Angelos esse corporis alicuius, licet non carne præditos. Lactantius lib. 2. Instit. cap. 15. Auctor lib. de Eccl. dogmatibus, (qui falso olim tribuebat S. P.) cap. 11. 12. Io: Cassianus collatione 3. cap. 13. Ioannes Episcopus Thessalonicensis cuius sententia habetur in septima Synodo Generali Actione quinta; vbi iste Auctor affirmat ita Ecclesiam Catholicam docere. Rupertus Abbas lib. primo de operibus Trinitaris cap. 11. Idem senserunt etiam Cardinalis Caietanus in cap. quartum Genesis, & in

cap. primum Epistolæ S. Pauli ad Ephesios. Aueroes lib. de Anima, & Augustinus Nyphus Tract. 3. de Demonibus cap. 34. & alij plures Philosophi, qui sequuti sunt illam Platoniorum opinionem. Sciendum tamen est A. A. huius sententiæ non tribuere omnibus Angelis corpora eiusdem rationis; Nam alijs tribuunt celestia, alijs ignea, alijs aërea. Philosophi quidem propter diuersos effectus. Patres vero propter aliqua Sacræ Scripturæ loca.

Citatur pro ea communiter S. P. qui licet in Enchiridione cap. 59. & lib. 21. de Ciuitate Dei cap. 10. videatur de hac re dubius, nihilominus censetur alias magis in hanc sententiam propendere vt lib. 11. de Ciuitate Dei cap. 23. lib. 2. de Genesi ad litt. cap. 17. & lib. 3. cap. 10., & epistola 115. ad Nebridium. Verū salua pace eorum D. D., qui putant hanc fuisse mentem S. P. cenſeo eā ipsum, nec constanter tenuisse, & ea quæ in fauorē huius sententiæ Platonice potius dubitando, quam asseruendo locis citatis scripserat vt potest Philosophus Plonicus sufficienter retractasse lib. primo retractationum cap. 26. vbi retractans ex q. 67. quod ei iam seniori, ac proinde & in S. S. Scripturis ac S. S. P. P. magis versato displicebat, ait *Quod dixi Spiritualliter Summos Angelos viuere, infimos vero animaliter, audacius dictum est de infimis, quam vt possis l. scrip-*

*vel scripturis Sanctis. Ipsi rebus ostē-
di, quō loco retractando eos ani-
maliter viuere, consequenter retrac-
tat eos esse corporeos; hæc enim
sunt necessariò, & essentialiter con-
nexa. Secunda sententia, est consu-
nis in Scotis hodie; est q. D. Tho-
mæ prima parte q. 50: art. p. q. 51.
art. p. in quest. vnica de spirituali-
bus creaturis art. 5. q. 16. de malo
art. p. vbi docet Angelos esse omni-
nò expertes corporis, atq; adeo
esse creaturas intellectuales, & com-
pletas in sua specie; sic tenent ex Phi-
losophis Peripateticis ferè omnes
cum suo Principe Aristot. lib. 6. & 12
metaphys. cap. 6. 8. & vltro, &
ex P. P. S. Dionisius lib. de Diuinis
nominibus cap. 4. Diuus Ignatius
Epistola ad Trallianos D. Basilius in
hom: *Quod Deus non est Auctor ma-
lorum*: in fine D. Greg. Nazianzen.
orat. 2. de Theologia vesp. finē D.
Greg. Nyssenus in lib. de Vita Moy-
sis ante medium D. Io. Chrysostom.
hom. 22. in Genesin, & S. Epipha-
nius contra hæresim vigesimam sex-
tam S. Io. Damasc. lib. 2. fidei Orth.
cap. 3. S. Hieronymus in epist. ad
Auitū de erroribus Origenis. S. Ful-
gentius lib. de fide ad Petrum cap. 3
S. Greg. magnus lib. 4. moralium n.
cap. 9. & Theodoretus lib. de Diui-
nis decretis cap. de Angelis. Scho-
lastici communiter etiam extra scho-
lam S. Thomæ eam docuerūt in lib.
2. sententiarū. Distinctione octaua*

ibi tamen magister non videtur eam
definire.

Eam ego non dubito esse senten-
tiam S. P. non solum propter relata
supra ex lib. primo *Retract.* cap. 26
sed etiam quia in Axiomate dicit
quod *nomen natura eius* [idest Ange-
li] *spiritus est*, quod vtique non
ita absolutè diceret, si putaret Ange-
lum esse corporeum, nam semper S.
P. contradistinxit inter corpus, &
spiritum per hoc quod *Corpus, non
nisi per loci spatium aliqua longitudi-
ne, latitudine, altitudine ita sistit*, &c
vt docet in epistola 28, quæ est ad
S. Hieronymum, & lib. 2. de Gene-
si ad cap. 4. *Omne corpus habeat ne-
cesse est dimidium sua quantitatis. De
spiritu vero, & incorporeo dicit in
lib. de Incarn. Verbi cap. 2. Impos-
sibile est de incorporeo diuisionem ali-
quā fieri, & quia aliqua corpora pro-
pter sui tenuitatem, vt aer, & vêtus di-
cuntur spiritus, distinxit in lib. 5. de
Genesi ad litterā cap. 9. sic. Nam, &
aer ille siue ventus dicitur spiritus, sed
quoniam corpus est, non est spiritus vi-
ta. Cum ergo absolutè vocat Ange-
los spiritus, procul dubio sensit eos
esse omninò realiter contradistin-
ctos à re corporea: quod adhuc cla-
rius patet si attentè legatur illa enar-
ratio in Ps. 103. vbi cum psalmistā
dixisset quod Deus facit Angelos
suos spiritus, & ministros suos ignē
vrentem, exposuit li ignem vren-
tem esse accipiendum non propriè,
sed*

fed methaphysice quā expositionē non adderet, si sentiret Angelos habere corpora, Vide quā dixi Tomo 3. Philosophiæ naturalis; qui est de Anima cap. 2. & cap. 12.

Hæc secunda sententia est vsque adeo plausibilis hodiè in scholis, vt Valentia, Vasquez, Gonerus, & alij plures moderni post Concilium Lateranense non vereantur primam relata, licet eorum P.P. quos citauit auctoritate fultam detemeritate notare; Concilium enim Lateranen. in cap. firmiter de Summa Trinitate ait. *firmiter credimus quod unus est solus uerus Deus, atermus, &c qui ex nihilo condidit utrāque naturā spiritualem, & corporalem. Angelicā uidelicet, & mundanā, & deinde humanam quasi communem ex corpore, & spiritu conuictam.* Hic Concilium asserit Angelos esse spiritus, quē admodum anima hominis est spiritus, sed anima hominis nullo corpore constat, sed est spiritualis vt habetur in alio Concilio Lateran. sub Leone Decimo definitum; ergo Angeli sunt omnino spirituales: & incorporei. Præterea Concilium dicit hominem esse substantiam mediam & conuictam inter Angelicā, & corporalem creaturam, quia homo constat spiritu, & corpore; ergo Angeli qui non sunt medij inter spirituale & corporalem substantiam, non constant corpore, & spiritu. Deniq; Concilium opponit, & distinguit Ange-

los ab omni substantia corporea; ergo sensit Angelos esse omnino incorporeos. Quibus sic stantibus.

Dico Angelos esse omnino incorporeos, & hoc esse non solum de mente S. Thomæ, vt supra dictum est, sed etiam S. P. N. Augustini non tantū in locis sup. adductis, sed etiā in lib. primo retract. cap. 11. & 13. & lib. 2. cap. 14. ubi retractat. quod alibi scripserat, nempe Angelos esse animas, & docet non animas, sed spiritus esse dicendos. Probari solet communiter hæc conclusio ex scripturis sacris, in quibus Angeli vocātur spiritus vt in supra cit. Ps. 103. in epistola ad hebr. cap. primo; consuevit autem Scriptura Sacra, vt notat S. Thomas opusc. 13. cap. 18. nomine spiritus designare aliquod incorporeum, vt Io. 4. *spiritus est Deus* Isaia cap. 131. *Agyptus homo*, & non *Deus* & *equi eorum caro*, & non *spiritus*, & in actibus Apostolorum cap. 23. reprobat̃ur sententia Sadducæorū negans spiritus. Probāt alij ex eo; quod Angeli mali ceciderunt de Cælo, vt habetur Luca 10. & Isaia cap. 9. At si Angeli essent corporei, non potuissent de Cælo cadere, nisi vel frangendo, vel penetrando Cælum, quorum utrumq; est naturaliter impossibile. Verum hæc ratio nihil probat apud eos, qui ponunt cælos esse fluidos, & parum apud eos qui dicunt eos esse solidos, nam quemadmodum communiter dicitur corpore-

ra damnatorū futura in inferno penetratiuē; alias tam magna multitudo non posset ibi recipi, sic etiā posset dici Angelos illos esto corporeos penetrasse cælos descendendo ad maiorem ipsorum pœnam, & confusionem; Probant alij ex eo, quod in corpore vnius arreptitij, vt habet Math. cap. 5. Erat Legio Dæmonū; quæ ex Sæcō Hieronymo ibi cōstat 6666, quod esset omninō impossibile: si Angeli haberēt corpora; Respōderi tamē posset, vt obseruat S. Th. q. 16, de malo art. primo ad 3. Dæmones habere corpora per exigua; quæ multo facilius ingrediuntur, per tenuissimos meatūs, & poros, quam subtilissimus aer, Prob. 2. hæc assertio illa eadem ratione, quā vtitur S. Th. prima parte q. 50. art. primo in corpore ad prob. hanc cōclus, quam placet nunc hoc pacto proponere, & tanquam probabilissima vri ad hoc intentū. Deus fecit Vniuersum perfectū, sed ad perfectionē Vniuersi spectat, quod in eo sint creaturæ omninō spirituales, & independentes à corpore tamquā ab altera sui cōparte spirituali; dicēdū est igitur creatās illas quas Angelus appellatus esse talis naturæ. Maior est certa ex Deur: cap. 32. *Dei perfecta sunt opera*, & Gen. cap. primo, vbi, & singula creata, & vniuersas creaturāū dicuntur valde bona ad insinuandum perfectionē Vniuersi, & probatur ratione tum quia

ab Artificē infinitæ Sapientiæ, Potētiae, Bonitatis, & perfectionis in agēdo nō debet procedere nisi effectus perfectus; tum quia Deus in creādo Vniuerso intendit suæ Bonitatis, & Perfectionis manifestationem, & cōmunicationem, & propterea condidit hunc mundum ex varijs rerum gradibus illisq; in suo genere perfectis: quia nullus per se, & quomodo cūque conditus, aut seorsim sumptus sufficiebat ad finem in rerum creatione, & Vniuersi constitutione intentum. Minor prob. quia ad perfectionem Vniuersi, requiruntur omnes gradus generales entis, & bonitatis; hoc enim sonat ex vi vocis perfectio Vniuersi: sed inter hos gradus maxime perfectus, & possibilis est gradus talium substantiarum spiritu alium incorporearum; ergo ad perfectionē Vniuersi spectat, quod sint in eo tales creaturæ; quod talis gradus sit valde perfectus, & condu cens ad perfectionē Vniuersi probatur; quia, vt notat Angelicus Doctor loco citato, nō potest effectus esse perfectus nisi assimiletur agenti in eo per quod agens agit. Hoc enim significat ipsum agere, quod est communicare id per quod Agēs agit, vt explicat idē Angelicus Doctor q. 2. de Potentia art. primo in corpore, sed ratio agendi Deo est suum intelligere, vt habet adiunctū velle, & ipsum intelligere, & velle Dei constituunt essentialiter, & cō-

pletius esse Dei, seu naturam eius, iuxta ea quæ dixi supra in controuersijs de Sciētia, & voluntate Dei; ergo Vniuersū hoc, vt est effectus Dei, non potest esse perfectū nisi assimiletur ei, non quidem in toto, sed in aliquo sui gradu in natura intellectuāli. Quod iste gradus sit possibilis, probatur: quia nec repugnat ex parte Dei, qui potest quidquid non implicat contradictionem, neque ex parte ipsius rei. Primo quia non repugnat substantiam esse creatam, & esse incorpoream, hoc enim prædicatum nō excedit limites creaturæ, cum relinquat in ea dependentiam à Deo, & limitationem in tali gradu, & genere essendi, inso, & in tali specie. Secundo quia cum causa efficiens intendat sibi assimilare suum effectum: quo effectus erit similior secundum gradum, eo erit aptior, vt ab illo fiat. Cum igitur Deus rerū omnium causa sit substantia intellectuālis, & spiritalis, videtur non solum possibile ex parte rei, sed etiam magis consentaneum ex parte causæ, vt ab illa procedant creaturæ penitus immateriales, & intellectuāles, quam solum, vel totaliter corporeæ, vel partim corporeæ, & partim spirituales. Tertio suaderi potest, quia ad perfectionem cuiuslibet generis, & gradus pertinet, vt reperiatur id quod est perfectum in illo gradu, & genere; quia quod est perfectum naturaliter, prius est imperfecto: quod

pacto actus est prior potentia; cum igitur gradus intellectuālis imperfectè reperiatur in anima rationali, erit concedenda in natura creata substantia in qua perfectè reperiatur; sed hæc non potest esse nisi creatura immaterialis ergo. Deniq; hoc probatur ex operatione intellectus: constat enim intellectiōē esse operationē, quæ per corpus exerceri nō potest, vt est in confesso apud omnes; ergo oportet quod substantia, cuius illa operatio est actus, habeat esse independentens à corpore, sicut enim est vnumquodq; ita est operari ipsius; licet enī aliqua substantia intelligens vniatur corpori; hoc non conuenit illi in quantum intelligens est, sed in quantum eget operationibus per corpus exercitis ad complementum intellectuālis operationis, quatenus nimirum intelligit abstrahendo à phantasmatis; ergo debet dari aliqua substantia intellectuālis omnino independentens à corpore: intelligere, namque abstrahendo à phantasmatis accidit operationi intellectuāli, & pertinet ad imperfectionem intelligentis; quod autem per accidens iungitur alicui, non in omnibus cum eo reperitur. Dices me non posse, vt hac ratione ad probandum intantum; eo quod in præcedenti dubio eam reiecerim tamquam insufficientem ad probandam ipsorum Angelorum existentiam, quod si nō, probat existentiam, nec etiam pro-

habet tale prædicatum quidditatiuū ipsorum: multo enim remotiora sūt a nostra cognitione prædicata essentialia, maximè differentialia ipsorū, quam sit eorū existentia. R. me supra reiecit hanc rationem tamquā insufficientem ad probandum euidenter, seu ad demonstrandum philosophicè, quod existant; non verò tamquam insufficientem ad topicè probandum dictam existentiam; imò ut probabilissimam eam admisi, & ut talem etiam ad probandum hoc intentum admitto. Cum enim argumenta demonstratiua non habemus, debemus uti probabilioribus, quæ inuenire possumus: hoc enim modo prudenter philosophamur. Cōtra hanc eandem rationem obijciunt aliqui cum Caietano, & pluribus Platoniciis. Probari quidem per eam dari huiusmodi substantias ad perfectionem Vniuersi, non tamen omnes illas, quas nos intelligentias vocamus, esse huiusmodi, sed aliquas esse incorporeas idest supremas illas, & D. O. M. propinquiores; aliquas verò corporeas idest inferiores, utrasque tamē esse homine superiores, & harum varietatem pertinere ad deum Vniuersi, ac proinde, ut prædicta ratio concludat etiam probabiliter de omnibus, oportere ostendere, non esse possibilem hanc intelligentiarum distinctionē. R. Satis esse ostendere nullam esse necessitatem huius distinctionis, eā-

que ex nullo capite posse probari esse admittendam, & primo quidem à posteriori ex nullo signo, vel effectu colligi potest talis distinctio, imò potius habetur oppositum; non enim potest concludi ex bonitate, vel malitia ipsorum Angelorum, ut dicatur Angelos bonos esse incorporeos: malos vero corporeos, ut asserunt aliqui Platoniorum. Omnes enim Angeli à Deo creati poterunt peccare, & secundum probabilissimam sententiam supremus eorū peccauit, & cecidit, neque colligi potest ex operatione propria naturæ intellectualis, quæ est intellectio; ad hanc enim non requiritur corpus, cum non accipiant cognitionem à rebus, ut accipiunt homines; neque ex actione aliqua, vel ex termino allicuius operationis; nam eiusdē rationis naturaliter loquendo est in omnibus, cum præter intellectionem, & volitionem (si est circa corpus) nō transcendat motionem localem, quā possunt omnes efficere; vel si transcendit, non possit ex ullo signo ostendi aliquibus illam conuenire, aliquibus verò non. Probari potest secundo à priori. Quia cum quantitas sit accidens, non potest naturaliter esse per se, sed debet esse in materia corporea tamquā in subiecto; ut habetur lib. 7. metaph. cap. 8. sed omnes Angeli carent tali materia, ut dicam infra; ergo, & quoad quantitatem, & quoad substantiam sunt

sunt incorporei.

Dices primo in septima generali Synodo, quæ est secunda Nicæna videtur de iherini Angelos esse corporeos, nam in actione quinta fuit lectus quidam liber B. Ioannis Episcopi Theſſalonicenſis, ubi hæc habentur *De Angelis, & Arcangelis* sic sentit Ecclesia, esse quidem intellectuales, sed omnino non corporis expertes, invisibiles, ut vos Gentiles putatis (disputat enim ibi Episcopus iste cum quodam gentili.) Verum tamen corpore pradios, & aereo; sine igneo, ut scriptum est, qui facit Angelos suos spiritus, & ministros eius ignem vrentem, sic autem multos sanctorum Patrum sensisse cognovimus; quorum est Basilii cognomento magnus, & Beatus Athanasius, & Methodius, & qui sunt ab illis. Solammodo autem Deus incorporeus, & informabilis; intelligibiles autem creatura nequaquam ex toto sunt incorporea, & imitabiles pictura existunt; quare etiam in loco existunt, & circumferentiam habent. Quanquam autem non sunt, ut nos, corporei, ut potest ex quatuor Elementis, & crassa illa materia; nemo tamen, vel Angelos, vel Demones, vel animas dixerit incorporeas; multoties enim in proprio corpore visi sunt, sed ab illis quibus Dominus oculos aperuit: nos igitur eos non ut Deum, sed ut creaturas intelligibiles, & ministros Dei, non tamen ut verè incorporeos pingimus & colimus quod autem in forma homi-

nis pingantur in causa est, quod in ea visi sunt, si quando ministerium Dei apud homines obierant. Tharastius Patriarcha colligens prædicti Patris sententiâ: sic ait *Oſtendit Pater quod & Angelos pingere oportet, quando circumſcribi poſſunt, ut hominibus appaſſerunt.* Respondit autem Concilium veluti approbans sententiam Ioannis etiam Domine. Ergo secundum Concilium verè Angeli habent corpora. & communiter non omnia, & singula, quæ sunt in Concilii narrata, descripta, aut relata esse de fide: sicuti est quid quid est in scripturis, sed ea solum, ut ait Iustinianus in suo Edicto: quæ intendit Concilium definire, & de facto suis, vel decretis, vel Canonibus vel confessionibus pro definitis, & de fide ab omnibus Catholicis tenenda statuunt: quo pacto fieri in Concilio Florentino illa solum esse de fide, quæ continentur in Decreto Eugenij Quarti: qui illud congregavit & approbavit; ac preinde in dicto Concilio Nicæno fuit quidem definitum de fide; licere Angelos pingere; Synodus enim illa fuit cõgregata sub Adriano Primo Papa anno Domini 781. Imperantibus in Oriente Constantino, & Irene eius matre, contra hæreticos; qui damna-bant cultum sacram imaginum in Ecclesijs, & alibi, easque ejiciendas esse docebant propterea ibi eas esse adorandas, & aspiendendas, relatiue

decret

decretum est; quod verò asseritur ibi Angelos esse pingendos, eo quod sint corporei, fuit tantum probatio desumpta ex Doctrina Philosophica Platonis, quæ tunc maximè vigeat in scholis, & ferè omnes P. P. tam Græci, quam Latini in ea erant maximè instructi, & versati, ut patet ex eorum operibus; exclusis illis, quæ Sacræ Scripturæ, & fidei Catholice repugnant; sed non nitebatur huic soli rationi; fuit enī ibi adductum aliud medium verissimū, quod solum erat sufficiens ad habendam certitudinem huius rei. Hoc autē erat quod Angeli in forma humana apparuerunt; quāpropter ad intentum nihil referebat, an Angeli vera essent corporei, nec nō. Neque enim necesse est omnes probationes, quæ adducuntur ad explicandam, vel suadendam, vel probandam veritatem dogmatum S. Fidei esse de fide, sed possunt esse aliquot, quæ sint solum probabiles, & pro tali eo sculo habebatur illa. Quapropter cōmuniter sentiunt Theologi verba illa Concilij *etiam Domine* non esse definitiva earum omnium, quæ dixit Episcopus ille Ioannes Thessalonicensis, ut patet ex contextu, nam definitio de puncto principali, quod erat in controuersia; an scilicet pingendæ, & venerandæ essent imagines, habetur solum post allatas multorum P. P. sententias, quæ afferuntur post verba predicti Ioannis iūdo

dicunt nec etiam approbatam fuisse illam sententiam, quod Angeli essent corporei, nā hæc nec continetur in Decreto Concilij, nec etiam habetur in illa collectione Tharasij Patriarchæ, qua facta Concilium annuit illis verbis *etiam Domine* collectio enim illa non solum fuit brevis & recta, sed etiā paucis optimè exprimens principale intentum predicti Episcopi Thessalon. Duo hic obiter aduerto circa hoc factū. Primum est à quibusdam Neotericis sequentibus Doctrinam Gregorij de Valenria tomo primo in prima partem Disp. 4. Generali q. 2. in qua agit de substantia Angelorū. *Secundū* doceri Ioannē illam falso citasse Basilium, & Athanasium pro sua sententiā; quod Angeli essent corporei. Hoc enī mihi videtur durissimum ad credendū; eo quod venerabilis ille Episcopus, quem Concilium Beatum appellat, loquebatur tunc coram Cōcilio Generali, quod constabat ex trecentis quinquaginta Episcopis, ut patet ex actione 3. dicti Concilij in relatione subscriptionis, quorum plurimi erant Græci, & in operibus horum S. S. P. P. & suorum Doctorum peritissimi; vnde non est verisimile, eum voluisse asserre in re tanti momenti id, de quò potuisset argui de mēdatio, & impostura. Præterea non est credibile quod si falso citasset, non habuisset in tam magna congregatio-

ne.

ne Venerabilium P. P. & D. D. nec
vnum reclamantē, & re vera, quoad
S. Basilium nullus poterat reclama-
re; nam hic S. Doctor in lib. de spiri-
tu Sancto cap. 16. non solum vult
Angelos esse corporeos, sed etiam
in proprijs corporibus videri posse,
& viſos aliquando fuisse docet. Fal-
litur ergo P. Valentia; & qui cū eo
sentiant in hoc puncto.

Alterum quod aduerto in presen-
ti est id quod notat Pater Bartholo-
mæus Carrāza in summa Concilio-
rum in dicta Actione quinta prædic-
ti Concilij Nicæni, nempe hanc cō-
trouersiam an Angeli sint corporei
nec ne, nondum esse S. Ecclesiæ cen-
suratè terminatam.

Dices 2. S. P. N. Augustinū Epist.
111. & 115. lib. 3. de Trin. cap. 11.
in expositione Ps. 85. & 145. & in
Enchiridione cap. 59. & alibi doce-
re Angelos esse corporeos, & solum
dubitare, an corpora Angelorū sint
tractabilia, in dō lib. 3. de Genesi ad
adstrā cap. 7. asserere Angelos cō-
sistere ex corpore elementi aeris quē
postea sequuti sunt Rupertus Abbas
lib. primo de Trinitate cap. 11. non
solum in sensū, sed etiam in verbis,
& S. Bernardus Abbas Claræualē-
sis lib. quarto de consideratione ad
Eugenium. Qui tamen postea serm.
5. in cant. dubius de hoc manet, &
dicit rem esse opinabilem propter
varias Patrum sententias: ergo non
licet sequenti Doctrinam S. P. Au-

gustini recedere ab eo in sententia
hac. R. aliqui non esse mirū hos PP.
& illos supracitados. hanc tenu-
isse sententiam, vt probabim, vel
sub dubio vtriusq; opinionis funda-
mēta exposuisse, nā tunc plures erāt
Seētores doctrinæ Platonis, quam
Aristotelis, & quidem de S. P. non
est dubium cum ipsemet hoc sæpe
confiteatur, & in lib. Confessionum
dicat S. Senem Simplicianū ei grā-
tulatū fuisse, quod non in alios li-
bros Philosophorum, quam Plato-
nicorum incidisset, eo quod Platonici
ei paucis mutatis fieri poterāt Chri-
stiani. Opinio autem horum Philo-
sophorum; quæ tunc erat probabili-
or, vt patet ex relatis, in obiectione
præcedenti assererat, vt reſertunt
S. Thomas cap. primo, & quarto; &
post ipsum Marsil. Ficinus lib. pri-
mo Theologiæ Platonis cap. 5. da-
ri quatuor ordines substantiarū in-
ter Deum, & nos. Primum appella-
bat Deorum secundorum, id est in-
feriorū ipso vno vero Deo Primo en-
te, & omnium entium Auctore. Se-
cundum intellectuum separatorum
& hos duos ordines incorporeos cō-
ſebat. Tertium vocabat Animarū
caelestium, ponebat enim corpora
caelestia animata. Quartum vero
Dæmonum in hoc aere, & mundo
sublunari commorantiū, & hos duos
ordines corporeos esse docebat; pro-
pter quos ponebat animas humanas
corpore incorruptibili constare, & in
hoc

hoc visibili, & elementari corpore
esse tamquā Nautas in naui. P. Mat-
thias Hauzeur melius cæteris, quos
huc vique viderim in hoc puncto,
respondet prius in Indice Sacræ
Theologiæ Scholasticæ post secun-
dum tomum suæ Anatomix in ope-
ra S. P. in difficultatibus Angelorū
diffic. 2. dolendo quod tam leuiter
& superficialiter de tanti Auctoris
sententia sentiatur; deinde in obser-
uatione ad cap. 10. lib. 21. de Ciui-
tate Dei vbi S. P. agit de passione
Spirituū ab igne corporeo difficul-
tate prima respondet S. P. non tri-
buisse illis corpora propria, quasi ab
eis informata, & animata, ex propria
opinione, sed ad summum quædam
corpora eis in pœnam à Deo anne-
xa, siuè aerea, siuè ignea in quò ob-
seruat Magistrum sententiarum lib.
2. dist. 8. optimè sensisse de mente
S. P. Augustini nam re vera loco su-
pra citato ex lib. primo retract. cap.
26. ad q. 67. retractat, quod ex Plat.
Schola posuerat *infinos Angelos ani-
maliter vivere*, vt supradictum est,
& cū tribuit corpora eis, potius Dæ-
monibus, quam bonis Angelis assi-
gnat. Ergo illis in pœnam censet
alliganda non ex natura rei. Præte-
rea quia præter loca supra cit. etiam
lib. 15. de Ciuitate Dei cap. 23. ex
professo docet Angelos esse ex natu-
ra sua spiritus. Vltimo quia in dic-
to cap. 10. lib. 21. de Ciuitate Dei
expressè ponit, Angelos esse incor-

porcos his verbis *cur non dicamus
quāuis miris, veris tamē modis etiā
spiritus incorporeos posse pœna corpo-
ralis ignis affligi, si spiritus hominū
etiam ipsi profectū incorporei, & nunc
potuerunt includi corporalibus mem-
bris, & tunc posuerunt corporū suorū
vinculis insolubiliter alligari; adha-
rebunt ergo spiritus Dæmonum immo
spiritus Dæmones, licet incorporei, cor-
poreis ignibus cruciandi; nō vt ignes
ipsi in quibus adhæbunt eorū iunc-
tura inspiventur, & animalia fiāt,
que consistens spiritū, & corpore, sed vt
dixi miris, & inefabilibus modis ad-
hærendo accipientes ex ignibus pœnam,
non dantes ignibus vitam. Quid Cla-
rius? Si dicas etiam in hoc capite S.
Patrē asserere spiritus habere cor-
pora illis verbis *sunt quædam sua, eti-
am Dæmonibus corpora, sicut doctis ho-
minibus visum est, ex isto aere crasso,
atque humido cuius impulsus vento
flante sentitur*. Respōdeo; ex hoc e-
odem loco satis fieri clarum, & ma-
nifestum, quod quando tribuit An-
gelis, aut Dæmonibus corpora; nō
loquitur ex propria sententia; sed
ex sententia Platoniorum; hoc
enim sonant illa verba; *sicut doctis
hominibus placuit*; vt obseruat dic-
tus P. Hauzeur loco citato sic etiā
in lib. 3. de Genesi ad litteram cap.
10. vbi agit de corporibus Dæmo-
num, non loquitur absolute ex pro-
pria sententia; subdit enim *si ergo
hæc ita sunt. Non impedit ista desin-**

estio nostram scripturam, &c. & præterea addit Si quid de his transgressis Angelis diligentius requirendum est, alius erit accommodatio scripturæ locus.

Maneat ergo pro complemento quæstionis huius fixa, & firma regula eiusdem S. P. quam tradit in dicto cap. 10. lib. 2. de Civitate Dei *Si quisquam nulla habere corpora Dæmones assenerat, non est de hac re aut laborandum operosa inquisitione, aut contentiosa disputatione certandum.* Quæ postea de more sequutus est S. Thomas, & q. 16. de malo art. primo docuit quàm cunq; sententiam quis asserat, non multum pertinere ad Doctrinam Fidei christianæ cum neutra sit de Fide. Sic etiam in resp. ad 2. explicat locum illum S. Gregorij in quo dicitur Angelum esse animal rationale, esse intelligendū meraphoricè propter similitudinem rationis; & in 2. dist. 8. q. 1. art. 1. ad 2. secundum eminentiam perfectionis, & ex eo quod habet virtutem cognoscendi sensibilis non quod sit cōpositus ex materiâ, & formâ: vnde non est audiendus Viues, qui in comment. lib. 15. de Civitate Dei cap. 23. asserit S. P. Augustinū sensisse Angelos bonos, & Dæmones esse corporibus præditos, non enim vltimum ostendit locum cui non conveniat responsio, quâ assignat S. Thomas prima parte quæst. 5. 1. art. primo in resp. ad primū, ubi ait S. P. lo-

qui non asserendo, sed ex opinione Platoniorū, qui ponebant esse quædam animalia aerea, quæ Dæmones nominabantur.

Omittito alia argumenta, ut sunt illa desumpta ex cap. 6. lib. Genesis quod Angeli iuxta versionē Septuaginta genuerint homines Gigantes, & quod res corporeæ non possint agere in puros spiritus, & quod David musica frænaret Dæmonem torquētem Saulem, quia sicut sunt communia, ita communes habent responsiones, de quibus nouissimè agit P. Io. Baptista Gonetus tomo 6. sui Clypei Theologiæ Thomistæ: disp. 2. art. primo § 11. 1.

Exclusa corporeitate Angelorū, exclusa est etiam ipsorum materialitas in scholis eorum, qui tenent ubi nō datur materia, vel quātitas molis nec etiam ibi dari rationem corporis, aut corporeitatis, & vice versa, ut tenent communiter Thomistæ, & ferè omnes Scotistæ, ac etiam plures aliæ Scholæ; verū quia non desunt, ut notavi in principio dubij, asserentes latius patere materiam, quā corpus, & à nulla creatura posse excludi rationem materiæ, esto in quibusdam non sit ratio corporis, ut in Angelis, & hoc esse germanam sententiam S. P. propterea in præsentime remitto quoad Angelos, ad ea, quæ dixi in tertio tomo Philosophiæ naturalis circa animam rationale capite duodecimo pag. 489.

Dico

D

Dico 2, non esse de mente S. P. quod datur in Angelis materiæ propriè dicta. Hoc sic probò: si admitteret in Angelis materiā, vel admitteret materiā corporeā, vel spiritualem; neutram admittit, ergo non est de mente S. P. dari in Angelis materiā propriè dictā.

Maior est certa, nam quodcūque ens quod datur à parte rei, vel est ens corporum, vel spirituale. Hæc enim duo membra adæquatè diuidunt ens reale in tota sua latitudine, ita vt etiam ipse Deus, qui non continetur sub villo prædicamēto: nihilomin⁹ contineatur sub altero ex his membris, idest sub ente spirituali. Minor patet, quia si ex propria sententia admitteret in Angelis corporeitatē, non cōcederet postea ipsos esse incorporeos, vt concedit in supracitato cap. 10. ex lib. 21. de Ciuitate Dei: implicat enim in terminis constare ex materiā corporea, & esse incorporeum; quod verò non admittat materiā spiritualem est clarum ex lib. 7. de Genesi ad litterā cap. 7. vbi expressè eam reijcit his verbis. *At verò illa spiritualis materies, si fuit vlla vnde anima fieret, vel si est vlla vnde anime fiunt, quid est ipsa quod nomen, quam speciem, quæ usum in rebus conditis tenet? Viuit an non? Si viuit, quid agit, quid cōfert vniuersitatis effectū? Beatā nē vitā gerit, an miserā, an neutram? Viuificat aliquid, an ab hoc etiā opere*

vacat, & in quodam secreto vniuersitatis otiosa requiescit? Sine vigili sensu, motuque vitali? Si enim nulla prorsus adhuc vita erat, quomodo esset vita futura, quedam incorporea, nec viua materies? aut falsum est, aut nimis latet: Hic S. P. vlt: adeo apertè reijcit materiā spiritualem, vt locus iste non indigeat explicatione, sed solum attenta lectione. Quidam eruditus lector Doctrinæ S. Bonauenturæ, cui hunc locum obieci: Respondit S. P. negare quidem materiā spiritualem: sed admittere materiā, quæ nec sit corporea, nec spiritualis, quæ postea ex coniunctione cū actu redderetur corporea, aut spiritualis iuxta diuersitatem ipsorum actuum, seu formarum. Nouum philosophandi genus, si in rebus materialibus. Eatenus ipsæ formæ dicuntur corporeæ, & materiales quatenus educuntur de potentia ipsius materiæ; ergo non à forma habet materia vt sit corporea; Sed potius è contrā habet ipsa forma à materia vt sit corporea, & materialis. Præterea si hoc effugium esset verum possemus pari ratione omnem gradum genericum ponere à parte rei non solum ratione nostra, sed etiam realiter contradistinctum à gradu differentiali, qui postea per coniunctionem physicā, & realē cum differentia ipsa illum contrahentem constituat talem speciem. Quid ni enim hoc non datur, si datur enti-

entitas à parte rei realiter indifferens ad alteram compartem, quæ in se, nec sit corporea, nec spiritalis. Propterea ego arbitror hos Philosophos hallucinatos fuisse circa materiam metaphysicam, quæ non est aliud, quam ipse gradus genericus, quænamadmodum in Scholis communiter ex Philosopho dicitur; eum locum, quæ tenet materia in Physicis, tenere genus in Logicis, & Metaphysicis: & eandem distinctionem realem, quam ponit Physicus inter materiam, & formam, posuisse istos inter ens, & substantiam ex vna parte, & corporeum, & spirituale ex altera parte; ita ut detur entitas, & substantia à parte rei, quæ non sit in se, nec formaliter, nec identicè corporea, nec spiritalis. Si hoc deglutiant, deglutiant etiam dari à parte rei animalitatem; quæ non sit in se nec formaliter, nec identicè rationalis, aut irrationalis, sed per coniunctionem physicam habeat, vel vnum, vel alterum, iuxta diuersitatem ipsarum differentiarum. Si hoc non placet illis, non video quid aliud possit venire nomine huius materiæ indifferentis, nisi fortè recurrant ad potentiam obiectiuam, quæ etiam Logica dicitur, cuiusque rei, & hanc appellent ipsi materiam, & tunc erit questio de voce in qua magis propriè arbitror loqui eos, qui dicunt materiam propriè dictam esse eam, quæ est altera pars com-

positi physici substantialis, &c. quæ definitur à Philosopho *primum subiectum, ex quo aliquid fit, quod si desit in hoc abibit ultimum, &c.* Hæc enim est communior acceptio, & in quaestionibus, de voce illa est magis vera, & propria, quæ est communior, & magis recepta. Propterea in Conclusionem expressi me hic loqui de materia propriè dicta.

Dices 1. S. P. lib. 12. Confessio-
num cap. 17. ait. *Cælum, & terram quidem inuisibilem, visibilemque naturam non indecenter appellatum, ac per hoc uniuersam creaturam, quam fecit in Sapientia idest in principio, Deus huiusmodi duobus vocabulis, esse comprehensam. Verumtamen quia non de ipsa substantia Dei, sed ex nihilo cuncta facta sunt, quia non sunt id ipsum, quod Deus, & inest quedam mutabilitas omnibus, siue maneant, sicut æterna Domus Dei, siue mutentur, sicut anima hominis, & corpus communem omnium rerum inuisibilem, visibilemque materiem adhuc informem, sed certè formabile, unde fieret cælum, & terra, idest inuisibilis, atque visibilis, iam utraque formata creatura, his nominibus enunciatæ, quibus appellaretur terra inuisibilis, & incompressa, & tenebræ super abyssum ex distinctione, ut terra inuisibilis, & incompressa intelligatur materies corporalis, ante qualitatem formæ. Tenebræ autè super abyssum spiritalis materies ante cohibitionem quasi fluidis.*

is immoderationis, & ante illuminationem Sapientia, &c. Similia habet S. P. cap. 18. 20. 21. 28. & 30. dicti lib. 12. Confessionum, & in lib. de Genesi contra Manicheos cap. 5. Adducit etiam solet locus ex lib. de mirabilibus Sacrae Scripturae cap. 1. qui circumfertur inter opera S. P. Augustini: sed re vera non est opus ipsius, ut notarunt D. D. Louanenses in censura dicti libri, & Cardinalis Bellarm. in lib. de Script. Ecclesiasticis in obseruationibus ad opera S. P. ex prædictis igitur locis colligunt Discipuli S. Bonauenturae esse de mente S. P. quod detur in Angelis vera, & realis materies: Sic arguit acriter ex illis P. Matthæus Veglenſis Theologus publicus Patavij in suo erudito lib. de Angelis ad mentem S. Bonauenturae. Q. 26. quæ est de materia Angeli cap. 2. Respondeo ex illis locis nullo modo haberi hanc esse sententiam S. P. primò quia apertè dicit ibi se loqui ex sententia aliorum, nam immediatè ante verba relata supra, ait. *Quid si dicat, & alius?* & immediatè post finem relationis dictæ Sententiæ, quæ absolvitur in fine dicti capituli 17. in ipso principio cap. 18. Statim subiungit. *Quibus omnibus auditis, & consideratis nolo verbis contendere. Ad nihil enim utile est nisi ad subuersionem audientium?* ex quibus manifestum est, & ipsum loqui ex sententia aliorum, & sentire hanc

disputationem tandem reduci ad quæſtionem de voce: secundo constat ipsum non loqui de materia, quæ est substantia, & altera pars compositi physici substantialis, & primum Subiectum formarum substantialium: nam describens materiam de qua loquitur in dicto lib. duodecimo cap. 6. ubi narrat quid olim, & quid tunc sentiret de materia prima, concludit. *Mutabilitas enim rerum mutabilium capax, ipsa est formarum omnium, in quas mutantur res mutabiles. Et hæc quid est? Numquid animus? Numquid corpus? Numquid species animi vel corporis? Si dict potest nihil aliud est, & nō est hoc eam dicerem* (idest materiam de qua ibi loquitur,) & tamen utrumque erat, ut species caperet istas visibiles, & compositas. Et quis non videat hic loqui S. P. de materia in alio sensu, quam comuniter accipiatur à Peripateticis, cum assignet ei pro primo prædicato veluti generico mutabilitatē, & pro prædicato veluti differentiali, quod sit talis mutabilitas rerum, & formarum omnium in quas mutantur res mutabiles. Et quis neget materiam sic explicatam, reperiri in quacumque creatura, quantumvis spiritali, cuius, & ipsa possit esse, & non esse, & posito quod sit, possit habere, has vel illas formas accidentales spirituales, putà intellectiones, volitiones, species intelligibiles, & similes, quæ de facto fuerunt mutare

in Angelis in principio Mundi, cum de gratia in qua conditi erant ceciderunt, & auerterunt se à summo bono. Non loquitur ergo ibi S. P. de materia, quæ sit pars substantialis compositi phycici, quæ sola nunc in S. holis venit nomine materiæ propriè dictæ. Imò reducitur difficultas ad quæstionem de vocè; vti aduertit ibi S. P. Tercio patet etiam ipsum non loqui ex propria sententia, ex eo quod in dicto capite 17. in verbis relatis meminit materiæ spiritalis, eamque contradistinguit à materia corporea; quam tamen reiecit lib. 7. de Genesi ad litt. cap. 7. vti supradictum est ex superfluitate ipsius, cum nullum vsum, aut effectum habeat,

aut habere possit in rebus. Non est ergo de mente S. P. nec materia indifferens ad esse spirituale, & corporeum: nec materia spiritalis loquendo de materia propriè dicta. Quòd si adhuc potentiam obiectiuam cuiusque rei vis appellare materiam, voca vti vis, dummodo enim constet de re, de verbis non curamus.

Claudo hoc dubium ea ipsa clausula, quæ vsum est S. P. in eo absoluto in dicto lib. 12. suarum Confessionum cap. 30. his verbis. *In hac diuersitate sententiarum veram concordiam pariat ipsa veritas, & Deus noster misereatur nostri, ut legitime lege utamur præcepti sine pura Charitate.*



30
A X I O M A T E R T I V M.

Datur in Angelis aliqua compositio
ex lib.6. de Trinitate cap.6.

*Creatura quoque spiritualis, sicut est anima, est quidem
in corporis comparatione simplicior, sine compara-
tione autem corporis multiplex; est etiam ipsa
non simplex, &c. Nihil enim simplex
mutabile est, omnis autem crea-
tura mutabilis.*

D V B I V M.

Quae compositiones sint in Angelis, quae non.



Sunt plures compo-
sitiones, vel ratio-
nis, vel reales, de
quibus fit quæstio
tam à Metaphysi-
cis, quam à Teolo-
gis, an sint in spiritibus creatis. Pri-
ma, quam excogitarunt aliqui est
ex Essentia, & esse. Secunda ex na-
tura, & subsistentia. Tertia ex su-
biecto, & accidente. Quarta ex ge-
nere, & differentia. Quinta est ex
materia, & forma. Sexta est ex parti-
bus quãtitatiuis: de his hoc eodẽ or-
dine breuiter explico mentẽ S. P. &

Dico 1. non dari in Angelis com-
positionem, neque realem, neque
rationis ex Essentia, & esse. Hæc
Conclusio est terè omnium Nomi-
nialium, qui loquuntur coherenter,
& consequenter ad sua principia, &
sequitur necessariò ex principijs Do-
ctrinæ S. P. eamque sic probo. Om-
nis compositio siuè realis, siuè ra-
tionis requirit extrema distincta rea-
liter, si compositio est realis, ratione
nostra, si compositio est rationis:
Sed inter Essentiam realem, & exi-
stentiam realem non datur distin-
ctio nec realis, nec rationis in vlla

crea-

creatura, & consequenter, nec etiā in Angelis, ergo in eis non datur compositio neque realis, neque rationis ex Essentia, & esse. Maior est certa, & inconfesso apud omnes, tam Philosophos, quam Theologos, vna enim sola simplicissima Entitas, siue gradus si manet solus est indiuisus, & consequenter nō compositus sub paratione sub qua est simplex, & indiuisus. Minorem probaui vniuersaliter de omnibus omnino creaturis in Axiomatibus Metaphysicis S. P. cap. 6, quod est de Essentia, & Existentia, pag. 49. *S. dico 8*, quia Essentia, & esse, seu existentia idem omnino formaliter, & adæquatè significant, ergo non datur distinctio nec realis, nec rationis inter vnam, & alteram requisita ad compositionem, Antecedens probatur ex S. P. in cuius libris nunquam inuenitur nomen essentia, quin significet esse, siue existentiam, ita vt sit principium irrefragabile apud ipsum, in nullo penitus differre Essentiam ab esse; hoc est manifestum ex cap. 12. lib. de Immortalitate Animæ; vbi ait *Primum autem verum est omnis Essentia non ob aliud Essentia est, nisi quia est*, Et in lib. 12. de Ciuitate Dei cap. 2: explicando illa verba, *Ego sum qui sum*, ait, cum Deus summa Essentia sit, hoc est summe sit, & ideo Immutabilis sit rebus, quas ex nihilo creauit esse dedit; sed non summè esse, sicut ipse est, & alijs dedit esse an-

plius, alijs minus, atque ita naturas essentiarum gradibus ornauit: Sicut enim ab eo quod est sapere vocatur Sapientia, sic ab eo quod est esse vocatur Essentia. Si ergo per S. P. omnis Essentia, non ob aliud est Essentia, nisi quia est, profectò nulla est prorsus distinctio inter Essentiam, & esse, qui enim dicit non ob aliud profectò quancumque aliam rationem, & quencumque alium conceptum, in adæquatum excludit. Præterea si quemadmodum à sapere vocatur sapientia; ita ab eo quod est esse vocatur Essentia, vt loquitur hic S. P. cum inter sapientiam, & sapere non detur distinctio, nec realis, nec rationis; ita etiam inter esse, & Essentiam nulla prorsus dabitur distinctio.

Argumenta quæ contra hanc doctrinam adduci possunt habes lococitato producta, & soluta; propterea ad ibi dicta me remitto. Duo solum quæ sunt potiora fundamenta Aduersariorum, placet hic adducere, & soluere.

Primum quod est S. Th. in prima dist. 5. q. 5. art. 2. in corpore, & in secunda dist. 3. q. 3. art. 1. in corpore est argumentum à posteriori. Ex eo quod quæcumque res creata habet causam efficientem, & est tale. Omne quod non habet aliquid, siue esse à se, est possibile respectu illius, sed omnis quidditas, seu Essentia creata habet suum esse ab alio efficiente, & non à se; ergo est possibilis respectu illius.

illius. Ergo in tali quidditate; seu Essentia inuenitur actus, & potentia, & consequenter compositio ex Essentia, quæ est potentia; & ex esse, qui est actus. R: distinguendo maiorem, est possibile respectu illius à quo habet esse concedo maiorem; est possibile respectu ipsius esse, nego maiorem; est enim ipsum esse realiter, & formaliter, quod antequam producat, est obiectiue in mente Diuina, ac proinde Essentia, & existentia obiectiua non adhuc existens extra Deum; quando verò producit, siue est productum, est ipsa Essentia, & esse, siue existentia realis, nulla prorsus data distinctione reali, aut rationis inter essentiam, tamquam potentiam, & existentiam, tamquam actum: Sic etiam distinguo minorem. Omnis quidditas, siue Essentia habet esse ab alio efficiente contradistinctum re, aut ratione ab ipso esse, siue ab ipsa existentia nego minorem, identificatum realiter, & formaliter, tam à parte rei, quam ratione nostra, adæquatè concedo minorem: ergo in tali re &c. nego consequentiam; nihil enim ibi est quod habeat rationem actus contra distincti à potentia villo modo; sed est deceptio nostri intellectus, qui ex modo quo concipit in rebus corporeis compositionem ex materia, tamquam potentia, & forma, tamquam actu, ita distinguit inter Essentiam tamquam

potentiam, & existentiam tamquam actum: cum tamen nihil aliud sint quam duo nomina idein omnino, & eodem modo significantia, & vt vulgo dicitur duo synonyma.

Alterum argumentum quod videtur esse à Priori, & censetur Achilleanum ab Aduersarijs est huiusmodi. Nulla quidditas creata est suum esse: hoc enim est proprium ipsius Dei; ergo distinguitur à suo esse siue à sua existentia; Probatur antecedens, potest intelligi quidditas rei, ignorata existentia ipsius; ergo nulla quidditas creata est suum esse. Probatur antecedens. Quidditas rei creatæ pertinet ad questionem quid est: Esse, siue existentia ad questionem an est. Sed intellecta vnâ questione potest ignorari altera, Ergo intellecta quidditate rei potest ignorari eius existentia; ergo essentia & existentia distinguuntur, vel realiter, vel ratione. R: distinguo antecedens, nulla Essentia, seu quidditas creata est suum esse reale, & obiectiuum concedo: esse enim obiectiuum cuiuslibet creaturæ, quod est in mente Dei, est realiter distinctum ab ipso esse reali creaturæ; quæ fuit producta in tempore. Nulla quidditas creata a parte rei est suum esse reale nego antecedens: Immo nō solum realiter, sed etiam formalissimè est ipsum suum esse: nam sicut ait S. P. *non ob aliud Essentia est, nisi quia est*. Ad id quod additur hoc esse proprium Dei. R:

pro-

proprium Dei esse, ut sit simul, & suum esse reale, & suum esse obiectivum: nam esse obiectivum eiusdem Dei est identificatum cum ipso Deo, non sic creatura, cuius esse reale acceptum est ab ipso Deo distinctum realiter à suo esse obiectivo: quod est in mente Dei, & præterea est etiam proprium Dei, quod suum esse non sit productum ab ulla causa, & consequenter quod sit Essentia, existentia, & ens omnino necessarium; non sic Essentia, siue existentia creaturæ, quæ sicut est contingenter producta, ita potuit non produci; Vnde siue dicatur Essentia, siue dicatur existentia creata semper est contingens, & sic negatur consequentia.

Ad probationem antecedentis. R. distinguo antecedens; potest intelligi Essentia rei ignorata existentia reali, & obiectiva simul, nego: ignorata Essentia, & existentia reali, concedo: potest enim esse quod aliquis ignoret, an res illa quam intelligit sit producta necne; aut si sciat, quod fuerit producta, ignoret, an defuerit esse: sed non potest esse quod ignoret existentiam obiectivam ipsius; nam si illam intelligit, intelligendo dat illi esse, & existentiam obiectivam; hoc enim est ipsum intelligi; existere obiectivè in cognitione alicuius. Ad ultimam probationem,

R. ita pertinere ad quæstio-

nem quid est existentiam obiectivam, sicut pertinet Essentia obiectiva: nam si non existit obiectivè in mente disputantis res illa, cuius Essentiam vult scire, nec etiam erit in mente ipsius eius Essentia; non sic de reali Essentia, siue existentia; nam quod sit in rerum natura pendet ab eo, quod sit producta, & quod non defuerit esse; quibus conditionibus ignoratis, ignoratur etiam, an sit à parte rei; Sed tunc sicut ignoratur existentia realis, ita ignoratur Essentia illa realis, & sic distinguo consequens: intellecta quidditate, & Essentia obiectiva, potest ignorari existentia realis, concedo; potest ignorari existentia obiectiva, & nego; & sic negatur ultima consequentia: Et ecce solutæ omnes vires huius magni Achillis: reliqua, quæ possunt obijci contra hanc Doctrinam, habes adducta, & soluta in axiomatibus metaphisicis loco citato.

Dico secundo in Angelis esse compositionem ex natura, & subsistentia (& sub hac ratione dari compositionem ex actù, & potentia; natura enim habet rationem subiecti, & consequenter potentia, & subsistentia habet rationem actus.) Prob. conclusio, quia sicut fuit assumpta natura humana sine propria subsistentia ad unionem hypostaticam personæ Divinæ, ita potuit assumi natura Angelica sine propria: sed ex hac assumptione colligitur realis

compositio in homine ex natura, & substantia: ergo eadem compositio debet etiam esse in Angelo; de hoc etiam puncto egi in dictis Axiomatibus Metaphysicis cap. 7. quod est de substantia pag. 103. *S. Prosequendo nunc*, propterea ad ibi dicta me remitto.

Dico tertio dari etiam in Angelis compositionem, ex subiecto, & accidente; (& hanc etiam esse compositionem ex potentia, & actu, ut patet) Prob. concl. quia operationes immanentes Angeli sunt accidentia realia, & physica, & possunt adesse, & abesse præter subiecti, id est ipsius Angeli, corruptionem, ut patet in actionibus liberis: ergo de facto in eo est compositio ex subiecto, quod est substantia ipsa spiritualis, & ex accidentibus illis. Præterea sunt in illo habitus supernaturales, species vel inditæ, vel acquisitæ iuxta diuersitatem sententiarum; quæ omnia constât esse accidentia subiecti in quo sunt. Probari solet ab aliquibus hæc conclusio ex eo quod sit solius Dei proprium, quod eius actio sit ipsius virtus, & natura; ac proinde um eo realiter identificata, & propterea quod in qualibet creatura eius operationes sint distinctæ realiter, & consequenter accidentales. Alioquin sicut in Deo ex eo quod eius intellectio, & volitio sunt eius substantia, Verbum, & Amor, qui sunt termini Intellectio-

nis, & volitionis procedunt ut personæ subsistentes, similiter procederent, ut tales, in Angelis, quod est falsum. Valeat quantum valere potest; non enim vacat modo hoc examinare.

Dico quarto in Angelis esse compositionem ex genere, & differentia est communis apud Scholasticos in secundo Dist. 3. q. 1. S. Thomæ, Scoti, Capreoli, Heruei, nostri B. Egidij; ac pariter nostri Thomæ de Argentina ex quibus hic in dicto loco artic. 3. cam sic probat. In eo de quo aliquod genus prædicatur Essentialiter, salua sua naturali distinctione ab omnibus alijs speciebus eiusdem generis, reperitur compositio generis, & differentia, sed Angelus est huiusmodi nam substantia, quæ est summum genus primi prædicamenti, prædicatur æqualiter de spiritibus, & de corporibus; ergo in spiritibus Angelicis datur compositio ex genere, & differentia. Prob. 2. quia omnis natura finita, & limitata, quæ participat conceptum communem multis naturis, à quibus essentialiter differt est composita ex genere, & differentia; Sed talis est Angelus, qui participat conceptum substantiæ communem quibuscunq; substantijs, & conceptum spiritus communem; etiam animabus rationalibus à quibus specie differt; ergo est compositus ex genere, & differentia.

Con-

Contra hanc doctrinam stant Durandus loco citato, & Henricus quodlib. 7. q. 8. ex quibus iste negat Angelos esse in aliquo genere, eo quod careant materia à quâ sola arbitratu esse summendam rationem genericam. Durandus verò concedit quidem Angelos esse in genere, quia ad hoc sufficit, ait ille, quod res sit limitata re, & ratione; negat tamen componi ex genere, & differentia, quia ad hoc requirit, ut sit quid compositum ex pluribus partibus realiter distinctis constituentibus vnum per essentiam; ex quarum vna sumatur genus, ex altera verò differentia; quibus partibus carent Angeli, & omnes res simpliciter, ut etiam accidentia, & præcipuè ea parte ex quâ desumenda est differentia, & sic consequenter negat eos esse compositos huiusmodi compositione. Antequam proponam argumenta, & fundamenta horum D.D. aduerto hic occurrere equiuocationem circa illum terminum, compositio, nam re vera strictè, propriè, & rigorosè loquendo significat plures res vniri simul ad constituendum aliquid; ea propter cum à Theologis postea resoluitur hæc quæstio reducit ad conceptus mentis, quorum alter sit genericus, alter verò differentialis in mente nostra realiter distinctos; ac proinde illa compositio est potius dicenda esse in Intellectu nostro, quam in ipsi Angelis. vnde

esset aptius uti verbo constitutionis; quod est commune, tam ad compositionem, quàm ad illa quæ per identitatem habent ut concurrant in vnâ naturam; Et sic posset dici quod à parte rei Angeli constituuntur ex gradibus generico, & differentiali; in intellectu verò datur compositio illa duorum conceptuum ratione nostræ operationis distinctioû realiter in mente nostra. Verum quia vsus obtinuit, ut sub illo termino proponatur quæstio, & resoluitur per compositionem physicam, & per compositionem metaphysicam. Vtui obtemperans, & à quæstionibus de voce abhorrens sub terminis vsitatis eam resolui. Quo posito ad argumenta aduersariorum procedo.

Dices igitur primo pro Henrico in omnibus alijs rebus genus desumitur à materia, & differentia à forma; Sed Angeli carent materia; Ergo non est vnde desumatur gradus genericus ipsorum & falsum esse absolute loquendo, quod in alijs rebus genus desumatur à sola materia, sed sumitur à tota quidditate rei sub gradu conuenientiæ communiori, & ampliori, quam sit differentia; ac proinde debet concipi, & significari per nomen concretum, quod importat quandam veluti contrahibilitatem, suæ potentialitatem, ratione cuius dicatur in Logicis, & in metaphisicis, se habere veluti materiam; vnde ratione huius similitudinis, &

proportionis dicitur desumi à materia; de cætero non minus desumitur à materia, quam à forma; vt patet in hoc termino, Animal, quod est genus, & tamen nemo potest verè dicere, quod desumatur solum à materia; nam sola materia non est principium sentiendi, quale debet esse Animal.

Dices secundo pro Durando: Naturæ simplices carent differentia, Sed Angeli sunt naturæ simplices; ergo carent differentia, & consequenter non potest dari in eis hæc compositio. Probatur maior, quia differentia significat quale, & propterea prædicatur in quale; sed nihil est in Natura simplici, vt est substantia Angelii, quod prædicetur in quale; ergo naturæ simplices, & Angelicæ carent differentia, Probatur minor, quia, quid quid est in Naturis simplicibus est tota natura rei; Sed tota natura rei prædicatur in quid, non verò in quale; ergo in naturis simplicibus nihil est, quod prædicetur in quale, & cætenus dici naturam rei posse prædicari in quale, quatenus in prædicatione non solum attenditur in significatione nominis res significata; sed etiam modus significandi; quapropter, esto res significata per nomen, quò exprimitur differentia, sit totum, quod est in re, propterea enim ponitur concretum; modus tamen significandi, non est per modum totius, sed per modum partis;

eo quod non significatur per modum subsistentis, sed per modum aduenientis alteri; vnde communiter non significatur nomine substantiuo, vt significatur genus, & species, sed adiectiuo. Præterea non prædicatur simpliciter in quale, vt prædicantur accidentia de prædicamento qualitatis; sed prædicatur in quale quid, quod est idem, ac dicere, quod licet prædicetur ad modum qualitatis, id est vt aliquid, quod est extra conceptum generis, & veluti adueniens illi, prædicatur tamen vt quid essentiale, & de quidditatiuo conceptu illius subiecti, de quò prædicatur.

Dices tertio in Naturis simplicibus si daretur conceptus differentie diuersus à conceptu generis, esset omnino idem conceptus differentie, & conceptus generis, nec possent differre vt totum actuale, & vt pars constitutiua illius, vt debent differre species, & differentia; forent enim æquè determinati conceptus sub indeterminato conceptu generis, ac proinde eadem omnino ratione, quâ vnus esset conceptus speciei, esset etiam conceptus differentie; & sic differentia non esset differentia, sed species, & cum S. Th. opusc. 30. cap. primo conceptus Generis, differentie, & speciei non differre ex parte rei significatæ, sed ex parte modi significandi, nam genus significatur vt totum potentiale; sed prædicatur vt pars potentialis; Differentia

ren-

rentia verò importat quidem totum, sed prædicatur vt pars actualis, designans, & determinans partem potentialem; species verò, sicut & definitio, dicunt totum actuale, vt designatum, & determinatum; species quidem implicat, definitio verò explicat, & sic semper in modo significandi, & prædicandi sunt diuersi conceptus.

Dices quarto in rebus compositis aliud est, quod differt, aliud id, quò differt; aliud id quod constituitur, aliud verò id, quò constituitur; sed simplicia seipsis constituuntur, & distinguuntur; ergo cum differentia sit id, quò species sub genere constituitur, & ab alia specie distinguitur, non habet locum in rebus simplicibus: cuius rei signum est, quod nullæ assignantur differentiæ accidentium; ergo compositio, siue constitutio ex genere, & differentia non habet locum nisi in substantijs compositis. R. communiter compositionem, ex genere, & differentia, non esse realem, sed rationis, vel conceptuum, & idcirco posse sumi ab eadem entitate, modo supra explicato, & falsum esse, quod accidentia non habeant differentias; in predicamentis enim accidentium, dantur, & summa genera ipsorum, & species subalternæ, & infimæ, & consequenter differentia, per quas diuiduntur genera, & constituuntur species. Verum tamen est, quod & in illis, & in

multis alijs rebus, vt plurimum, assignantur proprietates, loco differentiarum essentialium: nam istæ nos latent in plurimis tam substantijs, quam accidentibus.

Huic responsioni, vt sit conformis principijs, quæ posui in Philosophia Rationali, nempe vniuersalia hæc dari à parte rei, quæ postea sùnt prædicabilia per diuersos nostros conceptus diuersimodè significantes, & explicantes illos gradus, qui sunt à parte rei, nec esse habeo addere, quod esto simplicia seipsis constituantur, & seipsis distinguantur; nihilominus beneficio distinctionis virtualis fieri, vt alia sit virtualiter perfectio, quàm substantia, seu natura simplex participat gradum genericum; alia sit virtualiter perfectio, quàm participat gradum differentialem; licet enim sint hæc duæ perfectiones realiter inter se identificatæ; nihilominus beneficio quæritatis virtualis, seu virtutis sit, vt admittant distinctionem virtualem, sicut in rebus corporeis beneficio quantitatis molis admittitur diuisio realis.

Exemplum sit in ipsis Angelis; in quibus perfectio standi, seu essendi per se, in quâ conueniunt cum corporibus, facit vt sint in eodem genere cum istis: Perfectio verò entis intellectiui facit vt differant ab eis; esto hæc duæ perfectiones inter se sint identificatæ.

Per hæc manet inconcussa Regula

la S. P. quam tradidit in Lib. Cathed-
goriarum u. cap. 7. ubi ait, *Ut genus
nullam est, quod non habeat differen-
tiam, sic nec differentiam intelligere
debemus, quæ species non habebit.*

Dico 5. Angelos non esse com-
positos ex materia, & forma, neque
ex partibus quantitativis. Prima
pars huius Conclusionis sequitur ex
dictis dubio præcedenti; Cum enim
ibi conclusum fuerit, non dari in eis
materiam ullam, sequitur per neces-
sariam consequentiam, quod nec
etiam ex ea componantur, quia ta-
men circa hanc compositionem ali-
qua de nouo occurrat propterea
hic de ea specialiter agendum. Sen-
tentia hæc est expressa S. Thomæ q.
50. partis primæ articulo primo, &
omnium Thomistarum; Scoti, & se-
rè omnium Scotistarum; Nostri B.
Egidij, nec non, & Argentinæ, &
Gregorij Ariminensis, & iam in
scholis Augustinianis cōmunis sen-
tentia in lib. 2. sentent. dist. 3. q. p.

Contra eam stant Auicembron:
relatus à S. Thoma loco citato, Alé-
sis 2. parte suæ summæ qu. 20.
membro 2. art. 2. S. Buonaventura
in 2. Sent. dist. 3. art. 1. q. 1. & 2.
Ricardus dist. dicta art. 1. qu. 2. &
art. 2. Aureolus apud Capreolum
in qu. 1. ad dictam dist. S. ad argu-
menta contra primam. Nouissimè
eam docet Mattheus Veglenfis loc.
supra citato. Differunt tamen D. D.
illi inter se quod Auicebron: vult

materiam Angelorum esse eiusdem
rationis cum materia sublunarium.
Alensis, Ricardus, & Aureolus di-
uersæ rationis. S. Buonaventura es-
se eandem secundum essentiam, nō
verò secundum esse.

S. P. non admisit ex propria
sententia in eis materiam, nec con-
sequenter compositionem ex ea sa-
tis constat ex supradictis, quidquid
alij sentiāt in oppositum; patet enim
ex locis supracitatis, & eum reiecisse
materiam spiritualem, & quando
loquitur de materia eiusdem ratio-
nis cum nostra, proficitur se loqui
ex sententia aliorum; & quando re-
fert sententiam Platoniorum, ibi
subdit eos esse incorporeos, & in
retractatione apertè docet nec ex
scripturis, nec ratione ostendi talem
informationem materiæ vel spiri-
tualis, vel corpore; quapropter de
mente S. P. non est ambigendum.

Has observationes ante me fece-
runt D. D. nostræ Religionis, B.
Egidius Columna in secundo sen-
tent. parte 1. q. 1. ad dist. 3. Art. 1.
posita resolutione cum sibi obiecis-
set sententias S. P. relata postea do-
ctrina, quam ipse sequitur per qua-
tuor vias explicata, & probata ver-
sus finem S. Quod verò addebatur de
Augustino super Genesi ad litteram lib.
7. ad illa verba Gen. insufflauit &c.
subiungit.

*Dici debet quod ibi Augustinus nō
loquitur asserendo sed magis inuelli-*

gando, & veritatem inquirendo. ibique aperte ostendit S. P. rejicere tam materiam corpoream, quam spiritua- lem ex anima rationali, & conse- quenter etiam ab Angelo; & cum iterum sibi obiecisset, quod si veller aliquis dicere hoc fuisse de intentio- ne Augustini, quod anima esset fa- cta ex aliqua materia. Respondet, & recte ipsa verba Augustini soluere seipsa hoc est ipsam obiectionem: Nam ait; *pro suo genere querenda est materia animæ, & subdit; si anima quid incommutabile esset, nullo modo eius quasi materiem querere debere- mus, mutatur enim anima à vitijs in virtutes, & è conuerso.* Non ergo quaeremus materiam animæ, de qua fiat quantum ad esse, sed ponamus ibi materiam, quomodo ex vitio fiat virtuosa, vel è conuerso: mate- ria autem huius est ipsa anima; Ani- ma enim vna, & eadem existens nec est virtuosa, nec vitiosa; erit ergo anima materia animæ vitiosa, vel materia animæ virtuosa, &c.

Hic est discursus nostri B. Ægidij iisdem verbis ipsius: quo clarè ex- plicat mentem S. P. esse, nullam aliam nec in Anima, nec in Ange- lis ponere materiam nisi mutabilita- tem ipsam in ordine ad formas acci- dentales; & si placet etiam addere potes potentiam ipsam substantiæ Angelicæ in ordine ad substan- tiam, si ponis eam distingui, vel vt rem, vel vt modum ab ipsa entitate

Angeli. Eodem modo penetrat men- tē S. P. noster Thomas Argentina in quæst. prima ad dictam. dist. 3. art. primo in quo cum sibi obiecisset pro- 6. Argumento tres Auctoritates S. P. vnā ex lib. 12. Confess. ex cap. 20. vbi exponens illud *Gen. prim. In principio creauit Deus Cælum, & ter- ram* ait *In principio*, idest in Verbo suo sibi coeterno fecit informem materiam spiritualis, & corporalis creaturæ. Secundam ex lib. 7. de Genesi ad litteram cap. 28. vbi vi- detur velle, quod sicut in corpore quaeritur materia, de qua factum est; sic etiam in anima sit requirenda ma- teria, de qua facta sit. Tertiam pari- ter ex lib. 4. de Gen. ad litteram cap. 3. vbi dæmones dicuntur animalia aerea, & Angelos habere corpora sibi naturaliter vnita. Postea in R. ad sextum sic aperit mentem S. P. Ad sextum dicendum quod in pri- mo dicto, vt apparet ibidem ex di- ctis Augustini, ipse non loquitur ibi secundum opinionem propriam, sed secundum dictum Augustini dicen- dum, quod non loquitur ibi deter- minatiuè, sed inquisitiuè, quod ap- paret, quia postea opppositum istius concludit dicens, quod anima nec facta est de materia rationali, quia sic fieret anima de anima, nec de mate- ria corporali. Ad 3. dictum Augu- stini dico quod Augustinus non di- cit hoc assertiuè, sed opinatiuè, reci- tando dicta aliorum, vt etiam appa- ret.

ret ex suo modo loquendi: quia ipse ibidem dicit: *Dæmones aerea dicuntur animalia*, non enim dicit sunt, sed dicuntur. Hæc ibi habet Argentina.

Hæc studio notavi, eo quod quidam Sæctator Doctrinæ S. Buonaventuræ obiecit mihi quod in hac parte essem singularis inter discipulos S. P. Augustini; & quod in hoc puncto non attingam mentem S. P. eo quod in Tom. 3. Philosophiæ Naturalis cap. 12. quod est de simplicitate, & spiritualitate Animæ rationalis reiecerim ab ea compositionem ex quacumque materia tam corporea, quam spiritali; In quo an fuerim singularis, & an id iure fecerim, non solum dictus Lector, & discipuli eius, sed etiam quotquot de hac re ambigunt ex supradictis facile colligere poterunt; ubi enim concurrunt in eandem Sententiam S. P. Thomas, & noster B. Egidius, ut est in præfenti, non licet Theologo Augustinianæ familiæ Excalceatorum ab ea recedere ex lib. 2. nostrorum Const. cap. 5. §. 7. In hoc ergo, & vi Legis, & vi Auctoritatis nostrorum D. D. immò S. Ecclesiæ, nō quidem definientis, sed magis in hanc partem inclinantis, & ponderationum, quas adduxi in dicto cap. 12. tom. 3. pag. 431. quas sicut concludunt de Anima rationali, ita à fortiori cōcludunt de Angelis, quas hic modo piget transcribere: sentio

omniñò dicendum esse non dari in Angelis compositionem physicam, & realem ex vna parte substantiali, quæ sit materia, & ex altera parte item substantiali, quæ sit forma. Probant aliqui hanc Cōcl. Auctorit. Sac. Scripturæ Luc. 21. ubi dicitur, quod *Virtutes movebuntur*, quod communiter de SS. Angelis exponitur; ex quo sic arguunt. Quod est materiale non est Virtus, sed virtutem habens; quo pacto homo non dicitur simpliciter Anima, aut Virtus, sed Animam, aut virtutem habens; ergo ex vi huius loquutionis videtur necessariò inferendum tales Angelos nullo modo habere materiam, quæ sit subiectum talis virtutis. Hæc probatio non est admodum efficax; cum enim hæc appellatio virtutis attribuitur vni choro Angelorum, ex secunda Hierarchia ad distinctionem aliorum ordinum; parum refert, quod habeant, vel non habeant materiam; cum enim hæc nomina sint desumpta ab officijs, & non semper accipiantur in toto rigore Scholastico, parum refert ad hoc ut verè dicantur Virtutes in comuni vsu loquendi, quod habeant, vel careant materia. Melius probatur ex illis locis Scripturæ, in quibus absolute Angeli dicuntur Spiritus; hæc enim appellatio non solet in comuni vsu loquendi (nisi fortè per hyperbolè) attribui, nisi Entitati quæ careat corpore, & materia. Melius adhuc probatur

batur secundo Auctoritate S. Dionisij Areopagita, cui multum defuerunt omnes Theologi, & maxime cū de Angelis loquitur. Hic igitur in lib. de Diuinis Nominibus cap. 4. vocat Angelos substantias intellectuales à corruptione morte, & materia mundas, incorporales, & immateriales, & in lib. de Cælesti Hierarchia cap. 1. & 5. querit, & explicat quare immaterialibus substantijs SS. DD. terrenas figuras tribuerint, idem docent S. Ioānes Damascenus lib. 2. de fide cap. 3. & S. Sereninus Boëtius de duabus naturis. Probatur tertio ratione, & discursu cuiusdam Anonymi in doctrina SS. DD. Augustini, & Thomæ valde eruditi sic, Si Angelus esset compositus, ex materia, & forma, vel hæc forma esset Anima, vel non; hoc secundum dici non potest quia ex Scriptura habetur Angelos esse intellectuales: neq; primum; tum quia in eadem Scriptura in qua sæpè agitur de Angelis nunquam fit mentio de animabus ipsorum, sicut fit de animabus hominum; quæ ratio licet sit ab auctoritate negativa, est tamē tanti momenti, vt propterea S. P. N. lib. p. Retract. cap. 11. & 16. & lib. 2. cap. 4. retractauerit quod aliquando improprie dixerat, vtens voce Animarum Angelorum; tum quia, vel hæc Anima esset separabilis à materia, vel esset inseparabilis. Si primum, iam Angelus esset cor-

ruptibilis, & mortalis; si secundum iam essent Angeli inferiores hominibus, seu animabus hominum; nam longè nobilior est Anima separabilis à materia, itaut possit separata existere, quam Anima inseparabilis, quia minus ab illa dependet. Probatur 4. quia, vel illa materia est eiusdem rationis cum materia corporū naturalium, vel diuersæ; hoc est spiritualis, vt vult Alensis, & alij, vel materialis, vt volunt Auctores supracitati: Hoc secundum esse non potest, quia hæc materia corporum, vt constat experientia, & ex capacitate, & potentia naturali ipsius ex sua natura postulat quantitatem tamquam propriam passionem, & per illam posse extendi, & diuidi cum alijs prædicatis quantitatis molis. Ergo si Angelus habet talem materiam, habebit illam cum quantitate, alioquin non haberet id, quod ex sua natura postulat, quod naturis rerum repugnat; Est enim impossibile quod secundum naturalem ordinem rerum sit in aliqua materia modo illi præter naturali. Nec primum potest dici, tum quia cum materia sit propter formam, & non è contra, ideo forma illi vnitur, quia illa indiget, vel ad constituendum essentiam compositi, vel ad operari, alioquin si ad neutrum illa egeret non ordinaretur forma ad compositionem cum tali materia, nec esset actus naturalis illius, & talis materia ad neu-

trum deferuire posset formæ Angelicæ; non ad esse, quia cum Angelus sit substantia intellectualis, & subsistens, debet esse independens à materia; non est sic de forma hominis, quia licet sit intellectualis, cum tamen sit ordinata ad constituendum hominem, qui est essentialiter ens corporeum, non potest constituere hoc ens sine aliqua materia, quæ propterea in eo debet esse corporea. Nec indiget ea ad operari, quia neque ad intelligere, cum materia quæ cumque illa sit, non possit esse principium talis actionis, neque elicitiuum, quia hoc debet esse actus substantialis, & spiritualis, neque receptivum cum sit actio, maximè immanens intra principium, à quo elicitur, neque ad mouere, quia res, quo magis est immaterialis, eo facilius mouet, ut patet in primo Motore, qui est in summo gradu immaterialitatis, & tamen mouet omnia immotus, & præterea ordo, & gradus substantiarum incorporarum est actiuior, quam quælibet substantia corporea, & extensa; ut est videre in motibus corporum cælestium; ergo

repugnat dari in illo ordine entitatem substantialem per modum puræ potentie indigentis forma substantiali, ac realiter distincta ad constituendum Angelum. Prædicta ratio de materia spirituali est desumpta ex S. P. N. libr. 7. de Genesi ad litteram, ubi illam reiecit cap. 7. ex iisdemmet capitibus, quia scilicet assignari non potest necessitas eius, nec ad constituendam speciem, nec ad videndum, nec ad operandum; verba eius supra retuli propterea non repeto.

Secunda pars Conclusionis, in qua negatur compositio ex partibus quantitatis, sequitur per necessitatem, & immediatam consequentiam ex supra dictis. Vbi enim non est proprium subiectum alicuius accidentis, nec etiam ibi naturaliter est tale accidens. Atqui subiectum proprium, & naturale quantitatis molis est materia prima, ut habetur lib. 7. Metaphysicæ, text. 8. Ergo si in Angelis non est materia, nec etiam erit quantitas molis, & consequenter nec etiam compositio ex partibus dictæ quantitatis.



AXIOMA QVARTVM.

Datur Differentia inter Spirituales Creaturas, quæ tamen an specifica sit, à nobis ignoratur.

Ex lib. ad Orosiũ contra Priscillianistas, & Origenistas cap. 2.

Esse Sedes, Dominationes, Principatus, Potestates in Cælestibus apparitibus firmissimè credo, & differre inter se aliquid indubitata fide teneo; Sed & quanquam ista sint, & quid inter se differant nescio Neque sanè ignorantia periclitari me puto, sicuti in obedientia, si Domini præcepta neglexero.

D V B I V M

Vtrum Angeli differant specie inter se.

Quæstio ista procedit tam de possibili, quam de facto. De differentia numerica inter eos non est dubium; certum est enim eos verè, ac propriè differre numero inter se, tamquam singularia quædam verè indiuidua, non autem vt vniuersales aliquas species quales Aristoteles Platoni falsò attribuit; in Scholas ab eo esse inductas.

Probari etiam hoc potest, quia scriptura Sacra passim commemorat eorum ministeria, & varias actiones erga homines. Actiones autem sunt singularium. Præterea verè existunt in rerum natura, quod esse de fide supra ostensum est. Quidquid autem existit est indiuiduum, & singu-

lare, vt docent Philosophi. Difficultas nunc est inter Theologos Vtrum vel omnes Angeli, vel aliqui eorum ita differant numero, ac officio, & dignitate, vt simul etiam conueniant omnes in eadem specie atomi. An verò aliqua multitudo sit vnius speciei; Alia verò alterius speciei, &c. An verò ita differant specie inter se, vt sint tot in vniuersum Angelicæ species, quot sunt, numero Angeli indiuidui, & singulares: In hac quæstione nihil habemus de fide compertum, neque circa quæstionem de facto, neque de possibili; sed res incerta est, in qua sunt duæ Metaphys. & Theologorum sententiæ.

Prima sententia est neque esse,
F 2 nec

nec etiam esse posse plures Angelos eiusdem speciei. At omnes, & singulos differre specie: Hoc habet D. Th. prima parte q. 50. art. 4. in lib. 2. contra Gentes c. 93. & in Tract. de Ente, & Essentia cap. 5. Sic etiam Auicenna lib. 5. Met. c. 5. Herueus in 2. dist. 3. qu. 2. Abulensis Paradoxo 4. c. 34. & qu. 29. in c. 21. lib. Numerorum. Capreolus in 2. dist. 3. qu. p. Concl. 5. & Caietanus in Cōment. dicti articuli prædictæ q. 50. primæ partis, & in Quæstione peculiari in caput illud 5. de Ente, & Essentia, & communiter Sectatores D. Thomæ hoc tenent, sed circa possibilitatem; an sit solum respectu potentie ordinariæ, an verò etiam respectu potentie absolutæ est dissensio etiã inter ipsos; nam Caietanus & plures alij cum eo sentiunt implicare contradictionem; ut sint plures Angeli eiusdem speciei, & consequenter nec etiam per dictam Potentiam posse esse plures eiusdem speciei. Aliqui sentiunt hoc solum esse respectu Potentie ordinariæ, & non implicare contradictionem, licet de facto non sint, & pro hac parte citantur Capreolus loco citato, Ferrariensis nosster in dictum cap. 93. lib. 2. contra Gentes. Sanez in primam partem loco citato. Soncinas lib. 12. Metaph. qu. 50. & hanc dicunt esse germanam sententiam D. Thomæ.

Secunda sententia extra Scholam

S. Tho. est communior esse posse, & de facto esse plures Angelos eiusdem speciei, ita sentiunt Beatus Albertus magnus 2. p. Tract. 2. qu. 8. S. Bonaventura in 2. dist. 3. part. p. art. 2. qu. 1. Alensis p. 2. suæ summæ q. 29. memb. 6. articulo secundo. Scotus eadem dist. q. 7. Gabriel. qu. 1. Noster Thomas Argentina eadem dist. qu. 2. art. 2. & alij, plures propterea.

Dico primo possibile esse aliquos Angelos solo numero differre: Prob. hæc assertio primo ratione illa, qua vtitur Scotus loc. cit. Omnis natura creata quantum est de se, & de ratione suæ speciei est cōmunicabilis pluribus suppositis, & indiuiduis, sed quod est hoc modo cōmunicabile non repugnat ei, vel naturaliter, vel supernaturaliter multiplicari numero; ergo omnis natura creata, & consequenter Angelica potest, vel naturaliter, vel supernaturaliter à Deo numero multiplicari. Maiorem probat Scotus; quia nulla natura creata est de se hæc; hoc enim est proprium Diuinæ Naturæ, Ergo non exigit magis esse in vno indiuiduo, quam in alio. Eandem maiorem probant aliqui Thom. ex eo quod S. Doctor prima parte qu. 7. art. 1. in corp. & in qu. de spiritualibus creaturis art. 8. ad 4. & lib. 7. Metaphisicæ lect. 13. & alibi docet; Intellectum nostrum intelligere naturam cuiuslibet speciei per abstractionem.

tionem à singularibus; ergo esse in vno, vel in pluribus est præter rationem naturæ specificæ; ergo seruatō intellectū naturæ specificæ potest illa intelligi, vt in pluribus existens, quod non posset esse, si esset ei essentialē esse ita in vno, vt non posset nec etiam per absolutam potentiam esse in pluribus, nam illud solum est verè essentialē alicui; sine quo res illa nec esse, nec intelligi potest. Præterea idem Doctor Angelicus in prima parte qu. 11. art. 3. & in primo dist. 14. qu. 4. art. 2. & alibi docet naturam Diuinam, quæ est suum esse non posse per diuersa esse numero multiplicari, nec esse Vniuersalem; sed esse Essentialiter hanc ad distinctionem omnium naturarum creatarum, quæ possunt fieri vniuersales, eo quod non sunt Essentialiter suum esse. Postremo probatur dicta maior: quia ita se habet natura specificæ ad differentias indiuiduales; si uti se habet generica ad specificas; nam species, & indiuiduum sunt composita Metaphisica; sed natura generica v. g. animalis, ex eo quod de se non est vltima differentia, potest cum pluribus coniungi, siue in pluribus reperiri; ergo etiam specifica propter eandem rationē poterit esse in, & cum pluribus differentijs indiuidualibus. Hæc postrema ratio apud me habet vim demonstrationis, Minor primi argumenti probatur quia de facto non posse mul-

tiplicari in pluribus indiuiduis naturā, quæ de ratione suæ speciei est communicabilis multis indiuiduis prouenit ex eo, vt docet Sanctus Thom. lib. 7. Metaph. lect. 13. & lib. primo Perhiern. lect. 10. quia talis naturæ communicabilitas impeditur, vel primo ex eo, quod tota natura comprehenditur in vno indiuiduo; vel secundo quia perpetuò conseruatur in vno indiuiduo, vt patet in Sole; vel tertio quia forma est tota in hac parte materiæ, & natura in hoc numero indiuiduo; vel quarto quia forma illa completa in ratione talis Entis Spiritualis non est apta nata recipi in materia, ex cuius sola diuisione volunt plures Peripathetici, & cum eis ferè omnes Thomistæ oriiri diuisionem numericam; Sed nihil horum obstat, quominus Deus, saltem de Potentia absoluta possit Angelos multiplicare numero; ergo possibile est saltem per Diuinam Omnipotentiam esse plures numero Angelos in eadem specie. Probatur hæc Minor, quia non impedit primum, neque secundum, eo quod multiplicatio numerica formarum, quæ naturaliter sunt, & conseruantur, pertinet in Doctrina S. Thomæ qu. 6. de Potentia art. 2. ad 3. & in secundo Sententiarum dist. 18. qu. 1. art. 3. incorp. ad ea, quæ sunt impossibilia naturæ, impossibilitate orta, non ex repugnantiā terminorum secundum affirmationem, & negationem, sed

ex defectu potentiae Creaturarum, vel ex aliquo impediēte resistente: quo pacto est impossibile respectu Creaturarum fieri plures Soles, & plures Mundos, & resistente voluntate Dei, quæ solum vult vnum esse Solem, & vnum Mundum, & defectu potentiae in ipsis Creaturis, quæ non possunt producere, nec Solem, nec Mundum. Non sic respectu Diuinæ Omnipotentiae absolute consideratæ. Habetur hæc Doctrina in S. Thoma, qu. prima de Potentia art. 3. & in lib. primo Sent. dist. 42. qu. 2. art. 2. in corp. Cum igitur Deus, vt docet S. Thomas ibidem, possit facere quidquid non implicat contradictionem poterit facere ea, quæ sunt impossibilia viribus naturæ creatæ, prædictis duobus modis; ac proinde, sicut potest creare plures Mundos, & plures Soles, ex eodem Angelico Doctore locis citatis, sic etiam poterit facere ea, quæ sunt, aut præter, aut supra naturam; ac etiam ea, quæ nobis videntur esse contra naturam; Nam respectu Dei, nihil est contra naturam, aut supra vires ipsius potentiae: Omnis enim natura creata ad nutum eius obedit, & omnia sunt ei æqualiter subiecta, cū eius Omnipotentia sit infinita, & infinite superans omnes Creaturas; ergo ex prædictis duobus primis capitibus non repugnat quin Deus possit multiplicare Angelos intra eandem speciem, nec etiam in Sen-

tentiam S. Thomæ. Tertium caput libenter admittimus; non enim volumus, quod sicut multiplicari numero potest natura specifica albedinis, licet hæc numero multiplicari non possit, ita possit multiplicari numero ipsa natura indiuidua Gabrielis, licet non ipse Gabriel. Nec etiam impedit Quarrum, tum quia in Doctrina S. Thomæ non est vnica causa: multiplicationis numerice absolute loquendo diuisionis materiæ; sed vel hæc, vel potentialitas ad esse, seu distinctio quidditatis, seu Essentiæ ab existentia, quam cum eodem Angelico Doctore communiter mordicus propugnat eius Schola. Nam, & in primo Sententiarum dist. 2. qu. prima articulo primo, vt locis supra citatis ex eo inferit Deum esse vnum numero, & multiplicari non posse, quia in Deo neque est materia, neque est potentialitas ad esse, sed est suum esse; At in Angelis, & est potentialitas ad esse, cum nulla Creatura in Sententia S. Thomæ sit suum esse, vt habet opuscul. 30. & opuscul. 42. ergo etiam secundum eundem Angelicum Doctorem poterit multiplicari numero Angeli in eadem specie; tum quia, licet naturaliter loquendo velit vnica causam diuisionis numerice multiplicationis esse diuisionem materiæ, quod est desumptum ex Philosopho lib. primo de Cælo à textu 92. vbi negat posse esse plures Cælos eiusdem rationis; eo quod

quod forma occupat totam materiam, & lib. 7. Metaphys. tex. 28. & lib. 10. tex. 25. ubi ait homines differre numero ex materia, non ex forma, & lib. 12. Metaph. textu-49. negat posse esse plures numerò Motores cuiusque Orbis Cælestis, quia quæcumque sunt vnum specie, & plura numerò habent materiam; Motores vero Cælorum sunt immateriales. Ex dictis patet magis ad mentem S. Thomæ differere Thomistas illos, qui docent, diuinitus posse dari plures Angelos intra eandem speciem solo numerò differētes, quàm illi, qui negant. Quibus addo hoc constare etiam ex alijs capitibus. Primo quidem, quia aliquando vtitur ratione illa, quam supra adduximus pro principali ex Scoto desumpta, vt in supradictis constat eiusdem locis citatis. Secundo quia Opusc. 32. apertè docet principium indiuiduationis non esse dimensiones quãtitatis; eoquod quantitas est accidens, indiuiduum vero est substantia; sed solum per illas demonstrari ait indiuiduū hic, & nunc tanquam per signum proprium indiuidui. Tercio; quia in quodam codice manuscripto inuento in Bibliotheca Cænobij S. Marci Florentiæ Relig. PP. Prædicatorum sub titulo S. Thomæ; habentur duæ celebres quæstiones; quarum prior est de principio indiuiduationis, posterior vero est de motoribus Cælorum. In fine prio-

ris dicit, & docet Principium indiuiduationis animæ, & consequenter rerum Spiritualium esse multiplex; & primo quidem principium effectiuum indiuiduationis esse Deum; secundo materiale respectu ipsius animæ esse corpus; tertio principium formale esse ipsam entitatem animæ, ipsa enim se indiuiduat per modum principij formalis: Ex quibus patet ipsum sentire nec etiam in rebus corporeis adæquatum indiuiduationis principium esse materiam affectam quantitate. Quarto expressè in Opusc. 16. dicit, ruditer argumentari eos, qui probant non posse multiplicari intellectus; quia ex natura sua non habent causam multiplicationis numericæ; nam licet intellectus non habeat illam ex natura sua; posset tamen illam fortiri ex naturali causa. Horum verborum S. Th. sensus non est ille quem eis tribuit Vasquez; scilicet, quod Voluntas Dei possit esse formale principium indiuiduationis; hoc namque apertè implicat; Deus enim nequit supplere vicem causæ formalis intrinsecæ; propterea ipsemet Angelicus D. loco supra citato docet; Deum esse solum principium effectiuum indiuiduationis, & principium formale sumendum esse solum ex entitate rei. Sensus ergo Doctrinæ Angelicæ est quod cum natura Angelica ex proprijs principijs naturalibus siue intrinsecis, siue extrinsecis non exigat neces-

necessario pluralitatem indiuiduorum, sicut exigit natura materialis, non nisi supernaturaliter ex Diuina virtute procedere debet in illis multiplicatio numerica; Deus enim in agendo se accommodat rebus agendo modo illis proportionato iuxta exigentiam illarum secundum propria principia naturalia.

Quæres hic vndè habeatur quod natura materialis corruptibilis exigit pluralitatem numericam intra eandem speciem, & quod eam non exigit Natura Spiritualis completa R. communiter Thomistæ hanc exigentiam in rebus corporeis haberi ex quadruplici capite. Primo ex parte ipsius materiæ, cum enim hæc exigit naturaliter sub quantitate existere, & per illam in varias partes extendi; naturaliter potest secundum eandem partem successiue, vel secundum diuersas simul varias formas eiusdem rationis recipere, & positis ab agente naturali dispositionibus requisitis necessario illas exigit. Secundo ex parte formæ; nam hæc proportionatur materiæ; vnde sicut materia per quantitatem diuiditur in partes eiusdem rationis, ita & formæ; præterea cum forma introducatur in partem materiæ, non autem in tota materia; vnde fit vt sit minor in entitate quam esset si in tota introduceretur, limitatur à parte materiæ vt possit, vel in illa eadem parte materiæ successiue, vel

in diuersis numero partibus simul multiplicari. Tertio dicunt huiusmodi exigentiam haberi ex parte Agentis; cum enim hoc sit multiplex numero nec vnum possit in totam materiam agere, sed tantum in partem; necessario, vel in illa eadem; vel in diuersis alijs partibus reliquit locum alijs agentibus inducendi formas eiusdem speciei. Quarto haberi dicunt ex fine; vnde sumitur ratio necessitatis materiæ; finis enim multiplicationis numerice est conseruatio speciei, vt habetur lib. 2. de Anima Text. 33. Species enim in vno indiuiduo corruptibili conseruari non potest, & hinc oritur necessitas vt materia debeat esse in potentia, secundum varias sui partes, vel secundum eandem successiue ad plures formas eiusdem speciei. Ex his quatuor capitibus igitur oritur exigentia multiplicationis numerice in natura materiali corruptibili iuxta principia Scholæ S. Th. Non sic est in natura immateriali completa, quæ ex nullo prædictorum quatuor capitum exigit pluralitatem numericam: non enim exigit ex parte materiæ, cum ea careat; neque ex parte formæ; hæc enim sufficienter secundum totam perfectionem intensiuam, & entitativam existit in vno indiuiduo; ac proinde diuisio illi naturaliter competens secundum modum suæ naturæ, est solum formalis, & essentialis, non verò numeri-

ea, vt patet in formis cælestibus, quæ vnicum solum indiuiduum naturaliter exigunt; cum tamen debuissent plura indiuidua eiusdem rationis produci, si numerica multiplicatio ab illorum natura exigeretur. Præterea cū differentiæ indiuiduales non perficiant essentialiter naturam specificam, eo quod sint extra quidditatem illius, non exiguntur ab illa plures, nisi propter conseruationem speciei, quæ ratio cessat in formis materialibus occupantibus totam materiam, siue constituentibus composita incorruptibilia, & in Naturis spiritualibus, putà Angelicis. Nec exigitur ex parte agentis qui est infinitæ virtutis, cum sit ipse D. O. M. Nec denique ex parte finitis.

Natura enim Angelica, cum sit spiritualis, est immortalis, & incorruptibilis, & solum per annihilationem potest desinere; & propterea in vnicò indiuiduo potest conseruari. Hæc sunt præcipua fundamenta in Schola Thomist: pro solutione huius difficultatis, quantum potui colligere ex classicis D. D. illius supra relatis; quæ placuit hic breuiter, & clarè proponere tum propter variam eruditionem, quam continent, tum etiam, vt illis expensis, possim colligere, & inferre quid sentiat S. P. in hoc puncto.

In his aduerto primo non esse certum Angelorum multiplicationem intra eandem speciem solum extra-

ordinariè, & per solam Diuinam Omnipotentiam absolutè consideratam, non vero de lege ordinaria posse haberi, immò de facto haberi; quia ex nullo principio Theologico, aut Philosophico potest hoc certo probari. Precipuum enim fundamentum Sententiæ Thomisticæ est illud Axioma Aristotelicum supra relatam, quod naturaliter loquendo principium multiplicationis indiuiduorum intra eandem speciem sit materia signata, siue affecta quantitate; quod tamen hodie extra Scholam S. Thomæ non est communiter receptum.

Aduerto secundo quod licet ex illis 4. capitibus relatis non habeatur, quod Natura Angelica exigat multiplicationem indiuiduorum intra eandem speciem, non tamen inde rectè colligi quod non exigatur; aut saltem si non exigitur quod non possit haberi, etiam operante Deo solum vt Auctore Naturæ, prædicta multiplicitas; nam vltra illa 4. posset assignari ex parte Naturæ Spiritualis indifferentia, quam habet vt sit vel in vno, vel in pluribus indiuiduis: Ex parte Agentis potest Assignari Scientia, Voluntas, & Omnipotentia Diuina, quæ sunt attributa Dei non alligata etiam naturaliter operando ad producendum magis vnum solum, quam plura indiuidua. Denique ex parte finis posset assignari etiam pulcritudo Vniuersi, &

non solum conservatio speciei; quemadmodum enim in sententia valde probabili ponuntur plures celi eiusdem speciei ac etiam plura sydera intra eandem speciem etiam ab illis, qui ponunt illa esse incorruptibilia; ita ut tota diversitas, quæ in eis apparet, non ex differentia specifica; sed vel ex differentia individuali, vel ex differentiis accidentalibus proveniat, tam in figura, quam in coloribus, vel etiam in operationibus quemadmodum in his individuis corruptibilibus videmus intra eandem speciem maximam diversitatem, & varietatem in his omnibus, quibus positis.

Dico tertio tres esse plausibiles sententias circa questionem de facto nam Thom. tenent omnes Angelos de facto differre specie, Alij omnes esse eiusdem speciei, Alij verò dari plures species, & intra quamcumque speciem dari plura individua, & unamquamque ex his tribus sententijs habere Patronos graves, & rationes probabiles non contemnendas.

Prima Sententia, quæ est communis inter discipulos S. Thom. & à qua solus nostrum Franciscum Sylvestrum Ferrariensem lib. 2. contra Gentes c. 55. scio discessisse quam etiam sequuntur noster B. Egidius quodlib. 2. qu. 2. & noster Thomas Argentinensis 2. dist. 3. qu. 2. art. 2. Probatum ab illis primo hac ratione.

Quando non constat Deum de facto fecisse aliquid de potentia absoluta, dicendum est fecisse id; quod conveniebat, & exigebat natura rei, secundum propriam naturam, & principium; sed non constat de facto Deum per absolutam potentiam, vel omnes Angelos, vel aliquos solo numero differentes creasse; constat autem ex supradicta Doctrina eorumdè Thom. multipliciter numericam non exigere naturam Angelicam secundum rationem speciei, & propria principia naturalia; ergo dicendum est omnes Angelos differre specie. Maiorem probant, quia Deus secundum potentiam ordinariam operatur modo proportionato, & accommodato rebus, & juxta exigentiam ipsarum; hoc enim pertinet ad perfectionem ipsarum rerum, & totius Univerſi, ut quod à Deo factum est, sit perfectum. Minor probatur, quia hoc non constat, ex S. Scriptura; nam quod in ea dicatur multos Angelos ministrare Deo, mitti ad custodiendos homines, vel ad alia munera obeunda, & quod omnes Angeli Sancti simul cum hominibus Beatis constituent unam Rempublicam, siue Civitatem Sanctam Hierusalem, non arguit pluralitatem numericam intra eandem speciem; nam hæc omnia stare possunt cum diversitate specifica singulorum Angelorum inter se; utrumque enim stare potest cum diversitate specifi-

ta naturæ; ratioque ministerij non est potius huius naturæ intellectua-
lis, quam alterius, vt videre est in
hominibus, & Angelis; pendet nam-
que ex voluntate Dei; Et societas ip-
sa Patriæ cælestis magis fundatur in
communicatione gratiæ, quæ non
postulat identitatem specificam in
Naturâ, quam in ipsâ identitate spe-
cifica naturæ. Probatür secundo,
quia sicut sub genere substantiæ cor-
poræ constat esse diuersas specie
Naturas, ita videtur consentaneum
rationi, quod admittatur etiam sub
genere Substantiæ spiritualis diuer-
sas specifica, & sicut Vniuersitas
Substantiarum spiritualium cum sit
longe perfectior vtraque, & multi-
plicatio numerica non sit per se in-
tenta, sed ob conseruationem spe-
ciei, nec per se faciat ad perfectionē
Vniuersi, cum sit multiplicatio ma-
terialis, non verò formalis, qualis
est specifica, necesse erit dicere om-
nes Angelos inter se specie differre.

Secunda Sententia in qua dicitur
omnes Angelos cuiusque ordinis, &
Hierarchiæ esse eiusdem speciei, &
solo numero differre, est S. Basilij
lib. 3. contra Eunomium, quem se-
quuntur B. Alb. Magn. parte secun-
da Tract. 2. qu. 8. Sanctus Buona-
uentura in secundo dist. 3. art. 2. qu.
prima vbi cum S. Respondio dicen-
dum sub num. 27. marginali retu-
lisset Sententiam Thomistarum sub-
didit. *Nobis nec per Scripturam, nec*

*per dicta SS. nec per Officia innotescit
tanta diuersitas; ideo non videtur nuli
presumptio hoc dicere, maxime cum
non appareat in promptu aliqua ratio
cogens. Subiungit postea opinionem
suam sic. Alia est positio sobria, &
Catholica, quod in Angelis est ponere
distinctionem quantum ad personali-
tatem tantummodo, aut in omnibus,
aut in aliquibus, & concedenda sunt
rationes ad hoc inductæ tum ex parte
ministerij, tum ex parte assimilationis
ad Deum, tum ex parte assimilationis
mutue. Probatür hæc Sententia ra-
tione satis valida deducta ex Doctri-
na S. P. qui in Enchiridione cap. 29.
Respondens Quæstioni cur Deus
voluerit reparare ruinam hominum,
non verò ruinas Angelorum R. Pla-
uit itaque Deo ut quoniam non tota
multitudo Angelorum Deum dese-
rendo perierat in perpetua perditione
remaneret &c. Alia verò creatura ra-
tionalis &c quoniam peccatis, & ori-
ginalibus, & proprijs tota perierat ex
parte reparata, quod Angelice Socie-
tati ruina illa diabolica minuerat, sup-
pleret. At si tota Natura alicuius spe-
ciei saluaretur in vnicō individuo,
iam pereunte vno Angelo tota na-
tura illius speciei periisset; Ergo di-
cendum est totam aliquam Naturam
specificam non saluari in Angelis in
vno individuo, sed vel omnes, vel
saltem plures Angelos solo numero
differentes contineri intra eandem
speciem. R. Aliqui Thomistæ ex*

Doctrina, quam tradit S. Tho. in Q. de Spiritualibus creaturis art. 3. ad primum S. P. N. A. non comparare naturam humanam cum Angelica in Naturalibus, quia ista non perierunt in Dæmonibus, sed in Beatitudine supernaturali, secundum quam solum perierunt, & in hoc docere S. P. distingui totam naturam Angelicam ab humana ex diuersis modis perueniendi ad illam; Omnes enim Angeli conueniunt in hoc quod per unam electionem acquirunt, vel perdunt Beatitudinem irreparabiliter; homo autem discursu temporis paulatim illam acquirit, vel perdit, & ideo absurdum fore totum hunc ordinem deficere ab illa Beatitudine, cum alter totus non defecerit. Hæc tamē explicatio, salua pace, & veneratione quam profiteor DD, qui ea videntur, est nimis violenta; nam modus acquirendi ipsam Beatitudinem, cum sit via ad ipsam, est extra Essentiam, & quidditatem ipsius Beatitudinis. Præterquam quod non repugnat, quod aliquis homo vnico actu electionis in extremo suæ vitæ constitutus in ultimo instanti Beatitudinem acquirat, vt rectè probat Noster P. Ioannes Gregorius à Iesù Maria in suo Opusculo de ultimo instanti; immò aliquibus sic contigisse quandoque apud Sacros Historicos habetur: ex quo patet, mentem, & rationem S. P. esse quod non erat conueniens in illa Monarchia Spirituali

Summi Regis deesse aliquam speciem ex spiritualibus creaturis.

Probatur secundo auctoritate S. Basilij qui lib. 3. contra Eunomium, cum iste Hæreticus obieciisset, *Spiritum S. esse naturam diuersam à Patre, & Filio*, quandoquidem ordine est ultimus in Diuinis personis; R. S. D. hoc non sequi; nam constat in Angelis esse *Ordinem*, & tamen *ultimum Angelum non idcirco esse diuersam naturam ab alijs*. Probatur tertio auctoritate S. Athanasij qu. 4. ad Antiochum, vbi ait; *Vna est, & eadem essentia Angelorum: sicut etiam vna tantum est Essentia hominum*.

Tertiã Sententia, quæ hodie videtur esse plausibilior extra Scho- lam S. Tho. est, nec omnes esse diuersæ speciei, nec omnes omnino esse eiusdem speciei; sed in quacumque specie dari plures Angelos eiusdem speciei. Diuisionem harum Specierum aliqui pro suo arbitratu petunt ex diuersitate Hierarchiarum. Alij ex diuersis choris &c. Præterea sententiam dicunt esse S. Cirilli lib. 3. Thesauri, quem sequuntur Aletius secunda parte qu. 20. memb. 6. art. 1. & 2. Gabriel, Dyonisius Carthusianus, & Marsilius in secundo dist. 3. qu. 3. & serè omnes Scotistæ, nec non, & serè omnes DD. societatis. Probatur communiter hæc assertio oprimo quia ordo, & pulchritudo Vniuersi videtur talem varietatem postulare; vt patet in diuersis in diu-

diuiduis eiuldem ſpeciei in rebus in
 ſerioribus; ſecundo quia cum fides
 doceat inter Angelos varias eſſe
 Hierarchias, & ordines, & propte-
 rea magnam dignitatis diuerſitatē,
 colligitur valde probabiliter eſſen-
 tialis, & ſpecifica diuerſitas inter ip-
 ſos ordines, quod licet aliqui relun-
 dant in diuerſitatem gratiarum pro
 libito Diuinæ voluntatis; Nihilomi-
 nus cum dona gratuita ſint Angelis
 collata iuxta proportionem dono-
 rum naturalium, iuxta D. Tho. vi-
 detur dicendum in tanta multitudine
 eos; qui magis conueniunt in nu-
 meribus gratiæ, conuenire etiam in
 prædicatis eiuldem nature ſpecificæ.
 Probant alij ex eo, quod ideo dicun-
 tur homines prædeſtinati ad repa-
 randas ruinas Angelorum, quia pro-
 portionaliter gradus gloriæ homi-
 num reſponſurus ſit gradui gloriæ
 quem habuiſſent Angeli mali, ſi non
 cecidiſſent, itaut ſicut innumeri in-
 fantes poſt Baptiſmum morientes
 ſunt habituri æquale præmium; ita
 & plures Angeli mali, ſi non cecidiſ-
 ſent, cum illis fuiſſet collata gratia
 iuxta proportionem naturalium: con-
 ſequenter prædictos Angelos eſſe
 ſolo numero differentes, ſicut ſunt
 ipſi infantēs. Verum nec etiam iſta
 ratio conuincit; nam Beatiffima Vir-
 go eſt Prima inter puras creaturas;
 quæ reparat ruinas Angelorum, &
 tamen ipſa ſola habet plus gratiæ, &
 gloriæ quam habuerint non ſolum

Angeli, qui ceciderunt, ſed omnes
 Angeli ſimul. Vbi etiam obiter ad-
 uerto non eſſe certum, quod ſolum
 tot homines ſint ſaluandi, quot An-
 geli perierunt; neq; hoc docet S. P.
 & S. Anſelmus; vt aliqui volunt, ex
 lib. 22. de Ciuit. Dei cap. primo, &
 ex libr. Cur Deus homo &c. docent
 enim ſolum per homines electos re-
 parandas ruinas Angelorum; ſed an
 alij ſupra prædictum numerum ſint
 ſaluandi nec ne, non dicunt, vt legē-
 ribus prædicta loca clarum fiet; im-
 mō S. P. in cap. 29. Enchiridionis:
 Notitiam huius numeri hominum
 ſaluandorum reſeruat ſolum cogni-
 tionem Diuinæ, quod non faceret, ſi
 ſolum tot ſaluandos eſſe putaret,
 quot ſunt Angeli, qui perierunt: hoc
 enim pacto numerus horum homi-
 num ſaluandorum poſſet naturaliter
 ſciri ab Angelis cognoscentibus nu-
 merum dæmonum, quem tamen in
 ſola viſione Beatifica cognosceſituros
 Angelos bonos, & Sanctos in finem
 docet idē S. P. in Enchiridione cap.
 61. immō S. Iſidorus lib. primo de
 Sum. bono cap. 2. nu. 13. dicit ſoli
 Deo eſſe notum contormiter ad di-
 cta S. P. in cap. 29. eiuldem Enchi-
 ridionis. Vide S. P. lib. 22. de Ci-
 uit. Dei cap. primo, & S. Anſelmum
 lib. cur Deus homo cap. 18.

In hac ſententiarum varietate pu-
 to hoc eſſe problema quod pro libi-
 to in quauis ex prædictis ſententijs
 poſſit ſuſtineri, cum præciſa auctori-

tate predictorum SS. & aliorum DD. non habeamus maius fundamentum pro vna, quam pro alijs sententijs. Propterea optimè docuit S. P. lib. contra Priscillianistas cap. vltimo; vnde desumptum est Axioma pro fundamento huius dubij: hoc soli Deo esse notum, & parū referre ad Fidem Catholicam quidquid dicatur de hac re. Hoc idem post ipsum docuit S. Ioannes Damascenus lib. 2. de Fide Orth. cap. 3. vbi non per transitum: sed ex professo de hac re agit. Præterea S. Pater Noster in lib. 12. de Genesi ad litteram de hoc

puncto agens perperis singulorum rationibus, & fundamentis, concludit: *Potest fieri ut etiam in Spiritu- libus, vel intellectu- libus multis quor- dam gradus quisquam esse cernenda, aut ipsos, si possit, ostendat; eosque dis- tinctos iuxta aliquem prouectum ma- gis, vel minus reuelationum illustriū; Sed vicemq; se ipsa habeant, accipian- tur, ut libes ab alio sic, &c. ab alio autē sic. Quot, & quanta singulorum sint generū differentia, ut in vno quo- que aliud alio gradatim superferatur, ignorare me fateor.*

Et Ego quoque cum S. Patre.

AXIOMA QVINTVM.

De Numero Angelorum.

Ex Enchiridione ad Laurentium. Cap. 29.

Sperna illa Hierusalem mater nostra Civitas Dei, nulla civium suorum numero sitate frandabitur, sed uberiore etiam copia fortasse regnabit. Neque enim numerum, aut Sanctorum hominum, aut immundorum Daemonum novimus, in quorum locum succedentes filij S. Matris Ecclesie, qua sterilis apparebat in terris in ea pace, de qua illi ceciderunt, sine ullo temporis sermone permanebunt. Sed illorum Civium numerus, siue qui est: siue qui futurus est in contemplatione est eius Artificis, qui vocat ea que non sunt, tamquam ea que sunt, atque in mensura, & numero, & pondere cuncta disposuit.

D V B I V M

An Angeli sint in magno numero.

Dico primo esse de fide, Ange-
los esse in magno numero &

quod probatur primo Auctoritate
S. Scripturæ, Daniehs enim cap. 7.
habe-

habetur. *Millia millium ministrabant ei, & decies centena millia assidebant ei.* & Iob. 25. *Namquid est numerus militum eius?* & Matth. cap. 25. *An putas quia non possum rogare Patrem meum, & exhibebis mihi modo, plusquam duodecim Legiones Angelorum.* & Lucæ cap. 2. *facta est cum Angelo multitudo militum celestis &c.* Probaturs secundo ratione, qua vitur S. Thomas prima parte qu. 50. Artic. 3. in corpore, Quod aliqua sunt perfectiora, eo in maiori excelsu sũ: creata, vt patet in corporibus celestibus ratione magnitudinis; perfectio enim Vniuersi est principaliter intentata sed Angeli inter omnes creaturas sunt perfectissimi: ergo sicut cæli superant magnitudine, ita Angeli debent superare multitudine res inferiores.

Dices, Aurum, & Lapides pretiosissimi sunt nobiliora multis mixtis, vt patet, & tamen ab istis illa superantur in magnitudine, & multitudine; Ergo non est vniuersaliter verum, ea quæ sunt perfectiora esse creata in maiori excelsu. Respondent Thomistæ, prædictam propositionem esse veram de entibus nobilioribus secundum gradum ordinis, non vero secundum specificum; ac proinde cū aurum, & lapides pretiosi simul cum omnibus alijs mixtis faciant solum vnum gradum ordinis; habent enim eundem modum essendi, & permanendi in esse, & participandi

esse; ac proinde non potest fieri comparatio inter ista. Hæc responsio supponit illam Doctrinam communem, quam tradunt Thomistæ nempe, quod perfectio vniuersi spectatur penes varios gradus, & ordines rerum, qui sumuntur ex modis essendi; cum enim perfectio cuiuslibet rei constituat differentiam graduum rerum, quæ pertinent ad perfectionem vniuersi, quæ differentia debet sumi per ordinem ad varios modos essendi, vel differentia ipsius esse; variatur autem modus ipse essendi ex ordine, & potentia ad esse; nam in triplici gradu, & ordine possunt esse ea, quæ participant esse; aliqua enim ita participant, vt non habeant in se aliquid, quod sit ens in potentia tantum, vt sunt Angeli, loquendo de potentia subiectiua, & substantiali.

Aliqua ita participant esse, vt habeant in se partem materialem, quæ est essentialiter ens in potentia; ita tamen, vt huius potentialitas sit completa per vnicam formam, vt sunt corpora celestia; vel habent materiam, cuius potentia non conspiciatur per vnicam formam, sed per plures successiue, vt iunt corpora sublunaria; differunt verò ista in esse per D. Thomam lib. 10. Metaph. lect. 9. per esse corruptibile, & incorruptibile; illud enim potest etiam per vires agentium naturalium naturaliter, & ordinariè operantium non esse; hoc verò non potest non

esse nisi per omnipotentiam Dei illud annihilantis, vel extraordinarie operantis. Hoc esse incorruptibile, vel est omnino separatū ab eo, quod est potentia ad esse, modo supra explicato, ut Angeli, vel est coniunctum cum eo, ut cæli; & sic patet, quomodo, esto ponantur cæli incorruptibiles, adhuc habent Angeli gradum ordinis, & modum essendi nobiliori modo participatum; cum sint in supremo gradu, & ordine modi essendi, ex tribus assignatis; & quomodo prædicta instantia de Auro, & Lapidibus pretiosis, non conuincat falsitatem Regulæ assignatæ; cum comparatio sit facienda solum penes tres gradus in toto vniuerso. Hæc Doctrina est valde speciosa, sed non recepta communiter nisi in Schola D. Thom. primo quia adhuc vertitur in controuersiam inter Discipulos S. Thomæ, & S. Bonauenturæ, an detur in Angelis materia propriè dicta, ut supra visum est.

Secundo quia incertum est, an cæli sint corruptibiles, vel de facto etiam aliquando corrumpendi. Nō nego tamen quin sit valde probabilis, ex qua saltem duos modos, & gradus essendi possumus constituisse. Alterum incorruptibile, & hunc Angelorum, & Animarum rationalium, ac etiam materiæ primæ, quæ solum per annihilationem possunt desinere. Alterum verò corruptibilem, in quò ponantur omnia com-

posita physica substantialia, si corpora cælestia sunt corruptibilia, & ex proportionem magnitudinis, quæ habent corpora cælestia ad alia corpora excedendo ista; satis probabiliter arguere excessum multitudinis; & numeri Angelorum, respectu horum inferiorum; tâto magis quod S. Dionysius Areopagita, cui multum deferunt Scholæ, cum agitur de Angelis in lib. de Cælesti Hierarchia cap. 14. docet numerum Angelorum excedere numerum rerum materialium; Ait enim *Muli sunt Beati Cælestium mentium Exercitus, qui infirmum, & contractum numerorum corporeorum quibus utimur modum superant, & transeunt, atque scilicet definiuntur à sola carum summa, Cælestique intelligentia, ac scientia.* &c. Ex quo loco colligitur rectius sensisse de multitudine Angelorum excedente numerum omnium indiuiduorum huius vniuersi, eos qui admittunt talem excessum, inter quos, non solum est Lyranus, sed etiam D. Thomas parte prima qu. 50. artit. 3. in corp. ubi ait, *dicendum est quod etiam Angeli secundum quod sunt immateriales substantia in quadam multitudine maxima sunt, omnem materialem multitudinem excedentes.* Et vitur præ suo intento prædicto loco D. Dionysij; quam modernos illos, qui illum negant, quibus miror adhæsisse Io. Baptistâ Gonnet tom. 6. disp. 2. Artic. 2. §. 2.

ut certum; cum tamē se Thomistam ex seuerioribus profiteatur, tanto magis quod ipse Angelicus Doctor finem corporis dicti articuli claudit his verbis. *Vnde rationabile est, quod substantia immateriales excedant secundam multitudinem substantias materiales, quasi incomparabiliter.* Aliqui exponunt hæc loca S. Dionisij, & S. Thomæ de excessu specierum, non verò de excessu singulorum individuiorum; tanto magis quod ipse Angelicus Doctor qu. 6. de Potentia, artic. 6. ait, *substantia incorporea ut dicit Dionysius 14. cap. Cælestis Hierarch. omnem multitudinem specierum materialium transcendunt.* & quidem eos excedere numerum omnium specierum rerum materialium patet, quia singulis speciebus earum sunt assignati singuli Angeli tutelares, ut docent S. P. N. Lib. 85. qu. 16. Origenes hom. 13. in lib. Numer. S. Gregorius Nazianz. Oratione de Theol: Theodor. lib. de Diuinis decretis cap. de Angelis; & est communis apud Theologos, & præter illos sunt alij deputati singulis hominibus, ut habetur in actibus Apostolorum cap. 12. *Angelus eius est;* & Math. cap. 18. *Angeli eorum semper vident faciem Patris;* vel singuli singulis, vel etiam vni plures, vel boni, ut asserit idem S. Tho. prima parte qu. 113. artic. 2. ad primum, & colligitur ex illo Zachar. cap. 3. *dabo tibi ambulantes de his*

qui nunc hic assunt, ut exponit Ribera, vel vnus bonus, alter malus ad hominum luctam, & exercitium, ut ait S. Hieronym. in cap. 18. S. Mathei; præter quos sunt, & alij deputati singulis Regnis, & Prouincijs iuxta illud Daniel: *Princeps Persarum;* ac etiam singulis Urbibus, & Communitatibus, ut docet S. Tho. loco mox citato. Præter quos sunt etiam Motores Orbium Cælestium. Præter hos sunt alij adstantes ante Deum quasi expectantes quid illis præcipiatur ad mundi gubernationem, cui præsumt, ut habetur Apoc. cap. 5. vbi dicuntur septem Spiritus missi in omnem terram. Denique sunt plurimi alij præter ministrantes qui dicuntur assistentes, iuxta illud Danielis cap. 7. *Decies centena millia assistebant ei,* qui ut docet D. Greg. lib. 2. moral. cap. 3. soli secreta Diuinorum mysteriorum in ipsa claritate Diuinæ essentiae percipiunt, & per illos alijs denunciantur; Propterea solum illi supremæ Hierarchiæ dicuntur assistentes, & hi nunquam dicuntur missi, sicut nec etiam Dominationes, quod intelligitur de missione locali, & exteriori; non autem de quacumque præsertim directiua; ut docent S. Thom. in cap. primum ad Hebr. & prima parte qu. 112. art. 3. & 4. & S. Dionysius cap. 7. & 8. de cælesti Hierarch. & D. Gregor. hom. 34. in Euang. Ex quibus patet excessus valde notabi-

lis omnium Angelorum collectiue sumptorum supra omnes species, de quo non est dubium. Verum quod hæc solum fuerit mens D. Thomæ in dicto artic. 3. qu. 50. partis primæ, ut vult Gonetus loco citato, & alij cum ipso, & ante ipsum, non credo; do quidem, quod in dicta questione de potentia faciat mentionem de multitudine specierum; nam si excedunt numerum omnium indiuiduorum profecto excedunt etiam numerum omnium specierum materialium, sed aduerto in hoc eodem loco dici signanter *omnem multitudinem specierum materialium*, per quod videtur significari non solum excedi numerum ipsarum specierum, sed etiam numerum quorumcumque indiuiduorum, in quibus sunt prædicata specifica cuiusque speciei materialis, sed quidquid sit de hoc; aduerto vterius in artic. 3. qu. 50. supra citato, sileari studio, illud verbum specierum; & dicit *omnem materialem multitudinem excedentes* non enim excederetur omnis materialis multitudo, nisi excederetur multitudo omnium, & quorumcumque indiuiduorum quarumcumque specierum. Præterquam, quod ratio ipsa D. Thom. & paritas de corporibus cælestibus in ordine ad hæc inferiora nihil concluderent, si comparatio esset solum faciendæ cum speciebus non verò cum singulis indiuiduis quarumcumque spe-

cierum. Ratio enim est quia perfectio Vniuersi est illud; quod Deus intendit in creatione rerum, & propterea quanto aliqua sunt magis perfecta, tanto sunt in maiori excessu creata; non esset autem tam notabilis excessus, si solum excederet numerum specierum, non vero etiam numerum omnium indiuiduorum; nam etiam guttæ maris, & arenæ litoris excedunt hunc numerum; non ergo casu siluit hic S. Thom. species sicut etiam lib. 2. contra Gen. cap. 92. Nec etiam comparatio corporum cælestium, cum inferioribus alij quid probaret, corpora enim cælestia magnitudine superant magnitudinem cuiusque corporis singularis, & cuiusque indiuidui corporei.

Dices, ex Deut. cap. 32. habetur, quod Deus constituit terminos populorum iuxta numerum filiorum Dei, id est Angelorum, ut explicant communiter DD. quem locum exponens D. Gregorius ait, Angelos Beatos tot esse, quot sunt Electi ad Patriam ex hominibus; sed homines electi ad gloriam non excedunt numerum indiuiduorum quarumcumque specierum; ergo nec etiam Angeli. R. cum Lirano locum illum ad litteram esse intelligendum de diuisione gentium facta à Deo occasione confusionis linguarum, de qua Propheta immediatè ante loquitur cum ait. *Quando diuidebat Altissimus gentes, quando separabat filios Adam*

Adam quando scilicet confudit linguas eorum, ut unus alterum non intelligeret, & tunc diuisi sunt in varias gentes, & linguas, & tot constitutæ, quot ex filiis Israel ingressi sunt Ægyptum, qui fuerunt 70. Illud quod asseritur ex D. Gregorio non est certum, nec recipitur communiter; nam cum omnes habeant suum Angelum tutelarem, & præterea sint alij multi, ut cum plurimis SS. PP. vidimus supra, necesse est dicere numerum Angelorum in notabilissimo excessu superare numerum electorum; tanto magis quod non solum electi, sed etiam reprobj habent suum Angelum Custodem, & in communiore sententia idem Angelus non mittitur successiue ad custodiendos plures homines; ita ut vno defuncto deputetur ad custodiendum alterum nasciturum. Confirmatur primo ex doctrina Patrum in cap. 18. Matthei vbi habetur parabola de 99. ouibus relictis in deserto, & centesima cum magno labore requisita, & inuenta, quam S. Ireneus lib. 3. cap. 21. & 29. & Origenes hom. 2. in Gen. & 7. in Iosue. S. Cyrillus Hierosolimitanus Cathedesi. 15. S. Amb. in Apologia Dauidica cap. 5. S. Hilarius ad dictum locum S. Matthei. S. Greg. loc. citato, & S. Athan. qu. 2. qui per nonaginta nouem intelligunt numerum Angelorum, & per vnã deperditam Naturam humanam. Præterea Dyonisius Carthus, in co-

ment. lib. de cælesti Hierarch. S. Dyonisij Areopagitæ ad cap. 14. refert quamdam reuelationem factam Sanctæ Birgitæ, quod tot sunt Angeli, ut vnique hominum decem Angeli possint assignari ad custodiendum &c. Loquitur autem ibi de Angelis infimi Chori, quibus est appropriatum nomen, quod est commune omnibus; nam alij non mittuntur ad custodiendos homines singulares, nisi vel ratione officij, vel ex speciali Dei priuilegio, quo pacto pie creditur B. Virg. fuisse in Custodem deputatum S. Gabrielem; qui & Archangelus nominatur, & de Choro Seraphim esse communiter docetur, & hoc de solis Angelis bonis; nam & mali sunt etiam ipsi in magna multitudine, ita ut aliqui arbitrentur eos esse tertiam partem Spirituum creatorum ex illo Apoc. vbi dicitur quod Draco traxit caudam tertiam partem stellarum; vbi nomine stellarum accipiuntur communiter Angeli; quibus positis,

Dico secundo definitum numerum Angelorum à nobis sciri non posse, ita ut S. Hier. in expositione illius capituli septimi Danielis *Millia Millium* &c. dicat positum esse ibi numerum finitum pro infinito, & hoc indicant verba illa Iob. 25. *Numquid est numerus militum eius.* Hoc idem docent alij PP. idest S. Ioan. Chrysostomus hom. 2. contra Anomæos S. Anselmus in cap. 5. Apoc. S. Greg.

Mag. lib. 17. Mor. cap. 7. S. Basilii lib. de vera Virginit. S. Dionysius Areopag. lib. 6. de cælesti Hierarch. cap. 14. ubi dicit talem numerum soli cælesti intelligentiæ notum esse; idest vel Deo; ut exponit Hugo de S. Viç. vel ipsi Angelo, ut exponunt Alæis, & Alb. Mag. quod etiam licet non ita clarè videretur indicare S. P. in Ench. cap. 61. Probatur etiam ratione; quia talis nume-

rus pender, ex sola voluntate Dei; ac proinde non potest cognosci nisi ex revelatione Diuina, quæ nulla extrac de hac re; neque enim habemus talem numerum expressum in Scripturis; vel ex traditione Ecclesiæ; aut P. P. neque euidentiatione colligi potest, cum Angeli sint perfectissimæ substantiæ, quæ primo, & per se fuerunt propter Deum conditæ.

AXIOMA SEXTVM.

Angelus Natura sua respectu potentia creata est immortalis, & incorruptibilis.

Ex Lib. 2. de Ciuitate Dei Cap. 16.

IN his, quæ intelligunt, præponuntur immortalia mortalibus, sicuti Angeli hominibus, sed ista præponuntur nature ordine.

D V B I V M

Utrum Angeli natura sua sint incorruptibiles.

HÆc est vna ex illis disputationibus in quibus explicatis terminis nulla remanet quæstio, quod maximè in præsentî præstandum est propter diuersos modos loquendi PP. & DD. propterea.

Dico primo: corruptibile, & incorruptibile tripliciter sumi posse. Primo pro eo quod in se habet prin-

cipium alicuius mutationis suæ substantialis, suæ accidentalis, & hoc modo Angeli non sunt incorruptibiles, nec immortales; quia omnes sunt mutabiles accidentaliter secundum operationes intellectus, & voluntatis, & possunt mutari de bono in malum, ut patet in Angelis qui ceciderunt. Vnde Iob cap. 4. dicitur

Ecce

Ecce qui seruiunt ei non sunt stabiles & in Angelis suis reperit prauitatem, & S. Athan. in cōp. de Spiritus S. ait *In creatis nihil esse Natura immutabile, cum Angeli non serauerint suum ordinem; Diabolus ceciderit de celo; Adam sit pregnatus, & omnia alterentur;* hæc tamen acceptio est valde ampla, & in cōmuni vlu loquendi non ita propriè vsurpata. Secundo sumitur corruptibile pro eo, quod habet in se principium corruptionis propriæ dictæ; quæ fundatur in parte physica, & conuenit compositis per ordinem ad agens naturale; hoc modo Angeli non sunt ex natura sua corruptibiles, aut mortales; à nulla enim creatura possunt naturaliter destitui, & hoc intendebant PP. quando asseruerunt Angelos esse ex natura sua incorruptibiles, & immortales. S. Dyon. Arcop. cap. 4. de Diuinis nominib⁹ D. Iulianus lib. primo de futuro sæculo cap. 2. in Bibliot. PP. S. Athan. lib. p. de communi Essentia Patris, Filij, & Spiritus Sancti, & S. Ioannes Damascen. lib. p. Institutionum cap. 7. quos sequuntur communiter Scholastici, & præcipue S. Thomas prima parte q. 50. art. 5. in quo etiã sensu definitum est in Conc. Later. id quod habetur in Bulla Leonis X. idest animas rationales esse immortales, quod multo magis valet in Angelis; cum sint natura superiores: definiuit enim ibi Pontifex con-

tra illos philosophos: seu Atheos, qui dicebant animas simul cum corporibus interire, & eamdem esse causam corruptionis vtriusque: quam definitionem collegit ex illo D. Mathei cap. 10. vbi dicitur Christianis, nè timeant eos qui occidunt corpus, animam autem non possunt occidere; sed potius timeant eum, qui & Animam, & Corpus potest perdere in Gehennā. quod plane intelligitur de corruptione in ordine ad causam secundam. Tertio potest sumi corruptibile, & mortale pro eo, quod non habet repugnantiam ex natura sua, vt possit à Deo annihilari, à quo pendet in esse, & conseruari; quæ corruptibilitas à Cæterano appellatur potentia Logica; non ex eo, quod sit solum per intellectum; sed quia non fundatur in aliqua parte rei Physica, & substantiali contradiuncta realiter ab altera comparte, vt fundatur corruptio corporum; sed habet pro fundamento totam entitatem rei, & hoc modo etiã Angeli sunt natura sua corruptibiles, & mortales, quia ex natura sua non repugnat illis à Deo annihilari, & possent de facto, si Deus veller; nec potest illis hoc modo communicare incorruptibilitatem, sicut non potest communicare creaturæ, quod non egeat sua conseruatione; vt docet S. Thom. qu. 5. de Potentia, artic. 2. Hoc est illud quod docuerunt PP. qui dixerunt Angelos esse natura-

sua

suâ corruptibiles, & mortales, & solum esse incorruptibiles, & immortales per gratiam. Ita S. Io. Damasc. lib. 2. de fide Orth. cap. 3. Sophronius in sua Epist. quæ habetur in sexta Synodo Generali Constantino-politana art. 2. S. Cyrillus lib. 2. contra Iulianum, & l. 8. Theauri cap. 2. S. Ambrosius lib. 3. de fide ad Gratianum cap. 2. S. Ireneus lib. 2. contra hæreses cap. 2. & S. Iustinus Martir. lib. 99. qu. 23. ipsosque in hoc sensu locutos fuisse, patet ex rationibus, quas illi adducunt; nam S. Cyrillus, & S. Io. Damasc. adducunt hanc, quod omne quod cepit esse, potest natura sua desinere esse. S. vero Gregorius, quia omnis creatura ex nihilo facta est, quod autem est tale, per se ipsum tendit ad nihilum: quod antea sepe docuerat S. P. N. Sanctus autem Iustinus, quod Angelorum immortalitas, ex alterius voluntate dependet. Consequenter ad horum PP. doctrinam, Scotus, S. Bonaventura, Ricardus, OKam. & Gabr. in secundo dist. 3. docent omnem creaturam ex se esse mutabilem, & accidentaliter, & substantialiter. Pro clariori dictorum intelligentia, tria in hoc puncto, sunt valde observanda.

Primum est huiusmodi corruptibilitatem Angeli respectu Dei non esse solam denominationem extrinsecam à Potentia activa Dei; sed esse veram, & realem potentiam fun-

datam in natura rei, sine vlla tamen inclinatione ad non esse; cum enim omnis inclinatio sit ad bonum, non potest dari potentia inclinans ad non esse, quod de se est malum; & hoc est quod intendunt PP. cum dicunt Angelos esse natura sua corruptibiles, & solum per gratiam incorruptibiles; & quod capit, posse etiam ex sua natura desinere; & probari solet ea ratione, quæ videtur S. Tho. prima parte q. 25. art. 2. & Henricus quod lib. 6. & 8. qu. 3. quia non ideo solum res est possibilis, quia Deus potest illam facere; sed etiam quia non repugnat, nec est implicantia, in prædicatis talis rei; & præterea quia obiectum est prius potentia, si non realiter, saltem ratione, cum ista ab illo specificetur, & denominetur, ita & res est annihilabilis, non ex eo solum, & præcise, quia Deus potest illam annihilare; sed præterea quia ob eandem rationem non est repugnantia, & consequenter est potentia obiectiva, seu Logica in ipsa re ut possit annihilari. Thom. contendunt huiusmodi potentiam esse solummodo obedientialem, & hoc dè mente S. Thom. ita ut P. Io. Baptista Gonnet. tom. 6. disp. 2. art. 4. S. ex quibus redarguat Arriagam eo quod disp. 2. de Angelis, Sect. 6. subiect. prima dixerit rationem D. Thom. probare quidem Angelos corruptione proprie dictæ desinui non posse, & per annihilationem destrui non posse

posse minime probare, quasi non penetraverit profundum discursum S. Thom. Quæstio. est de voce.

Secundum quod aduerto, est axiomata illa PP. in quibus dicitur Angelos esse incorruptibiles, & immortales per gratiam Dei, non esse intelligenda de gratia habituali iustificante; nec de gratia actuali supernaturali requisita ad operandum bene, quam S. P. Augustinus, & PP. Concilij Milevitani contra Pelagiū, statuerunt requiri, præter illam gratiam, quam hæreticus ille vocabat donum creationis. Sed esse intelligenda de dono conseruationis; nam Conseruatio non est Angelis debita, nec ex iustitia, nec ex gratitudine, vt obseruat Albertus Magn lib. de quatuor Cocuis, qu. 5. artic. 3.

Tertium, quod aduerto, est per gratiam immortalitatis, & incorruptibilitatis Angelis communicatam PP. non intelligere negationem potentie ad defitionem simpliciter, eo quod talis potentia, vel consideratur in Angelis in ordine ad Deum, vel in ordine ad causas secundas; Si primum Angelus per gratiam immortalitatis ex liberalitate Dei illi, collatam non amittit naturalem potentiam suæ naturæ, adhuc vt possit destrui; manet enim semper subiectus Omnipotentie Dei; nec potest communicari illi à Deo carentia talis subiectionis in ordinem ad conseruationem sui; alias enim exime-

retur à dominio absoluto Dei; quod implicat. Si vero negatio talis potentie consideretur respectu cuiuscunque Creaturæ, neque hoc modo potest dici, Angelum esse incorruptibilem per gratiam; quia hoc modo est ex natura sua incorruptibilis, & immortalis, Sensus ergo illorum PP. est; negationem actus destructionis, seu annihilationis cum potentia tamen ad illum esse ipsis Angelis gratuitam; gratia est enim Angelis, quod non annihilentur, aut destruantur, cum possint destrui, & annihilari; Non posse autem destrui, & annihilari villo modo; non est illis gratia; talis enim gratia est illis, & cuiuscunque Creaturæ incommunicabilis; & soli Deo ex natura sua conuenit, iuxta illud ad Thimoth. cap. 6. *Qui solus habet Immortalitatem*, quia nec desinit esse; nec ab villo destrui potest, quibus positis.

Quæritur hic: posito quod Deus nullam substantiam sit annihilaturus, vt colligitur ex illo Ecclesiastici cap. primo. *terra autem in æternum stat*, & ex cap. 3. *Omnia opera quæ fecit Deus perseverant in æternum*. Et quod Deus operetur secundum potentiam ordinatam, & secundum modum proportionatum, & connaturalem naturis rerum; an dici possit Angelos esse Natura sua incorruptibiles etiam respectu Dei sic operantis. In quo.

Prima sententia est aliquorum.
Tho.

Thomistarū affirmantium; qui putāt esse de mente S. Tho. prima parte qu. 50, artic. 5, ita Caietanus ibi, Sotus in quarto dist. 43. qu. 3. art. 8. concl. 1. & Medina in prima secundæ qu. 8, art. 4.

Secunda Sententia est communis extra Thomistas; eamque tuentur communiter recentiores propterea Dicendum est; Angelos etiam suppositis illis duabus condicionibus esse natura corruptiles respectu Dei solummodo. Probatur primo; quia Decretum de non annihilando Angelos est gratia illis facta; sed solummodo tollit actum, & relinquit potentiam, ut dictum est. Ergo &c. Probatur secundo; quia tale decretum, est quid consequens ad Omnipotentiam Dei; per quam sicut ex nihilo conditi sunt, ita & in nihilum redigi possunt: sed tale decretum nihil minuit de illa potentia; ergo sicut præcise à decreto sunt ex natura sua annihilabiles; ita etiam posito decreto. Probatur tertio; quia ad hoc ut incorruptibilitas conveniens Angelis sit physica, & ad hoc ut dicatur Deus operari convenienter naturæ Angelicæ, satis est ut illam physicè non destruat, nec concurrat cū causa secunda ad illorum corruptionem. Cum quo tamen stat, quod illos annihilare possit: Angeli enim ex natura sua non petunt necessario sui conservationem; ac proinde nec etiam incorruptibilitatem per anni-

hilationem, sed solum per negationem physicæ corruptionis, cuius sunt incapaces. Quod confirmari potest à simili: nam ignis ille qui est in centro, seu in concavo terræ, cum sit longè positus à contrarijs, pete perpetuitatem in actu secundo, & tamē adhuc natura sua, & physicè dicitur corruptibilis; hæc enim illi ex natura sua non repugnat; ergo similiter Angeli, licet per ordinem ad causas secundas petant perpetuitatem, eā tamen non repugnet illis ex natura sua à Deo annihilari; poterunt dici corruptibiles respectu illius. Probatur ultimo, quia suppositis quibuscumque non potest Deus communicare creaturæ ut sine illo conservari possit. Sed hoc est idem, ac dicere semper remanere in creatura naturam corruptibilem; ergo adhuc illis duobus suppositis remanet natura Angeli corruptibilis respectu Dei, esto sit incorruptibilis respectu creaturarum.

Dices primo Angelus dicitur simpliciter producibilis; si et à solo Deo possit produci, ergo simpliciter dicitur corruptibilis; quia à solo Deo corrumpi potest. Sed hoc communiter negant PP. ergo simpliciter dicendum erit esse incorruptibiles respectu Dei; negando consequentiam; nomen enim productionis est commune productioni ex materia, & productioni ex nihilo. At nomen corruptionis propriè, & rigore dicitur

ẽtur solum in ordine ad agens naturale, quod destruat rem per introductionem contrarij in materia; quo pacto Angeli non sunt corruptibiles, & hoc solum voluerunt PP. asserentes Angelos esse incorruptibiles per naturã, & hoc pacto se explicauit S. Cyrillus loco supra citato, vbi ait quod Angelus est quidem immortalis, sed non Deo.

Dices secundo, Angeli postulant conseruationem ex natura sua; nihil autem producit vt statim corrumpatur, vt habetur lib. 8. Phisic. textu 43. Sed hæc conseruatio quam exigunt Angeli non est limitata ad tempus; ergo infinita. R. Angelos comparatos ad causas secundas exigere durationem infinitam, cum à nulla creatura possint vnquã destitui; per ordinem verò ad causam primam postulare solum tantam, quantam voluerit ille concedere, Deus enim nõ est plus debitor creature post creationem illius, quam ante, & propterea sicut potuit non creare, ita potest non conseruare; vt obseruat S. Tho. qu. 5. de Potencia artic. 3. arg. 3. neq; enim tenetur, aut ex vi creationis aut ex debito iustitiæ, aut ratione gratitudinis illã conseruare non annihilando, vt aduertit Alb. Mag. loco supra citato; sed quantum ipse voluerit, tantum potest illam conseruare.

Dices tertio, si Deus Angelum annihilaret, operaretur aut contra

aut supra naturam ipsius; annihilatio enim non est illi connaturalis; sed hoc non potest stare cum eo, quod est esse natura sua corruptibilem respectu Dei: ergo &c. R. talem annihilationem fore supernaturalem in ordine ad causas secundas; quia excedit vires omnium earum: non tamen respectu Dei, neque respectu Angeli; cui sicut non erat supernaturale non esse antequam produceretur; sic nec etiam illi est supernaturale non esse postquam productus fuit; nec etiam respectu Dei etiã operantis, vt est Auctor nature; nam hoc non excederet vires ipsius, quata talis est, si hoc modo operari vellet.

Dices quarto, Aqua dicitur natura sua frigefactiua, & humefactiua, & ignis calefactiuus, & combustiuius, esto dependeat à Deo in omnibus suis operationibus, ergo etiam Angelus poterit dici natura sua incorruptibilis; sicut dependeat à Deo in suo esse. R. esse disparem rationẽ de prædictis elementis, & alijs agentibus creatis in ordine ad suas operationes, & de Angelis in suo esse; nam ante Dei cooperationem supponitur ignem habere vim calefactiuam; combustiuiam, &c. & Aquã similiter vim humefactantem, & refrigerantem, per quas ita inclinatur ad agendum, vt sua natura postulent concursum Dei. (Quem dicunt aliqui, quod si negaret, fieret aliquod contra naturam dictorum agentium;

& paterentur violentiam; eo, quod sit violentum, quando quis contra internum impetum, & inclinationē rei ipsam mouet, vel detinet.) Alij verò cum quibus Ego sentio, dicunt quod non paterentur quidem violentiam; eo quod subiectio essentialis, quam habet qualibet creatura Deo, facit ut nihil sit ei violentum ex illis, quæ Deus disposuerit de illa; At in illo casu Deum solummodo operaturum, ut absolutum Dominū: non verò ut Auctorem Naturæ, qui de lege ordinaria omnibus præbet concursum requisitum ad operandum. Non sic se habet res in natura Angelica; in ea enim non supponitur aliquid, tamquam potentia, vel inclinatio realis ad ipsum suum esse,

propter quod Angelus natura sua postulet esse. Natura enim seu existentia Angeli est idem realiter, & formaliter in sententia, quam Ego sequor, ut susè explicauimus in Axiomatibus Metaphysicis cap. 6. & consequenter pendet à voluntate Dei quoad suum esse totum; nec Deus conseruat ipsius Essentiam cooperando cum inclinatione Angeli ad esse, sed omninò per se solus conseruat in esse; neque enim potest conseruari existentia, quin etiam conseruetur essentia eius; cum sint omninò idem, & re, & ratione; vnde respectu illius Angelus ut dictum est natura sua est destruibilis, corruptibilis, & annihilabilis.

CONTROVERSIA

SECUNDA

De Angelorum potestate circa Corporalia.

AXIOMA PRIMVM.

Angeli quandoque assumunt corpora.

Ex Lib. 15. de Ciuitate Dei. Cap. 23.

Vtrum possint Angeli, cum spiritus sint, corporaliter coire cum feminis. Scriptum est enim; qui facit Angelos suos spiritus, id est eos qui natura spiritus sunt, facit esse Angelos suos, iniungendo eis officium nunciandi, &c. Sed utrum eorum corpora consequenter adiunxerit dicendo, & ministros suos ignem arden-

ardentem: an quod charitate tamquam igne Spirituali feruere debeant ministri eius, ambiguum est: apparuisse tamen hominibus Angelos in talibus corporibus, ut non solum videri, verum etiam tangi possent, eadem verissima Scriptura testatur. Et quoniam craberrima fama est, multique se expertos, vel ab eis qui experti essent, de quorum fide dubitandum non est, audisse confirmant Siluanos, Panes, & Faunos, quos vulgo incubos vocant, improbos sapè extitisse mulieribus, & earum appetisse, ac peregrisse concubitus; & quosdam Demones, quos Dæmos Galli nuncupant, hanc assidue immunditiam, & tentare, & efficere plures, talesque assenserant, ut hoc negare impudentia videatur, non hic aliquid audeo temerè definire: virum aliqui Spiritus elemento aereo corporati (nam hoc elementum etiam cum agitur flabello, sensu corporis, actuque sentitur) possint etiam hanc pati libidinem, ut quomodo possint, sentientibus faminis miscantur? Dei tamen Angelos Sanctos nullo modo illo tempore sic labi potuisse crediderim; &c.

D V B I V M

Vtrum Angeli assumant corpora,
& quomodo.

Angelos non habere corpora sibi naturaliter vnita, supra in præcedenti controuersia etiam ex mente, & Doctrina Sancti Patris demonstratum est. In præsentia tria videnda sunt; primo an assumant corpora vera, & realia; secundo quomodo assumant; tertio ex quo corpore forment talia corpora. Hæc sequentibus assertionibus breuiter explico. &

Dico primo, Angelos posse, & quandoque de facto assumere vera corpora. Hæc assertio est Sancti Pa-

tris in Axiomate, quo loco vtitur etiam Sanctus Thomas prima parte, quæst. quinquagesima prima articulo secundo ad hoc probandum, & est certa apud Scholasticos in secundo dist. 8. & ante ipsos hoc docuerunt communiter PP. dicentes, Angelos interdum in veris corporibus visibilibus apparuisse. Sic habet Sanctus Pater non solum in axiomate posito, sed etiam in Enchiridione cap. 59. & alibi S. Athanasius ser. 4. contra Arrianos. S. Gregorius Magnus lib. 18. moral. cap. 4.

& S. Ioannes Damascenus lib. 2. de fide Orthodoxa cap. 3. & alij. Probatur etiam ratione illa, qua vtitur S. Thom. loco citato, quæ sic explicari potest, Tribus modis possunt fieri Angelorum apparitiones, idest vel sola imaginatione, vel præstigiiosa illusionem, vel realiter, & verè existēte exterius re sensibili, & per realem speciem apparente; Sed ex scripturis Sanctis habentur plures Angelorum apparitiones, quæ solum tertio modo fieri potuerunt: ergò dicendum illas fuisse in veris corporibus assumptis, Maior patet ex sufficienti partium enumeratione, non enim videtur esse alius modus exco-
 gitabilis, quo Angeli apparere possint, qui ad vnum ex illis tribus non pertineat, aut sit reducibilis. Minor probatur, quia apparitiones illæ, quæ narrantur factæ primò Agar Ancillæ eiectæ de domo Abraham; secundo ipsi Abraham; tertio Loth. 4. Tobiz, & 5. illa facta Sancto Patriarchæ Ioseph Sponso Beatissimæ Virginis, Sancto Petro, & alijs, non potuerunt fieri nisi in corporibus assumptis; ergò dicendum est, hoc modo factas fuisse stante Regula Sancti Patris Nostri Augustini communiter recepta, quod ea, quæ in Sacris Scripturis docentur, aut narrantur, sunt cum proprietate intelligenda, quando sine villo incommodo fieri potest; ut est in præsentī. Si dicas fuisse visiones imaginarias. Contra

est, quia quod taliter videtur est solum in imaginatione videntis. Si dicas fuisse præstigiōsas. Contra est primò, quia hoc suspicari de illis viris Sanctis, & quibus factæ sunt, & qui eas retulerunt, nefas est. Secundo quod apparet præstigiōsè apparet existenti in mala dispositione, illudit, nec diù durat; sed illæ relatæ ex Scripturis, & aliæ similes habuerunt veros, & reales effectus, non fuerunt illusoriæ, diù durarunt, & fuerunt factæ viris Sanctis vix plurimum; ergò dicendum est eos apparuisse in veris, & realibus corporib⁹.

Dices primò ad formationem veri corporis sensibilis requiritur figura, color, & temperies primarum qualitarum, mollietis, & durities, nec non alia huiusmodi accidentia; sed Angelus nihil potest facere in corporibus præter motum localem, ut docet S. Thom. prima parte quæst. 110. ergò non possunt assumere vera corpora. Confirmatur ex Concilio Ancyrano, quod à Gratiano appellatur Anchinitanum, ab alijs verò Anquiranum, quod, licet fuerit Provinciale, fuit tamen receptum in sexta Synodo generali, ut patet ex secundo Canone huius Synodi; in finē dicti Concilij habetur; *quod scelerata quadam mulieres Damonum illusionibus seductæ nocturnis horis cū Diana Paganorum Dea, & innumera multitudine mulierum credunt se equitare super quasdam bestias, & multa*

terra-

terrarum spatia pertransire, qua falsa
 opinione decepta hac vera esse credunt,
 & credendo a recta fide deuiant, &c.
 & sic etiam in Iure Canonico in
 Decr. 26. qu. 5. can. Si quis aliarum;
 & aliquot sequentibus; & in cap. Epi
 scopi in eadem quaestione habetur
 illud, quod referunt Lamiae se vidisse,
 & peragrassae varias mundi partes,
 solum secundum imaginationem
 id contigisse. Sic etiam quod quibusdam
 hominibus dicitur contigisse:
 ut videantur transformari in bestias,
 & deferre onera; in somnijs solum
 per imaginationem hoc contigisse videtur,
 & confirmatur auctoritate S. P. A. lib. 18. de Ciuitate
 Dei capite 18. ubi cum in capite praecedenti
 narraisset commutationem sociorum
 Vlyssis in bestias; & in hoc aliquas alias
 fieri solitas, concludit. *Hac vel falsa sunt,
 vel tam iniurata, ut merito non credantur* Sec.
*Nec sane Demones naturas creant, si aliquid
 tale faciunt, de qualibus factis ista ver-
 titur quaestio, sed specie tenus, quae a
 vero Deo sunt creata commutant, ut
 videantur esse, quod non sunt. Non
 itaque solum animam, sed nec corpus
 quidem ullaratione crediderim Daemonum
 arte, vel potestate in membra,
 vel lineamenta bestiarum veraciter posse
 conuerti: sed phantasticum hominis,
 quod etiam cogitando, sine somniando
 per rerum innumerabilia genera
 variatur, & cum corpus non sit, corporum
 tamen similes mira celeritate for-*

mas capit, sopitis, aut oppressis corporeis
 hominis sensibus ad aliorum sensum
 nescio quo ineffabili modo figura
 corporea posse perducere, ita ut corpora
 ipsa hominum alieni iaceant videntia
 quidem, sed multo grauius atque vehementius,
 quam somno suis sensibus obseratis.
 Phantasticum autem illud velut corporatum
 in alicuius animalis effigie appareat
 sensibus alienis, talisque etiam sibi
 homo esse videatur, sicut talis sibi
 videri possit in somnijs, & portare
 onera, quae onera si vera sunt corpora,
 portantur a Daemonibus, ut illudatur
 hominibus partim vera onerum corpora
 partim iumentorum falsa cernentibus.
 Haec ibi Sanctus Pater confirmat aliquibus
 exemplis, Sec. ergo pariter hoc videtur
 dicendum de apparitionibus factis a
 Sanctis Angelis. Confirmatur secundo:
 quia cum Angeli possint apparere per
 visionem imaginariam, non est rari-
 cur appareant in corporibus assumptis.
 Itaque ad argumentum, quod cum
 Angeli possint mouere localiter poterunt
 etiam formare corpora sensibilia,
 & quidquid ad illa consequitur,
 ut sonos in aere, figuras, quae resultant
 in materia quantae per condensationem,
 rarefactionem, & diuisionem, sic etiam
 colores applicando actiua passiuus,
 si orientur ex mutua actione
 elementorum, vel apponendo aliquod
 corpus lucidum, vel obijciendo corpus
 assumptum corpori lucido, vel
 condensando cor-

pus lucidum, si colores oriantur ex præsentia luminis in perspicuo terminato per opacum, ut docet Sanctus Thomas lib. 3. meteor. lect. 6. Possunt etiam producere primas qualitates, earumque temperiem celeritate mirabili miscendo corpora simplicia, licet corpus ab ipsis formatum non habeat perfectam temperiem, qualis est illa corporum animalium; possunt etiam facere imperfectam molliem, & duritiem, vel applicando vapores induratos, vel ita condensando corpus, ut durum appareat. Aliqui dicunt tales mollieties, & durities esse phantasticas, non veras, quatenus Angelus sua virtute impedit tactum hominis, vel cedit ei in aliqua parte illius corporis assumpti, itaut partim appareat molle, partim durum, taliter tamen quod si homo attenderet, & perfectum tactum haberet, facile discerneret in tali corpore non esse veram duritiem, nec veram molliem, qualis est in ossibus, & carnibus nostris, ut accidit in illo casu, quem refert Caietanus secunda secundæ qu. 95. ad artic. 3. Hoc clarius fiet, si attendantur ea, quæ Christus Dominus post suam Resurrectionem dixit Apostolis, ut habetur lo. cap. 20. *Palpate, & videte, quia Spiritus carnem, & ossa non habet.* Nam si non posset sensu tactus discerni corpus phantasticum à vero, illud argumentum, vel nullum esset, aut certe non efficax.

Ad confirmationem Respondetur primo; nos hic loqui de appositionibus Angelorum, quas refert Sacra Scriptura. R. secundo cum Abulensi in cap. 4. Matth. quæst. 47. & Victoriam in relectionibus de Magia num. 23. duo contineri in prædicto Concilio: vnum est, quod verè illæ mulieres putarent se equitare super bestias, & multa terrarum spacia peragrarè. Alterum est, quod putarent se equitare cum Diana, & hanc esse Deam Paganorum, & quantum ad hoc secundum definiuit Concilium illusionem istarum mulierum esse contrariam Sanctæ Fidei, & qui talia credunt fidem perdere; credere enim esse plures Deos, est contra fidem. De primo puncto nihil determinat de fide, sed solum explicat veram sententiam, quod ut plurimum hæc in imaginatione opera Dæmonis perficiuntur. Ad auctoritatem S. P. Respondetur ipsum ibi velle solum hominibus, qui putant se in bestias conuersos fuisse, & sub graui onere multum laborasse, id in grauissimo sopore, & somno accidisse; nam si haberent sensus liberos, facile iudicarent se non esse conuersos in bestias, non tamen propterea negat aliquando alijs spectantibus aliquem apparere posse conuersum in bestiam ratione corporis assumpti à Dæmone sub tali figura. Videantur Alensis parte secunda suæ summæ quæst. 43. memb. 3. art. primo, & Gabriel in secunda.

secundo dist. 8. quæst. 2. ad secundum, Alphonsus à Castro libro primo de iusta hæreticorum punitione cap. 16. & Caietanus loco citato. Ad secundam Confirmationem & conuenienter apparuisse Angelos in veris corporibus assumptis, vt habet S. P. lib. 3. de Trin. cap. 11. quia eorum apparitiones ordinabatur ad significandam apparitionem Filij Dei in vero, & reali corpore. Secundo Respondetur ex S. Dionysio epist. ad Titum, Angelos sic apparuisse, vt per eos totus homo perficeretur, idest secundum intellectu per visionem, & illuminationem intellectualem, secundum imaginationem per visionem imaginariam, & secundum sensum externum per realem verorum corporum representationem. & tertio ex S. Thom. prima parte quæst. quinquagesima prima art. 2. & quæst. 6. de Potentia artie. 7. vt familiariter cum hominibus conuersando demonstrarent intelligibilem societatem, quam homines expectant se cum illis habituros in vita futura Sanctorum.

Dico secundo huiusmodi corpora, quæ assumunt Angeli, esse quidem vera secundum formas per se sensibiles, non verò semper veritate secundum naturam speciei, quam representant, v.g. Hominis, Leonis, Aquilæ, Columbæ, &c. Probatur quia cum Angeli non indigeant corporibus assumptis propter se, sed

propter nos, vt scilicet exerceant in illis aliquas operationes iuxta exigentiam infirmitatis nostræ, vt locutionem, motum localem, & manifestationem sui, vel proprietatum superioris substantiæ; ille enim est finis, vt ait S. Dionysius lib. de cælesti Hierarchia cap. 2. & 15. visibilium formationum; sed corpora vera veritate nature, vt humana, &c. non sunt apta, immò maxime inepta ad exequenda ministeria Angelica, & ad prædictam representationem, nam ratione grauitatis sunt inepta ad motum, & velocia ministeria ipsorum, & ratione animæ non possunt esse simul manifestatiua proprietatum. Angeli; etenim vt docet S. Thom. in secundo sententiarum distinctione 8. quæst. prima: Proprietates, quæ secundum veritatem sunt in aliquo corpore, ducunt in cognitionem principiorum subiecti, non autem substantiæ spiritualis; secus verò proprietates, quæ solum secundum similitudinem sunt in corpore, nam sub illis non intelligitur res aliqua sabesse præter ipsam substantiam spiritualem, & corpus illud tenuissimū, v. g. ignis, aut aeris, quod est subiectum necessarium illorum accidentium, vt patet cum apparent in figura ignis, Leonis, Aquilæ, &c. ergò dicendum est Angelum non assumere corpora vera veritate nature. Confirmatur, quia, vt notauit S. Thom. per dictam operationem non dicitur

Ange-

Angelus assumpsisse linguam asinæ, quando loquutus est ad Balaam; nec Dæmon serpentem in quo loquutus est Euz: nec corpus hominis, quod habitat, & vexat.

Dices: si Angeli non assumerent vera corpora veritate naturæ, esset fictio in ipsis Angelis, & aliquid frustra in talibus corporibus assumptis esset, ut formatio oculorum, aurium &c. cum hæc ad proprium usum Angelorum non pertineant. & neque fictionem esse, neque frustra fieri, quia non assument Angeli formas humanas, ut homines esse credantur, sed ut per humanas proprietates, & opera spirituales Angelorum virtutes, & opera designentur; quæ admodum nec etiam metaphoricæ loquutiones sunt falsæ, in quibus ex aliorum similitudinibus res aliæ significantur; & sic patet nec etiam sequi secundum inconueniens: oculi enim, & aures, & similia membra non assumentur ab Angelis, ut in illis exerceant opera vitæ, sed ad significandas varias proprietates Angelorum, & ad congruam instructionem eorum, ad quos mittuntur, ut docet S. Dionysius cap. ultimo de cælesti Hierarchia. Dixi in conclusione *non semper*, quia si appareant in forma ignis, nihil vetat, quin minus assument verum corpus ignis eo modo, quo possunt assumere, ut mox explico; nam tale elementum ex sua natura non est ineptum ad prædicta;

& præterea sicut communiter dicitur corpora alia, quæ assument, esse ut plurimum formata ex aere, qui per suam tenuitatem est aptus ad prædicta officia; sic idem poterit dici de igne, qui habet maiorem tenuitatem, & velocitatem, nec non & actiuitatem.

Dico tertio: non assumere corpus vniendo se illi per modum formæ, ut videtur sentire Aureolus relatus à Capreolo in secundo distinctione, tertia quæst. prima, artic. secundo, nec etiam per modum hypostasis, ut videtur velle Tertullianus lib. de carne Christi; affirmat enim ibi Angelos *assumpsisse carnem humanam, & eo ipso factos esse, quod natura non sunt*: sed solum per modum intrinseci motoris mobili ad sui, vel ad superioris substantiæ manifestationem. Hæc assertio est communis inter Doctores in secundo dist. 8. eamque docet, & explicat S. Thom. qu. 6. de potentia ad primum, & in 2. dist. 8. quæst. prima art. 6. in corpore ad primum. Probatur communiter quoad primam partem, quia Angelus est substantia completa, & consequenter non potest esse forma alterius; forma enim est quid incompletum faciens simul cum materia vnum per se, & completum, quod repugnat Angelo. Secunda pars probatur, quia nulla creatura potest viribus naturæ mutare naturalem modum essendi alterius; sed modus natura-

rius; sed modus naturalis essendi cuiusque substantiæ est per se subsistere independenter ab alio; ergo non potest Angelus separare substantiam alterius naturæ, & illi communicare suam. Præterea superuacuum videtur pro breuissimo temporis spatio talem vnionem hypostaticam facere. Denique Sanctus Pater epistola retia, quæ est ad Volusianum, appellat mysterium incarnationis singulare, eo quod non habeat exemplum, quod esset falsum, si Angelus hypostaticè sibi vniret corpora. Tertia pars probatur à sufficienti partium enumeratione: cum enim assumere corpus sit illud sibi vnire; assumere enim est idem, ac ad se sumere, quod est idem ac illi se coniungere, ita ut sint quidem realiter distincta entia, sed localiter indistantia; Angelus non vnit se corpori informatiue, aut hypostaticè, vt dictum est; ergo per modum motoris mobili, cum quo non facit quidem vnum simpliciter, quod docet Philosophus lib. primo Physic. fieri solum tribus modis, id est continuatione, indiuisibilitate, & ratione; sed solum secundum quid; quo pacto figurata vniuntur figuræ; causa mouens suo instrumento, & quilibet motor mobili, quod mouet; propterea potest Angelus assumere, & deponere corpus assumptum; quando vult, quod non esset, si illi vniretur per modum formæ, vel hyposta-

sis: nam vniones istæ sunt naturales secundum esse, supra quod non potest voluntas creata, sed solum diuina; vt docet S. Thom. dist. 8. qu. 1. artic. 2. ad 2. & qu. 6. de Potentia artic. 7. ad 4. Aduerte tamen quod non sufficit ad assumptionem vnio motoris cum mobili. Angeli enim motores orbium cælestium non dicuntur illos assumere; sed præterea requiritur, vt assumens corpus vniantur illi tamquam instrumento ad sui, vel alterius manifestationem; vnde ipsemet assumens format tale corpus; quod probatur à priori ex doctrina S. Dionysij loco citato, vbi docet finem omnium assumptionum esse cognitionem virtutum spiritualis substantiæ. A posteriori verò ostenditur, quia de facto Angeli formant talia corpora, quæ sint apta ad talem representationem, & vt plurimum non vniuntur illis corporibus veris veritate naturæ specificæ, quam foris representant, vt cum exterius representatur Homo, Aquila, Leo, Agnus, Columba, &c. eo quod ista sint inepta ad talem representationem; illorum enim proprietates non repræsentarent proprietates assumptis, sed naturam corporis, cuius sunt proprietates. Dictum est debere vniri tamquam instrumento vel ad sui, vel alterius manifestationem, vt Dei, vel Angeli superioris; omnes enim apparitiones, quæ leguntur factæ in veteri testamento, in quibus

dicitur Deus fuisse loquutus, vel apparuisse, factæ sunt ministerio Angelorum, ut probat S. P. lib. 3. de Trinitate serè per totum. Angelus enim assumens corpus aliquando figurabat illud ad exprimendas suas proprietates, & tunc dicitur assumere, & apparere; aliquando figurat illud ad exprimendam diuinam Maiestatem vel proprietatem superioris Angeli, & tunc ipse Deus, vel Angelus superior dicitur formare, & assumere illud corpus, & in illo apparere. Videatur S. Gregorius lib. 18. moral. capite secundo, ubi explicat apparitionem factam Moyfi, ut habetur Exodi cap. 3. & Glossa Ordinaria ait. *Angelus qui Moyfi apparuisse describitur modo Dominus, modo Angelus memoratur. Angelus, quia exterius loquendo seruit: Dominus, quia interius præfidentis loquendi efficaciam tribuit; Cum enim loquens ab interiore regitur, & per obsequium Angelus, per inspirationem Dominus memoratur.*

Dico quarto. Angelos assumere corpora ex substantia tenuissima, & ut plurimum ex aere mixto, eaque propria virtute formare. Prima pars huius assertionis est communis apud Theologos in secundo distinctione 8. cum enim Angeli in corporibus assumptis subito appareant, & subito illa relinquant, debent illa formare ex substantia apta ad subito euanescentiam, qualis est substantia re-

nui; & ut plurimum noster aer, tum quia est maximè transmutabilis, & citè continuabilis; tum quia cum sit mixtus vaporibus, facillè potest condensari, & sic figuram recipere, & retinere, & per alicuius corporis lucidi oppositionem diuersimodè colorari, ut patet in nubibus, & maximè quando formatur Iris; Dixi ut plurimum, quia possunt Angeli prædicta corpora formare ex singulis elementis, ut quando apparent in forma ignis &c. vel ex pluribus elementis; non tamen ita facillè ex terra ratione densitatis, & duritiei. Altera pars assertionis est Scoti, Gabr. & Sancti Bonauenturæ in commentarijs dictæ distinctionis 8. & ratio est, quid illa formatio non excedit vires naturales Angeli, cum perficiatur solum per motum localem, quem omnes Angeli possunt efficere; unde quando S. Thomas prima parte quæst. 51. artic. 2. ad 2. & 3. dicit Angelos formare corpora virtute diuina, id dicit, quia in tali assumptione sequuntur imperium, & directionem Dei, cum præsertim formet huiusmodi corpora ad representandum ipsum Deum; & hoc quidem quoad Angelos Sanctos. Probat ut secundo quia quando Demones assument corpora ob malos fines, non possumus dicere tunc Deum illis ad hoc supernaturalem, vel specialem virtutem communicare, aut illis talia corpora præparare. Si quæras an

ex eadem materia tam Angeli boni, quam mali sibi forment corpora. Respondetur nullam esse efficacem rationem ad dicendum, quod sit differentia; cum eadem corpora ad diuersos fines valere possint; nam & ho-

mines corporibus eiusdem rationis nunc bene, nunc male vtuntur; quapropter sine fundamento à quibusdam dicitur Angelos bonos ex caelesti, malos verò ex terrestri materia corpora formare.

AXIOMA SECVNDVM.

Non potest Angelus in corpore assumpto exercere actiones vitales quoad substantiam.

Ex Lib. 4. de Trinit. Cap. 11.

Facile est spiritibus nequissimis per aerea corpora facere multa, quae videntur animae terrenis corporibus aggrauata, etiam melioris affectus &c. Quid magnum est Diabolo, & Angelis eius de corporeis elementis per aerea corpora facere quae caro miretur, aut etiam occultis inspirationibus ad illudendos humanos sensus phantasmata imaginum machinari, quibus vigilantes, dormientesue decipiat, vel furentes exagitet? Sed sicut fieri potest ut homo vita, ac moribus melior spectet nequissimos homines, vel in fune ambulantes, vel multimodis motibus corporum multa incredibilia facientes, nec ullo modo talia facere concupiscat, nec eos propterea sibi praeponeudos existimet, &c. sic anima fidelis, & si non solum si videat, verum etiam propter fragilitatem carnis exhorreat miracula Daemonum, non ideo tamen aut non se posse talia dolebit, aut ob hoc illos meliores indicabit.

D V B I V M

Vtrum Spiritus possint in corporibus assumptis producere aliquam formam substantialem, vel accidentalem.

Dico primo Angelum neque in corpore assumpto, neque simpliciter posse producere ullam formam substantialem, vel ullam qua-

litatem disponentem ad illam. Haec assertio est communis apud Theologos; eamque docent communiter cum Magistro in secundo sent. dist.

7. & 8. S. Thom. prima parte quest. 110. S. Bonauentura, Scotus, Ric. Gabriel, Durandus, & alij tam antiqui, quam recentiores. Probatum primo auctoritate S. P. qui in lib. 3. de Trinit. cap. 7. cum comparasset Angelos agricolis, postea cap. 9. negat illis huiusmodi virtutem; & S. Ambrosius lib. primo de fide contra Arianos cap. 8. ait: dum ab Angelis assumuntur corpora, non mutari substantiam; Hoc habetur etiam definitum in Concilio B. I. arenensi, can. 2. de conceptione, & formatione hominis, & can. 3. in vniuersum definitur quod nullas naturas in mundo Diabolus fecerit. Probatum secundo ratione, quia forma substantialis non potest produci nisi vel per creationem, vel per educationem, de potentia materiæ; sed neutrum possunt Angeli; ergo &c. Probatum minor quoad primam partem tum auctoritate S. P. loco citato, ac etiã lib. 12. de Ciuit. Dei cap. 24. ubi ait: *Angeli etiam si adhibent, vel iussu, vel permissi operationem suam rebus, qua gignuntur in hoc mundo, tamen non eos dicimus creatores animalium, quam nec Agricolas frugum, atque arborum.* Idem docet S. Ior. Damascenus lib. primo de fide cap. 3. quos sequuntur ferè omnes Scholastici. Ratio, quam assignant, est, quia create per modum causæ principalis arguit infinitam virtutem in creatante, quæ soli Deo competit. Probatum etiam

quoad secundam; quia Angelis, cum sit solum substantia intellectualis, non comperit alia operatio, quam intellectualis, quapropter non potest operari ad productionem rerum corporarum nisi per modum instrumenti; sed se non potest simpliciter per se inducere formam substantialem; ergo nec etiam Angeli. Probatum etiam, quia semel dato, quod possent formas substantiales producere saltem materiales, easque corrumpere, totus orbis esset illis subiectus, quod est contra illud Apostoli ad hebr. cap. 2. *non enim Angelis subiecit Deus orbem terræ.* Hoc quod dictum est de formis substantialibus, est etiam intelligendum de qualitatibus disponen-
tibus ad illas.

Dices primo, quod est causa causæ est causa causati; sed Angeli sunt causa motus cæli, qui est causa generationis, & productionis formarum; ergo &c. Respondet S. Thom. prima parte qu. 105. artic. primo ad primum, & qu. 110. artic. 3. ad secundum Angelos causare formas rerum non influendo, sed mouendo ad ipsas, id est medietate tantum adducendo, vel reducendo corpora illa caelestia concurrentia ad generationem. Contra hanc solutionem videtur militare illud, quod idem Angelicus Doctor docet qu. 70. dictæ primæ partis artic. 3. ad 3. & alibi sæpè, id est cælum virtute sui motoris producere animalia, & actionem instru-

instrumenti tribui principali agenti, & consequenter quod motor cæli immediate generabit viuētia, & ex eodem S. Thom. in secundo loco citato cælos producere viuētia in virtute sui motoris, quatenus scilicet est director, & moderator actionis mediante motu cæli ad modum artificis per artem temperatam virtutem agentium naturalium, non autem physicè agendo, aut influendo per modum causæ naturalis propter rationes supra adductas. Hoc idem docuerat S. Pater lib. 3. de Trinitate cap. 9.

Dices secundo S. P. N. lib. 15. de Ciuit. Dei cap. 23. asserere Angelos malos se miscuisse mulieribus; unde etiam narrat aliquos sensisse, quod ex illis nati sint gigantes; ergo non est deneganda eis potestas ad producendas substantias. & communiter D. D. admittere Dæmones incubos, & succubos; non tamen inde sequi eos potuisse sua virtute generare, sed semine aliunde recepto. Videatur S. Thom. prima parte qu. 51. art. 3. ad sext. & quodlibeto 6. art. 8. ad 6. Abulensis in cap. 6. Genesis qu. 8. & cap. 7. Exodi qu. 12. & colligitur ex doctrina S. P. N. Augustini lib. 3. de Trinitate cap. 8. & 9. Videatur noster Leonardus Coquæus in commentarijs de Ciuitate Dei addictum caput. 23. lib. 15. de Ciuit. Dei. Non defuerunt tamen qui existimarunt Angelos bo-

nos seminarum pulcritudine captos ad obscenum earum amorem, & concubitum lapsos; ita Iosephus lib. pr. Antiquitatum cap. 5. citatur etiam pro hac sententia S. Iustinus Martyr apologia prima pro Christianis. Clemens Alexandrinus lib. 3. Stromatum, & lib. 5. describit quosdam Angelos mulierum amore lapsos cælestia eis consilia communicasse. In eadem sententia sunt Athenagoras oratione ad Antoninum; Eusebius lib. 5. de præparatione Euangelica cap. 4. Methodius apud S. Epiphanium hæresi 64. Tertullianus lib. de habitu muliebri, & lib. de velandis Virginibus, ubi ad Angelos refert illud D. Pauli Ep. prima ad Cor. c. 11. mulieres in Ecclesia debere velari propter Angelos Dei; S. Ambrosius lib. de Arca, & Noe Lactantius etiam lib. 2. diuinarum institutionum cap. 15. qui putat fuisse illos Angelos qui missi erant à Deo ad custodiam generis humani; sic etiam Secuerus Sulpitius in exordio prioris libri de Sacra Historia. Reijciunt tamen hos, & merito S. P. N. Augustinus in dicto capite 23. lib. 15. de Ciuit. Dei, S. Ioannes Chrysostomus hom. 22. in Genesim, Theodoretus quæst. 47. in Genesim, ubi acriter inuehitur contra dictam sententiam, & contra eius assertores, & multis Sacræ Scripture testimonijs probant eos, qui deliquerunt fuisse filios hominum, non Angelos. Philastrius li-

bro de hæresibus cap. 198. censet esse hæresim, asserere Angelos mis-
cuisse se cum sæminis ante diluuium,
& inde natos esse gigantes. Videat-
ur Leonardus Coquæus loco cita-
to de Cuitate Dei.

Dico secundo, Angelos posse pro-
ducere motum localem, & qualita-
tes ex natura sua non disponentes
ad formę substantialis productionē,
vt ex qualitatibus materialibus so-
num, lumen, species sensibiles; ex
spiritalibus verò signa quædam in-
tellectualia; & species intelligibiles.
Prima pars de motu locali est certa
apud omnes; nam ipsa corpora, quæ
assumunt, mouent; ac etiã cælos, &
cooperantur Deo in administratio-
ne vniuersi applicando actiua passi-
uis; & ratio est, quia talis motus non
excedit vires Angeli; cum habeat vir-
tutem longè vniuersaliorem, & al-
tiori, quam anima rationalis, quæ
mouet suum corpus localiter. Ex
quibus inferitur virtutem Angeli se-
extendere ad omnia, ad quæ se ex-
tendit motus localis; & primò qui-
dem, potest ex causis naturalibus
eas applicando elicere plures effe-
ctus applicando secundum, aliquan-
do præter cursum consuetum nature
tum propter vehementiam virtutis
actiue, vel propter multitudinem re-
rum aggregatarum, tum etiam pro-
pter habitudinem passiuorum; pro-
pterea effectus, qui non sunt in po-
testate alicuius virtutis naturalis pro-

ducere non possunt; vt v. g. suscita-
re mortuum, nisi virtute diuina; quā-
do enim conati sunt viribus nature
hoc facere Dæmones, vt tentarunt
tempore S. Petri incantamenti Si-
monis Magi, semper deprehensum,
fuit esse præstigium. Secundo possunt
Dæmones per maleficas fascino in-
fantes excitando in ipsis vehemen-
tem passionem iræ, inuidiæ, odij, &c.
vnde inficiantur Spiritus, qui per
oculos inficiunt aerem, & hoc me-
diante corpus infantis propter te-
neritudinem aptissimum ad recipiē-
dum infectionem, quo pacto dicitur
in libro de somno speculum nouum
infici ad aspectum mulieris menstrua-
tæ. Tertio possunt inducere homi-
nes ad iudiciam falsum, vel præsti-
gijs facta solum mutatione ex parte
cognoscentis, vel ex parte obiecti,
vel ex parte mediij; ex parte quidem
obiecti, vel summa celeritate res va-
rias, & veras occultando, vel appo-
nendo, vel assumendo varia corpo-
ra habentia figuram verorum cor-
porum secundum speciem, vel dispo-
nendo varias res, ex quibus aliquid
tertium apparens resultet, eo mo-
do, quo aliqui dicunt ex dispositio-
ne candelæ, & paleę naturaliter ap-
parere serpentes; ex parte verò me-
diij aerem cōdensando ad hoc, quod
obiectum appareat maius, vel mi-
nus eo, quod in se est; ex parte ve-
rò organi apponendo, vel applican-
do aliquid naturaliter actiuum, vn-

de resultet illusio. Denique ex parte specierum sensibilium illas vario modo componendo, agitando, mutando, vel faciendo illas ad organa sensuum refluerere. Videantur Gabriel in secundo dist. 8. qu. 2. & Alentis secunda parte quaest. 43. memb. 3. artic. primo.

De qualitatibus, quæ non sunt ordinatæ ad generationem substantialem, siue sint corporales, ut sunt lux, sonus, species sensibiles, & huiusmodi qualitates impressæ, dummodo non sint disponentes ad productionem substantiarum, concedunt communiter D. D. eas posse ab Angelis produci; tum quia non apparet implicantiæ, vel repugnantia subieciens ad denegandam illis talem virtutem; nec videtur superare vires actiue naturæ Angelicæ; immò spectant ad rectam administrationem vniuersi; nec obstat ratio materialitatis talium accidentium; nam materiale potest eminenter contineri in ente spirituali; nec perfectio talium qualitatum; virtus enim Angeli est perfectior, & vniuersalior, quam cuiuslibet agentis creati virtus. Quod pos sint Angeli producere qualitates impressas deducitur ex S. Thoma, prima secundæ qu. 23. artic. 4. ubi docet, quod omne mouens trahendo ad se patiens tria facit. Primo dat ei inclinationem, siue aptitudinem, ut in ipsum tendat. Secundo, si corpus generatum est extra locum proprium,

dat ei moneri ad locum. Tertiò dat ei quiescere in loco, cum peruenierit; quod similiter ait esse intelligendum de causa repulsionis. Inclinatio illa ad motum nihil aliud est, quam virtus impressa mobili ad hoc, ut moueatur. Ex quo sic arguo; licet Angelus quando immediatè mouet corpus, v. g. cælum, fortassè non imprimat illi talem qualitatem, quia solum ponitur ad hoc, ut sic instrumentum mouentis quando separatur à mobili, nihilominus aliquando debet necessariò talem qualitatem producere, vel quando detinet corpus graue suspensum in aere, vel quando mouet ipsum ita eleuatum, vel quando existens definitiue in corpore assumpto projicit lapidem sursum; Ergò necessariò est ponenda talis potestas in Angelis. Antecedens probatur, quia in talibus casibus, saltem in tertio, non potest assignari aliud per quod Angelus ille moueat tale corpus. De sono consentiunt omnes posse fieri ab Angelo; Angelus enim in corpore assumpto loquitur; & præterea sonus sequitur ad plurimos motus locales, quos Angelos posse producere est certum. Si quæras an possit efficere sonum sine motu locali. Respondeo aliquos affirmare; eo quod non implicet eandem qualitatem terminare actiones specie diuersas; exemplificant in vbi catione, quam putant esse qualitatem physicam, vel realiter distinctam à su-

à subiecto, aut saltem modaliter, quam dicunt posse terminare actiones specie diuersas, creationem videlicet, generationem, & motum localem, & præsertim si sit terminus secundarius, vt in præsentī ponitur esse sonus; sic enim etiam calor, raritas, & leuitas propter eandem rationem possunt terminare varias actiones. Alij negant, quia videtur imperceptibile, quomodo sine collisione corporum possit fieri sonus, qui requirit illam fractionem aeris; quorum sententia mihi videtur magis probabilis; nam ratio, & exemplum non conuincunt oppositum; non ratio, quia nihil impedit quominus per varias specie motiones fiat talis sonus, dummodo necessario interueniat motus localis corporum, sine quo indispensabiliter non produci- tur sonus; nec exemplum; nam in sententia, quam sequor, non datur tale vbi contradistinctum realiter, aut modaliter à mobili.

De speciebus sensibilibus docent aliqui eas posse ab Angelis produci in imaginatione hominis, & hoc modo eos loqui hominibus, quod probant à pari de impulsu, qui & ipse est qualitas corporea, quando per eum mouentur corpóra.

De lumine, & similibus qualitatibus est expressa sententia eorum, qui docent Angelum esse in loco per operationem motus, vel luminis, & alicuius rei similis, quos sequi-

tur noster Ferrariensis in tertio contra gentes cap. 68. immò Angelicus Doctor in tertio dist. 22. quæst. 2. artic. 2. quæstiuncula prima ait Christi Dominum animam fuisse in Limbo, & tenebras exteriores ab eis exclauisse locum illum illuminando.

De speciebus intelligibilibus communiter docent Scholasticæ eas posse produci ab Angelis, & hoc modo vnum loqui alteri imprimendo ei talem speciem eius, quod vult illi manifestare; immò & aliqui Thomistæ docuerunt ab Angelis imprimi animabus hominum tales species, quando eis aliquid reuelant, esto sentiant, quod vnus Angelus eas non imprimat in intellectu alterius; quia putat omnibus Angelis fuisse infusas ab exordio suæ creationis; de quo infra cum de loquutione Angelorum dicam.

Dites primò. Si possent producere qualitates materiales supradictas, possent etiam disponere primo, & per se ad generationem substantialem; non enim datur maior ratio cur contineant eminenter, ita ut possint producere, vnā qualitatem corpoream, & non contineant hoc modo alteram; ergò vel negandum est de omnibus, vel admissa contineantia vnus admittenda est continentia alterius; vel assignanda est maior ratio, quæ non apparet. R: maiorem rationem esse illam supra assignatam ex sacra Scriptura, id est quod

Deus

Deus non subiecit illis orbem terrarum; subiecisset autem, si dedisset illis talem continentiam qualitarum, per se disponentium ad generationes, & corruptiones substantiales; possent enim totum hunc orbem in generabilibus, & corruptibilibus substantijs immutare.

Dices secundo cum B. Egidio nostro, Modus agendi proportionatur modo essendi; sed esse Angeli est omnino immateriale; ergo nullo modo potest producere qualitates materiales. R. argumentum hoc nimis probare; & propterea nihil probare; si enim esset vniuersaliter verum modum agendi debere proportionari in omnibus, & per omnia modo essendi, nec etiam Deus, qui est omnino immaterialis, & in summo gradu spiritualitatis, posset producere aliquid materiale. Prædictum igitur axioma est intelligendum de actione primaria, & immanente; non vero de secundaria, & transeunte.

Dices tertio cum Durando, Deus, & natura nihil faciunt frustra; sed iam dantur in mundo sufficientes causæ prædictorum effectuum præter ipsos Angelos, ut est manifestum discurrentibus per singula ex prædictis; ergo frustra, & gratis conceditur Angelis vlla alia virtus in hæc inferiora præter virtutem, & potestatem motus localis; R. non esse frustra, quod eorundem specie effectuum dentur plures causæ specie differen-

tes, ut patet in calore; lumine, & in productione plurium animalium imperfectorum; fortassè enim plurium qualitarum producibilium ab Angelis non dantur in hoc mundo corporeo causæ sufficientes. Sed quidquid sit de hoc, etiam dato quod essent, non propterea Angelorum operatio in illo esset superflua; pertinet enim ad diuitias diuinæ Bonitatis, & Liberalitatis, & ad ostensionem harum diuinarum perfectionum tum naturæ fecunditas, tum etiam quod eiusdem effectus dentur plures causæ sufficientes.

Dices quarto S. Thomas sæpissimè negat Angelis potestatem producendi vllam formam præter motum localem; ergo &c. R. cum nostro Ferraricensi lib. 3. contra gentes cap. 68. Sanctum Thomam loqui de forma substantiali, vel si de accidentali, de omnino materiali, & disponente per se ad generationem, & corruptionem, quales non sunt prædictæ, de quibus supra dictum est, quæ communiter dicuntur qualitates intentionales. Maneat ergo cum S. P. N. *non esse magnum Diabolo, & Angelis eius de corporeis elementis per aerea corpora facere, quæ caro miretur etiam occultis inspirationibus ad illudendos humanos sensus, phantasmata imaginum machinari, quibus vigilantes, dormientesque decipiat, vel furentes exagitet.* quod si hæc possunt vbius naturæ Spiritus mali, & per-

mittuntur agere in pœnam peccatorum, quis dubitet hoc posse eisdem viribus Sanctos Angelos in bonum vsum ad utilitatem bonorum?

Occasione huius Doctrinæ S. P. quæri potest hic primò; quomodo Dæmon possit huiusmodi occultis inspirationibus, & phantasmatibus imaginum, vel alio modo eludere humanum sensum: Pro solutione. Aduertendum est ex Gabriele in secundo dist. 8. qu. 2. art. 3. esse discrimen inter errorem, illusionem, & præstigium; Error enim dicitur quod cumque falsum iudicium ex quacunque causa illud falsum esse contingat; illusio verò appellatur in præsentia materia illud iudicium falsum, quod accidit propter aliquam immutationem factam circa obiectum, vel circa sensum, vel circa medium, per quod obiectum percipitur à sensu; præstigium verò appellatur solum error ille, qui contingit ob immutationem factam solum circa sensum aliquem interiorem, vel exteriorem. Quibus positis, & cum Alexandro Alensi in summa parte secunda qu. 43. memb. 3. artic. primo, ac aliis Theologis in commentarijs, & questionibus ad distinctionem tertiam libri 2. posse tribus præcipuè modis fieri, ut sensus humani in eo genere decipiatur. Primò per immutationem aliquam circa obiectum addendo illi aliquid, ob quod huius, vel illius figuræ appareat, etiamsi in rei

veritate secundum se maneat idem, cum res corporales, in ijs, quæ ad morum spectant, obediant Angelis siue bonis, siue malis, ut docet S. Thom. prima parte qu. 110. artic. 3. & sic possunt facere ut aliqua corpora appareant alterius formæ, seu figuræ ac sint in se; & hoc modo docet S. P. N. Augustinus lib. 18. de Ciuitate Dei cap. 18. Dæmons opera factum quod fertur de Arcadibus in lupos conuersis, & de socijs Diomedis conuersis in aues, & de socijs Vlyssis conuersis in bestias à Circe venefica. Secundo modo potest Dæmon organum sensus afficere, seu inficere aliquo humore, ob quem res aliqua aliter appareat, quam sit in se; quo pacto naturaliter experimur sensui gustus aliquo prauo humore infecto aliter videri esse saporis, quam sint in se. Tercio potest immutare medium, sicut potest organum, nam, ut docet S. Thom. in secundo dist. 8. quæst. vnica artic. 5. ad 4. potest facere, ut species sensibiles, quæ sunt in phantasia, transeant ad sensus externos, & ita eos immutent; ac si re vera à rebus externis ad eos deducerentur eo modo, quo fit, quando est vera sensatio rei externæ. Potest etiam cetero aliquo modo ita componere, & ordinare phantasmatum, ut faciliè quis in hoc genere decipiatur putans se id sentire, quod non sentit, eo modo quo dormientibus contingit, ut notat Gaetanus

in secunda 2. quæst. 95. artic. 3. & his tribus modis posse decipere admittunt omnes Theologi; isti enim possunt fieri per solum motum localem, quem omnes posse Angelos efficere concedunt; & sic applicando actiua passiuus mutare possunt res illis dictis modis prout voluerint, seu ut permittuntur. Quartum modum possumus addere ex doctrina illorū D. D. qui censent præter motum localem posse eos efficere supradictas qualitates, ut lucem, sonum, & species; hæc producendo, vel in medio, vel in organo, quia, ut notauit noster Thomas Argentina in secundo dist. 11. qu. prima artic. 2. potest Angelus loqui ei, ad quem mittitur duobus modis. Vno modo ex collisione aeris formando quosdam sonos ab homine intelligibiles. Alio modo nouas species sensibus immitendo per ostensionem nouorum sensibilium.

Quæres hic secundo: an Angelus quando mouet corpus assumptum, in quo est, moueatur, & ipse, & quomodo. R. communiter moueri per accidens moto corpore, quando ipsum corpus totum mouetur motu recto secundum se totum, non verò quando mouetur solum secundum partem, vel quando mouetur totum circulariter. Hæc assertio est S. Thomæ prima parte quæst. 51. artic. 3. ad 3. & in primo dist. 37. qu. 4. & in secundo dist. 8. qu. 7. artic. 4. quæ-

stioncula 4. & nostri Beati Egidij ad eandem distinctionem qu. 2. ad primum dubium: Probatur primò a posteriori, quia in ordine ad motum ita se habet Angelus in corpore assumpto, sicut se habet anima in ordine ad suum corpus, quod informat; conuenit enim utrique ratione suæ spiritualitatis hoc, quod est esse totum in toto, & totum in qualibet parte; sed anima dicitur moueri solum per accidens, quando totum corpus mouetur motu recto, non autem quando mouetur motu circulari, vel quando solum vna pars corporis mouetur in recto; ergo &c.

Probatur secundo à priori; quia tunc solum moto mobili motor mouetur per accidens, quando in eo est definitiuè; propterea enim non dicitur moueri Deus per accidens moto corpore, in quo est, quia in eo non est definitiuè. Ea verò, quæ sunt in loco definitiuè, id est ita sunt hic, ut non sint alibi, licet sint tota in toto, & tota in qualibet parte mobilis, necesse est ut moto mobili, in quo sunt, nisi illud deserant, moueantur per accidens, id est ad motum alterius; tunc enim solum ad motum illius mouentur, quod primo, & per se respiciunt; motus enim proportionatur modo essendi mobilium; sed nec anima, nec Angelus sunt definitiuè in qualibet parte corporis, in quo sunt, sed solum in toto: licet enim, verè sint in qualibet parte, ita tamè

sunt

sunt in ea, vt sint etiam in alijs partibus; ergo non mouentur per accidens, nisi moto toto corpore: motu recto, non verò motu circulari; eoquod in hoc nō mouetur totum, sed semper manet in eodē loco. Ex quo colligunt motorem cæli non moueri per accidens ad motum illius; tum quia cælum non mutat locum secundū se totum; tum quia nō determinatur motori locus secundum aliquam partem substantiæ orbis, quæ nunc est in oriente, & postea in occidente, sed secundum determinatum situm quia semper est in oriente virtus mouens, vt docet Aristoteles lib. 8. *Physic.* text. 84. & S. Thom. in commentarijs illius loci, & in prima parte quæst. 51. art. 2. in corpore.

Huic doctrinæ, quamuis valde plausibili, non assentior in omnibus; & ratio est, quia tunc reuera aliquid dicitur moueri, vel per se, vel per accidens, quādo deserit vnum locum, & acquirit alium; sed de facto datur motus circularis, in quo mobile deserit vnum locum, & acquirit alium; ergo etiam in hoc motu circulari dabitur motus per accidens, tam Animæ quam Angeli. Probatior minor, in illis circulis, qui notabilissimè excedunt quantitatem molis ipsius mobilis, puta hominis, qui in eo moueatur, tunc designatio in eo quatuor punctis, v. g. A ad Orientem, B ad Meridiem, C ad Occidentem,

D ad Septentrionem, profectò quando homo deseruit spatium puncti A & acquisiuit spatium puncti B, cum non sit amplius nec secundum se totum, nec secundum partem in spatium A, tunc dicitur moueri totum corpus per se; & per cōsequens Anima rationalis, siuè Angelus moueri etiam per accidens, cum non minus acquirat nouū spatium in hoc motu circulari, quam acquireret, si moueretur motu recto; Præterea in eo quod dicitur mora parte corporis v. g. manu remanentibus reliquis corporis partibus immotis non moueri tunc animam, seu Angelum in ea parte existentes per accidens, nō planè quiescit intellectus, cum enim motus localis essentialiter saluetur, in hoc quod est deferere vnum locum, seu spatium, & acquirere alium, siue sit per se, siue per accidens, siue secundum se totum, siue secundum partem solum, semper dicitur verè, & realiter moueri; nec officit ly definitiuè; nām do quidem in reliquis partibus corporis non moueri, cum istæ non moueantur; sed non capio, quod prout anima, seu Angelus existens in ea parte, si eam deserat, non moueatur per accidens, ea mora, & do instantiam in Sanctissimo Eucharistiæ Sacramento, in quo motus speciebus sacramentalibus, dicitur moueri corpus Christi Domini per accidens, esto vna solum hostia moueatur, & non moueantur omnes hostiæ,

stia, in quibus Sanctissimum illud corpus existit. Denique illud, quod dicitur de motoribus cælorum, habet quidem magnam probabilitatē cum ratione auctoritatis Sancti Thomæ, & Aristotelis, tum ratione communioris consensus. Sed cum sit hodiē etiam plausibilis in scholis sententia illa, quod cæli sint immoti, & in eis moueantur sydera, ut pisces in aqua, maximē si ponantur cæli fluidi, ut nunc ponuntur à plurimis; Ea posita satis probabiliter diceretur in quolibet sydere esse proprium motorem, & eo moto moueri etiam ipsum per accidens; Principium enim illud, quod virtus mouens sit solum in Oriente videtur gr̃atis excogitatum, & magis esse secundum phantasiam nostram, quam secundum rationem.

Quæres vltcrius, an quando Angelus mouetur per accidens ad motum corporis assumpti, acquirat aliquid intrinsecum, ratione cuius di-

catur mutari. R. Negatiuē, sed solū esse denominationem extrinsecam à corpore acquirente nouum locum, & nouam distantiam. Probatur primo exemplo animę rationalis, quæ nihil intrinsecum acquirit, immo & in sententia, quam ego sequor, nec etiam corpus ipsum acquirit aliquid vbi, vel quid simile intrinsecum per solum motum localem. Probatur secundo quia cum Angelus, & anima rationalis abstrahant secundum se à quantitate molis, à situ, & distantia, non habent distantiam vllam ad locum, vel punctum fixum, nisi ratione corporis, cui coniunguntur; si enim nulla essent corpora, nulla esset distantia secundum locum; ergo illam mutare non poterunt nisi ratione mutationis factæ in corpore; ergo inuariata coniunctione ad corpus tam Anima, quam Angelus dicentur moueri per accidens ad motum corporis per solam denominationem extrinsecam.

AXIOMA TERTIVM.

Angelis non conuenit illapsus in Animas hominum.

Ex Lib. de Fide ad Petrum Cap. 3.

Inest singulis spiritibus naturalis terminus, quo à se inuicem distinguuntur, & unus in altero non est.

Pono hic Axioma istud, quia licet Liber ille de Fide ad Petrum communiter hodie censeatur esse S. Fulgentij; nihilomi-

nus antiquitus habebatur pro germano opere S. P. N. Augustini, & ut tale citat illum S. Thomas, quando ex eo desumit aliquid. Et hoc axioma ex dicto Libro vtuntur S. Bonaventura in secundo dist. 8. artic. 4. quæst. 2. Beatus Egidius noster pariter in secundo eadem distinctione artic. 5. & noster Thomas Argentina in secundo dist. 7. quæst. prima artic. primo concl. 3. sub nomine Sancti Patris ad probandum Dæmonem non posse illabi animabus nostris.

D V B I V M

Vtrum Angeli possint illabi Animæ rationali, vel corpori.

Dico primo. Angelos non posse illabi animabus nostris. Hanc assertionem probant antiquiores Doctores ex lib. de Ecclesiasticis dogmatibus cap. 46. & 83. inter quos sunt S. Bonaventura, & B. Egidius noster, & Argentina locis citatis sub nomine Sancti Patris Augustini; sed reuera liber ille non est Sancti Patris, ut rectè obseruauerunt Doctores Lotharini in censura dicti libri, & Cardinalis Bellarminus lib. de scriptoribus Ecclesiasticis in obseruationibus ad opera Sancti Patris; est tamè communiter recepta doctrina illa, quæ in citatis locis habetur, nempe quod proprium est solius Dei illabi animæ nostræ; quod idem docet Venerabilis Beda in cap. 5. Actuum

Apostolorum ad illa verba Apostoli Petri ad Ananiam *Cum tentauit Satanas cor tuum &c.* Probatum etiam ratione communiter recepta, quia illapsus propriè dictus est esse præsens intimè non quomodocumque, sed secundum substantiam, præsentiam, & plenum dominium regituum; ita ut illabens conseruet esse rei, cui illabitur, & possit operari in illa, & de illa quidquid voluerit; sed hoc est proprium solius Dei, ut patet; ergo solius Dei; non verò Angeli, aut alterius Creaturæ est posse illabi in alteram. Hac ratione vtuntur communiter Thomistæ, & Gabriel in secundo dist. 8. qu. 2. & 5. S. Bonaventura, & prædicti nostri Doctores supracitatis locis. Probatum secundum

do à nostro Argentina loco citato, quia quidquid est in essentia rei, ut essentia est, hoc facit ad esse rei, & conseruat eam in esse; propter hoc enim essentia dicitur ab esse, ut docet S. P. lib. 7. de Trin. cap. 10. Sed nullus Angelus facit ad esse rei, nec conseruat eam in esse: ergo nullus Angelus est in essentia animæ, ut essentia est, & per consequens non illabatur ei. Si dicas per hanc eandem rationem probari posse, quod Angelus non possit esse in essentia alicuius corporis, quia nec facit ad esse corporis, nec conseruat esse corporis, cuius rei contrarium communiter admittitur, & experientia. Enigmatorum compertum est. Respondet idem ibi hæc ratione probari solum, quod Angelus non sit essentia corporis, ut essentia, siue substantia est, quod ultra conceditur; quia reuera solum est in essentia, seu substantia corporis, ut extensa est, non verò ut essentia, & substantia est; & hanc testatur esse Doctrinam magnorum Doctorum. Consequenter ad hæc.

Dico secundo, Angelum non posse illabi corporibus illapsu propriè dicto. Probat eadem ratione, quæ probatum est non posse illabi animabus nostris; nam nec etiam corpora conseruat in esse, nec habet plenum dominium in ea, ita ut possit operari in illis, & de illis quantum vult; nam solum potest agere in eis, quod ei à

Deo conceditur, mandatur, vel permittitur, & præterea, ut ait Argentina, non est intra essentiam, ut essentia est, sed solum ut extensa est. Probat eandem assertionem Durandus in secundo dist. 8. qu. 3. art. 6. quia à quocumque remouetur superius remouetur etiam inferius; sed intra, & extra, cum sint differentie loci, se habent ad illum, sicut ad superius; substantiæ autem Angeli non competit locus; nam abstrahit à loco, sicut abstrahit à quantitate, & situ; ergo non potest ei competere prædictus illapsus, qui requirit intimam præsentiam secundum substantiam illabentis, & eius, in quo fit illapsus. Hæc ratio non habet vim, nisi in sententia eorum, qui docent Angelos esse in loco solum per operationem, vel per applicationem virtutis, non verò in sententia eorum, qui tenent esse in loco etiam ratione suæ substantiæ; propterea sisto in prima ut pote vniuersaliori, & efficaciori.

Dixi illapsu propriè dicto; nam id, quod aliqui dicunt de illapsu Angelorum solum mediante operatione in corpus, eo quod ratione alicuius operationis sit intra terminos illius, ut videtur sentire Durandus loco citato num. 7. non est propriè illapsus, sed habet quamdam similitudinem cum eo; verum defectu pleni dominij supra ipsum corpus, vel etiā præsentie secundum substantiam, quam negant Thomistæ, non erit illap-

lapis propriè dictus; hæc enim duo necessario, & essentialiter requiruntur ad illapsum propriè dictum, ut patet ex definitione eius supra data, & communiter recepta.

Dices primò. Sanctum Patrem Augustinum libro 12. de Genesi ad litteram cap. 13. loquendo de viduandici dicere *non sanè mirum est, si etiam Daemonum habentes aliquando vera dicunt &c. quod: certè nescio qua occulta mixtura eiusdem Spiritus sit, ut tamquam unus sit patientis, atque vexantis; ex quo loco sic arguitur. Non potest spiritus malignus se sic miscere, & facere quasi vnum spiritum cum anima humana, nisi illabatur ei hoc enim requiritur ad veram mixturam, ut scilicet vnum miscibilium sit intra alterum &c. ergò re vera spiritus illabatur animæ. Responde: B. Egidius noster loco citato, dici ibi malignum spiritum facere vnum spiritum cum eo, quem vexat, eo quod ei vniatur applicatione, & oppressione, ut habetur in libro de Ecclesiasticis dogmatibus; non verò ex eo, quod illabatur ei. Quam responsionem explicare possumus per definitionem supra traditam de illapsu propriè dicto, in qua requiritur plenum dominium supra substantiam eius, cui fit illapsus; quod numquam habet vlla creatura in aliam: cui etià, si placet, dic non posse fieri intimam præsentiam in essentia, seu substantia animæ, vel corporis, ut pluribus*

Theologis placet.

Dices secundo ex eodem S. P. in dicto libro 12. de Genesi ad litteram cap. 22. *Angeli nostras cogitationes non vniuntur vni, quia non corpore, sed spiritu vident: verum hoc inest, quod illi nostras, etiam si nolumus, numerant: nos autem ipsorum, nisi ostendantur, nosse non possumus.* Ex hoc loco sic formatur argumentum. Sine illapsu in animam non potest spiritus cognoscere occultas, & internas cogitationes animæ rationalis ipsa inuita; sed spiritus, ut habet ibi S. P. etiam nobis inuitis cognoscunt nostras cogitationes; ergò illabuntur animabus nostris. Probatum maior ex epistola prima ad Corinthios cap. 2. ubi dicitur, quod nullus scit quæ sunt hominis, nisi spiritus hominis; & quæ sunt Dei nemo nouit, nisi spiritus Dei; ergò vel identitas, vel vniò intima requiritur ad hoc, ut vnus spiritus possit cognoscere intimam animæ, etiam illa inuita; sed identitas non potest dari inter Angelum, & animam, ut patet; ergò intima vniò concedenda erit, quæ non potest stare sine illapsu. Respondet etiam huic loco B. Egidius ibi. Spiritum etiam malignum dici cognoscere cogitationes nostras, eo quod per aliquos effectus factos in corpore huiusmodi cogitationes illi innotescunt; ait enim numquam, vel raro posse esse aliquam cogitationem in corde, quin vel exterius, vel sal-

tem interius reluceat in corpore aliquod signum, propter quod cogitationes nostræ Dæmonibus innotescant; quod dicit se falsius explicasse in quæstionibus de cognitionibus Angelorum.

Maneat ergo ex dictis Angelum illuminare quidem, & producere, species in anima, non tamen illabi in tra illam; eo quod nec est causa essentię eius, nec vt pars illius, neque vt virtus eius, neque conseruans eam, nec habens plenum, & totale dominium in ipsam; dici verò illabi improprie corpori, vel quod idem est, esse intra ipsum, quatenus scilicet potest esse intra ipsas dimensiones corporis, & ibi etiam operari; nam licet corpus, quod mouet localiter alterum corpus, non sit, nec naturaliter possit esse intra illud, hoc tamen nõ repugnat spiritui; ratio discriminis est, quia quantitas ipsorum corporum impedit ne corpus mouens sit intra corpus; quod ab eo mouetur; quod impedimentum non est in Angelo, & licet substantia, & operatio Angeli non recipiatur intra substantiam, & essentiam Angeli immediatè, ita ut sit causa illius productiua, vel conseruatiua; nihilominus rectè potest dici esse intra corpus illud, in quo operatur, quia adhuc satis est, vt recipiatur intra dimensiones eiusdem corporis, & ratione huius poterit dici esse intrinsecus ipsi corpori. Di-

ces, Glossa ad illud Abac, cap. 2. *Dominus in templo Sancto suo*, dicit, quod Dæmones simulacris exterius pre-sidere possunt, non tamen interius adesse; ergò falsum est, quod Spiritus recipiantur intra dimensiones corporum. Præterea quæcumque sunt simul, & indiuisa loco, quidquid est intra vnum est etiam intra alterum; sed corpus humanum, & anima rationalis ipsum informans sunt indiuisa loco; ergò si Angelus non potest esse intra animam, nec etiam poterit esse intra corpus. R. sensum illius Glossæ esse, quod Dæmones non sunt intra simulacra, vt formæ informantes, ita ut ex Dæmone, & simulacro fiat vnum tertium, vt fit ex anima, & corpore, & vt falsò putabant fieri Gentiles; non tamen negare, quod non possint esse intra illa, vt motores præsentis mobili; Ad rationem R. negando maiorem; nam accidentia corporea sunt intra corpus, vt formæ propriæ illius, & tamen non sunt in ipsa anima; incapax enim est anima rationalis informari quantitate molis, & consequenter alijs accidentibus corporeis, quæ ipsam consequuntur; & sic licet Angelus non possit esse intra animam, vt dictum est, potest tamen esse illi præsens, vt sunt illa accidentia corporea ratione corporis, intra quod est, & in quo interius operatur

AXIOMA QVARTVM

De Comestione Angelorum in corpore assumpto.

Ex Epist. 49. ad Præsbyterum Deo gratias insolutione ad primam quæstionem.

Quomodo contrarium est, & Christum post Resurrectionem cibatum, & in resurrectione, quæ promittit ciborum indigentiam non futuram; cum & Angelos legamus eiusmodi escas, eodemq; modo sumpsisse non ficto, & inani phantasmate, sed manifestissima veritate, nec tam necessitate, sed potestate? Aliter enim absorbet terra aquam sitiens, aliter Solis radius cadens, illa indigentia, ille potentia.

D V B I V M

Vtrum Angeli in corpore assumpto possit exercere actiones vitales.

Ratio dubitandi est, quia vitalitas cõmuniter definitur principium se mouendi ab intrinseco; & cum suprãdictum sit, Angelum posse esse intra dimensiones corporis, & intra illud operari, nihil videtur repugnare, quo minus possit exercere veras operationes vitales; quod etiã suadere videntur ea, quæ narrantur tum in scripturis diuinis, tum etiam in prophanis de comestione, locutione, deambulatione, & generatione exercitis in corporibus assumptis ab Angelis. His tamen non obstantibus.

Dico primo. Angelos in corporibus assumptis non posse exercere operationes vitales quoad substantiam. Probatur communiter hæc assertio, quia Angelus non informat substantialiter, & vitaliter corpus, quod assumit, sed solum per acciden-
tali-

tialiter potentiam vitalem radicalē, & substantialem, à qua proueniunt, quæ deficit in Angelo, & in corpore assumpto non solum diuisim, sed etiā coniunctim sumptis; talis enim coniunctio est accidentalis. Probat-ur secundo, quia ad operationem verē, & substantialiter vitalem exercendam non solum requiritur principium vitale informans corpus, sed etiam corpus organis realibus, & non solum apparentibus distinctum & ritē dispositum ad tales operationes exercendas; sed hæc dispositio, & distinctio verē, & realiter non habet locum in corporibus, quæ ab Angelis assumuntur, sed solum fidē, & apparenter. Ergo repugnat, quod Angeli in talibus corporibus exerceant operationes verē, & substantialiter vitales.

Dico secundo, Angelum in corpore assumpto actiones illas, quæ sunt vitales quoad modum, posse exercere quoad entitatem realem, non verò quoad modum vitalitatis. Prima pars probatur ex illis actionibus, quas Scriptura Sacra narrat exercuisse Angelos in corporibus assumptis, vt dictum est supra in ratione dubitandi, quæ quoad entitatem, & substantiam habent magnam conuenientiam cum actionibus illis, quas nos vitaliter exercemus loquēdo, comedendo, ambulando &c. Secunda pars probatur; quia ad hoc, vt illæ actiones modo vitali exercean-

tur, exigunt procedere à principio vitali, & per certa instrumenta ad id à natura instituta, quod non habuere Angeli in casibus prædictis; vnde esto sint similes nostris; nihilominus cum non habeant ordinem ad virtutes vitales existentes in membris, per quas fiunt, nec ad phantasiam, per quam in nobis diriguntur, manet præter entitatem materialem, & similitudinem extrinsecam, quam habent cum nostris, eas verē, & intrinsecè non esse vitales, vt dictum est, & magis, patebit discurrendo per præcipuas, de quibus solet fieri quæstio.

Primo quoad Commestionem, certum est, eam fuisse veram quoad diuisionem, & traiectionem cibi, nō verò quoad principium, & finem ipsius; nam principium illius est viuens constitutum ex anima informante, & corpore per ipsam animam viuente, quod per ipsam potentiam vitalem, seu organa ad id naturaliter disposita cibum sumit, diuidit, alterat, & traiecit; finis verò est conuersio alimenti in substantiam aliti. Ex quibus infertur comestionem Christi Domini post resurrectionem ipsius fuisse veram, & efficax argumentum ad demonstrandam veritatem suæ resurrectionis; nam licet non adesset finis intentus vniuersaliter à natura, nempe conuersio illius in substantiam aliti; conuertebatur enim in materiam præiacentem, non ve-

ro in substantiam Christi viuentis, quemadmodum etiam cibus, quem videntur comedere Angeli in corporibus assumptis; erat tamen corpus Christi Dominitalis naturæ, vt cibus potuerit conuerti in substantiam illius, & diuisio illius fiebat ab anima per potentiam vitalem; quorum neutrum conuenit Angelis. Dices S. P. in axioma posito asserere Angelos escas sumpsisse eodem modo, ac Christus Dominus *non fuit, & inani phantasmate, sed manifestissima veritate*. Ergo si comestio Christi Domini fuit vera tam quoad entitarem, quam quoad modum vitalitatis, etiam illam Angelorum fuisse veram dicendum erit per S. P. Respondetur S. P. lib. 13. de Ciuitate Dei cap. 22. resumendo hanc difficultatem distinguere inter comestionem Angelorum, & illam Christi Domini relinquo sub dubio an fuerit vera comestio illa Angelorum; cum enim adduxisset sensum verborum Angeli Raphaelis Tobie cap. 12. *Videbar quidem vobiscum manducare, & bibere; sed ego cibo inuisibili, & potu, qui ab hominibus videri non potest, vitor.* subdit *Videbatis me manducare, sed visu vestro videbatis: id est necessitate reficiendi corpus, sicut vos facitis, me cibum sumere putabatis, vbi illud verbum videbar, quod in vulgata habetur, ac etiam illud videbatis, vt habet lectio septuaginta, qua vtiur Sanctus Pater, satis in-*

dicant manducationem illam non fuisse veram omnino, sed quoad vitalitatem solum apparentem; propterea Sanctus Pater statim subdit; *sed si forte de Angelis aliud credibilius disputari potest; certè fides Christiana de ipso Salvatore non dubitat, quod etiam post Resurrectionem iam quidè in spiritali carne, sed tamen vera, cibum, ac potum cum discipulis sumpsit;* quibus verbis aperte distinguit inter comestionem Angelorum, & Christi Domini relinquens sub dubio an illa fuerit vera, & vitalis; sed de hac secundum scripturas affirmando, quod fuerit vera; Si dicas, caro Christi Domini iam erat spiritalis, vt hic ait S. P. ergo eadem ratio est de Angelis, ac de Christo Domino. Respondeo ex verbis eiusdem Sancti Patris quod *non potestas, sed egestas edendi, ac bibendi talibus corporibus auferetur. Vnde, & spiritalia erunt, non quia corpora esse desinent, sed quia spiritus viuificante subsistent.* id est manebunt in ipsis verè partes corporis naturalis, quibus carent Angeli in corporibus assumptis; vnde licet non sint habituri egestatem sibi; vt ait S. P. habebunt tamen potestatem edendi, si voluerint. Dices cur Abraham tribus Angelis apparentibus illis obtulit cibos sciens illos esse Angelos; vt patet ex adoratione ipsius? Respondet Alensis parte 2. qu. 34. artic. 6. Abraham primò putasse eos esse homines. Si dicas

dicatur adorauit, si putabat homines esse; Responder idem illam adorationem non fuisse latræ, nec hyperdulæ, aut dulæ, sed reuerentiæ, quæ exhibetur hominibus excellentiæ causâ; sed postea ex ipsorum loquutione, cum declararunt ad quid venerant, cognouit esse Angelos, & representare Sanctissimam Trinitatem, & sic adorauit Trinitatem in unitate, & dixit, loquar ad Dominum meum, &c. & ideo Sancta Ecclesia canit tres vidit, & unum adorauit.

Secundo. loquendo de generatione communiter Patres, & Doctores docent non posse Angelos propriè exercere; eoquod sit opus viuientis tam secundum substantiam, quam secundum modum; vnde ad locum illum Genesis cap. 6. *Videntes Filij Dei filias hominum, &c.* quem locum putarunt aliqui esse intelligendum de Angelis, vt suprâdictum est; Respondent communiter Patres esse intelligendum de filiis Seth, & Enos; iste enim, vt habetur Genesis cap. 4. cepit inuocare nomen Domini, & ideo omnes ab eo trahentes originem Filij Dei dicti sunt, descendentes enim ab istis boni erant; per Filias verò hominum dicunt venire vxores, quas isti acceperunt ex progenie Caim, quæ dicebantur filiæ hominum, & non filiæ Dei, eoquod imitabantur prauos parentum mores. Dixi propriè, nam communiter

conceditur, Dæmones impropriè loquendo posse generare exhibendo se succubos vnus, & incubos mulieribus, vt obseruat Abulensis in cap. 6. Genesis qu. 8. & cap. 7. Exodi quæst. 12. Leonardus Coquæus loco supracitato conformiter ad ea, quæ docuit Sanctus Thomas prima parte quæst. 51. articol. 3. ad 6. & quodlibeto 6. artic. 8. ad sextum, & S. P. lib. 15 de Ciuitate Dei cap. 23. Sic enim possunt humana semina applicare; sed tunc generatio eo modo facta non est ex virtute Dæmonis, sed seminis; vnde homo genitus nō est filius Dæmonis, sed viri, cuius fuit semen, & tali modo non repugnat generare homines fortiores, & procerioris stature, quam si nulla intercederet Dæmonum operatio; possunt enim propter suam impuritatem ad id cooperari obseruando ad id determinatum stellarum sitū, necnon, & viri, & mulieris dispositiones, & simul alias circumstantias requisitas.

Tertiò. loquendo de vocibus, & locutionibus Angelorum in corporibus assumptis, dicendum est non fuisse propriè, & in rigore vitales; loqui enim propriè est formare voces per organa animata ad exprimendum conceptum; sed Angelorum corpora non habent vera organa ad hoc à natura instituta; ergo non sunt veræ, & naturales, ac vitales locutiones propriè dictæ; dicuntur ta-

men locutiones secundum aliquam similitudinem conceptuum, quibus intelligunt, & suas intellectiones exprimunt per sonos quosdam in aere formatos, qui nō sunt proprię voces.

Dices ex Niceforo lib. 8. cap. 20. haberi Sanctum Amphilochem ab Angelis ordinatum fuisse, & illam ordinationem fuisse approbatam ab Episcopis, cum tamen sit certum, verum Sacramentum debere constare ex rebus, & verbis iuxta principium Sancti Patris Augustini receptum in

tota vniuersali E. cleſia. *Accedit verbum ad Elementum, & fit Sacramentum,* & non sit verum verbum, quod per veram locutionem non formatur. Ergo aut illud non fuit verum Sacramentum; aut Angeli possunt formare veram locutionem tam quoad substantiam, quam quoad modum. R. communiter reuera illud non fuisse verum Sacramentum, sed solum fuisse veram, & ratam ordinationem ex Priuilegio illius, qui habet auctoritatem excellentiæ.

CONTROVERSIA TERTIA


De Loco, & Motu Angelorum.

AXIOMA PRIMVM.

Angeli sunt in loco.

Ex Lib. 8. de Ciuitate Dei Cap. 22.

Dæmones, credendum est, esse spiritus nocendi cupidissimos à iustitia penitus alienos, superbia tumidos, inuidencia limidos, fallacia callidos, qui in hoc quidem aere habitant: quia, de Calis superioris sublimitate deiectione merito irregressibilis transgressionis in hoc sibi congruo velut carcere pradamati sunt.



D V B I V M

Quænam sit Angelò ratio existendi
in loco.

Premitto primo: certum esse, Angelos secundum suam substantiam verè esse in loco, quod colligitur ex S. Scriptura ubicumque dicitur, eos loco moueri; vt cum in Genesi dicitur venisse ad Abraham, & iuisse ad liberandum Loth. &c. Iob, cap. primo; vbi dicitur quod Satan circuiuit terram, & perambulauit eam. Lucæ 10. Videbam Satan sicut fulgur cadentem de Cælo; & Apocalypsis cap. 20. Diabolus legitur missus esse in infernum. Idem docent communiter PP. Ratione etiam ostenditur hoc; nam si de Deo Ieremiæ cap. 31. dicitur *Calum, & Terram, ego impleo*; & in psal. 138. *si ascendero in calum tu allie es, si descendero in infernum, ades*, & de anima rationali, licet sit spiritualis, dicitur, quod sit in loco secundum suam substantiam, id est vel in cælo, vel in purgatorio, vel in inferno; ergo etiam de Angelis hoc poterit dici, vt docet S. P. hic in axiomatico.

Premitto secundo, certum esse Angelos in loco determinato esse; quid quid in oppositum dicant aliqui ex

Doctrina Durandi, qui in primo lib. Sent. distinct. 7. post duas quæstiones de existentia Dei in rebus agit de existentia Angeli in loco, & paragrafo *Quarta opinio* ait, quod essentia Angeli nusquam est, neque ratione sui, aut alicuius existentis in ipso, neque ratione operationis transeuntis extra, sic quod ei debeatur locus, vel situs definitiue, & sicut Angelus nusquam est secundum situm, sic est præsens cuilibet corpori, quod potest mouere præsentia ordinis, non situs, siue moueat corpus, siue non; sed quando mouet, dicitur esse ibi specialiter, vbi mouet secundum quamdam appropriationem, quia ibi manifestatur sua virtus, realiter tamen præsentia Angeli ad locum præcedit operatione eius in loco.) Nostram assertionem docent Nissenus oratione de infantibus præmature creptis, vbi dicit Angelorum domicilium esse cælum, quia illa sedes naturæ illorum conuenit. S. Io. Damascenus lib. 2. de fide orthodoxa, cap. 3. vbi ait Angelos loco circumscribi, quia non versantur in terra,

cum

cum sunt in cælo; quo pacto loquuntur etiam S. Gregor. lib. primo mor. cap. 2. & S. Athanasius in Epistola ad Serapionē, qui addit in hoc differre spiritum creatum ab increato, quod ille ubique est, ille verò in loco determinato est. Quo tamen loquendi modo non intendunt Patres (ut obseruat noster Greg. Arimin. in secundo dist. 72. qu. 2. art. 2. ex Magistro in primo distinct. 27. & Vgo de Sancto Victore lib. primo de Sacr. parte 3.) docere Angelos esse in loco circumscriptiue, quemadmodum sunt corpora, idest dimēsiue, sed alio modo excellentiore, idest definitiue; quemadmodum etiam e contra, cum dicunt esse in locis intellectualibus, & spiritualibus, ut habet S. Io. Damascenus loco citato, & in lib. primo de fide cap. 17. & Nislenus lib. de homine &c. non negant propterea Angelos ratione corporum, quibus sunt præsentēs, esse in loco secundum substantiam, vel per operationem, vel alio modo iuxta diuersitatem sententiarum; sed solum declarant, quinam sit locus proprius Angelorum conueniens eorum naturæ ratione propriæ operationis, quæ est contemplatio. Quo sensu loquens S. Dionysius lib. de diuinis nominibus dicit, quod sunt in vestibulo Sanctissimæ Trinitatis, vel lux, & læticia Dei, ut habet S. Basilius lib. 2. Exameron c. 7. vel Dei virtutes, ut interpreta-

tur S. Thomas in primo dist. 37. qu. 3. artic. 3. in corpore, & opulculus cap. 18. & S. Bonauentura in 2. dist. 2. parte 2. artic. 1.

Sententiam illam relata ex Durando plures Doctores nituntur probare esse falsam multipliciter. Primò quia sequeretur ex ea, Angelum posse esse ubique, sicuti est Deus secundum præsentiam substantialem, cum possit Angelus mouere omnia corpora, nec sit necesse iuxta illam positionem; quod simul moueat plura corpora, ut in omnibus dicatur esse præsens. Hæc tamen ratio non conuincit; nam facile respondere possent eius assertores; non sequi ubiquitatem Angeli, eo quod, & ipsa substantia Angeli sit finita, & limitata; & propterea sibi determinet quādam certam spherā, in qua sit actualiter, ultra quam nec possit operari, nec possit esse, nisi aptitudinaliter. Secundo conātur probare eius falsitatem ex eo, quod ea data Angeli mali possent esse in cælo, cum possint mouere cælum. Verum neque hæc probat intentum; nam facile responderi potest iuxta Sacram Scripturam, quod non est inuentus amplius locus eorum in cælo; & ex S. Patre N. in præsentī Axiomate quod *de cali superioris sublimitate delecti in hoc sibi congruo velut carcere prædammati sunt*; ac proinde non dari amplius regressum ad cælum; nam licet secundum suam naturam possent

sent esse ibi, & mouere celos, nihilominus eorum culpa requirit, vt in **p**aniam ab illis eicci non possint amplius ad illos redire, vt Principes à suo Regno exclusi propter prædictionem; ac propterea non possunt celos mouere. Tertiò; si Deus crearet infinitos mundos, in illis omnibus fore Angelos; sed hoc etiam, non conuincere ostenditur ex dictis, idest ratione suæ limitationis tam in virtute operandi, quam in substantia. Quarto dicunt, quod sequeretur Angelos semper esse in loco æquali, cum semper æquæ se habeant ad omnia loca; Denique non posse moueri, quia iam occuparet omnia loca; sed neq; ista conuincunt, eo quod posset respondere Durandus, se loqui de modo essendi aptitudinaliter in loco, non verò actualiter; quod verò prædicta sententia loquatur de loco aptitudinali eo modo, quò dicitur locum ignis esse spheram ignis, & locum saxi esse centrum, patet ex eo, quod dicit Angelum esse in omnibus corporibus, vt in loco communi, quæ nullo modo potest desinere; quo pacto etiam dicitur hanc terram, & hunc aerem, & hanc aquam esse locum communem omnium animalium; quod magis patet ex eo, quod postea subiungit; nempe quod dicatur, esse definitiuè in aliquo corpore, cum determinatè agit in illud. Aliter tamen soluit Durandus prædicta argumenta dicendo, se in

illa sententia loqui de præsentia ordinis, non verò de præsentia sitûs, & quod nullus Angelus potest mouere omnia corpora localiter; & dato, quod esset talis Angelus, ille non esset vbique, sicut Deus, quia non esset vt causa dans, & conseruans esse. Præterea posset etiam responderi pro prædicta sententia id, quod dicitur de aliquo secundum similitudinem, & metaphoram, non esse ei simpliciter tribuendum; & propterea cum esse in loco, sicut etiam moueri dicantur de Angelis metaphorice, non est simpliciter dicendum Angelum esse in loco, seu communi, seu determinato; quod etiam sua deti potest ex eo, quod omne id, quod est absolutum à situ, & à dimensionibus, non habet esse in loco, nisi per accidens; vt communiter dicitur de materia primâ seclusis dimensionibus; sed essentia Angeli est omnino abstracta à situ, & à dimensionibus, cum sit incorporea; ergò non debetur illi locus nisi per accidens; sed Angelus non est in loco per accidens, nisi quando assumit corpus; ergò quando non assumit non est in loco, neque per se, neque per accidens. Verum licet hæc doctrina militet de modo essendi in loco circumscriptiuè, non militat tamen de modo essendi in loco definitiuè, qui modus essendi communiter conceditur à Doctoribus tam Angelis, quam Animæ rationali; ac proinde

cum hic loquimur de hoc modo, & præterea de modo essendi actualiter in loco, non de aptitudine, quam habent Angeli secundum suam naturam præciso quocumque dono supernaturali, vel quacumque pœna propter culpam illis inflicta, videndum est in præsentia, quænam sit illa ratio formalis, seu illud fundamentum proximum, per quod actu constituuntur in loco; sed prius.

Præmittendum est tertio; ea, de quibus potest esse quæstio, an sint tales rationes formales proximè constituentes spiritum in loco definitivè, esse desumenda proportionaliter ab illis, per quæ corpora dicuntur esse in loco actu, & circumscriptivè; quorum primum est præsentia localis, quæ est quædam relatio realis in corpore ad locum, & viceversa, & consistit in reali coexistentia, & propinquitate unius corporis ad alterum secundum extremam superficiem utriusque, ratione cuius locatum verè contineatur intra superficiem locantis, & nihil mediet inter unam, & alteram, quod impediatur contactum utriusque secundum quod consideratur, est ipse contactus; ideo enim corpus dicitur esse in loco, quia tangit illum, & est applicatum illi per immediatam approximationem, seu contactum; contingit verò multipliciter rem applicari loco, & ipsum tangere, id est vel secundum situm tantum, quo pacto admittentes pun-

cti realiter distincta à linea, & superficie, dicunt ea esse in ipsa linea, quæ sibi determinant, vel in principio, vel in medio, vel in fine; vel secundum informationem; quo pacto anima est in corpore; vel secundum contactum propriè dictum, qui est coniunctio duorum terminorum duorum quantitarum, quo pacto unum corpus est in alio corpore tamquam in loco, & ipsum tangit, ut dictum est. Tertium est forma, per quam unum corpus tangit aliud corpus, & est fundamentum proximum ex parte corporis præsentia localis ad locum, quæ est quantitas molis; nam, per hanc corpus tangit aerem verbi gratia, in quo est tamquam in loco; & in hac proximè fundatur formaliter relatio præsentia; dico formaliter; nam efficienter fundatur, vel in productione, vel in motu locali, quibus corpus applicatur, ad hoc ut per suam quantitatem possit tangere quantitatem alterius, Proportionaliter ad hæc philosophandum est de spiritibus; est enim Angelus, siue anima rationalis præsens corpori, in quo est definitivè; & quod suo modo tangit; & præterea habet formam siue physicam, siue metaphysicam solū; per quam virtualiter tangit ipsum corpus, siue ipsum locum, & quæ est illi fundamentum præsentia localis. Tota difficultas reuocatur ad istam formam, quænam illa sit, in qua sunt quattuor celebriores sententiæ.

Prima est Molinæ in prima parte disput. in quæst. 52. artic. 1. membro quinto, & plurimorum recentiorum; qui docent per motum localem produci modum quemdam intrinsecum mobili, & realem, modalem tamen, per quem dicitur mobile esse in loco, seu in spatio.

Secunda Sententia est eorum; qui docent Angelum esse in loco per applicationem virtutis, pro qua citatur Gosfrid. quod lib. 8. quæst. 13. Noster Argentina in primo distinct. 37. quæst. prima art. 2. ad primum; quibus fauet Caietanus in commentario artic. primi quæst. 52. primæ partis, ubi ita se explicat; ut saltem incompletè hanc esse rationem dictam statuatur; ad quos etiam reuocatur Capreolus in secundo dist. 2. quæst. 1. dum ait Angelos esse in loco tum per veram operationem externam, tum etiã per aliquid se habens per modum operationis, ut sunt præsentia, custodia, & assistentia ad operandum, quando cumq; opus fuerit.

Tertia Sententia est Sancti Thomæ in primo dist. 37. qu. 3. artic. 1. ubi ait, Angelum esse in loco per operationem, qua aliquem effectum causat in corpore, verbi gratia motum, lumen, vel quid simile; sic etiã artic. 2. ad 3. & quæst. 4. artic. 2. in corpore, & artic. 3. ad 4. & in secundo distinct. 8. qu. prima artic. 3. ad 3. & quod lib. 3. artic. 7. quem sequuntur communiter eius discipuli,

Ferrariensis lib. 3. contra gentes cap. 68. Caietanus prima parte quæst. 52. artic. primo saltem incompletè, & cõmuniter omnes recentiores Thomistæ, ac etiam noster B. Egidius in primo distinct. 37. 2. part. artic. primo quæst. primæ, & alibi, qui omnes docet Angelum esse in loco per operationem exercitam immediatè circa corpus.

Quarta Sententia est S. Bonaventuræ in lib. 2. sent. dist. 2. part. 2. art. primo quæst. prima, ubi docet formam, seu rationem, per quam Angelus est in loco, esse eius substantiã ratione limitationis suæ naturæ. Est etiam Alensis 2. parte quæst. 32. membro primo, & tertio, & Scoti in 2. lib. senten. dist. 2. quæst. 6. pro qua citatur etiam Ricardus in primo dist. 37. artic. 2. quæst. 1. ubi licet asserat Angelum esse in loco efficienter per voluntatem, & potentiã exequendi, finaliter verò propter maiorem vnitatem vniuersi, deinde formaliter per suam simultatem cum loco, vel corpore, tamen quæst. 2. ait Angelum esse in spatio imaginario per simplicitatem positivam spiritalis magnitudinis, quæ est debilis limitatio diuinæ immensitatis; in quo videtur docere idem, quod habet S. Bonaventura; hanc sententiã sequuntur plures moderni, & nouissimè eam amplectitur P. Perus à S. Ioseph lib. 3. Theologiæ speculatiue cap. 2. resolutione 3.

In hac sententiarum varietate, patet ex parte mihi resolutio Patris Gregorii de Valentia in prima parte disp. 4. generali. quæst. 3. puncto 2. paragrafo *mihi verò* ubi relatis paulo aliter quattuor prædictis opinionibus eas ad concordiam reuocat, supposito quod Angeli non cōtineantur propriè in loco; quod docuerat S. Pater lib. 83. quæst. 20. ubi ait, *quod alicubi est continetur loco, quod continetur loco corpus est.* & lib. 3. de libero arbitrio cap. 11. *Non enim loco mole corporum, sed parilitate affectum iungi, & disparilitate se iungi possunt spirituales creatura; quæ suis corpora sua quæque possideant.* id est vel per inhabitationem gloriosam, vt Angeli, SS. vel per alligationem, vt Dæmones in hoc aere, & in inferno; vt supra dictum est in præcedenti cōtrouersia: solum ergò metaphoricè locus eis à Patribus, & Doctoribus assignatur. Quo posito Valentia discursus talis est.

Quolibet modo ex illis (non meminit tamen ipse sententia ascensitis Angelos esse in loco per vbi modale intrinsecum, de quo infra) est in Angeli existentia in loco similiter quædam, siue analogia ad contactum quantitatum, quo est corpus propriè in loco; ergò quolibet ex illis modis potest locum contingere metaphoricè. Probat antecedens discursus per omnes illos modos, quos ipse reuoluit, & primò quod

si per suam substantiam sic, substantia Angeli est præsens, loco entitatiuè quidem, ac substantialiter, & ita est modo quodam simul cum loco, sicut est corpus cum loco simul per contactum quantitatum; nam etiam aquæ substantia detracta quantitate censi potest metaphoricè contingere vas, & esse simul entitatiuè cū illo, sicut erat simul propriè cum eo, quantitatiuè, quando habebat quantitatem, molis. Secundo modo, & tertio quibus dicitur Angelus esse in loco per operationem vel latè accipiendo operationem, quo pacto venit custodia, præsentia, assistentia; vel strictè, & rigorosè sumendo operationem; probat, quia tunc ratione suæ operationis, quæ à loco non distat entitatiuè, est Angelus aliquo modo simul cum loco analogicè, sicut corpus est simul cum alio corpore per quantitatem; Quarto modo; qui est per applicationem virtutis; est etiam Angelus in loco ratione suæ potentia exequutiue sic ad illum applicatæ; siquidem ipsa est tunc entitatiuè simul cum illo loco. Quintum modum de vbi intrinseco modalis, cuius Valentia non meminit, possumus excludere ex illis, quæ dixi in Axiomatibus metaphysicis S. Patris cap. de diuisionibus entis, in quo ostendi non esse admittendas huiusmodi entitates modales; & ex tomo primo philosophiæ naturalis capite de loco; ubi ostendi non esse admit-

admittendum tale ubi intrinsecum in corpore; ex quo à fortiori sequitur non esse admittendum in spiritu, si enim non conceditur enti illi, quod propriè est in loco, multominus debet admitti in illo, quod solum metaphoricè est in eo. Probatur secundo intentum Valentia; quia propriè Angelus non minus per potentiam executiuam, quam per operationem quocumquè modo acceptam, nec magis per operationem, quam per substantiam suam est simul cum loco corporeo, seu contingit illum; quandoquidem hæc omnia, sive se tenent ex parte Angeli, sunt spiritualia, licet terminus operationis transeuntis ut plurimum sit corporeus, ut potè receptus, & informans ipsum corpus; quod si loquamur de similitudine, & contactu metaphoricè, sic æquè per omnia ista est simul cum loco, & contingit illum metaphoricè, & æquè per omnia illa [secluso, ut dixi, ubi intrinseco modaliter, ut potè superfluo] censeri potest contingere locum contactu quodam virtutis, ut loquitur Sanctus Thomas, cum non solum potentiam, sed etiam ipsam perfectionem essentialiorem rei spiritualis soleat appellare perfectionem virtualem, quo sensu prima parte, quæst. 42. artic. primo in responsione ad primum essentialiorem diuinam vocat quantitatem virtutis.

Pro huius sententiæ explicatione

duo sunt aduertenda. Primum est, quod cum dicitur Angelum esse in loco præsentia substantiæ, quia etià existentiā in loco continetur, importatur etiam contactus quidam loci, quem requiri ad existentiam in loco dictum est; non quidem propriè, sed metaphoricè; nam contactus propriè dictus est commensuratio partium, secundum quam extrema corporum sunt simul; quod Angelo, ut potè substantiæ indiuisibili, & carenti partibus competere non potest; sed quia in illa commensuratione, inuoluitur indistantia eorum, quæ dicuntur habere extrema simul, & Angelus existens in aliquo corpore est indistans ab illo, secundum substantiam, propterea ratione huius conuenientiæ dicitur esse in loco metaphoricè, seu æquiuocè, ut loquitur Sanctus Thomas. Secundum est, quod numquam Angelus est in loco per suam substantiam, quin etiam sit in eo per virtutem, seu potentiam; hæc enim cum sit connexa, & forte, ut probabilius censeo, identificata, necesse est, ut ubi est illa, etiam omnino sit ista. Non est tamen necesse, quod semper sit in loco per operationem, si est in eo per substantiam, & virtutem suam, nisi forte nomine operationis accipias solum assistentiam; ut accipiunt aliqui, quæ enim ubi est per substantiam, ibi etiam est per suam assistentiam; sed accipiendo operationem alio modo, seu late,

seu

scu strictè rectè potest Angelus esse in loco aliquo, quin in eo operetur; talis enim operatio non est necessariò connexa cum substantia, aut cù virtute Angeli.

Explicando hoc modo existentiam Angeli in loco facili negotio solvuntur ea omnia, quæ occurrunt in sententijs aliorum, (qui vnum solummodum admittunt alijs exclusis) nec faciliè solvi possunt; nam qui asserunt Angelos esse in loco solum per operationem, ægrè possunt explicare, quomodo sint Angeli Beati in cælo Empyreo; quorum tamen millia millium ibi esse; est communis sententia Catholicorum; cum tamè cælum illud sit incorruptibile, & immobile; Nec valet cum Caietano ad qu. 52. artic. primo primæ partis respondere Angelos ibi, non propriè, sed impropriè esse, quatenus fruuntur essentia diuina, quæ ibi peculiariter se Angelis manifestat; (quod non est mirum, quia negavit existentiam cæli Empyreici, vbi ponitur communiter; vt videre est in commentarijs Epist. 2. ad Cor. cap. 12. ad illa verba *raptum huiusmodi hominem usque ad tertium cælum*; & propterea temeritatis arguitur à Ruuio lib. 2. de cælo cap. qu. 3. iure ne, an iniuria, iudica.) Sed re vera in sententia serè ab omnibus alijs recepta non possunt commodè explicari ea, quæ habentur Isaïæ cap. 14. & Apocal. cap. 18. de Angelis, qui ceciderunt,

& dicuntur ibi fuisse in cælo; quod de cælo Empyreo communiter explicant, in quo licet conditi, non tamen Beatitudine fruebantur. Præterea qui censent Angelos esse in loco solum per operationem, & non alio modò, necessariò admittere debent, quod aliquando nusquam sint; cum scilicet nusquam aliquid operantur; quòd sanè sinè absurditate nequit concedi; cum alioquin ex vna parte verè Angelus semper sit in ipso mundo, & ex alia S. P. censeat ea, quæ nusquam sunt, nò esse; in Epist. enim ad Dardanum, vbi agit de immensitate Dei, & quomodo Deus sit vbique ait. *Spacia locorum tolle corporibus, nusquam erunt, & quia nusquam erunt, non erunt*; quod licet de corporibus dictum sit, tamen etiam spiritibus conuenire dicendum est, quòd tamen de lege ordinaria puto esse dictum, & de alijs corporibus quæ sunt intra supremum corpus; nam de hoc ratione suæ extremæ, & externæ superficiei non potest dici, quòd sit in loco; & præterea quæcunque sunt in mundo, etiam si non continerentur in aliquo loco corporeo, continerentur tamen intra omnipotentiam, & immensitatem ipsius Dei, qui potest se ipso supplere defectum reicreatæ saltem efficienter.

Dices primo. Si Angelus est in loco formaliter per suam substantiã, non potest postea constitui in loco per operationem; iam enim anteqm

ope-

operetur est formaliter in loco per ipsam substantiam; & implicat id, quod est formaliter tale fieri tale, formaliter per aliquid superueniens; ergo aut non est in loco formaliter, aut non est per operationem. R. negando antecedens, cum enim contactus ille non sit proprius, sed metaphoricus, admittit latitudinem quādam; & sicut similitudo in alijs rebus dicitur multis modis, maxime quando est metaphorica; ita similitudo illa, per quam Angelus est simul cum loco metaphoricè, diuersimodè contingit: quod non contingit corpori, quod est in loco per contactum quantitativum quantitate molis, qui non est, nisi vnicus.

Dices secundo cum Caietano. Præsentia rei in loco est quædam relatio, sed in nuda substantia Angeli non potest assignari fundamentum huius relationis; ergo Angelus non est in loco, nec propriè, nec metaphoricè per suam substantiam. Maior est certa: Minor probatur, quia vel illud fundamentum esset substantia secundum se, vel esset substantia cum negatione distantie à tali loco; neutrum dici potest; ergo nullo modo substantia potest esse fundamentum talis relationis. Maior probatur quoad primam partem, quia alias semper Angelus esset præsens illi loco, in quo semel fuit, cum semper maneat, & substantia Angeli, & locus ille; & præterea substantia An-

geli nihil habeat magis cum hoc quam cum illo loco. Neque posset stare quoad secundam partem patet, quia sequeretur Angelum fore præsentem huic loco, etiam si diuinitus collocaretur extra hunc mundum; nam etiam eo casu illius substantia non distaret ab eo loco, cum distare sit corporum, non verò substantiæ spiritualis secundum se. R. fundamentum illius præsentiae esse substantiam Angeli cum negatione distantiae, id est cum carentia loci, vel spatij medij inter substantiam Angeli, & ipsum locum; nam licet distare secundum quantitatem sit proprium corporum, tamen verè etiam conuenit substantiæ spirituali distantia quædam entitativa, sicut etiam propinquitas; hanc enim habet Deus ubique cum quocumque ente siue corporeo, siue incorporeo, & Angelus, ac anima rationalis ubi sunt; quod explicari etiam potest ex suppositione, quod Deus auferret quantitatem molis à corpore, quod nunc est hic Romæ, non transferendo eius entitatem substantialem alibi, tunc entitas ista, & esset propinqua entitati uè corpori, cui antea erat præsens quantitatiuè, seu per contactum propriè dictum, & esset distans à corporibus, quæ sunt Parisijs. Hinc ad casum adductum à Caietano Respondet tunc Angelum fore entitatiuè distantem ab hoc loco, quia iam multa corpora, & spatia mediarent inter

enti-

entitatem Angeli, & entitatem huius loci. Quod si dicas substantiam Angeli verè non distare ab illo loco secundum se, ut videtur asserere **Caletanus**, necessariò incidis in illam sententiam, quam asserit **Durandus**; & in quâ videtur propendere, licet eam se non affirmare, aut tenere, sed solum proponere protestetur; nempe quod Angelus sit ubiq; quâ tamen censura dignam aliqui existimant; & quod videatur repugnare scripturis illis, in quibus dicitur Angelos esse in cælo, & Demones in cælo fuisse, & de cælo cecidisse, ut supra dictum est.

Dices tertio: prius est Angelum esse in loco, quam operari in loco, ut patet in corporibus, quæ prius saltè natura sunt in loco, quam in eo operentur; ergò operatio non potest esse Angelo ratio formalis essendi in loco. **R.** esse disparem rationem de

corpore, ac de spiritu; nam, ut dictum est, corpus habet modum proprium essendi in loco, qui vnicus tantum est, ac proinde operatio non potest dici esse illi propriè ratio essendi in loco: ac Spiritus, cum habeat solum modum essendi in loco æquiuocè, vel metaphoricè; qui est multiplex, & admittit latitudinem, ut diximus, hinc est, quod tam vno, quam altero modo potest dici esse in loco.

Dices quarto. Peripatetici ex doctrina Aristotelis lib. 4. *Physic.* & ex **S. Thom.** lib. 4. contra gentes contractum metaphoricum communiter dicunt esse per operationem; ergò non est per substantiam. **R.** eum, qui vnum asserit, alterum non negare; ac proinde non negari, nec à **S. Tho.** nec ab Aristotele, quod contractus metaphoricus non possit esse alio modo, quam per operationem.

DVBIVM ALTERVM.

Vtrum Angelus sit tantum in vno loco, vel possit etiam esse in pluribus, & plures Angeli in vno.

B Reuter ab his difficultatibus me expedit; non enim habeo quæ his axiomata **S. P.** consequenter

ad quæ eas explicem; sed suppositis prædictis modis metaphoricis, quibus Angeli dicuntur esse in loco etiam

etiam ex sententia eiusdē S. Patris.
 ¶ Dico primo cū S. Thom. quęst.
 50. artic. 2. Angelum non posse natu-
 raliter esse simul in pluribus locis
 adæquatis suę perfectioni virtuali.
 Dico *naturaliter*, quia per absolutā
 Dei potentiam non dubito, hoc pos-
 se fieri, cum enim, vt dixi in tomo
 primo Philosophiæ naturalis cap. de
 loco, possit facere, vt vnum corpus
 sit in pluribus locis sibi adæquatis,
 quod est plus, potest etiā facere, vt sit
 spiritus, quod est. minus. quo posito.
 Probatur conclusio ratione illa,
 qua vtitur S. Thom. sic. Perfectio il-
 la, quia Angelus est præsens loco, est
 finita, & limitata; ergo etiam finitus,
 & limitatus locus ei respondere de-
 bet, extra quem simul, & semel ef-
 se non possit alibi præsens. In omni
 enim genere virtuti finitæ respon-
 det aliquid finitum, & limitatum, in
 quo creatura differt à Deo: hic enim
 cum habeat perfectionem infinitam,
 per illam necessariò est præsens om-
 nibus omninò locis, ita vt non possit
 dari locus, cui non sit præsens Deus.
 Angelus verò ratione dictæ limita-
 tionis ita est determinatus ad vnum
 tantum locum; vt licet alium, maio-
 rem tamen illo occupare non pos-
 sit. Hoc docuerunt etiam Patres an-
 tiqui, videlicet S. Athanasius in
 epist. ad Serapionem; S. Ambr. lib.
 primo de Spiritu S. cap. 7. & Sancti
 Gregor. Magnus libro secundo mor.
 cap. 3. qui in sensu explicato dicunt

Angelum circumscribi loco.

Aduerte hic non esse indiuisibile
 formaliter locum Angelo adæqua-
 tum; primò, quia per me non datur
 nec dari potest in rebus corporeis
 entitas vlla indiuisibilis formaliter.
 Secundo quia de ratione loci est
 quod sit superficies, quæ in suo con-
 ceptu essentiali inuoluit diuisibilita-
 tem formaliter, tam secundum lon-
 gitudinem, quam secundum latitu-
 dinem, & indiuisibilitatem solum
 virtualiter secundum profunditatē.
 Tertio quia licet substantia spiritua-
 lis sit formaliter indiuisibilis, nihil
 ominus ratione suę quantitatis vir-
 tutis correspondet quantitati molis,
 vt patet in anima rationali informā-
 te corpus, & magis in ipso Deo, qui
 per suam essentiam est vbique.

Dico secundo. Angelum posse ef-
 se simul in pluribus locis sibi inadæ-
 quatis, qui tamen contineantur in-
 tra latitudinem loci adæquati, vt pa-
 tet in anima rationali, quæ est simul
 tota in pluribus partibus corporis
 humani, quarum vnaquæquæ est lo-
 cus, & subiectum inadæquatum ip-
 sius.

Dico Tertio: esse probabile, quod
 Angelus per præsentiam suę substa-
 tiæ semper sit in loco sibi adæquato.
 Probatur primò, quia per suę sub-
 stantiæ præsentiam hoc ipso est in
 loco sibi sic adæquato, quod est præ-
 ditus tanta, vel tanta perfectione
 substantiali; sed semper est præditus

eadem perfectione substantiali; ergo per presentiam suæ substantiæ semper est in loco sibi adæquato. Probatur secundo, quia Deus ratione suæ infinitæ perfectionis necessarius est in quocumque loco secundum suam substantiam, & anima rationalis etiam per suam perfectionem substantialem informat totum corpus, & non est positum in eius arbitrio, manente eodem corpore cum eadem continuatione esse in una parte, & non in alia; & similiter corpus necessarius ratione suæ quantitatis, si nulla fiat in eo mutatio, occupat locum sibi adæquatum; ergo etiam Angelus ratione suæ perfectionis, & presentie substantialis semper est in loco sibi adæquato. Dixi esse probabile; nam & Deus potest pro suo arbitrio non esse præsens aliquibus locis eadem destruendo, & anima rationalis modo informat corpus paruum, & successu temporis informat corpus magnum, ac proinde non semper habet locum adæquatum suæ perfectioni substantiali; et ergo idem posset dici de Angelo etiam secundum suam præsentiam substantialem; quod etiam possumus probare, quia si daretur casus, in quo non esset in universo nisi corpusculum paruum, quod non adæquaret perfectionem substantialem Angeli, tunc Angelus esset præsens illi, & non esset in loco adæquato suæ perfectioni substantiali; ergo pari ratione possumus

philosophari, quod sit in sua potestate, & arbitrio posse esse præsens vel æquali, vel minori, &c; sicut est in potestate hominis facere, quod anima non informet totum corpus, quod antea informabat, si verbi gratia abscindat sibi aliquas partes.

Dico quarto: per operationem, seu applicationem potentie ad operandum posse esse in loco, vel æquali, vel minori, prout voluerit. Est S. Thomæ loco citato art. 2. & patet, quia potest pro suo libito in maiori, vel minori loco operari, dummodo se contineat intra locum sibi adæquatum; nam extra illum, sicut non potest esse, ita non potest operari.

Dico quinto: non posse Angelum esse in quolibet loco maiori, nisi intra latitudinem sui loci adæquati, posse verò esse in quolibet minori, & minori, quem ipse possit determinare per operationem. Hæc assertio est contra Scotum; qui in libro secundo Sent. dist. 2. qu. 2. docuit oppositum. Probatur autem prima pars, quia sicut naturaliter nulla anima, nec ullum corpus potest esse in loco maiori, quam sibi vindicet eius perfectio substantialis, aut ipsius quantitatis, quæ ut potest limitata finitum etiam sibi vindicat spatium, ita & Angelus. Probatur etiam secunda, quia cum operatio Angeli in loco sit libera, poterit in quolibet minori operari, dummodo possit illum determinare: aliqui dicunt etiam in lo-

coindiuibilibi: sed cum per me in rebus corporeis non detur vlla res indiuisibilis formaliter, vt dixi in primo tomo Philosophiæ naturalis cap. de continuo, propterea consequenter, eo repugnante repugnat etiam, quod Angelus in eo operetur.

Dices primo cum Scoto ex doctrina, quam tradit Euclides libr. primo prop. 36. Omne illud, quod potest esse in loco sibi adequato, potest esse in omni alio loco illi æquali, modo figura eius non repugnet locato. Hoc posito: dicemus locum adequatum Angelicæ perfectioni, & potentia esse totam hanc aulam, si detrahendo ex eius latitudine quantum viribus naturæ detrahi potest, & id, quod detrahitur, extendatur in longitudinem, fiet extensa in infinitum longitudo; & sic locus ille Angeli fiet in infinitum longior, & longior. Ergo cum Angelus non sit præditus figura, ratione cuius repugnet ei talis longitudo, poterit esse in toto hoc loco facto in infinitum longiori, & longiori. Respondent aliqui cum Valentia loco citato; propositionem, & doctrinam illam Euclidis esse intelligendam solum de corporibus, non verò de spiritibus; nam alias sequeretur Angelum posse esse simul in cælo, & terra; quod videtur esse contra Scripturam, & S. Io. Damascenum; immo, & esse operationem in locis infinite distantibus, & non esse in medio per operationem, quæ om-

nia sunt absurda. Hæc tamen responsio non satisfacit argumento; primo enim nõ reddit rationem, cur si conuenit corporibus, quæ à sua figura non impediuntur, non possit conuenire spiritibus; nam vno posito non videtur denegandum alterum, nisi assignetur aperta repugnantia. Ad illud de Scriptura, & Sancto Ioanne Damasceno Responderi potest esse sermonem ibi de eo, quod est de facto; ed enim ipso, quod Dæmones exclusi sunt à cælo in penam peccati, non possunt se extendere ad cælia omnia, quæ alias naturaliter possent. Ad vltimum posset dici; data ea hypotesi nullum esse inconueniens, quod operaretur in illis locis distantibus, estò non operaretur in medio, in quo tamen esset præsens per suam substantiam, vt dictum est. Respondet igitur directe argumento Scoti; ex prædicta doctrina Euclidis non sequi eius intentum, eoquod detrahio illa non potest fieri nisi per partes aliquotas, quæ aliquoties sumptæ exhaustiunt totum; ac proinde non posse fieri extensionem infinitam, sed finitam; ratio verò, cur non possit fieri nisi per tales partes, est ipsa natura continui, quod cum perat, vt id, quod remanet, sit semper essentialiter diuisibile determinatè, determinatè etiam diuisibile erit id, quod detrahitur, & idcirco solum determinata fiet extensio. Si enim dicas esse indeterminatum id, quod remanet,

net, & id, quod detrahatur, tunc dicam ego nec etiam determinatam, futuram extensionem, nec determinatam operationem; ac proinde nullam; nam quidquid est à parte rei determinatum est.

Dices, secundo cum eodem: posse esse in minori loco est aliqua perfectio; ergo posse esse in loco adhuc minori erit maior perfectio, & consequenter posse esse in loco minori, & minori in infinitum erit perfectio infinita, quæ Angelo competere nō potest, & negando eam partem, in qua dicitur, quod posse esse in minori loco sit adhuc perfectio maior; est enim eademmet perfectio Angeli, quæ modo in maiori, modo in minori loco operatur: sicut in rebus corporeis est semper eadem entitas substantialis, & eadem quantitas, siue occupet minorem locum ratione condensationis, siue maiorem ratione rarefactionis. Vnde quemadmodum Scorus existimauit non esse maiorem, & maiorem perfectionem in infinitum posse occupare maiorem, & maiorem locum, ita nec etiam poterat cōsequenter inferre esse maiorem, & maiorem perfectionem occupare minorem, & minorem locum in infinitum. Addo tamen huic solutioni, quæ est Valentia, quod censeo Angelum non posse esse in minori, & minori loco in infinitum; sed solum in minori, & minori, quoad vsq; possit determinare: censeo enim,

quod quemadmodum agens corporeum diuidendo continuum successiue deueniat ad minutissima corpuscula, quæ licet in se sint diuisibilia in semper diuisibilia, nihilominus ab eo non possunt vltius diuidi, vt experientia patet: sic etiam Angelus operando deueniat ad aliquam determinatam partem in minoritate, infra quam non habeat minorem, in qua possit operari; esto illa pars determinata sit semper diuisibilis; & ratio uest quia, cum operatio Angeli sit determinata, & vt est recepta in ente corporeo sit etiam corporea, debet esse in determinata parte subiecti; & propterea in conclusione dixi, quam sibi potest determinare.

Dico sexto: posse plures Angelos per præsentiam suæ substantiæ etiam naturaliter esse simul in eodem loco. Probatur primo, quoniam possunt plures, obsidere vnum, & idem corpus humanum, vt habetur Lucæ cap. 8. de eo, in quo erat integra legio Dæmonum. Probatur secundo, quia nihil obstat, quominus plures Angeli, cum sint expertes quantitatis molis, ita se habeant ad vnum aliquod corpus, vt inter quemlibet illorum, & corpus illud nullus locus, aut spatium sit mediū, in quo consistit præsentia substantiæ. Probatur tertio, quia supernaturaliter factum est, vt constat ex mysticis S. Fidei, vt duo corpora sint in eodem loco: ergo naturaliter fieri pote-

poterit, ut plures Angeli sint in eodem loco: antecedens patet ex naturitate Christi Domini, quando clauso utero exiit; ex egressu eius de sepulchro clauso; ex ingressu ipsius ad discipulos; anuis clausis &c. Consequentia probatur, quia tota ratio, quæ impedit, ne hoc possint corpora naturaliter, est quantitas molis, quæ habet pro secundario effectu impedire, ne aliud corpus possit occupare locum, quem unum occupat; Sed hoc impedimentum non est in Angelis, ut dictum est; ergo naturaliter fieri poterit, ut plures Angeli sint in eodem loco.

Observant hic aliqui; numquam contingere, ut plures Angeli sint simul in vno aliquo loco, qui sit uni-
 cuique illorum adæquatus, sed semper alteri illorum inadæquatus; eo quod sicut omnes inter se comparati habent inæqualem perfectionem, vel specificam, vel certè individua-
 lem, seu personalem, ita etiam inæ-
 qualem locum; sicut videmus quo-
 que pro diversa quantitate indivi-
 duali respondere corporibus diver-
 sa loca. Hæc ratio non conuincit, nā
 cum suprā dictum sit, esse incertum,
 an sint plures Angeli eiusdem spe-
 cie, & proprietates, seu differentie
 individuales in rebus corporeis non
 impediunt, quominus plura corpo-
 ra occupent locum equalem; ita nec
 in Angelis tales differentie hoc im-
 pediant.

Dico septimo: doctrinam illam, quam tradit Sanctus Thomas prima parte qu. 52. artic. 3. nempe plures Angelos non posse esse simul in eodem loco per operationem, esse in-
 telligendam cum tribus limitationi-
 bus sequentibus. Prima, quod acci-
 piatur secundum ordinariam Dei
 potentiam; cum enim illa conclusio
 fundetur in eo, quod non possit na-
 turaliter idem effectus produci simul
 à duabus causis totalibus, & adæqua-
 tis, & iam in primo tomo Philoso-
 phiæ naturalis cap. de causis in com-
 muni dixerim, hoc non implicare cō-
 traditionem, & propterea non esse
 impossibile respectu omnipotentis
 Dei; consequenter per absolutam
 Dei potentiam poterunt plures An-
 geli concurrere ad eundem nume-
 ro effectum ut causæ totales; quid-
 quid dicat in contrarium noster Fer-
 rariensis, qui lib. secundo contra gē-
 tes cap. 68. putat implicare contra-
 dictionem; quod tamen efficaciter
 non probat. Secunda est, quod in-
 telligatur de loco adæquato; nam de
 loco inadæquato nulla est difficul-
 tas; si enim excedat virtutem opera-
 tiuam plurium Angelorum, poterit
 unus in vna parte, & alter in altera
 parte operari. Tertia est, ut intelli-
 gatur de eodem modo formaliter
 existendi in loco, ita ut sensus sit,
 quod non contingant eodem prorsus
 modo locum illum per operatio-
 nem, eundem scilicet effectum in il-

lo producendo. Si enim sermo sit de diuersis contactibus, idest per diuersas operationes specie differentes, non est dubium, quin plures Angeli possint esse per operationem in eodem loco, ut si alter in eo producat motum localem, alter verò lucem; vel vnus nigredinem, alter verò calorem.

Quæritur hinc solet, an quando ita essent Angeli per diuersas specie operationes in eodem loco, dici debeant esse solummodo in loco materiali, an verò possint dici etiam esse in formali. Caietanus artic. 3. qu. 52. primæ partis parat dicendum esse solummodo in materiali; eò quod re vera producant diuersos formaliter effectus in illo subiecto, quod se habet ad illos, veluti se habet materia ad formam. Valentia loco citato puncto quarto putat, Caietanum falli; quod probat hoc argumento. Lo-

cus formalis, in quo Angelus est per operationem, est id, quod Angelus tangit producendo in eo aliquid; sed hoc in proposito casu est idem lignum verbi gratia, quod respicit calorem, & nigredinem; ergo tunc plures Angeli sunt in eodem loco formali. Maiorem probat, quia non potest dici, locum formalem esse ipsum patientem, ut iam habens effectum productum ab Angelo; nam in ipso effectu iam Angelus nihil amplius operatur, sed in ipso subiecto patiente producendo dictum effectum; atque ita solum ipsum patientem tangit formaliter Angelus per operationem; ergo illud solum est locus formalis Angeli. Cõcedi tamen debet non esse in eodem loco formali eodem prorsus modo formali, sed diuerso, idest per diuersam operationem, ac proinde per diuersum specie contactum.

AXIOMA SECVNDVM.

Mouentur Angeli per tempora.

Ex Lib. 8. de Gen. ad Litteram. Cap. 20.

Incommutabili eternitate viuens creauit omnia simul, ex quibus currerent tempora, & implerentur loca, temporalibusque, & localibus rerum motibus secula voluerentur; in quibus rebus quedam spiritalia, quadam corporalia condidit, formans materiam, quam nec alius, nec nullus, sed omnino ipse informem, ac formabilem instituit, ut formationem suam non tempore,

*re, sed origine preueniret. Spiritualem autem creaturam corporali prap-
posuit: quod spiritualis tantummodo per tempora, mutari posset, corporalis au-
tem per tempora, & loca.*

D V B I V M

Vtrum Angeli possint moueri localiter.

Dico primo. Angelum se mo-
uere localiter, esse certum, nā
habetur ex Sacra Scriptura, & pri-
mo ex libro Tobia, vbi habetur iter
Sancti Raphaelis cum filio Tobia, &
denique in discessu legimus dixisse:
*Tempus est, ut reuertar ad eum, qui
me misit;* & Lucæ cap. primo legi-
tur, Angelum Gabrielem ingressum
esse ad salutandam B. Virginem, &
postea ab ea discessisse. Probat
etiam ratione, quia cum Angeli non
sint vbique, sed in loco certo, & de-
terminato, non potest dici, quod nō
possint se transferre ab vno spatio
ad aliud, cum talis facultas rebus
multo inferioribus tribuatur.

Dices S. P. in axioma aperte
dicere Angelos moueri per tempo-
ra, non verò per loca; ergò falsum
est Angelos moueri localiter. R. pri-
mò, S. P. loqui de motu locali pro-
prio, & rigorofo, qui conuenit cor-
poribus solum; quod per necessariā
consequentiam deducitur ex illis,
quæ docet lib. 4. de Gen. ad litte-

ram cap. 18. vbi de loco spiritualis
creaturæ agens ait. *Et ideo dum ipse
(idest Deus) manet in se, quidquid
ex illo est retorquet ad se, ut omnis
creatura in se habeat naturæ suæ ter-
minum, quo non sit quod ipse est: in il-
lo autem quietis locum, quo seruet quod
ipsa est.* Scio, quod non propriè dixe-
rim locum, nam propriè dicitur in spa-
tijs, quæ corporibus occupantur: sed
quia, & ipsa corpora non manent in lo-
co, nisi quò sui ponderis tamquam ap-
petitu perueniunt, ut eo comperto re-
quiescant, ideò non incongruenter à
corporalibus ad spiritualia verbum
transfertur, ut dicatur locus, cum res
ipsa plurimum distet: Si ergò locus
impropriè per S. P., & æquiuocè,
aut metaphoricè per S. Thom. dici-
tur de Angelis, etiam moueri loca-
liter dicetur impropriè, æquiuocè,
& metaphoricè, cum nihil sit aliud
moueri localiter, quam successiue se
transferre ad plura loca; cum dicis
spiritualia non moueri per loca, in-
telligit de motu locali proprio, &
rigo-

rigoroso, qui solis conuenit corporibus, ut ipse hic ait: nam de cætero certum est ipsum admisisse transitum secundum præsentiam substantiæ spiritualis de vno loco in alium, ut patet ex lib. 2. Retract. cap. 24. ubi ait *De inferis magis mihi videor docere debuisse, quod sub terris sint, quam rationem reddere, cur sub terris esse credantur, siue dicantur, quasi non ita sit.* ex qua retractatione habetur eum sentire receptacula ad quæ migrant animæ, siue in æternū siue ad tempus puniendæ, esse in loco corporeo, & consequenter motum ex hoc loco nostro ad illum esse verum motum localem, sed improprium, & æquiuiocum: & lib. 12. de Gen. ad litteram cap. 33. adhuc clarius de Christi Domini anima sic loquitur, *Et Christi quidem animam uenisse usque ad ea loca, in quibus peccatores cruciantur, ut eos solueret à tormentis, quos esse soluendos occulta nobis sua iustitia iudicabat, non immerito creditur. Quomodo enim aliter accipiendum sit quod dictum est. Quem Deus suscitauit à mortuis solutus doloribus inferorum, quia non poterat teneri ab eis: &c.* Admittit igitur S.P. & modum essendi in loco in creaturis spiritualibus, & secundum præsentiam substantiæ, & secundum operationem, siue applicationem virtutis, & solum negat illis modum essendi in loco, & motum localem propriè dictum, qualis est ille corporum,

secundum quem dicuntur esse circumscriptiue in loco, & una pars loci competi parti loci, quod spiritibus competere non potest, qui carent partibus.

Dico secundo: iam latè patere modum, quo Angelus potest se mouere localiter, quam latè patet modus, quo Angelus est in loco, eoquod mouere se localiter, nihil aliud est, quam successiue esse in pluribus locis; quapropter omnibus illis modis, quibus in dubio primo dictum est, Angelum esse in loco, tot etiam modis dicendum est eum posse moueri localiter, hoc est successiue esse in alio, & alio loco.

Dico tertio. Angelum posse moueri motu continuo, ut communiter fatentur Theologi, eò quod, licet substantialiter sit indiuisibilis, habet tamen ratione quantitatis virtutis quamdam virtualem extensionem, propter quam potest ad certam spheram spatij suam præsentiam diffundere, & sic potest locum, quem occupat, paulatim relinquere, & vicinum similiter motu continuo, & non interrupto subire, quod ostendit ita se habere modus, quo anima rationalis existit in toto corpore, est, & ipsa spiritualis, & indiuisibilis sit, que ratione suæ virtualis extensionis est in toto corpore, & postea in obitu ut plurimum paulatim deserit informare corpus, donec penitus separata alium occupet locum, quem antea non

non occupabat: sic & Angeli; est enim par ratio de illa, ac de istis, quibus positis.

Dico quarto, Angelum iuxta communem sententiam, posse se mouere localiter motu discreto, ita scilicet; vt eodem interpolatè diuersa loca adæquata acquirat, itaut primò deserat totum locum sibi adæquatū, reducendo se ad minorem partem illius, ibique per aliquod tempus manendo, & postea se transferendo ad alium locum sibi adæquatū; quod adhuc clarius habetur in modo essendi in loco per operationem, quo potest verbi gratia per totam horam operari in loco sibi adæquato, & postea per morulam nihil operari, deinde operari in alio loco distanti; & hoc modo sequitur motum illum esse discretum ratione interpolationis. Aliqui explicant motum discretum Angeli, per hoc, quod componatur ex pluribus motionibus instantaneis sibi inuicem succedentibus; quod probant ex eò, quod Angelus possit in instanti deserere vnum locum adæquatū, & acquirere alium immediatū, & sic deinceps acquirere etiam tertium, quartū &c. & singulos per singulas mutationes instantaneas. Huic sententiæ subscribit Becanus prima parte tractatu de Angelis cap. primo qu. 6. concl. 3. & in sententia docente dari aliquos motus instantaneos rectè infertur. Verum cum in physicis ostenderim

ex vna parte nullum motum posse esse instantaneū indiuisibilitate propriè, & rigorosè dicta; eoquod omnis motus intrinsecè, & essentialiter componatur ex subiecto, termino à quo, & termino ad quem, ex quibus necesse est, vt vnus succedat alteri; & ex altera parte in rebus corporeis nullam dari entitatem verè, & realiter, ac propriè indiuisibilem; manet ex hoc capite in hac sententia non posse inferri discretionem motus Angelici, sed solum primo modo. Dices. Angelus potest simul deferere vnum totum locum, & acquirere totum alium immediatè proximum; sed talis mutatio est instantanea, cum sit tota simul; ergò Angelus potest in instanti se mouere, & mutare locum. Confirmatur, quia Angelus non habet partes; ergò potest se totum simul transferre de vno loco in alium locum proximum; ergò non eget tempore. R. distinguendo maiorem; potest deserere totum locum simul itaut illa derelictio non componatur ex termino à quò, & termino ad quem nego; itaut componatur/ transeat; Minorem pariter distinguo: talis mutatio est instantanea, inadæquatè, concedo, adæquatè nego; & sic etiam distinguo consequens inadæquatè enim dicitur moueri, seu motus, quatenus accipitur solum vnum, vel alterum ex componentibus motum, idest vel subiectum, vel aliquis ex duobus terminis;

fire de extremo in extremum etiam quoad præsentiam substantiæ non transeundo per medium nec

CONTROVERSI A

Q V A R T A

De intellectu, & cognitione Angelica.

AXIOMA PRIMVM

Angeli cognoscunt se ipsos per suam substantiam.

Ex lib. 11. de Ciuitate Dei Cap. 29.

Angeli se ipsos ibi melius, quam in seipsis, veruntamen, & in seipsis sciunt, facti sunt enim, & aliud sunt quam ille qui fecit.

D V B I A B R E V I A

De intellectiua Potentia, & cognitionibus Angelorum.

Dvbia sequentia hic colligo: quia de illis non habeo propria axiomata S. P. sed supponuntur ab eo, vt iam communiter nota, nec habere aliam difficultatem ab illis, quæ in scholis de quacumque creatura intellectuâli pertractari solent; eo

rum quædam hic breuissimè attingo, eo quod viam parant ad ea, quæ postea in sequentibus difficultatibus sunt dicenda.

Primum est. Vtrum intelligere Angeli sit eius substantia. & communiter negatiuè, quod probant

Thomistæ ex eo, quod nulla creatura potest esse sua actualitas; hoc enim est proprium actus purissimi, qualis est Deus; sed intellectio est actualitas Angeli; ergo non potest esse eius substantia. Hæc tamen ratio me non convincit, eo quod non est certum, quod nulla creatura possit esse sua actualitas, in suo genere; nam de facto omnis forma simplex est sua actualitas; non est enim composita ex subiecto, & actualitate; alias non esset simplex, & oportet dare processum in infinitum; ad illud, quod dicitur hoc esse proprium actus purissimi; Respondeo esse proprium eius esse actualitatem purissimam carentem quacunque potentialitate tam subiectiva, quam obiectiva; quod non habet vlla creatura, cuicumque enim necessario competit potentialitas obiectiva, id est non repugnantia ad esse, & ad non esse; nec diuinitus potest fieri, quod datur aliqua creatura, cui hæc non competat; alias non esset creatura, at hoc, quod est carere potentia subiectiva, optimè conuenit pluribus entibus creatis simplicibus, ut Angelo, & cuicumque formæ simplici; ac proinde, quemadmodum Angelus sibi identificat alia prædicata, & suasmet differentias, specificam scilicet, & indiuidualem, sic non videtur ex hoc capite repugnare quominus intellectio identificetur cum Angelo, si non de facto, saltem de pos-

sibili. Probant secundo quia si intelligere Angeli esset eius substantia; esset subsistens, & sic non posset esse, nisi vnum intelligere, siue vna intellectio; ac proinde non posset assignari disparitas graduum in intelligendo, ita vna intellectio sit perfectior quam altera; cum hoc contingat propter diuersam participationem ipsius intelligere. Contra hanc rationem stat, quod non repugnat intellectio nem esse subsistentem, sicut non repugnat ipsam potentiam intellectiuam, ut identificatam cum ipsa substantia in sententia, quam ego sequor, & est S. P. esse subsistentem. Ad probationem & non esse inconueniens dicere, quod tunc in vno quoque intelligente daretur vnum tantum intelligere; cum quo tamen stat, quod vna intellectio esset perfectior altera non quidem in vno, & eodem indiuiduo, sed in diuersis indiuiduis: quo pacto vnus Angelus est perfectior altero ratione differentia suæ essentialis, ac etiam indiuidualis. Probari posse fortius videtur ex eo, quod si intellectio Angeli esset eius essentia, semper esset in actu intelligendi omnia, quæ per totam æternitatem intelligit; sed constat ex Sacra Scriptura non esse semper in actu intelligendi ea omnia, quæ postea successiue intelligit, habetur enim ibi vnum Angelum indicare alteri; quid agendum; ergo talis intellectio non est de substantia Angeli;

li; hæc tamen ratio non conuincit de quacunque intellectione, pollet enim responderi sufficere ad intentum, quod aliqua intellectio identificetur cum ipso, vt intellectio Dei, vt primæ causæ, vel sui ipsius, à qua nō potest cessare; propterea puto solum rationibus topicis suaderi intellectio nem Angelicam nō posse identificari cum illo, non autem ratione demonstratiua.

Secundum dubium est: Verum intelligere Angeli sit eius esse. Respondent negatiuè Thomistæ, & probant, eo quod sequeretur, quod si cut esse Angeli est totum simul, ita, & esset totum simul eius intelligere respectu omnium intelligibilium; sed intelligibilia omnia sunt infinita; ergo etiam eius intellectio esset infinita. Maior est certa, quia vbi datur identitas inter duo prædicata, si vnum est totum simul, etiam alterum necesse est esse totum simul; nō enim possunt identificari ens perma nens, & ens successiuum: minor est etiam in confesso apud omnes; cum non possit assignari terminus in rebus intelligibilibus. Consequentia probatur, quia intellectio specificatur non solum à subiecto; sed etiam ab obiecto; ac proinde si hoc est infinitum, necesse est etiam intellectio nem esse infinitam; quod non potest habere locum in Angelo, cum esse Angeli sit determinatum tam secundum genus, quam secundum speciem,

quod non competit intellectioni Angelicæ, quæ cum non sit in specie Angeli, sed possit essentialiter specificari ab omnibus speciebus entis, erit infinita, & indeterminata. Hæc ratio patitur magnam difficultatem, nam aliud est esse infinitum in essendo, aliud esse infinitum in representando, & benè potest stare, quod ali quid sit finitum in esse, & quod sit infinitum in representando, vt patet in visione clara Dei, qua representatur eius infinitas in omnibus attributis, & perfectionibus Diuinis, & tamen ipsa est finita, & determinata in esse, & in genere cognitionis intellectualis, & in specie visionis. Præterea cum quæritur an intelligere Angeli sit eius esse, non est necesse, quod quæstio procedat de intellectu cuiuscumque obiecti, sufficeret enim ad verificandam conclusio nem, si intelligere alicuius obiecti verbi gratia sui esset identificata esse ipsius, esto intelligere aliarum rerum esset distinctum realiter ab ipso.

Tertium dubium est. An potentia intellectiua Angeli sit identificata cum eius essentia. Respondent etiam huic Thomistæ negatiuè, & probant ex dictis dubio præcedenti, eò quod intelligere Angeli non est eius esse; ergo nec etiam potentia intellectiua; probant consequentiā, quia diuersis actibus adæquatis, id est specie differentibus correspondent
pro-

proprie potentie adæquatæ, & realiter inter se contradistinctæ. Contra hunc discursum stat, quod non semper requiritur tanta distinctio in principiis, quanta est in principiatis, siue in effectibus: quapropter, cum, ut dixi in tertio tomo Philosophiæ naturalis cap. de potentijs animæ, sit expressa sententia S. P. quod potentie animæ non distinguuntur realiter ab ipsa anima, prout se tenent ex parte ipsius, præscindendo ab organis; unde potentie vegetatiuæ, & sensitiuæ inadæquatè sumptæ identificantur cum substantia ipsius animæ; Potentie verò spirituales adæquatè omnino sunt idem cum ea, & solum interuenit distinctio virtualis ratione quantitatis virtutis ipsius animæ, & diuersorum connotatorum ex parte terminorum; sic pariter in præsentibus philosophandum est de potentijs spiritualibus ipsius Angeli, tanto magis, quod etiam in rebus corporeis, in quibus datur maior diuersitas, & multiplicitas, quam in spiritualibus, idem luminosum illuminat, calefacit, & exsiccatur, & eadem substantia corporea producit in se suas proprietates physicas realiter ab ipsa substantia distinctas; ut patet in aqua, quæ reproducit in se suam frigiditatem amissam, suam fluiditatem postquam fuit congelata, suam humiditatem &c. & tamen est una, & eadē potentia aquæ, per quam producit hæc accidentia propria in se ipsa;

nām alias oppoteret dare processum in infinitum; ergo similiter Angelus per potentiam intellectuam, identificatam cum sua met substantia poterit producere intellectiōē realiter à se ipso contradistinctam.

Quantum dubium est; Vtrum denique in Angelo intellectus agens, & intellectus possibilis. Respondent Thomistæ negatiuè: eoquod nulla est necessitas ponendi intellectum agentem in Angelo; cum enim iste detur ad reddendas, seu producendas species spirituales, & proportionatas ad hoc, ut intellectus possibilis possit exire in suum actum, & Angelus non accipiat species materiales ab obiectis, quæ postea sint reducendæ ad esse spirituale, sed immediatè à Deo in sua creatione eas acceperit infusus, nulla est necessitas ponendi huiusmodi potentiam intellectualem agentem; discursus iste esset optimus, si esset certum Angelos nunquam accipere species ab obiectis: sed de hoc est difficultas magna, nā Scotus in secundo dist. 3. quæst. ultima Ricardus qu. 6. & noster Greg. Ariminensis dist. 7. qu. 5. sentiunt Angelos accipere species ab obiectis; nihilominus.

Dico probabilius esse in Angelis non esse intellectum agentem propriè dictam. Probat ex communi consensu aliorum Theologorum, & ex prædicta ratione; cum intelligant omnia obiecta per species immateriales sibi

sibi à Deo infusas, siuè concreatas, non verò à rebus acceptas; hoc enim, quod est accipere species à rebus corporeis, arguit magnam imperfectionem in cognoscente; quæ non debet admitti in natura spirituali perfectiori quolibet ente corporeo. Aliqui dicunt nec etiam dari in eis intellectum possibilem propriè dictum, eò quod à principio creationis semper sunt in actu secundo intellectiōis sui, & Dei; ac etiam plurimorum aliorum obiectorum. Si dicas in ordine ad multa alia obiecta, esse in potentia tam in ordine ad actum secundum, quam in ordine ad actum primum, & consequenter saltem sub hac ratione posse dici habere intellectum possibilem. Respōdent intellectum possibilem propriè dici in ordine ad intellectum agentem, quo carent; nam etiam in ordine ad hæc obiecta, ad quæ sunt in potentia, non formarent sibi species, quando ea deberent intelligere; sed acciperent formatas, & infusas ab ipso Deo, vel etiam forte ab alijs Angelis; & præterea intellectus Angelis non est pura potentia in ordine intelligibilem, cum possit ab omni actu cessare; æquiuocè verò admittunt posse dici habere intellectum possibilem, eo quod naturaliter possint recipere, & producere suam intellectiōem. Quæstio ista, ut vides, est de voce; posito enim, quod nomine intellectus possibilis veniat so-

lum, & propriè qui habet respectum ad intellectum agentem, à quo recipiat species depuratas, & redditas spirituales; certum erit non esse in illis intellectum possibilem propriè dictum, posito quod dicatur eos recipere quascumque species à Deo. Si verò dicamus nomine intellectus possibilis venire quamcumque potentiam intellectualem creatam recipientem quemcumque actum ordinatum ad cognitionem, siuè sint species impressæ, siuè verbum mentis; ut propterea dicatur etiam intellectus passibilis à patiēdo, id est à recipiendo actum secundum, siuè formam aliquam spiritualem, siuè hanc receperit à principio suæ creationis, siuè postea; in hoc sensu nulla est difficultas posse admitti in eis intellectum passibilem, siuè possibilem propriè dictum.

Dices primò cum Scoto contra primam partem nostræ assertionis. Intellectus agens est quædam perfectio naturæ humanæ; ergò non debet denegari Angelo, qui est natura perfectior. Probatur consequentia. Natura perfecta debet habere virtutes, & facultates, quibus possit acquirere sibi suas perfectiones, & exire in actus secundos sibi proportionatos; sed cognitio plurium obiectorum verbis gratia vniuersalium, & singularium est actus proportionatus naturæ Angelicæ, & non potest in eam prodire, nisi habeat intel-

ctum

ctum agentem, sicut non posset humana, si eum non haberet; ergò omninò necessè est ponere etiam in Angelo intellectum agentem. Minor in qua est difficultas, probatur; quia singularia in qualibet specie sunt innumerabilia, & cognitio distincta, vniuersalium, qualis est illa Angeli, quæ non est confusa, continet, & includit, vel saltem necessariò supponit cognitionem omnium, & singulorum indiuiduorum; sed horum omnium non habent Angeli species inditas; cum hæc sint innumerabilia; ergò debent habere principium, per quod possint acquirere species impressas proportionatas, quibus possint exire in actum cognoscituum illorum; hoc non potest esse, nisi intellectus agens; ergò omninò necessè est ponere in illis intellectum agentem. Respondent Thomistæ; intellectum agentem non pertinere ad perfectionem simpliciter naturæ humanæ, sed ad perfectionem eius, quatenus est natura imperfecta; iminò in genere creaturarum intellectualium imperfectissima, cum in tali ordine, sit pura potentia, & ut est pura potentia subiectiua, & actiua, sed incompleta sit acquisitiua propriæ perfectionis, & complementi; per quod possit exire in actus secundos; propterea ut est in potentia ad illud supponit eius absentiam, quod importat imperfectionem. Ad probationem respondent; naturam Angeli-


cam habere à principio omnem perfectionem completam in ratione principij actiui, & idè non indigere virtute ad illam acquirendam, sicut indigentaliæ naturæ, quæ possunt carere suis perfectionibus, vel complementis eorum, vel quæ non habent à principio suæ productionis omnem suam perfectionem, sed debent illam acquirere paulatim.

Dices secundo. Si in Angelo non datur intellectus agens, hoc maxime erit, quia in eo semper intellectus est in actu, & eius obiectum est semper intelligibile in actu; sed utrumque est falsum; ergò &c. Prob. Minor, quia Angelus non semper intelligit ea omnia, quæ potest intelligere, & eius obiectum non solum comprehendit res immateriales, sed etiam materiales, & corporeas; quæ cum sint intelligibiles, solum in potentia, possunt per intellectum agentem fieri intelligibiles etiam in actu; ergò &c. Respondent Thomistæ cū Caietano prima parte qu. 54. art. 8; dub. primo sufficere, quod sit semper in actu respectu aliquorum intelligibilium; eius enim obiectum primum est quidditas immaterialis; & motuum, quod est primum obiectum respectu Angeli, habet rationem, & obiecti, & speciei intelligibilis, quod est ipsa essentia Angeli; non sic se habet res in ordine ad cognitionem nostram pro hoc statu; nam obiectum motuum animæ rationa-

tionalis vnità corpori secundum ordinarium, & naturalem modum intelligendi est res materialis, quia nihil possumus nunc intelligere, quidditatiuè, nisi naturas rerum sensibilibus; obiectum verò terminatiuum semper est cum dependentia à phantasmatibus, vt docet Aristoteles lib. 3. de anima textu 30. non sic est de Angelo, qui intelligit per species imateriales, & independentes à speciebus sensibilibus. Hoc, quod mihi videtur difficile in hac sententia, est, vnde habeatur, quod Angeli omnia omnino obiecta intelligant per species inditas à Deo, & nulla omnino per species ab ipsis rebus acceptas; si enim dicas hoc haberi ex perfectione ipsius naturæ Angelicæ; contra est, quia est quid perfectius posse intelligere vtroque modo, quam vno tantum modo; tantò magis, quod nulla sufficiens assignatur repugnantia, propter quam necessariò sit dicendum suprâ illum modum perfectiorem non posse Angelum habere hunc alium, esto minus perfectum; & præterea intra idem genus rei qui potest id, quod est perfectius, potest etiam id, quod est minus perfectum, vt verbi gratia qui potest producere octo gradus lucis, vel caloris, potest etiam producere duos vel tres; esto

isti sint quid minus perfectum, quam illi; sed de hoc infra redibit sermo.

Dubium secundum est: an in Angelis detur alia cognitio præter intellectuam, & negatiuè. Probatur primò quia Angeli non habent corpora sibi naturaliter vnita, quorum sint formæ substantialiter ea informantes, per quæ possint habere cognitionem sensitiuam. Dices, quod sicut possunt exercere alias operationes vitales, vt loqui, generare, ambulare, manducare, &c. in corporibus assumptis, sic etiam poterunt exercere cognitionem sensitiuam, & iam supra in secunda Controuersia dictum esse: Angelos non exercere propriè illas operationes vitales, quæ intrinsecè, & essentialiter vitales sint, sed solum quoadmodum; ac proindè sicut non possunt illas; sic nec etiam possunt exercere istas. Probatur secundò, quia ad ordinem vniuersi spectat, vt sicut dantur substantiæ totaliter corporeæ, sic etiam dentur substantiæ totaliter spirituales, & intellectuæ, & non solum partialiter, vt est homo, cuius cognitio alia est intellectuæ, alia sensitiuæ; ideo enim Angelus vocatur mens, & intellectus, ac etiam intelligentia absolute, non sic homo.



AXIOMA SECVNDVM

Medium cognitionis Angelicæ sunt species à Deo inditæ.

Ex Lib. 2. de Gen. ad Litteram Cap. 8.



*C*etera, quæ infra Angelos sunt, ita cantsantur, ut prius fiant in cognitione rationalis creatura, ac deinde in genere suo, &c. conditio verò cali prius erat in Verbo Dei secundum genitam Sapientiam; Deinde facta est in creatura spiritali, hoc est in cognitione Angelorum, secundum creatam illis sapientiam: deinde quod Calum factum est, ut esset etiam ipsa Cali creatura in genere proprio &c. Neque enim sicut pecora solo sensu corporis vident Angeli hæc sensibilia, sed si quo sensu tali utuntur, agnoscunt ea potius, quæ melius nouerunt interius in Dei Verbo, à quo illuminantur, ut sapienter viuant cum sit in eis lux, quæ primò facta est, si lucem spirituales in illo die factam intelligamus. Quemadmodum ergò ratio, quæ creatura conditur, prior est in Verbo Dei, quam in ipsa creatura, quæ conditur: sic & eiusdem rationis cognitio prius fit in creatura intellectuâli, quæ peccato tenebrata non est, ac deinde ipsa conditio creatura, postea in genere proprio. Neque enim sicut nos ad percipiendam sapientiam proficiebant Angeli, ut inuisibilia Dei per ea, quæ facta sunt, intellectuâ conspicerent, qui ex quo facti sunt, ipsa Verbi æternitate sancta, & pia contemplatione perfruuntur, atq; inde ista despicientes, secundum id, quod intus vident, rectè facta approbant, vel peccata improbant. Nec mirum est, quod Sanctis Angelis suis in prima lucis conditione formatis prius Deus ostendebat, quod erat deinceps creaturus.

D V B I V M

Quodnam sit medium cognitionis Angelicæ.

Sensus quæstionis est, an essentia Angeli sit illi ratio intelligendi omnia, an verò requiratur aliquid aliud, nempe species, & quales debeant

beant esse, si acquiruntur, & vnde, vel à quo acceptæ, an scilicet ab obiectis, vel a Deo.

Præmitto primo: ad cognitionem requiri vnionem potentiæ cum obiecto; cum enim sola potentia non sufficiat, eòquod sit indifferens ad quācumque cognitionem specificam, necessariò debet simul cum illa vniri obiectum, vt illam in actu compleat, & vltimò determinet ad hanc cognitionem specificam, & non ad aliam; propterea S. P. Augustinus lib. 9. de Trinitate cap. vltimo docet à duobus oriri cognitionem, à cognoscēte scilicet, & ab obiecto.

Præmitto secundo: hanc vnionem fieri ab obiecto, vel distantē, vel improporcionado mediante specie, quæ vices gerat ipsius obiecti, tum quia potentia est indeterminata, & non potest determinari à tali obiecto, puta materiali, neque secundum suā entitatem; quia potest esse, quod tale obiectum non existat, & tamen habeatur eius cognitio; neque in ratione termini, eòquod hæc ratio est posteriori intellectione, & determinatio actiua obiecti respectu intellectus debet præcedere intellectionē, cum sit ex prærequisitis ad illam; tum quia cognitio fit per assimilationem ab, & cum obiecto; cognoscere enim est idem, ac exprimere in se vitaliter imaginem rei cognoscendæ; ac proinde potentia cognoscitiua debet habere in se formam, per quā

formet in se talem similitudinem, & imaginem obiecti, quæ in tali casu nulla alia potest esse præter ipsam speciem intelligibilem, quæ est virtualis imago ipsius obiecti; cum enim in intellectu non sit similis de se rebus ipsis cognoscendis, non potest producere talem imaginem; de ratione enim imaginis propriè dictæ est, vt procedat ab eo, cuius est imago, vt habet expressè S. P. N. lib. quæst. in Deuter. qu. 4. & lib. 83. quæstionum qu. 74. vbi hoc probat, quia ouum est ouo simillimum, & tamen neutrum est alterius imago, quia neutrum ab altero procedit. Cum igitur cognitio sit imago obiecti, necessariò debet procedere ab illo effectiue, & cū non possit procedere ab illo secundum suum esse materiale, vt patet, quia improporcionatum est; neque, secundum esse terminatiuum, vt dictum est; manet quod procedat secundum esse intelligibile, & consequenter per species. Hæc doctrina est cōmunis in scholis, exceptis Nominalibus, & Durando, ex quibus iste in secundo dist. 3. qu. 6. nu. 17. docet obiectum non concurrere effectiue ad intellectionem intuitiuam, sed solum intellectum; eo modo, quo in eius sententia posito sensibili in actu sequitur sensatio absq; alio concursu sensibili: illi verò ex doctrina Okami in secundo dist. 15. conclus. prima, & in solutione qu. 14. paragrafo *biuvisi* cum quo sentiūt

alij eius Sēctatores idēst Noster Gregor. Ariminenſis diſt. 7. qu. 5. artic. 1. concl. 1. Baſſolis qu. 3. paraſrafo dicoigitur; & Gabriel qu. 2. art. 2. & 3. aſſerunt ſolam præſentiam rei in ſe, vel in ſua cauſa ſufficere ſine vlla præiua vnione, & ſine vlla ſpecie ad hoc, vt res quæcumque; ab Angelo cognoscatur, cum quo tamen admittunt obiectum ipſum ſimul cū intellectu concurrere ad intellectiōnem intuitiuam, ad abſtractiuam verò dicunt concurrere habitum remanentem ex intellectiōne intuitiua; quæ omnia conuincuntur falſitatis ab ipſa indifferentia potentiæ, quæ non poteſt determinari ab obiecto diſtāti, niſi velimus naturaliter dare actionem in diſtans; neq; ab obiecto improporcionato, quale eſt corporeū, quod cum ſit inferioris ordinis non poteſt eſſe principium effectus ſpiritalis, qualis eſt intellectio, vt cauſa principatis: his poſitis.

Dico primo: Angelos non cognoſcere omnia per ſuam eſſentiam, ſed per ſpecies ſuper additas. Hæc ſententia eſt communis non ſolum in ſchola S. Tho. qu. 55. prima parte artic. primo, 2. & 3. ſed etiam S. Bonauenturæ, Scoti, B. Egidij Noſtri in ſecundo diſt. 3. & Noſtri Ferrarienſis lib. 3. contra gentes c. 96. & hanc puto eſſe ſententiam expreſſam S. P. N. in hoc axiomate, cum docet prius res eſſe conditas in cognitione Angelica, quam in genere

ſuo; quod vt ſit verum, neceſſe eſt, vt ibi fuerint productæ ſpecies, & imagines harum rerum, vt determinare, tur eorum potentia indifferens ad dictam cognitionem, & ſapientiam, maximè in primo, & ſecundo inſtanti, in quibus non viderunt diuinam eſſentiam, & tamen cognouerunt res corporeas, & materiales, vt conſtat ex prælio inter S. Michaelē, & Draconem. Probatur hæc aſſertio primo auctoritate S. Dionyſij, qui in libro de Diuinis nominibus cap. 4. ait *diuinas mentes intelligere præſtanti modo*, quem modum explicans ſubdit, *& eorum, quæ ſunt, rationes diſcunt diuina ſibi accomodata illuſtratione*. quo loco loquitur de cognitione obiectorum naturaliter cognolcibiliū, & hæc docet cognoſci per illuſtrationem diuinam accomodatā naturæ Angelicæ, quod aliter intelligi non poteſt, niſi quod cognoſcantur non per ſpecies tranſmiſſas, ſed à Deo inſuſas: vbi aduerte S. Doctorem habere; Angelos *illuminari rationibus rerum*: quem locum communiter explicant, quod per ly rationibus rerum veniant ſpecies; & Abbas Camaldulenſis in ſua traduſtione ſic vertit: *cognoſcere eas res diuinis illuſtrationibus ſibi accommodatis*. Probant ſecundo Thomiſtæ communiter ex eo, quod nulla forma completè perficit aliquam potentiam, niſi contineat ea omnia, ad quæ ſe extendit illa potentia, vt patet in quacūque

que forma substantiali respectu materię; sed essentia Angeli non continet sub se omnia, quę potest Angelus intelligere, cum sit determinata ad genus, & speciem, & præterea hoc sit proprium diuinę essentię propter suam infinitatem; ergo essentia Angeli non est illi forma adæquata, per quam possit cognoscere omnia. Hęc ratio patitur instantiam ex eo, quod aliud est continere in se alia entitatiuè, aliud est continere ea representatiuè; nam bene potest stare, quod aliquid contineatur in determinato genere, & determinata specie, & tamen representet illud, quod entitatiuè non continet, sic enim homo, licet sit sub determinata specie, nihilominus representat Deum, cuius est imago, quem tamen non continet entitatiuè. Probatur tertio, quia si essentia Angeli posset representare omnia veluti species illorū, vel id esset, quia ex natura sua est per se ordinata ad representandum tamquam semen omnium obiectorum naturalium, vel quia est superioris ordinis continens inferiora per modum exemplaris eminentioris; vel quia habet necessariam connexionem causę, vel effectus cum omnibus rebus naturalibus: his enim tribus modis potest concipi; quod vna res aliam intelligibiliter representet; sed nullo ex his modis potest essentia Angeli intelligibiliter representare omnia obiecta materialia: et

ergo repugnat ei representare omnia. Probatur minor discurrendo per singula. Primo namque modo non potest representare propter suam perfectionem; cum enim sit substantia, quę est ens ad se, & substantia completa, & inter completas creaturas perfectissima, non potest esse facta propter alia, sed propter se, & propter suam perfectionem. Neque secundo, quia talis modus representandi propter suam maximam perfectionem superat perfectionem substantię Angelicę; res enim, quę representat omnia per modum exemplaris eminentioris, requirit, vt sit causa exemplaris omnium, ac proinde quod ille, cui competit talis modus, sit causa efficiens omnium; exemplar enim non est nisi in artifice; unde necessariò talis res omnes alias res eminenter continens est Deus: hoc enim est proprium solius diuinę essentię. Adde, quod essentia cuiusque Angeli constituitur ex genere, & differentia; & differentia vnius Angeli obstat, quo minus representet alium, vel alios Angelos; cum enim sit ratio formalis differendi, & consequenter dissimilitudinis, non potest esse ratio formalis conueniendi in similitudine, & representatione. Sed neque tertio modo ei competere potest; cum substantia Angeli neque sit causa efficiens omnium rerum, cum non possint esse rerum conditores, vt passim docent

P. P. & Scholastici cum S. Patre, & S. Io: Damasceno; neque sint effectus aliarum rerum, sed solius Dei; ergò nullo modo possunt representare per suam essentiam alia omnia. Hæc ratio reddit hanc sententiam valde probabilem; verum & ipsa patitur suas difficultates, & primò quia non est necesse, quod omne id, quod representat aliquid, vt species illius, sit vel semen obiectorum, vel exemplar eminentioris ordinis, vel quod habeat connexionem causæ, vel effectus, sed sufficit, quod habeat aliquam similitudinem cum illo, vt patet in imaginibus artefactis, quæ representant id, ad quod sunt factæ, & tamen nihil ex illis tribus eis competit. Præterea infringi videtur vis huius argumēti in specie impressa Dei, quam possibilem esse plures Scholastici concedunt, & tamen ista deberet representare idæam omnium rerum, quæ sunt producibiles, cum Idæa sit attributum formale ipsius Dei, & consequenter representare omnes res, & tamen est accidens, & est ens creatum, & hanc representationem non haberet, ab vlllo ex illis tribus enumeratis capitibus. Hæc suadent mihi hanc rationem non habere vim demonstrationis, sed nihilominus stante cōmuniōri consensu scholarum, & auctoritate S. P. N. & S. Dionysij puro hanc sententiam esse probabiliore, eò maximè, quod constat ex Scripturis, Angelos non

cognoscere ex se omnia; sed quandoque illuminatos ab alijs ad cognoscenda ea, quæ antea non cognoscebant.

Dices cum Altiſiodorenſi; qui in lib. 2. summæ tract. 5. cap. 4. tenet oppositum. Angelus per suam essentiam potest intelligere omnia, non quidem semper actu, sicut Deus, sed quando vult, modo vnā rem, modo aliam; ergò poterit etiam illa representare. Probatur consequentia; quia illud est perfectius, quam istud; Confirmatur auctoritate S. Dionysij lib. de diuinis nominibus cap. 7. vbi, cum dixisset Deum cognoscere res per suam essentiam, tamquam per causam rerum omnium, de Angelis postea subdit, etiam illos ea, quæ sunt in terra, scire, non quod ea sensibus cognoscant, licet sub sensu cadant, sed mentis suæ diuinam speciem præferentis vi, atque naturæ; & de hominibus postea docet illos intelligere per imagines, & similitudines, in quibus assertionibus, cum dicatur Angelos eodem modo intelligere res quo Deus eas intelligit, sequitur, quod eas intelligant per suam essentiam. R. ad hoc argumentum: essentiam Angelinon esse sufficiens principium proximum intelligendi sine specie; ad probationem consequentiæ negatur absolute, illud esse perfectius; nam ad illud sufficit ens limitatum, ad hoc verò requiritur ens illimitatum, & indefinitum; ad Confirmatio-

mationem. **S.** Dionysium ibi solum comparare Angelum Deo in perspicacitate intellectus, quatenus & ipsi intelligunt sine discursu, & inuentur effectus in causis, & conclusiones in principijs, quod tamen semper debet intelligi seruata proportionem, & p aterea etiam in eo, quod neuter intelligit per species acceptas à rebus, sicut intelligit anima nostra, præsertim in cognitione Dei, de qua ibi loquitur S. Doctor.

Dico secundo: Angelos intelligere per species ab initio creationis à Deo illis inditas, & non per acceptas à rebus. Hæc sententia est S. Tho. prima parte qu. 55. artic. 2. Caietani, & Bannez Rib: Nostri Ferrariensis lib. 2. contra gentes cap. 96. nostri Thomæ de Argentina in secundo dist. 3. qu. 2. artic. 4. S. Bonauenturæ artic. 2. qu. prima Capr. qu. 2. artic. 1. nostri B. Egidij in secundo qu. 2. dub. 1. artic. secundo Heruei ibidem qu. 4. artic. 3. & Alberti magni de quatuor coëquis puncto primo qu. 3. artic. 1. 2. est tamen contra Scotum in secundo dist. 3. qu. 11. Ricardum ibi artic. 6. qu. 2. Maiorem q. 7. Bassol. qu. 4. artic. 2. & 3. Marsil. qu. 7. artic. primo conclusionem 8. & 9. asserentes in Angelis esse quidem species innatas rerum vniuersalium, & singularium incorruptibilium simul cum Angelis creatorum, non autem eorum, quæ post condita fuerunt, vt sunt animæ rationales, & sin-

gularia materialia. Horum argumenta infra adducentur, & soluentur; Pro nunc probatur nostra sententia, primò auctoritate Sacræ Scripturæ Ezech. cap. 28. vbi de Angelo, qui cecidit in persona Regis Tyri dicitur, *Tu signaculum similitudinis plenus sapientia, perfectus decore, perfectus in vijs tuis à die cōditionis*; quod dici non posset, si Angeli acciperent species à rebus, cum talis acceptio fiat in tempore. Probatur secundo auctoritate S. S. P. P. & primo S. P. N. Augustini, qui in axioma præsentis docet cætera, quæ infra Angelos sunt, ita creata fuisse à Deo, vt prius fierent in cognitione rationalis creaturæ; quod nequit esse, vt supra dictum est, nisi per infusionem specierum, maxime pro illis instantibus, in quibus fuerunt viatores. Similiter S. Dionysius lib. de diuinis nominibus cap. 4. idem docet, vt dictum est in præcedenti axioma, & cap. 7. de cælesti Hierarchia dicit Angelos non comparare scientiam à rebus diuisibilibus, & sensibilibus; sic etiam S. Io. Damascenus lib. 2. de fide Orthodox. cap. 3. vbi ait Angelos, qui sunt secunda lumina, non indigere lingua, nec auditu, quia suscipiunt illuminationem à primo lumine. Probatur tertio ratione, quia si Angelus acciperet species à rebus præsentibus, vel id fieret, quia solæ res præsentæ sunt causa totalis, & perfecta specierum in intellectu Angeli, vel quia

quia sunt causæ partiales simul cum intellectu concurrentes, vel denique quia solus intellectus ad præsentiam rerum species illas producit, neque enim potest fingi alius modus; sed nullo ex his modis potest Angelus accipere species ab obiectis; ergo &c. Probatur minor discurrendo per singulos. Non potest primo modo, quia nulla res materialis potest agere in rem spirituales, vel habere effectum, aut actionem spirituales, propterea enim in nobis ponitur intellectus agens, quia phantasmata sunt corporea, & intellectus passibilis, & eius operationes sunt spirituales, & hoc præsertim verum est, si agat, ut causa totalis, quemadmodum fieret in proposito; nam deberet esse causa, vel uniuoca, vel æquiuoca respectu talis actionis, vel effectus, quorum neutrum potest illi competere, tum quia licet obiectum esset spirituale, adhuc non posset producere tales species; ergo multò minus si est corporeum; Angelus enim superior intelligit inferiores, ac etiam animas rationales, & tamen nec istæ saltem dum sunt in corpore habent talem actionem; & perfectio naturæ Superioris, qualis est intelligere in Angelo superiori, non debet dependere à natura inferiori; cum autem eodem modo intelligant inferiores, ac superiores, si superiores non intelligant per species acceptas, nec etiam inferiores intelligant. Neque secundo

modo, nam vel essent causæ partiales propria virtute, & hoc non potest esse propter rationem allatam, vel in virtute intellectus Angelici, tamquam instrumenta eleuata ab illo; & neque hoc potest esse; nam Angelus inferior intelligit superiorem, & tamen Angelus superior non est instrumentum inferioris in vlla actione: ratio enim instrumenti arguit imperfectionem, idest dependentiam, quæ non est ponenda in Angelo superiori respectu inferioris; præsertim in propria perfectione, qualis esset intellectio. Neque tertio modo, tum quia si Angeli posset accipere cognitionem à rebus, multò magis hoc posset animæ separatae, in quibus certius est esse intellectum agentem; sed hoc istæ non possunt; ergo nec illi; in quibus communiter non admittitur. Minor probatur, quia si hoc posset animæ separatae, naturaliter posset cognoscere ea, quæ post ipsarum separationem sunt in terris, quod tamen non posse sine reuelatione Dei immediata, vel mediata per Angelos docent communiter S. S. Patres, & præcipuè S. P. N. Augustinus lib. de cura pro mortuis à cap. 13. vsque ad 16. vbi dicit hoc constare ex Sacra Scriptura, & cum eo sentit S. Greg. Magnus lib. 12. moral. cap. 13. & hoc supponit ut certum Concilium Senonense in decreto Fidei cap. 13. vbi ait animas Sanctorum, idem cognoscere orationes

nes nostras, quia illis est peruium diuinitatis speculum; tum quia accipere species à rebus necessariò inuoluit actionem aliquam obiecti, vt patet in nobis; quia aliàs non esset ratio, cur anima per intellectum agentem produceret potius hanc speciẽ, quam aliam ad præsentiam plurium obiectorum; ratio enim determinationis est, quia species accepta ab obiecto præcedit in sensu ab ipso obiecto producta; tum quia si intellectus produceret tales species, vel eas produceret necessariò, vel liberè; non primum, quia illas ab initio creationis debuisset producere, & non successiuè, vt volunt aduersarii; præsentia enim obiecti, quam dicunt requiri, quæ est successiua, est imperitina ad talem productionem; cum nullam efficientiam præbeat intellectui, nec illum iuuat, aut moueat ad talem productionem; nec secundũ, idest liberè, quia non potest Angelus liberè applicare suam virtutem, in incognitum, & ante productionẽ speciei non cognoscit vllum obiectum; ergò non potest liberè se determinare ad productionem speciei huius obiecti, & non alterius. Denique, quia secundum ordinem intellectuum statuendus est ordo intelligibilium; si dea, quæ sunt intelligibilia in actu, sunt superiora intelligibilibus in potentia, vt sunt omnia intelligibilia à sensibus accepta; ergò cum hæc spectent vt obiectum pro-

portionatum ad intellectum nostrũ, non hæc, sed illa pertinebunt ad Angelicum superiorem nostrum; & consequenter non poterit Angelus accipere species à rebus, sed à Deo, & non eo tempore, quo singularia producantur; nam cum illorum præsentia sit impertinens ad productionem talium specierum, esset superuacaneum expectare tale tempus, & interim priuare Angelos tanto splendoris ornatu, cuius sunt capaces; in instanti ergò conditionis suæ has habuerunt, vt admittunt Auctores supradicti, & eorum Scholæ, vt sic verificetur dictum Ezechielis loco supracitato. Probant etiam Thomistæ, quia modus operandi, & acquirendi propriam perfectionem consequitur modum essendi; sic enim animæ rationales, quæ sunt formæ corporum, suam interiorem perfectionem intelligibilem accipiunt; alioquin frustra illis vnirentur; sed Angeli in suo esse subsistunt independenter à corpore; ergò & independenter ab illo suam perfectionem intelligibilem à Deo cum natura accipiunt. Hæc ratio est valde probabilis, sed tamen non omninò conuincit, non enim sequitur necessariò, quod non possint etiam hanc perfectionem inferiorẽ illa habere; & maximè, si poneretur, vt aliqui ponunt, potentiam spirituales cum ipsis speciebus sensibilibus posse producere intellectiõnem, eo quod illæ possint eleuari, vt

instrumenta ipsius potentiae. Verum stantibus supradictis rationibus, & auctoritatibus manet, quod hoc esset frustra illis concessum.

Dices primò cum Scoto, & alijs supracitatis Doctoribus: lumen Angelicum est efficacius, quam lumen animae rationalis; sed hoc potest abstrahere species; ergò & illud. Maior, & minor sunt certae. Consequentia probatur, nam quod potest virtus inferior potest superior; praesertim cum talis modus operandi non repugnet Angelis, & iudicetur magis naturalis, quam per infusionem à Deo. R. non esse proportionem inter intellectum Angelicum, & res sensibiles, ut per illum efficiantur intelligibiles actu, ac proinde talem modum operandi repugnare Angelo, non verò animae coniunctae; quae facit tales species praesuppositis alijs in sensibilibus, quibus carent Angeli. Hæc responsio est S. Tho. qu. 8. de Veritate artic. 9. ad 8. Addunt alij oriri ex maiori perfectione Angeli, quod Angeli non possint cognoscere per abstractionem specierum à rebus, hoc enim arguit gradum superiorem in natura intellectuali, & omnimodam independentiam à Natura imperfectiori, & inferiori, sicut accipere cognitionem à rebus arguit infimum gradum; perfectius est enim intelligere per species acceptas à Deo, quàm à rebus. Hoc confirmari potest exemplo operationum sensibilibus, & cor-

porarum vitalium, quas propriè, & in rigore quoad substantiam non possit Angelos exercere; non arguit imperfectionem in illis, sed maiorem perfectionem, & superioritatem gradus essendi, & modi operandi.

Dices secundo: species istæ se habent æqualiter ad praesentia, & ad futura, sed scientia Angelorum non se habet hoc modo erga illa; cognoscunt enim praesentia, & futura ignorant, naturaliter loquendo: ergò species horum accipiunt ab ipsis, cum aliundè non possit provenire differentia ista. R. has species à Deo inditas non representare nisi singularia existentia; eo quod hæc solum sint similia speciei Angelicæ, non verò eadem, ut sunt futura: oritur enim ex triplici capite, quod aliquis nunc sciatur ea, quæ antea ignorabat; id est vel ex eo, quod nunc habet speciem eius, quam antea non habebat, vel quia res illa nunc est similis formæ representanti, & antea non erat, vel quia licet antea esset similis, non tamen ex ea poterat elici cognitio huius rei, nisi mediante lumine superiori confortante intellectum, quo pacto ex iisdem formis existentibus in phantasia, superueniente lumine Prophetiæ, eliciuntur aliquæ cognitiones, quæ lumine naturali elici non poterant; vide S. Tho. loco citato de Veritate.

Dices tertio: Species illæ Angelicæ aut sunt propriæ passionibus, aut à Deo

Deo infusæ: non infusæ, quia sic essent formæ supernaturales; sed neq; possunt esse proprietates, istæ enim sunt determinatæ, & secundum determinatam inclinationem naturæ; sed species angelicæ non sunt determinatæ; ergo non possunt aliundè, quam ab obiectis haberi: minor probatur, quia si loquamur de speciebus rerum creatarum, vel creandarum, istæ non possunt esse naturaliter, sed ex sola Dei voluntate determinatæ, qui voluit potius has, quam illas substantias creare; si verò loquamur de speciebus rerum possibilium, multò minus ad istas intellectus Angelicus est naturaliter determinatus, quia non est maior ratio, cur sit potius determinatus ad has, quam ad illas; quapropter ad omnes naturaliter inclinaretur; & sic Angelus vel haberet omnes illas, & sic essent infinitæ, vel aliquibus, immò infinitis careret contra naturalem propensionem: Hæc sunt absurda; ergo & id vnde sequuntur. R. cum nostro Ferrariensi lib. 4. contra gentes cap. 98. quem sequuntur communiter Thomistæ, species intelligibiles Angelorum nō esse verè, & propriè passiones naturæ ipsorum; Primo quia, si essent, haberent necessariam, & naturalem connexionem cum ipsa natura Angelica, & emanarent naturaliter ab illa. Secundo, quia alias non possent naturaliter alio modo produci, quam per emanationem; Tertiò quia essent

omniñò inuariabiles, vt sunt omnes aliæ passiones propriæ aliarum rerū: quæ omnia patet non habere locum in illis speciebus, tantò magis, quod se tenent ex parte obiecti, non verò ex parte naturæ: Dicuntur tamen ab aliquibus proprietates, & passiones Angelorum, minus propriè sumendo nomen passionis, & proprietatis, & non in toto rigore; quatenus scilicet habent quasdam conuenientias cum alijs passionibus; & primò quidem, quia simul producuntur cū ipsis Angelis ab eodem efficiente, idest à Deo, vt auctore naturæ, & secundum ordinem prouidentie naturalis, vt docet S. Tho. prima parte qu. 85. artic. primo ad tertium, & sunt Angelis debite tamquam complementa propriæ potentie ad proprium finem naturalem consequendum, & ad operationes proprias exercendas, & denique quia habent propriam determinationem correspondentem determinationi intellectus Angelici; nam vt docet S. Th. in secundo dist. 3. qu. 3. artic. 3. ad primum, ex lumine intellectus Angelici determinantur species, quibus sit propria cognitio rerum, sicut enim intellectus Angelicus est naturaliter determinatus ad cognoscendum omnes res naturales spectantes ad vniuersum, & habet solum potentiam obedientialem ad possibiles; ita species, quas Deus Angelis indidit, sunt determinatæ ad representationem

nem earumdem rerum, cum debeāt proportionaliter respondere inclinationi intellectus. Ex quibus manet clarum huiusmodi species nec esse proprietates in toto rigore, nec esse formas supernaturales, sed naturales tum propter prædicta, tum quia est in ipsis Angelis inclinatio ad illas recipiendas ab agente extrinseco; quo pacto à pluribus docetur motū cæli esse, & dici naturalem ipsi; nam ut Angelus compleat inclinationem naturalem sui intellectus ad intelligendum vniuersum, exigit habere ab auctore naturæ species representantes vniuersum; ad hoc autem, ut forma dicatur naturalis alicui subiecto, sufficit, quod subiectum respectu illius habeat inclinationem naturalem respectiuam.

Dices quarto: Cognitio intuitiua non potest fieri, nisi ab obiecto præsentē, alias non esset intuitiua; ergo sit immediatē ab ipso, non verò per speciem. Probatur consequentiā, quia Angelus non potest rem futurā distinctē, & intuitiue cognoscere; & quando est existens, & præsens potest; ergo ipsa res præsens est causa immediata suæ notitiæ; alioquin dum adhuc est futura, existerent omnes causæ requisitæ ad cognitionem ipsius, & sic naturaliter posset cognosci. Respondent aliqui cognitionem intuitiuam rerū creaturarum fieri per species infusas, quæ sunt participationes diuinarum idæarum, per quas

Deus cognoscit, & operatur res secundum rationes proprias, & communes, substantiales, & accidentales; quæ possunt deducere Angelos in cognitionem intuitiuam rerum. Hæc solutio non plenē satisfacit argumento, in quo petitur differentia inter cognitionem rei præsentis, & futuræ, & an utraque sit intuitiua. R. igitur ad cognitionem intuitiuam non requiri, quod obiectum in se ipso, & in sua entitate existat, aut sit præsens; nam & Angelus existens in nostro Hemisphærio optimē potest intueri ea, quæ sunt distantia, & in altero hemisphærio; non enim impeditur eius intuitus à mole corporum intermedia; & Deus cognitione intuitiua distinctē, & clarē cognoscit omnia futura; quapropter dicendum est sufficere præsentiam, & existentiam clarā, euidentem, & omnino certam in intellectu cognoscentis intuitiue, quas condiciones non habet, nec habere potest cognitio abstractiua, ut patet, eo quod non sit clara, & præscindat ab existentia, & ab alijs prædicatis, à quibus necesse est eam præscindere, si debet esse abstractiua. Ad vltimam instantiam. R. Angelos Beatos optimē cognoscere res futuras intuitiue, quia, ut docet S. P. eas vident in legibus æternis, in quibus non datur transmutatio, nec vicissitudinis obumbratio. Angeli verò mali eas non cognoscunt, nisi coniecturaliter, quia non

vident connexionem entitatum ipsarum cum diuino decreto, à quo illæ res habent esse futurum, ac prout de non sequitur, quod naturaliter possint cognoscere, res futuras, vt futuras.

Dices quinto: Obiectum ipsum, si est aliquid singulare, non potest cognosci per species inditas ab initio creationis; ergo requiritur species accepta ab obiecto. Antecedens probatur species inditæ Angelis ab initio sunt vniuersales; ergo non possunt representare, nisi vniuersalia, non verò singularia; probatur antecedens multipliciter, & primò, quia si essent singulares, deberent esse actu infinitæ iuxta infinitatem rerum singularium. Secundo si representarent singularia, equè bene per talem speciem posset cognosci singulare futurum, ac præsens. Tertio quia quandò obiectum cognitionis intuitiue Angeli est complexio contingens, verbi gratia Petrus currit, vel non currit, hæc complexio non potest cognosci per species terminorum; ergo per species ab obiecto receptas. Probat antecedens; talis complexio dependet, vel à voluntate Diuina, vel ab humana, quæ cognosci non potest per tales species influxas, cum hæc species quidquid representant, naturaliter representent; & actus liberi non possint naturaliter, idest necessariò representari, cum possint esse, & non esse; quo posito vel illa spe-

cies representat, quod Petrus currit, vel quod non currit, non enim potest vtrumque simul representare; nam tunc contradictoria ab eodem connaturali representatiuo representarentur, & essent simul vera, sicut sunt simul representata; si ergo solū representat alterum, verbi gratia, quod Petrus currit; sequitur hanc propositionem, Petrus currit, esse simpliciter necessariam; quod enim est verum ex terminis, est verum simpliciter necessarium; si verò non representat, nullo modo poterit cognosci ab Angelo veritas huius, nisi re ipsa existente, & vnione terminorum; ergo omninò necesse est, quod talis cognitio ab ipsis rebus singularibus accipiat. R. per illas species optimè posse cognosci singularia; ad primam probationem. R. illas species non dici vniuersales ex eo, quod solum representent quidditates vniuersales; sed quia representant plures rationes, quarum quedam sunt vniuersales, aliæ verò particulares, quedam essentielles, aliæ accidentales; ad alias tres probationes. R. primo nullam esse necessitatem, quod huiusmodi species sint infinitæ, quia rectè potest vna species plura representare; quemadmodum vnica intelligentia, & vnica visione possunt plura obiecta intelligi, & videri; tamò magis, quod prædictæ species sint participationes diuinæ ideæ, quæ vna existens est plurimarum rerum cogno-

cognoscitiua, & operatiua. Ad secundam, R. eamdem speciem ratione suæ vniuersalitatis representare complexionem contingentem; eo quod representando totam rem existentem representat etiam quodlibet accidens illi adueniens. Ad ultimam instantiam, R. futurum contingens, vt tale, cum sit dependens à voluntate diuina, vel creata, non esse obiectum proportionatum speciei Angelicæ, eo quod non sit illi simile; Sed de hoc puncto infra fusius, cum agetur de cognitione Angelica futurorum liberorum.

Dico tertio: Posse dari in Angelis species alias alijs vniuersaliores in representando, tam numero, quam specie diuersas. Est D. Th. prima parte qu. 55. artic. 3. & lib. 3. contra gentes capite 96. & communis inter Thomistas; est etiam N. B. Egidij in secundo qu. 2. artic. 2. dub. 3. & 4. ac etiam Argentinæ ibi qu. 2. artic. 4. concl. 3. contra Scotum Bafsol. Ricardum, & Aureolum. Probatur primò, quia non implicat dari huiusmodi species; ergò sunt possibiles. Antecedens probatur non solù negatiuè ex solutione argumentorum aduersariorum, vt infra, sed positiuè etiam primo; quia plures virtutes in inferioribus diuise de facto in superioribus reperiuntur vnite, & identificate; sic habetur virtutes calefactiua, illuminatiua, & exsiccatiua identificate in lumine: sic auditiva,

visiua, & omnes virtutes sensuum externorum habentur vnite, & identificate cum sensu interno; ergò similiter plures virtutes representatiuæ diuersarum specierum poterunt esse vnite in aliqua specie superioris ordinis; consequentia patet, quia eo ipso, quod euidenter habemus ea, quæ sunt dispersa in inferioribus, esse vnita, & identificate in superioribus; & præterea species debere esse proportionatas potentijs cognoscitiuis; manet, quod illæ virtutes representandi in inferioribus possunt esse vnite in aliqua virtute representatiua superiori. Probatur secundo; quia de facto datur species expressa continens in se virtutes representatiuas diuersarum specierum expressarum; ergò etiam poterit dari impressa. Probatur antecedens; nam de facto vnus solus actus cognitionis imaginatiuæ representat plures actus diuersarum cognitionum sensuum externorum; & vna intellectio representat, & hos, & illum; ergò iam datur species expressa vnica existens, quæ representat quidquid per actus, seu species expressas diuersas plurium potentiarum inferiorum representatur: consequentia probatur, nam species impressa, & expressa proportionantur ad inuicem. Probatur tertio; quia species indite Angelis sunt similitudines, & participationes diuinæ essentiæ, quarens est intelligibiliter representatiua rerum;

sed

sed hæc vna existens representat plurima obiecta, immò omnia possibilia; ergò, & ipsa species influxa poterit representare plurima obiecta; & plures quidditates.

Dices primo: Vna species debet habere vnum obiectum, quod sibi correspondeat, in quo contineantur ea omnia, quæ ab illa representantur; sed ea, quæ sunt diuersa specie, sunt obiecta adæquata diuersarum specierum, & non possunt conuenire in aliquo vno obiecto; ergò non potest dari vna species representans plura obiecta diuersa specie: maior probatur, quia ea, quæ essentialiter respiciunt aliud, sicut ab eo habent essentiam, & speciem, ita etiam ab eo habent vnitatem: minor probatur primò: quia hoc vnum obiectum adæquatum tertie speciei non potest esse aliqua causa, in qua alia contineantur virtualiter, & eminenter contineantur reliqua; hic enim est sermo de rebus representatis, & cognitis in se; neque potest esse aliqua ratio vniuoca, vel analogæ; talis enim species vniuoca non representaret illa plura secundum rationes proprias; & si esset analogæ, representaret omnia conuenientia in illa, & sic daretur vna species omnium entium. Probatur secundo; quia propter hanc eandem rationem voluntas non potest vnicò actu ferri in duo obiecta secundum diuersas rationes boni, verbi gratia propter honestatem ve-

racitatis, & charitatis, itaut idem numero actus sit in specie Charitatis, & veracitatis; nec etiam eodem actu possumus diligere rationem commodi, & honesti, & hoc non nisi quando ratio boni Charitatis, & veracitatis sunt obiecta adæquata illarum diuersarum virtutum, & idèd non possunt vniri, vt sint obiectum alterius virtutis. Probatur vltimò à priori, quia est impossibile differentias constitutiuas diuersarum specierum vniri inter se ad componendam tertiam diuersam ab vtraque; ergò est impossibile duos respectus ad duo diuersa obiecta constituentes essentialiter duas species intelligibiles idèdificari in vno tertio, & sic constituere vnam speciem respicientem vnū obiectum, & primò, quod si rationes istæ aliquam vim haberent aduersus species impressas, haberent etiam aduersus species expressas; has enim constat habere inter se gradus maioris, vel minoris vniuersalitatis, & ea plura obiecta, quæ per species expressas inferiores multiplices representantur, vnica superiori representantur, vt supra dictum est. Secundò directè nullam esse necessitatem, vt species vna numero habeat vnum solum obiectum vnitatem, vel numericam, vel specificam, vel genericam in esse rei; sed sufficere, vt habeat vnum obiectum in esse cognoscibili, eo pacto, quo in scientijs dicimus non attendi vnitatem obiecti in esse rei,

rei, sed in esse scibili; nam de Metaphysica dicitur, quod habeat pro obiecto ens, quod tamen nullam unitatem ex prædictis habet, sed solum in esse scibili; sic in præsentī dicimus, quod omne id, quod per talem speciem respicitur, est obiectum adæquatum illius speciei, ut patet in colore, & luce, quæ sunt qualitates speciei differentes, & tamen per unicam visionem representantur; sic & qualitates tangibiles respectu tactus, & omnia sensibilia respectu sensus interni; nam hæc omnia non conveniunt in aliqua ratione uniuoca, quā per se primò tangant visus, tactus, & sensus internus; nihil autem impedit, quo minus id, quod est adæquatum obiectum respectu unius speciei, possit esse inadæquatum respectu alterius superioris; quo pacto obiectum adæquatum visus est inadæquatum respectu sensus interni, & potentie intellectiue. R. tertio posse plures quidditates constituere, unum obiectum adæquatum unius speciei intelligibilis, quatenus, vel conveniunt in una ratione generica in esse naturæ, quo pacto dari potest una species representans omnes species animalis, ut docet S. Th. lib. 2. contra gentes cap. 98. quatenus conveniunt in una ratione animalitatis, ita ut representent rationem genericam animalis secundum totum suum esse, & essentiale, & potentiale: vel quatenus conveniunt in una ratione

representabilitatis, vel intelligibilitatis proportionatæ essentiae cuiusque Angeli, licet differant in esse naturæ, ut dictum est supra de obiectis sensuum externorum, quæ constituunt unum obiectum sensus interni; est enim species Angelica, ut docet S. Th. loco citato, uniuersalis virtute ad modum formæ agentis in causa uniuersali, quæ quanto uniuersalior fuerit, tantò ad plura se extendit, & efficacius producit: per quæ patet responsio ad maiorem propositionem, & ad primam probationem minoris. Ad secundam probationem, R. falsum esse, non posse voluntatem uno actu acceptare duo obiecta propter diuersas rationes boni; potest enim quis uno actu intendere duos fines, verbi gratia obedire, & amare Deum, propter quas faciat aliquod opus, vel bonum, vel ex se indifferens, & similiter falsum est non posse voluntatem uno actu tendere in duo bona, honestum videlicet, & commodum. Ratio utriusque est, quia voluntas potest acceptare simplici actu quidquid illi propositum fuerit ab intellectu, potest autem intellectus simul proponere duo obiecta amabilia; hinc ad tertiam probationem, R. in eodem actu physice sumpto posse vniri diuersas differentias formales disparatas, ut patet in entitate caloris, qui sub diuersis rationibus continetur in tribus prædicamentis: diuersus, qualitate scilicet, actione, & passio-

passione, & in tribus speciebus eiusdem prædicamenti, potentia scilicet, passionis, & patibilis qualitatis, & in sententia plurium, & classicorum Philosophorum, ac Theologorum possunt eminenter formaliter contineri differentia adæquatæ plurium actuum, vel habituum inferioris ordinis, ut in practico, & speculatio respectu scientia Theologica, ac etiam habitus fidei supernaturalis, & in obiectis, & potentijs sensuum externorum respectu obiecti, & sensus interni.

Dices secundo: nihil est ratio cognoscendi aliud, nisi sit ratio propria illius, sed vna species non potest esse talis, ergo &c. Probatur minor, quia vna res non potest esse similitudo rerum dissimilium, multo minus vna species poterit esse representatiua plurium quidditatum inter se diuersarum. R. cum S. Th. prima parte qu. 55. artic. 2. ad 3. & alibi, quod licet vnum non possit esse ratio multorum, si sit singulis adæquatum, potest tamen esse, si sit superexcedens, quia continet in se vniformiter propria cuique in vnoquoque diuersim inuenta; sic enim Diuina Essentia est propria ratio omnium; quia in ipsa vniformiter continetur quidquid diuissim in creaturis omnibus reperitur; ac propterea cum species inditæ Angelis in esse intelligibili, & representatiuo sint excelleniores rebus ipsis, ut potè diuinæ essentia propin-

quiores, ut discurret S. P. N. in axioma, potest vna species esse ratio plurium rerum, quod secus est in speciebus nostri intellectus, quæ cum accipiantur à rebus, non superexcedunt illas in esse representatiuo, sed tantum in esse naturali, quia sunt spirituales, & ideo vna species non potest esse ratio plurium quidditatum; propterea ad probationem minoris nego consequentiam, & ratio disparitatis est, quia vna res esset similitudo alterius per conuenientiam in figura, colore, vel essentia, & consequenter per relationem realem similitudinis constituentem conuenientiam in substantia, vel qualitate; at species intelligibilis non est similitudo per conuenientiam in aliqua re materiali, aut physica peculiari, & propria, sed modo spirituali, & intelligibili, quatenus est id, quo intellectus in se ipso format, & concipit res, prout sunt in se; ac proinde, quemadmodum vnico instrumento potest artifex formare plura artefacta similia, & dissimilia; sic & intellectus potest vnica specie impressa intelligibili concipere plura, siuè similia, siuè dissimilia inter se.

Dices tertio: Si vna species potest representare plures quidditates vel indiuidua, consequenter posset vna species representare infinita; nā inter quaslibet naturas potest dari vna alia media, & sub quacunque natura, & specie posunt à Deo crea-

ri infinitæ naturæ imperfectiores in infinitum, & infinita individua, & ita species representans vnam naturam specificam representaret omnes species inferiores in infinitum; sed consequens est falsum, indè enim sequeretur talem speciem fore infinitam, & infinitæ perfectionis; nam si ad representandum vnam quidditatem, vel individuum requiritur species intelligibilis alicuius perfectionis, & ad representandum duas requiritur perfectior species, & maior pluralitas requirit maiorem perfectionem, infinitas representatorum requirit infinitam perfectionem in representante; & præterea sequeretur Angelum propria virtute posse simul infinita intelligere; nam potest Angelus uti totaliter speciebus omnibus, quas habet, quæ debent esse aptæ ad representandum quæcumque obiecta naturaliter cognoscibilia, quæ cum non sint actu finita, loquendo de possibilibus, necessario erunt actu infinita; quorum utrumque videtur falsum, inconueniens, & impossibile. R. primo iuxta ea, quæ dixi in primo tomo Philosophiæ naturalis capite de infinito, non implicare contradictionem infinitum actu in certo aliquo genere; ac proinde hoc argumentum non habere vim contra mea principia; ex quibus dicto loco clarè ostendi veritatem huius doctrinæ, tum auctoritate S. P. tum etiam rationibus, & satis feci argu-

mentis, quæ contra eam sunt ab inconuenientibus, & demonstraui ea, quæ adducuntur pro contradictionibus, & impossibilitatibus, esse solummodo apparenter non autè re ipsa, verè, & realiter talia. Verum, quia sententia quæ negat possibilitatem infiniti est etiam ipsa satis plausibilis in scholis: præscindendo à prædicta S. P. & mea sententia. R. secundo: dato, & non concessio, quod inter quaslibet duas species rerum possit dari media, & quod sub quacunque possint aliæ infinitæ imperfectiores creari in infinitum, non sequi speciem representantem quattuor naturas representare infinitas; talis enim species adaptata est illis quattuor naturis tamquam obiecto adæquato, & non cæteris, & dato, quod representaret cæteras omnes, adhuc non sequi illam fore infinitæ perfectionis, sed tantum quod sit superioris ordinis, ut patet in lumine gloriæ, neque enim esset absurdum, intellectum Angelicum per illam speciem simul cognoscere infinita, sicut potest in sententia plurium Thomistarum, per vnam speciem representantem naturam numeri cognoscere omnes species possibiles illius: dixi dato illo; falsum enim puto cum N. B. Egidio quod lib. 3. qu. 5. dari processum in infinitum in speciebus descendendo, ut obseruari etiam loco citato in Physica capite de infinito. Dictis ibi nunc addo Auctoritatem Philosophi

sophilib. 8. metaph. textu 10. ubi docet species esse sicuti numeros, in quibus non datur processus in infinitum in descendendo, tum quia species imperfectiores data specie superiori omnes aliquo modo illius perfectionem participant, & ab illa deficient; sed perfectio huius, & illius speciei est finita; ergo non possunt alia ab illa infinitis modis deficere; falsum etiam puto semper posse inter quaslibet duas species produci mediam; nam ordo vniuersi, ut obseruat B. Egidius loco citato, est veluti quædam harmonia, ut quondam etiam ruditer, & obscurè indicauit suo tempore Pythagoras; in qua voces non se excedunt omnes punctualiter, & æqualiter, sed aliquando vna vox excedit aliam per sonum vnicum, & per duos exceditur ab alia; similiter ergo species vniuersi non se excedunt omnes punctualiter, & æqualiter, sed possunt aliquæ se excedere inæqualiter, itaut inter duas detur media, ut patet in numeris, verbi gratia inter binarium, & ternarium non datur species media, & datur inter binarium, & senarium.

Dico quarto: Angelos, quod perfectiores sunt in natura, eò paucioribus, & vniuersalioribus speciebus intelligere; Est sententia S. Thomæ, Caietani, & plausibilior in scholis, cui tamen contradicunt plurimi Scotistæ, & alij locis supracitatis in præcedenti assertionem. Probatur primo

auctoritate S. Dionysij, qui in cælesti Hierarchia cap. 12. docet esse commune omnibus Angelis participes esse scientiæ, & sapientiæ, differre tamen in hoc quod scientia Cherubim est altior, nam scientia cæterorum habet rationem partis. Et cap. 7. eiusdem libri docuerat idem de eisdem Cherubim; quod est idem, ac dicere illorum scientiam esse vniuersaliorē, quia est per species vniuersaliores. Probatur secundo ratione, qua vtitur S. Th. quæst. 55. artic. 3. quia quo Angelus est perfectior in natura, consequenter est similior Deo, & perfectius participat modum intelligendi ipsius Dei; sed modus iste non solum consistit in eo, quod clarius, & distinctius cognoscatur; sed etiam quod non per plura principia intelligatur; ergo similiter Angelus ei similior debet participare hunc modum, cum non repugnet, ut supra visum est: Confirmatur, quia, quod Angelus est in natura perfectior, eò habet virtutem intelligendi magis vnitam, & consequenter fortioiorem, & efficaciorē; efficacia enim rei in operando est ex eo, quod est in actu: actus autem est principium vniōis, sicut potentia multiplicationis, & diuisionis; quod autem virtus est altior, & efficacior, eò operatur ex paucioribus, & ad plura se extendit; ut est clarum tam in natura, quam in artes; in naturalibus enim altior causa operatur per vniuersaliorē virtutem,

& perfectior artifex operatur per vniuersaliora, & pauciora instrumenta, vt Architectus, quam inferiores artifices; sic etiam in cognoscitiuis ille, qui est acutioris ingenij, ex paucioribus principijs, vel etiam ex vnicō colligit plures conclusiones, quā ille, qui est hebetioris; hic enim non nisi per varias deductiones, & principia particulariter coaptata conclusionibus percipit veritatem harum; sic in ipso Deo, in quo est virtus cognoscendi infinitè perfecta, & puritas actus, per vnum principium, idest per suam essentiam omnia operatur, & distinctissimè cognoscit, & consequenter etiam Angelus, quò minus elongatur à Deo, eò per pauciora principia, & intelliget, & operabitur.

Dices primo: Si species Angeli superioris est vniuersalior, quam inferioris, vel est vniuersalior quoad cognitionem, vel quoad operationem; neutrum dici potest; ergò non sunt admittendæ huiusmodi species vniuersaliores. Probatur minor quoad primum, quia omnes Angeli naturaliter habent cognitionem sui, & Dei, & consequenter æqualem: quoad secundum verò probatur, quia Angeli non sunt operadores rerum, vt dictū est in prima controuersia, ex Patribus. R. cum S. Th. qu. 8. de Veritate artic. 10. ad 2. & in secundo libro Sent. dist. 3. qu. 2. artic. 2. ad 2. species Angelicas dici vniuersaliores, & quantum ad cognitionem; tum ex

parte ipsarum specierum, quæ ad plura se extendunt, tum ex parte rerum cognitarum, quæ perfectius, & clarius possunt cognosci à sublimioribus, & perspicacioribus, quam ab inferioribus propter rationes allatas; & quantum ad operationem; tã secundum Philosophos ponētes ordinem intelligentiarum secundum ordinem motuū; nam oportet, quod causalitas formarum superioris Angeli sit vniuersalior in causando, cuius motus est vniuersalior; quam secundum Theologos, qui ponunt ordines Angelicos secundum diuersa officia; nam superiores ordinant inferiores in suis officijs, non è contra. Nec est contra supradicta, nam licet ibi negauerimus Angelis generationes substantiales, non propterea negauimus, immò concessimus plurimas operationes quoad accidentia.

Dices secundo: dato, quod Angeli, quò perfectiores, eò ipso per pauciores species intelligant, deueniri postea ad vnum aliquem Angelum, qui omnia intelligeret per vnicam speciem; quo posito, si alius perfectior crearetur, iam iste omnia intelligeret per suam substantiam; quod non videtur admittendum, cum hoc sit proprium solius Dei: ergò nec etiam huiusmodi inæqualitas specierum. R. communiter hoc non sequi; quia in ea hypothesi Deus Angelo prius existenti infunderet speciem. Angeli de nouo creati, vnde ille iam habet.

haberet duas species, per quas intelligeretur: ac proinde non esset opus, ut nouus Angelus omnia intelligeret per suam substantiam tamquam per speciem impressam, quia posset habere unicam speciem representatricem rerum inferiorum: Hæc responsio, licet satis plausibilis, non plenè mihi satisfacit: cum enim hic agamus de Omnipotètia Dei, an possit producere Angelum tantæ perfectionis, ut intelligat omnia per suam substantiam, assignanda est aperta implicantiæ contradictionis in obiecto; ratione cuius talis Angelus non contineatur intra spheram Omnipotentiæ Dei; quæ mihi nondum ab aliquo Doctorem videtur sufficiens, & conuincens assignata; immò aliundè constat ipsum Angelum per suam mer substantiam sine alia specie intelligere se ipsum, ut communiter docent etiam ipsi Thomistæ, & nouissimè P. Io. à S. Th. ad qu. 55. primæ partis art. 2. disput. 21. ex quo etiam sequitur, quod naturaliter, sine alia specie cognitione abstractiua possit cognoscere ipsum Deum; cum enim eius substantia sit facta, & ipsa ad imaginem, & similitudinem Dei, non videtur admittenda alia similitudo, ratione cuius tali cognitione intelligat Deum, ne multiplicentur entia sine necessitate. Dixi abstractiua; nam inuitiua, cum sit supernaturalis, certum est non posse haberi naturaliter; sed debet dari aliquod aliud princi-

pium eleuans ipsum intellectum, ut dictum est in Controuerfia de Incomprehensibilitate Dei, & visione Beatifica. Quibus positis, non video, cur non possit creari Angelus tantæ perfectionis in sua substantia; ut sicut est sibi ipsi representatiua sui ipsius, & Dei sine alia specie impressa, & similitudine superaddita, ita non possit esse representatiua omnium aliarum rerum absque adiutorio, vel complemento talis speciei, & sic ad argumentum concessa maiori de possibili, nego minorem; alias enim si esset proprium solius Dei intelligere per suam substantiam sine specie, nec etiam posset Angelus intelligere se ipsum sine specie; iam enim ex hac parte haberet aliquid, quod esset proprium solius Dei: & sic negatur consequentia. Plura alia, quæ dici possent ad hoc argumentum, quod est valde celebrè in scholis, vide apud nostrum B. Egidium in secundo dist. 3. qu. 2. artic. 2. ad dubium 4. Ferrariensem lib. 3. contra Gentes cap. 68. Herueum in secundo dist. 4. qu. vnica, artic. 3. Caietanum in prima parte qu. 55. ad artic. 3. Capreolum in secundo dist. 3. qu. 2. artic. 1. conclusionem 7. & artic. 3. ad quantum. Soncinatem lib. 12. metaph. qu. 6. ad primum, immò & ipsum S. Thomam eadem dist. qu. 2. artic. 2. ad secundum, & qu. 8. de Veritate art. 4. ad primum.

Dices tertio: Deus liberè operatur

tur ad extra, & diuidit singulis prout vult; ergò nulla est necessitas asserendi, quod perfectioribus Angelis quoad substantiam perfectiores sint inditæ species vniuersaliores, & ex S. Tho. Deum valdè congruenter omnia fecisse; ac proindè sicut iuxta proportionem perfectionum naturalium fuit distributio donorum supernaturalium, sic etiam, & à fortiori diuisio comprincipiorum, quæ erat necessaria ad operationes, & maxime vitales exercendas; ac proinde debuisse, illa infusio specierum fieri iuxta proportionem naturalis perfectionis Angelorum; itaut quò magis vnus Angelus est alio perfectior, eo intelligat per species simpliciores, & vniuersaliores.

Dices quartò: quod cognoscitur in particulari, clarius, & distinctius cognoscitur, quam quod cognoscitur in vniuersali; ergò si Angeli per-

fectiores intelligant per species vniuersaliores, sequitur Angelos superiores habere scientiam minus perfectam, quam Angelos inferiores, quod est contra doctrinam S. Dionysij supra traditam, & contra rationem, & ex S. Tho. qu. 55. supracitata artic. 3. ad 2. hoc quod est cognoscere vniuersaliter dupliciter accipi posse, primò ex parte rei cognitæ, vt si cognoscatur solum gradus vniuersalis rei, sic enim cognoscuntur inferiora solum in confuso, & còsequenter imperfectius, quam si cognoscerentur in particulari; secundò ex parte mediij cognoscendi; & hoc modo est perfectius cognoscere aliquid in vniuersali; perfectior est enim intellectus, qui per vnum vniuersale medium potest singula propria, & particularia cognoscere; quam qui non potest, sed indiget diuersis alijs medijs minus vniuersalibus.

CONTROVERSIA

Q V I N T A

De obiecto intellectus Angeli.

AXIOMA PRIMVM.

Mens cognoscit se per suam substantiam.

Ex Lib. 9. de Trin. Cap. 3.

Mens ipsa, sicut incorporearum rerum notitias per sensus corporis colligit, sic incorporearum rerum per semetipsam, ergò, & semetipsam per

per se ipsam nouit, quoniam est incorporea; nam si non se nouit, non se amat.

D V B I V M

Vtrum Angelus cognoscat seipsum per suam substantiam, an verò per speciem superadditam.

IN superioribus dubijs sæpè dictū est; Angelum cognoscere seipsum per suam substantiam, non verò per speciem superadditam, nunc videndum est, an hoc sit verum, & an habeat locum solum in quæstione de facto, an verò de possibili.

Vtor præsentī axiomate S. Patris, nam licet loquatur de anima rationali, nihilominus à fortiori conuincit de Angelo, qui est omnino incorporeus. Si enim illa etiam pro hoc statu, quoniam est incorporea, nouit semetipsam per se ipsam, idest sine specie superaddita, sic enim intelligit hunc locum S. Patris etiam Gregorius de Valentia tomo primo disputat. 4. generali qu. 7. puncto primo, S. *sed contra*; multò magis hoc poterit Angelus, qui est omnino incorporeus, & non dependet à phantasmatibus in suis cognitionibus. Quibus positis.

Dico primum: Angelum posse se

cognoscere per suam essentiam, tam quam per speciem. Est S. Tho. prima parte qu. 56. articulo primo, & libro secundo contra gentes cap. 98. nostri B. Egidij in secundo qu. 2. artic. primo, Argentinæ ibi qu. 2. artic. 4. concl. prima, Bassolis ibidē qu. 3. Riccardi etiam dist. 3. artic. 6. qu. prima Capreoli qu. 2. artic. primo concl. prima, cum quibus sentiunt communiter Thomistæ tam antiqui, quam moderni, eamque tuentur Scotus pariter in secundo qu. 2. (qui tamen decipitur in hoc, quod putat S. Th. docere essentiam Angelī esse totale principium intellectiōnis, & intellectum ipsum Angelicū solummodo passiuè se habere; cum tamen expressè qu. 8. de veritate artic. 6. dicat ex substantia, & intellectu fieri vnum principium intellectiōnis,) Probat, quia Essentia Angeli habet omnia requisita ad hoc, ut præstet quod præstat species sui ipsius;

sius; ergò potest cum intellectu sine alia specie esse ratio cognitionis sui. Probatur antecedens, quia est ens in genere intelligibilem, cum sit immaterialis, & in eodem genere, in quo est actus ipse intellectionis, atque adeò actu intelligibilis, & est actus proportionatus suo intellectui, tamquam propriæ potentiae, illi realiter præsens, ut patet ex naturali unionem, quam actus habet cum illo: ergò poterit Angelus per illam tamquam per speciem se ipsum intelligere.

Dico secundo: de facto Angelum prædicto modo se ipsum intelligere. Probatur, quia natura refugit superfluum; unde habuit ortum axioma illud, Frustra fit per plura; quod potest fieri per pauciora; sed ipsa substantia Angeli est sufficiens, & conaturale principium respectu cognitionis sui, ut dictum est; ergò non per speciem; sed per se ipsum de facto se intelligit. Confirmatur primo, quia naturaliter non dantur duo principia in eodem ordine respectu eiusdem actionis, quando vnum de se est sufficiens, ut patet inductione in ceteris omnibus agentibus. Confirmatur secundo: quia Angelus cognoscit suam speciem intelligibilem per seipsum, alioquin daretur processus in infinitum; & hoc ideo, quia species est actu intelligibilis, & est intra intellectum ipsius Angeli; ergò idem dicendum erit de substantia Angeli.

Quæri hic solet utrum Angelus perseveret semper in sui cognitione, ita ut nunquam ab ea cesset. Respondet deo breviter, Sententiam affirmatiuam esse valde probabilem, quam sequitur Heraeus in secundo dist. 3. qu. 4. Capreolus ibidem, & Suarez in metaphisica disp. 35. sect. 4. Probatur primò ex analogia ad alia viuientia, quæ habent semper aliquem actum vitalem, à quo nunquam cessant. Secundo quia obiectum est illi semper præsens, & naturaliter determinans potentiam illam ad talem actum cum nullo prorsus obstaculo, & quemadmodum apertis oculis, & datis omnibus requisitis ad videndum non potest potentia visiva non exire in actum visionis, ita cum in hoc dentur omnia requisita, non videtur posse Angelum suspendere hunc actum ad quem determinatur à præsentia obiecti naturaliter. Probatur tertio quia si aliquid obstar, hoc maxime esset libertas ipsius Angeli: sed hæc non obstat; ergò nihil obstat. Probatur minor, quia quælibet actio voluntatis necessariò supponit aliquem actum intellectus, & ne detur processus in infinitum, deueniendum est ad aliquam primam intellectionem independentem à voluntate, & consequenter necessariam, & non liberam; sed hæc non potest esse alia; quam cognitio sui ipsius. Ergo. &c. Confirmatur, quia si omnes cognitiones essent liberæ; omnes penderent

rent à libero imperio voluntatis, & consequenter deueniendum esset ad aliquam volitionem, quæ esset prior quavis intellectu, quod est absurdum.

Dico tertio: Angelum posse cognoscere se ipsum per speciem super additam tam intuitiue, quam abstractiue; Prior pars huius assertionis est Marfilij in secundo qu. 7. artic. primo concl. 2. & 5. & probatur, quia nulla est repugnãtia; nam sicut Deus infundit vni Angelo speciem representantem intuitiue essentiam alterius Angeli, ita posset dare similem ei, quæ se ipsum cognosceret; in hoc enim nulla apparet contradictionis implicantia. Secunda pars huius conclusionis est, Secuti in secundo dist. 3. qu. 10. §. *Ad questionem*; Maioris, Bassolis, & aliorum, & probatur, quia Angelus superior cognoscit intuitiue Angelum inferiorem per propriam speciem illius; & abstractiue per species aliorum Angelorum, cum genericè conueniant omnes cum illo; & similiter Beati cognoscunt easdem res intuitiue per species influxas, & abstractiue per species acceptas à rebus; ergo etiã quilibet Angelus poterit cognoscere se ipsum intuitiue per suam essentiam, vel per propriam speciem; & abstractiue per species representantes alios Angelos conuenientes secum in eodem genere; hoc enim, quod est, Angelum naturaliter, & intuitiue cognoscere seipsum,

non tollit; quominus possit habere aliam notitiam abstractiuam sui, sicut ex eo, quod per connaturales species cognoscit intuitiue alios Angelos, non impedit, quo minus eisdem possit cognoscere etiam abstractiue; Confirmatur ex eo, quod istæ duæ cognitiones sunt diuersæ rationis, & non sunt ad inuicem contrariæ, cum sint in eodem subiecto, & versentur circa idem obiectum materialiter sumptum; nam postea ex diuersa ratione formali, sub quâ attingitur ab illis, diuersificantur etiam illæ cognitiones inter se.

Pro solutione eorum, quæ contra prædictam Doctrinam, & præcipue contra primam, & secundam Conclusionem opponi solent; Aduertendum est ex S. Thoma qu. 8. de Veritate articulo 6. in corp. & alibi, Duplicem esse in Vniuerso ordinem rerum, alterum entium, quæ dicuntur naturalia; alterum verò eorum, quæ dicuntur intelligibilia. Ad primum spectat quidquid habet rationem entis realis, siue sit materiale, siue immateriale; ad secundum spectant solummodo immaterialia; vnde ordo intelligibilium est ordo immaterialium; sola enim immaterialia sunt intelligibilia; materialia verò, quatenus talia, actu non sunt, nisi sensibilia, & hoc propter proportionem, quæ debet esse inter potentiam, & obiectum; quemadmodum enim corpus non potest naturaliter agere in

Spiritus propter improprietatem,
ita nec materiale, quia tale, potest esse
se obiectum motuum, & proportionatum
intellectus; sed solū, vel quod est in se
immateriale, vel quod si in sua entitate
est materiale, sit factum aliquo modo
immateriale, & redactū ad gradum
intelligibilem, non quidem per realem
separationem a materia secundum esse, sed
per acceptio nem formæ intelligibilis, in qua
materiale immaterialiter representatur.
Ponitur hic ab aliquibus inter hos
duos ordines hæc convenientia, quod sicut
in ordine entium datur aliquid, quod est
pura potentia subiecti, quod est materia
prima, & aliquid, quod est purus actus, quod
est Deus, & mixtum ex actu, & potentia,
ut sunt cætera entia inter Deum, & materiam
primam contenta, ita in genere intelligibilem
datur purus actus, qui est Deus, pura
potentia, quæ est anima rationalis coniuncta
corpori, & aliquid partim potentia, partim
actus, ut sunt Angelus, & anima rationalis;
ponuntur tamen communiter inter prædicta
sequentes differentie. Prima est, quod non
omne, quod est vno modo in vno genere,
est eodem modo etiam in alio; sed aliquando
contrario modo se habet, ut patet in anima
coniuncta corpori, quam dicunt esse puram
potentiam in genere intelligibilem, & in
genere entium naturalium est partim
actus, partim potentia; aliquando ve-

ro in vtroque genere aliquid vtroque
modo semper se habet, ut patet in Deo, &
Angelo; quorum hic est partim ætus respectu
cognitionis sui, partim potentia respectu
cognitionis aliorum, & eodem modo se habet
in genere entium naturalium; cum sit actus
completus in genere substantiæ, & potentia
respectu accidentium spiritualium, quæ recipit
in suis potentijs; similiter Deus est purus
actus tam in genere entium intelligibilem,
quam in genere entium naturalium. Secunda
est, quod ea, quæ spectant ad vnum genus
contrarium, aliquando dicunt ordinem ad alia,
vel etiam ad se, ut sunt in alio genere, ut
patet in Angelis, qui si considerentur, ut
sunt in genere entium, intellectus Angeli est
in illius essentia, ut accidens in subiecto, & ut
actus in potentia, & ut potentia in substantia,
à qua fluit. (Procedit hæc doctrina in
sententia Thomistarum, & aliorum Doctorum,
qui ponunt intellectum, & alias potentias
animæ esse accidentia physica realiter
distincta ab ipsa substantia animæ, physice
loquendo; in nostra verò sententia, qui non
distinguiamus ista, nisi metaphysice, non
habent locum, nisi secundum nostram
considerationem, & logicè solum, seu
metaphysicè loquendo.) Consequenter ad
prædicta docent Thomistæ, quod si Angeli
considerentur in genere intelligibilem,
essentia Angeli comparatur ad intellectum,

lectum, ut actus ad potentiam, & ut species intelligibilis ad facultatem intellectivam, & sicut intelligibile intrinsecum ad intelligens. His igitur sic explicatis, & secundum nostra principia philosophica metaphysicè acceptis, progredior ad contrarium objectiones.

Dices primò: Species intelligibilis est actus, & forma intellectus in illo existens, & inherens; sed essentia Angeli non est forma sui intellectus, nec est in illo, ut accidens in subiecto: non enim informat, aut inheret illi, cum sit ens per se subsistens: ergò hæc non potest præstare intellectui Angelico id, quod præstat species intelligibilis, & consequenter non poterit esse illi ratio intelligendi se ipsum sine specie intermedia. Respondent Thomistæ essentiam Angelicam non esse quidem actum intellectus in essendo, sed in intelligendo, de cuius ratione non est, ut inheret potentie, illamque physicè informat, nisi sit accidens, ut est species intelligibilis respectu intellectus; sed sufficit, quod sit illi vnitus, quo pacto est vnita quælibet essentia suæ potentie, & hoc modo non est absurdum, ut intellectus sit in essentia, tamquam actus in genere entium, & essentia sit in intellectu, tamquam actus in genere intelligibilium, & tamquam obiectum intrinsecum in potentia intellectiva. Hæc doctrina habet locum etiam in sententia iden-

tificante potentias cum ipsa substantia animæ, vel Angelis, si addatur illa limitatio, ut quod Thomistæ accipiunt per unionem physicam ipsius potentie cum essentia, nos accipiamus per identitatem, & metaphysicè solum, ut patet in ipso Deo, in quo non est dubium in omnium sententia intellectum identificari cum essentia ipsius, & tamen hanc præstare ei perfectissimo modo quod præstat in nobis species ipsa intelligibilis imperfecto modo inherendi, & informandi.

Dices secundo: nulla substantia est immediatè activa, ut est communis sententia inter Thomistas; ergò essentia Angeli non potest præstare id quod præstat species impressa, cuius munus est concurrere effectivè simul cum intellectu ad producendam ipsam intellectionem, seu verbum mentis. Respondet noster B. Egidius tractatu de cognitione Angelorum qu. 3. quem sequitur Caietanus prima parte qu. 54. artic. 3. ad 4. & qu. 56. artic. primo: substantiam Angelicam non concurrere ut elicientem simul cum intellectu intellectionem, sed ut facientem intellectum in actu respectu sui, seu radicaliter, quatenus ab ipsa manet intellectus sufficienter constitutus in actu primo per se ipsum ad eliciendam cognitionem substantiæ. Hæc tamen responsio non placet pluribus alijs Thomistis, tum quia consequenter tollit activitatem etiam ab alijs speciebus

impressis; nam etiam de his posset dici, quod nihil aliud præstant, quam reddere intellectum sufficienter instructum, absque eo, quod concurrant effectiue ad ipsum verbum mentis producendum; tum quia est explicitè contra Angelicum Doctorem; qui prima parte qu. 56. artic. 1. docet substantiam Angeli vñiri eius intellectui, tamquam obiectum intelligibile per modum formæ intelligibilis, & se habere ad illum sicut calor ad ignem; sed calor ad ignem se habet simul cum eo in ordine ad alium calorem producendum, vt principium actiuum; ergo pariter, & substantia ipsius Angeli. Præterea qu. 8. de Veritate articulo 6. docet ex substantia ipsa Angeli, & intellectu fieri vnum principium productiuum intellectiuium, & hoc ideò asserunt Ferrariensis, & Herueus. Propter ea alij Thomistæ respondent substantiam Angeli non posse quidem esse immediatum principium proximum elictiuum actionis realis physice, siue actus accidentalis per modum potentie, & virtutis; hoc enim semper requirit, vt sit potentia aliqua proportionata actui; posse tamen esse principium actionis intentionalis, siue actus per modum obiecti; si enim hoc potest species, quatenus habet vicem obiecti, multo melius id poterit facere ipsa substantia, cum habeat omnia requisita; quod confirmant ex exemplo colorum, qui non sunt qua-

lirates effectiue actionis realis, & physice; sed tamen produunt species actione intentionali, ac propterea licet substantiæ non possint, producere immediatè actionem physicam, & realem, possunt tamen intentionalem. Ratio a priori, quam assignant, est, quia ideò substantia non potest esse immediatè actiua in actione reali, quia immediatus terminus talis actionis est accedens, & omnis terminus immediatus est similis suo principio; vnumquodque enim agit secundum quod est actu illud, quod agit, ex eo quod agitur, vnde colligitur, quod sit principium agendi, & ideò principium actionis realis sit accedens, verbi gratia ignis, qui immediatè producit calorem, non ignem, vt obseruat Aristoteles lib. de sensu, & sensibili cap. 13. eo quod non agat, vt ignis, sed quatenus calidus est; at verò in actione intelligibili, quia id, quod immediatè agitur, & producit, potest in esse intelligibili, & representatiuo esse substantia; idcirco principium immediatum illius poterit esse substantia; vt est in proposito; intellectus enim, quia Angelus intelligit suam essentiam, intelligibiliter, & representatiue est ipsamet substantia eius, & ideò potest produci immediatè, licet partialiter, ab ipsamet essentia. Hæc retuli in gratiam sententiæ Thomisticæ; nam de cætero hinc etiam sumitur argumentum non deue ad probandum

sub-

substantiam esse immediatè operati-
uam; si enim concurret ad producē-
dam cognitionem, seu verbum men-
tis in esse intentionali, necessariò de-
bet etiam concurrere ad producē-
dam illam in esse physico; quemad-
modum nostrę species impressa non
ita comproduciunt in nobis esse intē-
tionale cognitionū nostrarum; quin
etiam simul concurrant ad producē-
dum esse physicum earundem; pro-
pterea consequenter ad ea, quę dixi
in physicis, ubi admissi substantiam
esse immediatè operatiuam; respon-
deo negando antecedens.

¶ Dices tertio: Vnus Angelus non
potest intelligere alterum per eius
substantiam; tamquam per speciem;
ergò nec etiam poterit intelligere
seipsum per suam: cum sit eadem ra-
tio vtriusque. R. communiter con-
cesso antecedente negando conse-
quentiam; eo quod essentia alterius
Angeli non sit vnita realiter intelle-
ctui cognoscentis, & ad rationem
speciei creatę, ad hoc, vt concurrat
constituendo vnum principium to-
rale cum intellectu ad intellectio-
nem producendam; & sit eius for-
male principium, requiratur, vt id,
quod habet rationem speciei, sit rea-
liter vnitum intellectui, vel illi inha-
rendo, vel terminando eius inhaeren-
tiam, vt sit in proposito. Hęc respo-
sio non plenè satisfaciť; nam quod
species impressa vniatur, & inhereat,
non videtur exigi propter aliud, nisi

propter suam magnam imperfectio-
nem, quia videlicet est accidens phy-
sicum, quod ex suo conceptu gene-
rico exigit inherere; quod si esset
substantia intellectualis propor-
tionata, & intimè presens, nihil videretur
obstare, quo minus posset concurre-
re, vt patet in visione beatifica, in
qua Deus ipse per suam substantiā
sine specie impressa, quę mediet, cō-
currit ad ipsam visionem; neq; enim
lumen glorię habet rationem spe-
ciei, vt malè philosophatur aliquis
modernus, sed datur ad eleuandam
potentiam, vt sit proportionata ad
illum actū summè supernaturalem;
quapropter se tenet totum ex parte
potentię, non verò ex parte obiecti,
vt se tenet species impressa; Præter-
ea ipsamet substantia ipsius Ange-
li, per quam vnusquisque cognoscit
seipsum, non inhaeret, nec informat
ipsum Angelum, nec est vnio pro-
priè dicta, quę requirit distinctio-
nem realem duorum extremorum;
quorum vnum re vera non sit alie-
rum, quod non est in presenti, & pro-
pterea est identitas, non verò vnio
physica; quibus sic se habentibus nō
video, cur si Angelus sit intimè præ-
sens alteri, non possit cum eius intel-
lectu concurrere immediatè ad sui
cognitionem; ac proinde quoad pos-
sibile censeo, negandum esse antece-
dens; an postea de facto res ita se ha-
beat, pender ex voluntate Dei, qui
cum indiderit species ipsis Angelis,

& unicuique speciem alterius, potest esse, quod voluerit, ut unusquisque in quocumque statu utatur specie, ad cognoscendum alterum, eo quod iste, modus sit illis fortasse connaturalior.

Dices quarto: Principium formale quodcumque, per quod potentia operatur, est ei subordinatum, inferius, & dependens ab illa; quod præsertim habet locum in cognitione; hæc enim, cum sit actio vitalis, tribuenda est per se primò potentie cognoscenti, sed essentia Angeli non potest esse principium subordinatū proprio intellectui, nec per se ab illo in operatione dependens: ergo essentia Angeli non potest esse intellectui ipsius principium formale cognoscendi seipsum, Maior est certa ex inductione per quæcumque principia formalia, per quæ omnes aliæ potentie operantur. Minor probatur, quia sicut res se habet ad esse, ita & ad operari; intellectus autem Angelicus consequitur ad essentiam, ut potentia eius, & si est proprietas realiter ab ea distincta, ut ponitur communiter à Thomistis, etiam informat, & inhæret ei; ergo huiusmodi essentia non potest esse principium formale intellectui Angeli: o cognoscendi seipsum, & maiorem esse veram de principio in esse formali entitativo, & intelligibili realiter distincto, & inhaerente, non verò de intelligibili subsistente, ut patet in

Essentia Divina, quæ sine specie impressa concurret cum intellectu Beati ad ipsam visionem beatificam.

Dices quinto: Si Angelus cognoscit se ipsum per suam essentiam; ergo etiam anima rationalis; nam eadem essentia istius est actu intelligibilis, cum sit immaterialis, & est realiter, & intimè præsens suo intellectui; sed consequens est contra Philosophum, qui lib. 3. de anima tex. 8. 13. & 15. docet animam intelligere se ipsam, sicut & alias res, idest per species distinctas à sua essentia; ergo etiam falsum erit quod Angelus cognoscat se ipsum per suam essentiam, & communiter animam quidem separatam intelligere se ipsam per suammet essentiam sine specie impressa, quia militat pro ea eadem rationes, quæ militat pro Angelo: unitam verò corpori dicunt cognoscere se ipsam, per species alienas, & hoc vel in peccati originalis, ut vult Scotus loco citato qu. 8. negante Deo cōcursum ad intellectionem sui per suam essentiam, vel ob naturalem ordinem intellectus, & imaginationis pro hoc statu, qui exigit, ut nihil intelligatur, nisi imaginatum, vel quia, ut docet S. Th. prima parte q. 87. artic. primo: intellectus animæ coniunctæ est in genere intelligibilium pura potentia, & propterea dicitur possibilis, & non potest intelligere actu, nisi fiat actu; non potest autem fieri actu, nisi mediantibus sensu-

fenfibilibus, & ided non potest intelligere, nisi per species à sensibus acceptas, cum pro hoc statu non habeat illas à Deo inditas; & infusas; ut habent non solum Angeli, sed etiam animæ separatæ. Ex quibus patet axioma S. P. iuxta communio-
nem D. D. sententiam esse accipien-

dum de anima separata: non desunt tamen, qui sentiant cum aliquibus Nominalibus etiam pro hoc statu coniunctionis habere aliquam cognitionem sui sine speciebus, licet imperfectam, qualis est experimentalis, qua percipit se esse in corpore, & exercere suas functiones.

AXIOMA SECVNDVM.

Vnusquisque Angelus cognoscit alium per speciem.

Ex Lib. 2. de Genesi ad Litteram Cap. 8.

AN eo modo demonstratur primo die, quo facta est lux, conditionem spiritualis, & intellectuales creatura lucis appellatione intimare? in qua natura intelliguntur omnes Angeli Sancti, atque virtutes, & propterea non repetitur factum postea quam dixit facta est lux, quia non primò cognovit rationalis creatura conformationem suam, ac deinde formata est: sed in ipsa sua conformatione cognovit, hoc est illustratione veritatis, ad quam conuersa formata est: cætera verò, quæ infra sunt, ita creantur, ut prius fiant in cogitatione rationalis creatura, ac deinde in genere suo.

D V B I V M

Vtrum vnus Angelus cognoscat alium per suam substantiam, vel per substantiam ipsius cogniti, vel per species superadditas.

Angelos se mutuò intelligere, est citra omnem controuersiam; cum enim constituent vnam

perfectam rempublicam, & vnusquisque sit obiectum proportionatum intellectus alterius, necessariò sequitur,

tur, quod se mutuò cognoscant. Quo posito, circa modum, quo se inuicē cognoscunt.

Dico primo: vnum Angelum non posse per suammet substantiam perfectē, & distinctē cognoscere substantiam alterius. Hæc assertio est S. Tho. prima parte qu. 56. artic. secundo, & communis inter Thomistas. Probatum verò ratione hoc modo. Si Angelus cognoscat alium per suam substantiam, vel per illam cognoscit tamquam per speciem, vel tamquam per obiectum prius cognitum; neutrum potest dici; ergò nullo modo cognoscit alium per suammet substantiam; maior est certa, quia nullus alius est assignabilis modus, quo possit alium per suammet essentiam cognoscere. Minor probatur quoad primum, quia essentia vnus Angeli non est creata à Deo, vt sit species alterius, vel aliorum Angelorum, sed tantum, vt sit suo intellectui representatiua sui ipsius; hoc patet, quia essentia cuiuslibet Angeli habet, quod sit veluti species ex eo, quod est talis quidditas subsistens naturæ intellectualis; sed natura cuiuslibet Angeli est determinata, & differens ab alia substantialiter, saltem indiuidualiter; ergò non potest habere rationē speciei alterius, quæ requirit similitudinem representationis. Probatum etiam quoad secundum, quia tribus tantum modis essentia vnus rei cognita ducit, in

cognitionem alterius, id est vel quia est causa, vel effectus illius, vel quia est omnino similis; sed nullo ex his modis potest essentia vnus Angeli esse vt obiectum representatiuum alterius; ergò nullo modo. Minor probatur quoad primum, & secundum modum; quia nullus Angelus est causa efficiens alterius, vt communiter censent S. S. P. P. & Theologi. Nec potest dici, quod vnus sit causa exemplaris alterius, vt obseruat S. Dionysius lib. de diuinis nominibus capite quinto contra quemdam Clementem. Deus enim non indiget causa exemplari creata; & ipse Angelus, cum non habeat posse effectiue producere alterum, nec etiam habebit esse causam idealem illius; hoc enim esse datur ad constituendam causam efficientem operantem per cognitionem.

Quò ad tertium verò modum, nepe quia sit alteri similis, probatur, quia Angelus per suam essentiam non potest plus cognoscere de essentia alterius, quam id, in quo est illi similis; sed vnusquisque Angelus differt indiuidualiter, & quoad proprietates indiuiduales ab alio; ergò vnus non est similis alteri, nisi in predicatis communibus generis, vel speciei prædicabilis; quæ cognitio non potest esse distincta, intuitiua, & propria, sed abstractiua, & confusa.

Dices. Per idem principium cognoscit Angelus, rationem generis, cam,

eam, per quod cognoscit specificam, & indiuidualem; sed per suam substantiam cognoscit rationem generi-
cam, ut dictum est; ergo per eandem cognoscet etiam specificam, & indiuidualem. Maior probatur, quia in re ipsa istę tres rationes sunt vna, & eadem indiuisibilis entitas, & solum ratione nostra contradistinctę; ergo per idem principium cognoscet vnam, per quod cognoscit alteram; cum maximę naturaliter cognoscat res, prout sunt, & effectus in causis, & conclusiones in principiis, ut commune fert proloquium &c. maiorem esse veram, quando illud principium gignit cognitionem intuitiuam claram, & distinctam totius obiecti; secus verò, quando est solum principium cognoscendi confusę, obscurę, & abstractiue, ut est in pręsenti; differentia enim specifica vnus Angeli non potest esse ratio cognoscendi quidditatiue differentiam specificam, & essentialem alterius, cum sit ratio differendi, & dissimilitudinis, non verò conuenientię, & similitudinis in illo prædicato essentiali; cū tamen id, quod ducit in cognitionem, debeat habere rationem similitudinis, quę quò maior est, eò perfectius ducit in cognitionem; quod idem dicendum est de differentia indiuiduali, quę propterea non potest esse ratio, aut principium cognitionis distinctę, & perfectę alterius. Hoc maximę cernitur in Angelis

inferioribus respectu superiorum, inter quos cum detur magna distantia, & diuersitas differentiarum, non potest substantia minimę perfectionis in genere Angelico representare perfectę, distinctę, & adęquatę substantiam maximę perfectionis, qualis est illa supremi Angeli.

Dico secundò: probabile esse, posse vnum Angelum cognoscere aliū per substantiam illius. Est S. Th. qu. 8. de Veritate art. 7. & lib. secundo contra gentes cap. 98. qui licet defendat non posse, tamen hanc sententiam dicit esse conformem principiis Platonis, asserentis sufficere, quęcumque coniunctionem intelligibilis cum intellectu, & adducit D. Dionysium, qui in lib. de diuinis nominibus cap. 4. ait superiores intelligentias esse intelligibiles, & quascibum inferiorum, & insuper addit, posse satisfieri rationibus probantibus impossibilitatem, & asserentes possibilitatem habere non paruas difficultates; qui modus loquendi procul dubio ostendit; Sanctum Thomam habere hanc sententiam, ut probabilem. Idem docet noster Ferrariensis ad dictum locum Sancti Thomę contra gentes. Eam defendit Scotus in secundo dist. 3. q. 10. vbi dicit; in cognitione intuitiua vnum Angelum posse cognoscere alium per eius substantiam; in abstractiua verò illum cognoscere per species concretas. Probatur ve-

rò ratione, quia nulla est assignabilis sufficiens repugnantia non solum respectu Dei, sed nec etiam respectu ipsius Angeli, etiam secundum suas vires naturales considerati; cū enim substantia cuiusq; Angeli sit representatiua sui ipsius et Angelo, cuius est substantia sine specie intermedia, ut dictum est; hoc idem poterit prestare intellectui alterius, maximè si sit illi intimè præsens, ut posse fieri communiter conceditur. Si enim aliquid obstar, hoc maximè esset, quia desideratur vnio, & proportio; sed nihil horum obstat; ergò. Probatur minor quoad primum, quia de ratione speciei intelligibilis non est esse formam informantem, & inhærentem intellectui, ut patet in cognitione Angeli de se ipso, & in visione beatifica respectu diuinæ essentia, ut suprâ dictum est; sed sufficit indistinctio localis, quæ ut plurimum datur inter Angelos, cum eos non impediant, neque substantia corporea, neque quantitas molis, nec situs, nec locus, nec aliud huiusmodi: potest autem substantia Angeli concurrere effectiue ad productionem intellectus alterius, cum ad hanc operationem ob eandem rationem nihil aliud requiratur. Nec obstat secundum, id est proportio; cum proportio ad hoc requisita non sit proportio æqualitatis, sed habitudinis, ita scilicet ut vnus agat in alium intentionaliter; quam proportionem cum

omnes lateantur esse inter Diuinam Essentiam, & intellectum Beati, sic etiam poterit esse inter essentiam vnus Angeli, & intellectum alterius.

Si quæras, vtrum res ita se habeat de facto. Respondeo esse incertum. Negat S. Th. Scotus affirmat. Sententia S. Tho. videtur esse magis communis, & fortè magis ad mentem S. P. si attendantur postrema verba Axiomatis, quæ licet hoc apertè nō asserant, videntur tamen indicare, quod excepto Deo cetera intelligantur ab Angelis per species; sed quidquid sit de hoc, probatur à S. Tho. loco citato, quia de facto Angeli cognoscunt quidditates omnes naturales per species concretas; Deus enim illas indidit mentibus Angelorum, ut cum S. P. communiter doceant Theologi; sed per idem principium optimè potest cognosci quidditas rei, & res ipsa existens, ac etiam alia, quæ cum illa sunt coniuncta; ergò superfluum cognoscerentur per essentiam illius. Confirmatur, quia, indè sequeretur. Primo non posse Angelum superiorem cognoscere inferiorem pro suo libito. Secundo posse impediri superiorem ab inferiori, nē ipsum cognoscat, denegando illi suum concursum, cum in eo præstando sit liber. Tertio quemlibet Angelum simul, & semel innumeras ferè operationes exercere, cū enim idem Angelus possit intelligi ab omnibus, deberet ille simul coo-

pera-

perari ad innumeras operationes ; quæ omnia videntur absurda. Si dicas hæc absurda militare etiam contra possibilitatem. Respondeo: hæc solum adduci ad probandum, hunc modum cognoscendi non esse necessarium; ac propterea de facto fortasse ordinariè non dari, impossibilitatem verò ex illis non conuinci, cum non adducatur implicantia contradictionis; nec talis repugnantia, quæ viribus naturalibus Angelorum, ut nobis lumine naturali notis superari non possit.

Dices primò cum Thomistis : Si substantia Angeli, cum est localiter præsens alteri, potest se illa ostendere concurrendo cum intellectu illius ad sui intellectionem, etiam res supernaturales; cū sint similiter actu intelligibiles ratione suæ immaterialitatis, quando sunt localiter præsentibus Angelo, poterunt se illi ostendere concurrendo cum illo ad sui intellectionem; ad hanc enim solum requiritur præsentia, & concursus obiecti intelligibilis; sed hoc est falsum; ergò & illud. Sequela patet ex paritate rationis. Minor probatur; nam dato, quod posset Angelus cognoscere supernaturalia per solum accessum ad locum, poruisset consequenter loquendo cognoscere unionem animæ Christi D. cum Verbo diuino; atque adeò an Christus esset filius Dei, quod tantopere scire desiderabat, & maximè quando erat illi

localiter præsens, & illum affatus est, ut referunt SS. Euangelistæ Matthæus, & Lucas illis verbis *Si filius Dei es*. Sed hoc non potuit Angelus cognoscere hoc modo; ergò &c. Respondeo esse disparem rationem; nam res supernaturales, sicut excedunt vires naturales effectiuas, suæ hominum, suæ Angelorum, sic etiã excedunt vires naturales cognoscitiuas; res enim supernaturales aut sunt idemmet Deus trinus, & vnus, ut est cognoscibilis à nobis, quod mysterium, certum est apud omnes, non posse viribus naturæ à nobis cognosci; aut sunt aliquis effectus productus ad extra, vel ab ipso Deo immediatè, vel simul cum creatura; & huiusmodi effectus, cum liberè prodigantur ab ipso Deo, non possunt cognosci, nisi ipso volente communicare noticiam illorum; ratione excessus, quem habent supra vires naturales cuiuscumque creaturæ; ac proinde eo nolente non possunt cognosci: per quæ patet responsio ad probationem. Præterea nec illa præsentia erat sufficiens; requiritur enim intima, quæ ibi non erat, nec cum corpore, nec cum anima: non est sic de Angelis, qui sicut cognoscunt se ipsos naturaliter per suamet substantiam, & talis cognitio nullius illorum excedit vires; sic quando vnus esset intimè præsens alteri, & veller cum illo concurrere; itaut alter non videretur specie, (cum hoc non ex-

cedat vires naturales, neque vnus, neq; alterius, & ad huiusmodi actiones, ad quas se extendunt vires naturales, Deus ipse, vt auctor naturæ, naturaliter loquendo, non deneget concursum.) Optime posset hoc modo hic illum cognoscere.

Dices secundo: ad hoc vt naturaliter res aliqua intelligatur, non sufficit, vt sit intelligibilis actu; neque vt sit localiter præsens; ergò non poterit Angelus per suam solam substantiam sine specie, etiam si habeat has duas conditiones, producere in intellectu alterius cognitionem sui. Probatur antecedens; quia lumen, esto actu visibile, & localiter præsens, nihilominus non potest videri, nisi per speciem; ergò à pari in intelligentione duæ illæ conditiones non sufficient. Probatur antecedens; quia in visione luminis candele verbi gratia non solum videtur lumen, sed etiam videtur figura illa pyramidalis, quam habet, quam nequit representare ipsum lumen, cum figura sit sensibile commune, & lumen sensibile peculiare solius visus: ergò est necesse, vt detur species representatiua illius. & esse disparem ratione, nam in lumine, & figura, cum non detur intima præsentia, quam requirit talis sensatio, necessariò requiritur species; non sic in Angelo, quando est intimè præsens alteri; neque enim semper requiritur, vt id, quod est principii effectuum intellectio-

nis, informet, vel inhaereat ipsi potentia; sed si est aliquid substantiale, seu per se subsistens, & spirituale, cum possit naturaliter esse intimè præsens alteri, cum vtrique competat penetrabilitas, ratione immaterialitatis, & vnus non resistat, immò liberè cōsentiat, vt cum suo intellectu concurrat immediatè absque exercitio speciei, vt potest; in hoc enim nulla apparet repugnantia; nullum remanet caput, per quod excludatur possibilitas talis modi intelligendi seipsos Angelorum ad inuicem. Dices talem modum non posse competere creaturæ, eoquod illo dato daretur illapsus vnus creaturæ in aliam; qui soli Deo ex communi Theologorum consensu conuenit. R. negando talem sequelam; nam ad verum illapsum, qui soli Deo competit, requiritur plenum dominium ipsius in potentias alterius, id est tam respectu intellectus, quam respectu voluntatis, quale dominium nunquam haberet Angelus; nam altero nolente concurrere ad intelligentionem, alter nihil posset producere, liberum enim suarum creaturarum arbitrium sibi soli subiecit Deus.

Dices tertio: ad hoc vt aliquid gerat vicem speciei, debet esse ita intelligibile actu, vt sit proportionatum potentia intelligenti, & aut neque deficiat, neque excedat; sed nullus Angelus est hoc modo proportionatus intellectui alterius; ergò nullus pote-

poterit intellectui alterius per se ipsu in prætare id, quod præstat sua species; Maior patet inductiones; calor enim ob suam maiorem materialitatem, sicut & phantasma propter eandem rationem non possunt esse species coloris respectu potentie visive; quin & propter eandem rationem docet S. Tho. prima parte quest. 89. artic. primo in corpore non posse animas separatas per species Angelicas, si illis infunderentur, prodire in cognitionem perfectam, claram, & distinctam, ut procedunt Angeli, sed tantum imperfectam; ergo ut aliquid gerat vicem speciei, debet esse proportionatum modo dicto. Minor probatur, quia essentia vniuscuiusque Angeli, vel per excessum, vel per defectum, aut est maior, aut minor in perfectione essentiali, quam sit alter, omnes enim differunt specie; ergo nullus Angelus est eo modo proportionatus intellectui alterius. Respondetur: excessum, vel defectum illi non attendi secundum perfectionem essendi; alias nulla species esset proportionata pro intellectione substantie Angelicæ, cum quolibet species sit accidens; sufficit ergo, quod excessus, vel defectus ille solum attendatur in ratione representandi, in quo sensu nego Minorem; nihil enim est magis proportionatum ad representandam substantiam alicuius, quam illam eadem substantia. Ad probationes. R. illud de phantasmatibus,

& coloribus nihil probare; nam ratio propter quam non possunt esse species coloris non est maior, vel minor materialitas, sed est, quia nullam habent rationem imaginis virtualis respectu illius, cum differant ab eo, non solum in essendo, sed etiam in representando. Præterea etiam data illa maiori, vel minori materialitate in illis, adhuc non habetur intentum; cum in Angelis quantumvis specie differentibus semper immaterialitas sit æqualis; immaterialitas enim consistit in negatione materie, in qua negatione, cum in vnoquoque sit omni-modi, non datur maioritas, aut minoritas. Ad illud de animabus separatis. R. esse incertum, an per dictas species intelligerent saltem confuse; nulla enim datur ratio efficax ad hoc convincendum; immo plures auctores tenent, species quibus prædictæ animæ intelligunt, esse eiusdem rationis cum illis Angelorum. Denique ad illud de differentia vniuscuiusque Angeli ab altero Angelo. Respondetur: esse ad summum in essendo, non in representando; & præterea non admittitur communiter extra scholam Thomistarum.

Quæres hic: an Angeli aliquo ex prædictis modis naturaliter possint se ipsos inuicem, & mutuo comprehendere; in qua difficultate, quia de quidditate comprehensionis diuersæ assignantur explanationes, quas adduxi, & declaravi in Controver-

fia de incomprehensibilitate Dei: illis suppositis procedo ad resolutionem, &

Dico primo: nullum Angelum comprehendere alterum, quemadmodum, nec etiam suam essentiam, & virtutes, nec res alias, secundum quod deducuntur ab exemplari diuino, & subsunt diuinę Providentię, siue secundum omnes rationes intelligibiles. Hęc assertio est S. Th. q. 8, de verit. artic. 4. 6. & 7. ad primum, & decimum argumentum. Probat Sanctus Doctor intentum primo hac ratione: Si Angelus hoc modo comprehenderet alterum, comprehenderet etiam ipsum exemplar Dei, & ipsam Diuinam Providentiam: hoc autem posse fieri negat ex doctrina D. Dionysij lib. de celesti Hierarch. c. 6. ubi ait Angelos ignorare suam ordinationem, & virtutes. Secundò quia de rationibus intelligibilibus vnus Angelus illuminat alterum, (nam, vt ait idem S. Dionysius lib. de diuinis nominibus, ab Angelis superioribus docentur inferiores rationes rerum similes; quod non esset, si iste illum comprehenderet.


Dico secundò: nullum Angelum comprehendere alterum: si nomen comprehensionis sumatur propriè, idest non solum pro cognitione eorum omnium, quę insunt formaliter rei, vel illi conueniunt: sed etiam eorum, quę ex illa deduci possunt, tamquam ex causa; hęc enim omnia cū

ad ipsam rem pertineant, debent cognosci, vt sit vera, & propriè, ac rigorosè dicta comprehensio; hoc autem non posse esse probatur hac ratione: quia Angelus deberet cognoscere omnes actus liberos voluntatis illius, quem comprehenderet, & omnes actus eius internos, & effectus liberos, quę naturaliter non posset cognosci, est constans omnium Theologorum sententia.

Dico tertio: quod si nomine comprehensionis veniat solum quidditatiua, & distincta cognitio predicatorum essentialium, & naturalium proprietatum, (vt quandoque licet impropriè sumitur) omnes Angeli se mutuo comprehendunt: Sic docet S. Th. prima parte qu. 55. artic. 2. & qu. 58. artic. primo ad secundum, & qu. 89. & 109. artic. 3. immò in questione 8. de veritate artic. 15. ad secundum negat; Dæmones illuminari ab alijs de rebus naturalibus, sed ait, omnibus esse inditas species, quibus cognoscant omnia spectantia ad cognitionem naturalem, licet de hoc alibi dubitet, & in contrarium inclinet, idest in secundo dist. 3. quęst. 2. artic. 2. ad secundum. Probatur verò conclusio nostra hac ratione: Si aliqua esset difficultas in hoc genere comprehensionis esset de Angelo in feriore respectu superioris, non verò de superiori respectu inferioris: superior enim habet lumen intellectuale perfectius, ac proinde excedens intellecti-

telligibilitatem inferioris, cum non comprehendat etiam in hoc modo suam essentiam, quæ est perfectior; sed neque de illo est difficultas; ergo de nullo est difficultas: minor probatur, quia quilibet Angelus per species concreatas intelligit quidditates omnium rerum naturalium, & consequenter etiam Angelorum, quod ostendit S. Th. prima parte qu. 56. artic. 2. in corpore auctoritate S. P. in axiomatico; ergo de nullo est difficultas, tantò magis, quod idem Angelicus D. prima parte qu. 58. artic. 3. 4. & 5. & qu. 16. de malo artic. 19. & quoque lib. 6. artic. 3. ad primum docet; Angelum intelligendo quidditatem aliquam, simul intelligere quicquid naturaliter ei competit, vel ei naturaliter tribui potest, vel remoueri, vel concludi; cuius signum dicit esse, quod ipsi intelligendo non discunt, nec componunt, vel diuidunt, quia statim cognito quodquid est, in eo statim cognoscunt omnia prædicata, & consequenter omnes proprietates naturales; & intellecto principio statim in eo cognoscunt omnes conclusiones naturaliter deducibiles. Confirmatur, quia ex hac doctrina nullum sequitur inconueniens; cum adduc Angeli inter se possint distingui in cognitione clariore, vel minus clara, licet adæquantur in

obiecto cognito; ut patet in Beatis, qui omnes vident Deum totaliter ex parte obiecti, non verò ex parte cognoscentis; nam unus videt clarius altero; & ad comprehensionem in ea acceptione de qua loquimur in præfenti, non est necessè, quod res videantur cum omni claritate possibili, alias nullus Angelus, nec etiam hoc modo posset comprehendere ullam rem naturalem, & tamen commaniter posse docet Theologi. Sufficit ergo, ut cognoscant ea cognitione clara, quam requirit rei cognitione natura, licet in perfectione essentiali superet naturam cognoscentis: Neque enim est absurdum, dari in tali comprehensione latitudinem ex parte cognoscentis, licet non detur ex parte rei cognite; ex quo habetur maiorem perfectionem intelligentis in essentia, & gradu specifico facere quidem ad maiorem cognitionem obiecti ex parte cognoscentis, non autem ex parte cogniti: nec etiam est absurdum, potentiam cognoscentem superari in essentiali, & intensiua perfectione ab obiecto, & non in perfectione extensiua, quæ est propria potentie, & est per ordinem ad obiectum, quia semper est maior intensiua, cum completatur omne ens, quod est naturaliter intelligibile.



AXIOMA TERTIVM.

De Cognitione, quam habent Angeli de Deo.

Ex Epist. 102. ad Paulinam. Capite 11.

QUod ergò ait S. Ambrosius, neque is, qui Deum videre noluerit, potest Deum videre, quid aliud intelligi voluit, nisi quia ijs, qui mundaando cordi curam tanta rei dignam non vult impendere, non vult Deum videre. Vide proinde quid adiungat, nec in loco, inquit, Deus videtur, sed mundo corde. Quid enidentius, quid expressius dici potuit? Ab hac igitur visione Diabolus, & omnes Angeli eius, & omnes cum eis impij sine ulla nebula dubitationis exclusi sunt, quoniam mundo corde non sunt: ac per hoc, quod scriptum est in lib. Iob, venisse Angelos in conspectu Dei, & venisse cum eis Diabolum, non ideo Diabolus Deum vidisse credendus est. Ipsi enim dicti sunt venisse in conspectum Dei, non Deus in conspectum eorum. Veniunt autem in conspectum nostrum, que videmus, non à quibus videmur. Venerunt ergò sicut in multis codicibus legitur, ut assisterent coram Deo, non ut coram ipsis Deus.

D V B I V M

Quomodo Angeli cognoscant Deum.

QUæstio hæc procedit tam de modo naturali, quam de modo supernaturali, quo Angeli Deū cognoscunt; sed præcipua difficultas est de primo modo; nam de secundo facillè deducitur ex ijs, quæ dicta sunt in controuersia de incomprehensibilitate Dei, & visione Beatifica; de quotamen aliquid in fine dubij dicitur. De primo igitur puncto

duæ sunt celebriores D. D. & Scholarum sententiæ. Prima est Scoti, in secundo distinct. 3. qu. 9 & Marfilij in secundo quæst. 7. arti. primo Concl. 8. qui opinantur: Angelos per speciem intentionalem superaditam cognoscere naturali et Deū, & Scotus addit hanc cognitionem esse claram, & quidditativam, licet non ita adæquatam, & comprehensivam,

suam, ut est illa, qua vnus Angelus cognoscit alium per speciem superadditam, quam de illo habet.

Secunda est S. Tho. qui prima parte qu. 56. artic. 3. docet: Angelos per suam substantiam sine alia specie superaddita cognoscere Deum, non tamen clarè, & quidditatiuè, sed abstractiue.

Dico igitur primo cum S. Thoma Alense, Gandauense, Ferrariense, & alijs, Angelum per sua naturalia, siue per suam substantiam, sine specie superaddita, habere eam notitiam de Deo, quam naturaliter habet. Probatur primo, quia nihil naturale potest assignari in ipso Angelo, quod melius representet intelligibiliter ipsum Deum, quam suamet immaterialis substantia, ut potè, quæ, ut obseruat S. Greg. hom. 34. in Euang. & lib. 32. mor. cap. 24. est quædam singularis imago Dei; quod idem docet Angelicus Doctor prima parte qu. 93. artic. 3. Quod verò hæc cognitio non sit clara, & quidditativa, ut contendit Scotus, patet primo ex illis S. S. P. P. qui passim docent nec Angelos posse cognoscere naturaliter Deum; quod esse intelligendum de cognitione clara, passim asserunt D. D. licenim explicant ea, quæ habet S. Dionysius in lib. de cælesti Hierarch. cap. 4 cum ait *videri non posse ab ullo secretum Dei*; & id quod habet S. Io. Crisostomus homil. 14. in cap. 1. Io: *id quod est Deus non mo-*

do Propheta non viderunt, sed neque Angeli, neque Archangeli. & similes alias S. S. P. P. locutiones. Probatur secundo quia, vel Angelus habet speciem, qua naturaliter cognoscendo quidditatiuè Deum cognoscat omnes perfectiones, quæ sunt in eo, vel solum aliquas. Si primum, Angelus esset naturaliter Beatus, nam in tali cognitione clara consistit Beatitudo, vel formaliter, vel efficienter; & sic etiam Diaboli, in quibus naturalia manserunt integra, essent Beati; quod est omnino falsum. Si dicatur secundum, quod videtur intendere Scotus, cum dicit *non cognoscere quidditatiuè adequatè*, tunc sequitur necessariò nec vnâ, nec alteram perfectionem cognosci ab Angelo hoc modo quidditatiuè, & clarè, ac distinctè: de ratione enim intrinseca vniuscuiusque perfectionis diuinæ sunt omnes aliæ diuinæ perfectiones, cum omnes sint vna simplicissima, & indiuisibilis entitas, & perfectio: quapropter si per aliquam cognitionem nō cognoscuntur quidditatiuè omnes perfectiones diuinæ, per eam nulla illarum quidditatiuè cognoscitur.

Dices primò cum Scoto. Angelus per suas vires naturales cognoscit Deum non obscurè, aut confusè; ergò clarè, & distinctè: antecedens probatur, quia Angelus naturaliter cognoscit perfectius Deum, quam cum cognosceret homo in statu innocentia;

tia; huius enim cognitio erat dependens à sensibus, & phantasmatibus, illius verò non. Sed homo in eo statu cognoscebat Deum in specie, & clarè, non autem solum in comuni, & in confuso, vt nos in hoc statu naturæ lapsæ in pœnam peccati: ergò etiam Angelus æquè, imò magis clarè eum cognoscebat. Respondeo distinguendo antecedens: non cognoscit solum obscurè, & confusè quoad prædicata communia Deo, & Creaturis concedo, quo ad aliqua prædicata Dei propria, vt esse independentem, immutabilem, & æternum, vltimum finem, & similia nego: & in hoc genere cognitionis obscuræ, & cōfusæ satis est, quod Angelus perfectius, & perspicacius cognoscat Deum, quam cognosceret homo in statu naturæ integræ, sicut est præditus perfectiori intellectu, & sic patet responsio ad probationem.

Dices secundo: si aliqua ratio obstarèt, quominus Angelus posset cognoscere Deum clarè, & distinctè per speciem, esset illa Thomistarum, quod repugnet species impressa representans clarè, & quidditatiuè Essentiam Diuinam; sed hæc nulla est; nam vt dictum est in controuersia de Incomprehensibilitate Dei, non est adhuc allata sufficiens implicantiæ contradictionis talis speciei; ergò nihil obstat. Confirmatur, quia D. Paulus post raptum recordabatur se

vidisse Diuinam Essentiam, & consequenter habebat speciem impressam clarè, & distinctè illam representantem, quemadmodum habemus nos, quando recordamur alicuius obiecti, quod nostris oculis vidimus. Respondeo hoc non esse fundamētum nostrum, sed id, quod adductum est supra ad probandam nostram assertionem. Ad confirmationem respondeo. D. Paulum tunc non fuisse recordatum clarè, & distinctè, seu quidditatiuè Diuinæ Essentiæ secundum se, sed solum se illam vidisse (qualicumque tandem modo videret, de hoc enim est magna questio) ac etiā recordatum fuisse aliquarum veritatum, quæ in illa visione fuerunt illi ostensæ diuinitus, non tamen ipsius obiecti clarè: quemadmodum nos quandoq; post longum tempus recordamur legisse aliquam historiam, vel questionem, aut vidisse aliqua obiecta, non tamen tunc recordamur clarè, & distinctè partes, & conditiones illorum obiectorum.

Dices tertio: ex doctrina S. P. A. haberi fuisse in Angelis cognitionem matutinam, id est creaturarum in verbo; ergò etiam fuit in illis cognitio clara, & distincta Diuinæ Essentiæ; Antecedens est in confesso apud omnes; consequentia probatur, quia effectus nequeunt clarè cognosci in causa, nisi etiam ipsa causa clarè cognoscatur. Respondeo primo cum Caietano cognitionem illam matutinam in ger-

germana S. P. A. sententia non fuisse naturalem, sed supernaturalem, de qua modò non disputo. Respondeo secundo, quod etiam dato, quod illa cognitio fuisset naturalis, & consequenter confusa, nihilominus etiã hoc modo possent cognosci etiam effectus in Deo ab ipso Angelo; hoc enim possumus, & nos, & talis cognitio effectuum posset dici cognitio matutina, idest in Deo cognito.

Dices quarto: ex nostra sententia sequi cognitionem Angeli esse discursivam, quod est contra S. Th. qui prima parte qu. 58. artic. 3. negat cognitionem Angeli esse discursivam, Probat sequela; quia tunc Angelus cognosceret Deum per suã substantiam, tamquam per similitudinem cognitam, sed talis cognitio est discursiva, ut patet ex omnibus alijs cognitionibus, quæ habentur ex cognitionibus aliarum similitudinum; ergò &c. Respondeo non sequi dictam cognitionem esse discursivam, eo quod non interueniant plures cognitiones, quarum una inferatur ex alia, ut essentialiter requiritur ad discursum formalem: Angelus autem unica, & eadem cognitione cognoscit substantiam suam, & per eam Deum, tum ut per imaginem, quãdam representantem Deum, tum ut per effectum Dei à se cognitum. Quia verò præiens obiectio tangit difficultatem illam, an Angelus cognoscat Deum per suam sub-

stantiam, tamquam per obiectum cognitum, vel tamquam per medium cognoscendi; idcirco maioris claritatis, & vberioris doctrinæ gratia.

Dico secundo. Angelos utroque ex dictis modis cognoscere naturaliter Deum. Primo quidem, tamquam per medium cognitum, ut docent S. Bonaventura in secundo dist. 3. parte secunda art. 2. qu. 2. & Ricardus dist. 4. artic. 1. qu. prima, & secunda, & Probat; quia Angelus est nobilissimus effectus Dei, & in eo imago Dei sed magis expressa; quam in nobis: est imago, & effectus cognita ducunt in cognitionem imaginati, seu prototypi, tamquam obiectum, seu medium cognitum; ergò &c. Quod verò cognoscant etiam, tamquam per medium cognoscendi; ut docent Caietanus in comment. artic. 3. qu. 56. primæ partis, Ferrariensis lib. secundo contra gentes cap. 99. & Capreolus in secundo dist. 3. qu. 1. artic. 1. concl. 5. Probat; quia quidquid cognoscitur per speciem, vel per aliquid loco speciei, cognoscitur per illud, tamquam per medium cognoscendi; sed Angelus cognoscit Deum per suam substantiam tamquam per speciem; ergò cognoscit, tamquam per medium cognoscendi. Maior est certa, minor probatur, quia species representans effectum, & imaginem representat non solum eam, sed etiam prototypum, & imaginatum; nam species

cies vnus similis representat etiam aliud, cui illud primum est simile; sed in omni creatura est aliqua similitudo Dei impressa, ergò quælibet potest esse medium cognoscendi. Probant alij ex eo, quod, sicut Essentia Diuina habet rationē causæ, & ideæ respectu creaturarum, ita & essentia Angeli habet aliquo modo vtramque; rationem, cum sit participatio Essentiæ Dei etiam secundum rationem causæ, & ideæ. Verum hæc ratio nō videtur probare intentum; nam ex ea potius sequitur, quod hoc modo cognoscat, tamquam per medium cognitum, quam per medium cognoscendi. Standum est igitur in prima ratione.

Aduertendum tamen est, essentiam Angeli, quatenus præstat id quod præstaret species, non representare primò, & immediatè ipsum Deum, sed mediatè solum; eo quod respectu Dei sit species aliena, non verò propria; nam eatenus est species, quatenus est effectus, qui habet rationem imaginis; & species aliena primò, & immediatè representat id, cuius est species propria.

Quæri hic solet; vtrum Angelus inferior perfectius cognoscat Deum per suam substantiam, quam cognoscat per species Angelorum inferiorum, vel superiorum. R. primo breuiter, quoad cognitionem existentie Dei ita cognosci Deum ab Angelo inferiori per suam substantiam, sicut

per species Angelorum etiam superiorum. Probat, quia ad hoc, vt cognoscat Deum existere, sufficit cognoscere aliquid à Deo pendere; sed hoc æquè bene cognoscitur ab Angelo inferiori cognoscente se, ac cognoscendo alios, etiam superiores; ergo cognitio existentie Dei æquè bene cognoscitur vno, ac alio modo. R. secundo, quoad cognitionem quid est, seu Essentiæ, & attributorum Dei, perfectius cognosci Deum ab Angelo per species superiorum, quam per suam essentiam, vel inferiorum. Probat, quia tunc est perfectior cognitio Dei, quando plura prædicata cognoscuntur de illo, & cognoscuntur per effectum perfectiorem; hic enim perfectius representat causam, quam imperfectior; sed Angelus superior continet plures perfectiones, & est effectus perfectior; ergò &c.

Dices. Substantia Angeli inferioris est medium perfectius, immediatius, & magis proportionatum, quàm species, quæ representat Angelum superiorem; ergò Angelus inferior perfectius cognoscat Deum per suam essentiam, quam per speciem Angeli superioris. R. negando antecedens, primo quia, licet substantia Angeli inferioris sit entitatiuè, seu in esse physico, & nature perfectior, non tamen est talis in esse intelligibili, seu representatiuo, de quo est quæstio; perfectio enim speciei secundum hoc esse

esse sumitur in ordine ad id, quod in mediatè representat; hoc enim est nobilius respectu speciei, quam respectu essentia. Secundo negitur antecedens, quia essentia Angeli, ut est species, non representat in mediatè Deum, sed mediatè, sicut etià quælibet alia species, quia respectu Dei est species aliena. Tertio negatur, quia species representans superiorem Angelum; ita est proportionata Angelo inferiori, sicut eius essentia in ratione representat di, & præterea habet maiorem vim, quia est rei altioris ordinis. Vtraque enim est naturalis, & ab initio creationis in ipso Angelo; Nec refert, quod nõ sit intimè vnita, siuè identificata cum Angelo, sicuti est eius essentia; hoc enim est, quia essentia habet rationem formæ naturalis, cum quo tamen stat, quod in ratione formæ intelligibilis possit non habere tantam efficaciam, quantam habet species prædicta. Ex hoc inferunt aliqui Theologi cognitionem Dei per essentiam Angeli inferioris differre specie à cognitione Dei habita per speciem representantem Angelum superiorem, eo quod non solum principium productiuum, sed etiam terminus immediatus specie distinguantur.

Dico tertio. Cognitionem supernaturalem, & visionem Beatificam Angelorum, qua & Deum, ut est in se, & creaturas in ipso verbo clarè vident, pulchrè, & acutè fuisse de-

scriptam à S. R. N. lib. 1. de Ciuitate Dei cap. 29. his verbis. *Illi qui per Angeli Sancti non per verba sonantia Deum discunt, sed per ipsam præsentiam immutabilis veritatis, hoc est Verbum eius unigenitum, & ipsum Verbum, & Patrem, & eorum Spiritum Sanctum, eamque esse inseparabilem Trinitatem, singulasque in ea personas esse vnā substantiam: & tamen omnes non tres Deos esse, sed vnum Deum ita nouerunt, ut eis magis ista, quam nos ipsi nobis cogniti sumus. Ipsam quoque Creaturam melius ibi, hoc est in Sapientia Dei, tamquam in arte, qua facta est, quam in ipsa sciunt: ac per hoc, & se ipsos ibi melius, quam in se ipsis; verumtamen, & in se ipsis. Facti sunt enim, & aliud sunt, quam ille qui fecit. Ibi ergo, tamquam in cognitione diurna, in se ipsis autem, tamquam in vespertina, sicut supra iam diximus, multum enim differt, utram in ea ratione cognoscatur aliquid, secundum quam factum est, an in seipso. Sicut aliter scitur rectitudo linearum, seu veritas figurarum, cum intellecta conspiciuntur, aliter, cum in pulvere scribitur. Et aliter instituta describuntur in veritate incommutabili, aliter in anima iusti. Sic deinde cætera, sicut firma mentum inter aquas superiores, & inferiores, quod calum vocatum est: sicut deorsum aquarum congeries, terraque nudatio, & herbarum institutio. atque lignorum: sicut Solis, & Lunæ, Stellarumque conditio: sicut ex aquis ani-*

malium, volucrum scilicet, atque piscium, belluarumque; natantisum: sicut quorumcumque in terra gradientium, atque repentium, & ipsius hominis, qui cum illis in terra rebus excelleret. Omnia hac aliter in Verbo Dei cognoscuntur ab Angelis, ubi habent causas, rationesque suas, id est secundum quas facta sunt incommutabiliter permanentes, aliter in se ipsis. Illic clariore, hic obscuriore cognitione, velut artis, atque operum, quæ tamen opera cum ad ipsius laudem, venerationemque referuntur, tamquam manè luceſcit in mentibus contemplantium.

Docet hic primò S. Pater: Deum docere Angelos, non per verba sonantia, cum & ipse sit Spiritus increatus, & illi sint creaturæ Spirituales, & intellectus immateriales, qui ab eo auditu spiritali discunt. Modum hunc, quo Deus Angelis loquitur, esse ineffabilem ostendit idem S. P. N. lib. 16, de Ciuit. Dei cap. 6, ubi ait *Docet verò Deus aliquid in intellectu imprimendo, ita ad suam essentiam manifestandam lumen gloriæ imprimit, dum loquitur reuelando mysteria lumen Propheticum, vel fidei infundit.* ex quo loco etiam habetur Angelos habere à Deo species inditas, seu congenitas: altissimum verò Sanctissimæ Trinitatis mysteriū ab initio, non nisi per reuelationem, & antequam essent glorificati per lumen fidei, ac in ænigmate cognouerunt, & postea mediante lumine gloriæ vi-

derunt Diuinam Essentiam: de quo puncto nos infra cum eodem S. Patre, qui lib. 13. Confessionum cap. 15, hoc pulchrè declarat.

Docet secundo. Et Vnitatem essentiae, & Trinitatem personarum, magis ipsis Angelis esse nota quam nos ipsi nobis. Vbi aduertit Coquerus, quod licet sit verum, quod illi perfectius cognoscant illud obiectū, quam nos ea, quæ spectant ad nos, quia illa cognitio est de perfectiori obiecto, ac per lumen clarius, & certius; vult tamen, quod loquendo de modo nos possimus aliquo modo per aliquam cognitionem saltem supernaturalem perfectius cognoscere nosmetipsos, quia scilicet possumus saltem per lumen gloriæ comprehensiuè nos intelligere, quo pacto non possumus agnoscere Deum, nec etiam per lumen gloriæ iuxta illud Epist. primæ ad Corinthios cap. 12. *tunc cognoscam, sicut & cognitus sum*, id est quoad euidenciam, non quoad comprehensionem.

Docet tertio. Ipsam creaturam, melius ibi, quam in se ipsa per proprias species naturaliter cognosci; ita ut Angeli melius cognoscant seipsos in Diuina Essentia quam in se ipsis: nam ut dixi in Controuersia 8. quæ est de Incomprehensibilitate Dei in dubio ad axioma nonum. Essentia Diuina est speculum voluntarium reſerens omnes creaturas. Ex quò fit, ut Beatæ illæ mentes, non solum vi-

deant

deant Essentiam Diuinam, sed etiam in ea, velut in speculo, ac ratione luminis gloriæ, quæ vident Deū, plures, aut pauciores creaturas intueantur, iuxta proportionem luminis gloriæ, adeo vt in vnaquaque cognitione, id est tam matutina, quam vespertina, eadem res sit cognita, id est creatura, vt Angelus, ipse etiam secundum suum proprium esse formale; vt docet S. P. hoc loco; ac etiam lib. 4. de Genesi ad litteram cap. 24. & 25. ita tamen, vt in cognitione illa; quam Sanctus Pater hic appellat diuinam, alibi verò matutinam, medium cognitionis sit ipsa Essentia Diuina, quæ vnitur intellectui Beato non solum in ratione obiecti, sed etiam instar speciei cuiusdam, & similitudinis obiectiux, quæ primò se ipsam, deindè alia representat intellectui creato; in cognitione verò illa, quam S. P. vespertinam appellat, qua nempe se ipsam, & alia naturalia, non in Essentia, sed in se ipsis cognoscit, medium cognoscendi seipsum [vt supra dixi] est ipsa substantia sui ipsius, & comparatione reliquorum obiectorum ipsæ species ab initio ipsi menti Angelicæ impressæ, de quibus supra.

Quia verò hic incidit mentio de cognitione matutina, & vespertina Angelorum; placet hic aliqua de hac distinctione advertere præter ea, quæ dixi in quæstione de Incomprehensibilitate Dei loco citato; eo

quod celebris est hæc distinctio apud S. P. & eius discipulos.

Aduerto igitur primò. S. P. cognitionis matutinae, & vespertinae distinctionem in Angelis assignasse lib. 4. de Genesi ad litteram, cap. 22. & lib. 5. cap. 5. & lib. 11. de Ciuitate Dei, cap. 29. & alibi passim. Quod quidem in libris de Genesi ad litteram præstitit, vt assignaret senarium numerum dierum creationis; cum illi non possent distinguere secundum motus solis, & astrorum; quæ non fuerunt condita, nisi in quarto die: quapropter cognitionem Angeli appellauit diem, quia constat ex lumine clarissimo intellectualem ipsius mentis Angelicæ; distinguit autem mane, & vespere illorum dierum in eadem cognitione Angelica; ita vt appellaretur mane, seu cognitio matutina, quatenus habet pro obiecto esse primordiale rerum, quod est ipsum esse diuinum, & esse quoque ipsarum rerum, vt est in ipso Deo eminenter, & idealiter. Vespere autem, seu cognitio vespertina, prout est cognitio ipsarum rerum in se ipsis; eo quod sicut mane est quasi quoddam principium temporis vespertini, ita etiam esse rerum, vt est in Deo, sit principium esse rerum in seipsis.

Aduerto secundo. Valentiam tom. 2. disput. 4. quæst. 49. puncto 5. S. secundo putare esse doctrinam S. P. vtramque cognitionem, tam vespertinam, quam matutinam esse
dupli-

duplicis generis: naturalem scilicet, & supernaturalem; Cognitionem matutinam naturalem esse, qua naturaliter Angelus cognoscit esse diuinum, quod est esse primordiale rerum, etiam quatenus tale, & hoc vel per suam substantiam, vel per species inditas rerum iuxta diuersitatem sententiarum; huius cognitionis matutinæ dicit meminisse S. P. lib. 4. de Genesi ad litteram cap. 22, 23. & 34 cum docet omnes Angelos creatos fuisse cum cognitione matutina; constat autem Angelos malos non potuisse habere cognitionem matutinam supernaturalem; quæ consistit in clara, & Beatifica visione Dei, De hac supernaturali matutina loquitur idem S. P. locis citatis, & lib. 11. de Ciuit. Dei cap. 13. & alibi sæpe. Valentia citat pro se S. Tho. & dicit eum admittere cognitionem naturalem matutinam, & prima parte qu. 62. artic. primo asserere S. Patrem loqui de cognitione matutina naturali locis citatis ex lib. 4. de Genesi ad litteram; sed reuera S. Thomas non appellat expressè matutinam naturalem, & aduertit propriè dici matutinam supernaturalem. Cognitione vespertina naturalis est illa, qua Angelus per species infusas cognoscit esse rerum in se ipsis. Vespertina supernaturalis est cognitio Beatifica, vt per illam cognoscit Angelus res creatas etiam in se ipsis beneficio Essentiæ Diuinæ clarè visæ, quæ melius, quàm

species intelligibiles representat illis etiam res creatas.

Aduerto tertio: non omnes Angelos habuisse cognitionem matutinam, & vespertinam supernaturalem; nam vt dictum est, Angeli nullumquam fuerunt Beati, vt ex instituto ostendit S. P. lib. 11. de Ciuit. Dei cap. 14. & lib. 12. cap. 6.

Aduerto quarto: cognitionem matutinam, & vespertinam supernaturalem re ipsa vnā, & eandem esse, distinctas tamen ratione nostra penes diuersa obiecta: at matutinā, & vespertinam naturales non esse easdem; nec etiam re; nam alia est realiter cognitio naturalis Dei, qua Angelus illum cognoscit per suammet substantiam, vt suprā dictum est: alia est realiter cognitio, qua cognoscit res creatas in se ipsis per species sibi à principio suæ creationis inditas, & infusas.

Aduerto quinto: esse valdè probabile, quod Angelus per cognitionem vespertinam naturalem cognouerit simul omnia illa, quæ fuerunt creata ab initio mundi, neque hoc videtur esse absurdum, cum possit Angelus vnica cognitione multa simul cognoscere: quo pacto solet dici eum videre conclusionem in suis principiis, & effectum in sua causa. Et hoc dicit Valentia loco citato, & puncto tertio apertè docere S. P. dum lib. 4. de Genesi ad litteram cap. 32. & 34. ex instituto affirmat posse simul cogno-

cognoscere omnia illa, quæ initio mundi creata fuerunt. Ego tamen verius esse puto, quod in illis duo.

bus capitibus S. P. loquatur de cognitione maturing supernaturali.

AXIOMA QVARTVM.

De Cognitione, quam habent Angeli materialium, & præcipuè rerum singularium.

Ex Lib. 9. de Ciuit. Dei Cap. 22.

Angelis bonis omnis temporalium rerum scientia, qua instantur Damones, utilis est; non quod earum ignari sint: sed quod illis Dei, qua sanctificamur, Charitas clara est.

D V B I V M.

Vtrum, & quomodo Angeli materialia, & singularia cognoscant.

Fuit error Auerrois lib. 12. metaph. tex. 51. neque Deum, neque alias substantias separatas cognoscere singularia, & maximè materialia; à quo non multum distat opinio Auicennæ, qui tractatu de fluxu entis cap. 4. censuit ab Angelis solummodo cognosci singularia, vt conueniunt in ratione entis; à qui bus non est dissimilis opinio illorum, qui, vt refert S. Th. prima parte quæst. 57. artic. 2. dixerunt cognosci ab

Angelis singularia solummodo in causis vniuersalibus, & quasi in confuso; quo pacto eclipses futuræ cognoscuntur ab Astrologis, quæ omnia communiter à D. D. Catholicis censentur erronea; propterea.

Dico primo: Certum esse Angelos propriè, & distinctè cognoscere naturas rerum materialium, Probat hæc assertio primo; quia ex Sacra Scripturâ constat eos habere curam de pluribus rebus materialibus;

& corporeis; & eas regere, & dirigere in suos fines; quod non possent præstare, si eas non cognoscerent; similiter narratur ibi; eos pluries cū hominibus loquutos fuisse, eos instruxisse, & in necessitatibus adiunasse, quod sine cognitione salium rerū fieri nullo modo potuisset. Doctrina hæc habetur expressè apud D. Dionysium lib. de Diuinis nomi: tamquā certa, & indubitata. Probatur secundo ratione, qua vtitur S. Th. loco citato art. prim. sic: in Angelis sūt species rerum materialium; ergò huiusmodi materialia cognoscuntur ab Angelis; consequentia patet, antecedens probatur: res inferiores sunt in rebus superioribus simpliciori, & perfectiori modo, quam in se ipsis, & ad modum quoque rerum superiorum; ergò & res materiales, vt potè inferiores sunt in Angelis modo simpliciori, & secundum modum ipsorum Angelorum, idest intellectualiter secundum suas intelligibiles species, sicut ipsi Angeli sunt intellectuales. Probatur tercio: quia species Angelicæ sunt perfectiores, quam nostræ, tam in essentia, quam in representatione; sed nostræ representant res materiales; ergò & illæ Angelorum. Probatur quarto: quia species Angelicæ sunt similiores Diuinæ Essentiæ, quemadmodum, & Angeli ipsi plura de diuinā perfectione participant, vt docet S. Dionysius lib. de cælesti Hierarch. cap. quarto;

sed Essentia Diuinæ omnes, etiā materiales intelligibiliter representat; ergò etiam in hoc perfectiori modo imitantur illam species Angelicæ, quam nostræ.

Dico secundo, certum etiam esse, Angelos cognoscere singularia. Probatur primo ex Sacra Scriptura, nam in psal. 90. habetur *Angelus suus Deus mandauit de te, ut custodiant te*; sed custodia est rerum singularium ergò &c. Præterea in Epist. ad Hebræos cap. 1. omnes sunt administratores Spiritus propter eos, qui hereditatem capiunt salutis. Ergò habent prouidentiam illorum, quæ sine cognitione stare non potest, vt patet ex illo Eccles. cap. 5. *Ne dicas coram Angelo non est prouidentia*, quibus locis vtitur S. Tho. ad hoc idem probandum loco citato artic. secundo. Probatur secundo; ratione ex philosopho; qui lib. 12. metaph. tex. 36. & 37. docet cælos moueri ab intelligentijs per intellectum, & voluntatem; ergò cognoscuntur ab illis. Tertio ex eo, quod supponunt communiter S. S. P. P. cum S. Dionysio lib. de cælesti Hierarch. cap. 7. nempe inferiores Angelos à superioribus de diuinis operibus, & creaturis edoceri. Quarto ratione illa, qua vtitur S. Tho. qu. 57. artic. 2. quia nempe ea, quæ sunt dispersa in inferioribus; sunt vnita in superioribus; sed homines per duas potentias cognoscunt singularia materialia, & quidditates

rerum materialium, id est intellectu, & sensu; ergo Angeli, cum sint superiores, omnia ista cognoscunt per unam, eandemque potentiam. Maior patet exemplo sensus communis; qui cum sit excellentior sensibus exterioribus, solus percipit omnia ea, quæ percipiuntur ab eis. Minor est certa apud omnes Philosophos; nam & sensu, & intellectu, constat experientia, singularia ipsa à nobis percipi: consequentia est legitima. Et consequenter ad prædicta colligunt etiam aliqui; Angelos per easdem species, per quas cognoscunt singularia, cognoscere etiam quidditates rerum, eo quod tales species sint exemplatæ ab idæa diuina; per quam Deus facit, & cognoscit naturas tam vniuersales, quam singulares: Est tamen inter D. D. aliqua difficultas de modo, quo Angelus cognoscit ista singularia, an scilicet per species quidditatum, vel per distinctas singularium, nam Scotus in secundo dist. tertia quæ. vltima vult Angelos intelligere singularia per species acceptas à rebus ipsis. Durandus vero ibidem quæst. 6. Ocham quæst. 14 & 18. Gabriel quæst. 2. artic. 2. sine speciebus per solam præsentiam singularium, contra quos iam supra satis dictum est. Et Maior, ac Marsilius ibidem qu. 2. per species distinctas à speciebus quidditatum productas à Deo. Thomistæ autem contendunt cognosci tam naturas, seu quiddita-

tes rerum, quam singularitates earumdem per easdem illas species ab initio ipsis inditas; propterea.

Dico tertio cum S. Tho. prima parte qu. 57. artic. 2. & alibi, Caicetano, & Bannez ibidem, nostro Ferrariense lib. 2. contra gentes cap. 20. Angelum cognoscere quamcumque rei singularitatem per eandem speciem, per quam cognoscit eius naturam, & quidditatem. Probatur primo, quia hæc duplex representatio in vna specie est possibilis, & maxime conuenit nature Angelicæ; ergo Angelus per eandem speciem cognoscit quidditatem rei, & singularitatem ipsius cum suis conditionibus. Antecedens probatur primo, quia nulla est excogitabilis implicatio contradictionis in oppositum: Secundo quia species illa representatiua quidditatis rei est similitudo, & participatio diuinæ idææ, quæ eadem est representatiua nature rei secundum omnes suas conditiones. Tertio quia, ut supra dictum est, ea, quæ sunt dispersa in interioribus reperiuntur vnita in superioribus; sed in homine dantur duæ species, quarum vna representat singulare, alia vniuersale; immò in sententia Nominalium, & maxime modernorum, per eandem speciem, per quam cognoscitur vniuersale, cognoscitur etiam singulare, cum per eos non dentur præcisiones obiectiuæ; ergo multò magis dabitur in Angelo vna, & eadem species repre-

representans vtrumque. Confirmatur etiam ex eo, quod communiter admittitur ferè in omnibus Scholis, quod scilicet, cum homo facit vniuersale ex vnico indiuiduo vnus speciei, verbi gratia quando cognoscit naturam specificam Solis, tunc per vnā speciem cognoscit, & naturā vniuersalem, & singularitatem illius; ergo à fortiori Angelus. Vltimò probatur, quia magis requirunt plures species plures quidditates rerum, verbi gratia duæ, quam quidditas, & indiuiduatio ipsius; sed ex supradictis constat in intellectu Angelorum, & maxime superiorum dari aliquam speciem, quæ representet plures quidditates, & naturas specificas rerum; ergo etiam poterunt dari aliquæ, quæ simul representent naturam rei, & in diuiduationem eius; tantò magis; quod indiuiduatio, siuè singularitas rei non distinguitur realiter ab ipsius natura.

Dices primo: Species impressa intellectui Angelico est quædam ratio vniformis in se, & in ipso intellectu, non valens representare difformiter aliud, & aliud; ergo eadem numero non potest representare simul naturas vniformes, vel genericæ, vel specificæ, & simul conditiones indiuiduantes, & maxime inter se oppositas, vt porè rationes differendi, nõ verò conueniendi. Antecedens patet; quia est similitudo obiecti semper eodem modo se habens tam in

essentia, quam in representatione. Consequentia probatur, quia alias vel hæc species representaret simul opposita pertinentia ad existentiam rei, & sic semper illa representaret, & consequenter per illam vt plurimum, & ferè semper representabitur falsum; nam opposita simul eidem inesse non possunt; quod intellectui Angelico conuenire non potest per se; vel representaret alterum illorū determinatè, & sic numquam oppositum representaret; ergo eadem numero species non potest representare simul naturas vniuersales, & singularitates, seu conditiones quorum cumque indiuiduorum. R. communiter speciem Angelicam representare vniformiter ex parte sui, & simul similitate potentie, non verò potentia simultatis representare difformiter ex parte rerum oppositarū conditiones indiuiduales sibi succedentes, & plura indiuidua in lucem producentia; & hoc ex eo, quod talis species est similitudo Diuine Ideæ, quæ modo prædicto singularia representat. Responderi etiam potest, quod sicut nullum est absurdum, quod eodem verbo mentis, siuè eadem specie expressa represententur plura, & opposita etiam contradictoriè, vt patet in propositionibus, quas de illis formamus, sic nullum est inconueniens, quod eadem species impressa, quæ non est formalis, sed solum virtualis imago rei, representet oppo-

oppo-

opposita; Ratio huius à priori est, quia illam oppositionem, quam habent obiecta in esse rei, non habent in esse scibili, seu obiectiuo: & sic eodem indiuisibili actu simul, & semel percipimus calorem, & frigiditatem, Patrem, & filium, lucem, & tenebras, hominem non esse leonem, & similia.

Dices secundo: Si daretur talis species, illa esset infinitæ perfectionis, sicut etiam intellectio, quæ ex illa sequeretur, quod implicat; ergo repugnat. Sequela probatur, quia

singularia, quæ per illam representarentur, sunt infinita; ergo species representans illa deberet esse infinitæ perfectionis. & sufficere has species esse ordinis superioris; neque enim est absurdum, quod sint aliquo modo infinitæ, idest in representando, quæ non est infinitas simpliciter, sed solum secundum quid, ut est infinitas potentia intellectiue, vel speciei expressæ; seu verbi mentis, quod representatur infinitas Diuinæ Essentiæ, & attributorum eius.

AXIOMA QVINTVM.

De Cognitione quam habent Angeli quorumcumque futurorum.

Ex Lib. 9. de Ciuit. Dei Cap. 22.

Angeli Sancti certius temporalia, & mutabilia ista conuerunt, quia eorum principales causas in Verbo Dei conspiciunt, per quod factus est mundus, quibus causis quædam probantur, quædam reprobantur, cuncta ordinantur; Demones autem non æternas temporum causas, & quodammodo cardinales in Dei Sapientia contemplantur, sed quorundam signorum nobis occultorum maiore experientia multo plura, quam homines futura prospiciunt, dispositiones quoque suas aliquando prænuntiant; denique sæpe isti, numquam illi omnino falluntur, aliud est enim temporalibus temporalia, & mutabilia coniectare, eisque temporalem, & mutabilem modum suæ voluntatis, & facultates inferere; quod Demonibus certa ratione permissum est; aliud autem in æternis, atque incommutabilibus Dei legibus, quæ in eius Sapientia viuunt, mutationes temporum prændere, Deique voluntatem, quæ tam certissima, quam potentissima est diuini spiritus eius participatione cognoscere, quod Sanctis Angelis recta discretione donatum est.

D V B I V M

Vtrum Angeli cognoscant futura contingentia certò, & infallibiliter.

Questio ista procedit tam de futuris ex causis naturalibus; quæ scilicet non dependent ab arbitrio, quam de illis, quæ dependent à libera voluntate, vel immediatè operante, vel mouente, & applicante, alias causas ad operandum; in quibus, Præmitto resolutioni primæ partis, euentus futuros ex causis naturalibus esse in duplici differentia; quædam enim sunt necessariò futura, vt sunt ea, quæ pendent ex solo calorũ motu, v. g. Eclipses, Concurfus Planetarum, Solstitia, Æquinoctia, & his similia, & de his est certum ea naturaliter posse cognosci ab Angelis certò certitudine Physica in causis naturalibus proximis, quas comprehendunt, in quibus illi effectus sunt determinati: hi tamen effectus, licet physicè sint naturales, necessarij, & determinati, metaphysicè tamen sunt contingentes, nam respectu Omnipotentia Dei possunt non esse, vt cursus, & occasus solis; qui tempore Iosue qui fuit impediens obediens Deo voci hominis. Alij sunt effectus etiam ex causis naturalibus

contingenter futuri non solum metaphysicè, sed etiam physicè, vt sunt monstra, & similia, quæ dicuntur contingentia, non ex eo, quod promanant ab aliqua causa libera, & omnino indifferenti; sed quia contingunt per accidens respectu alicuius causæ, quæ quando vnum aliquem effectum intendit, alium sæpe producit propter occursum, vel vnius, vel plurium causarum impediendum: & de effectibus hoc secundo modo aliquando rarò, aliquando frequenter occurrentibus est difficultas, vtrum ab Angelis in suis causis certò cognoscantur: in qua sunt duæ extreme, & oppositæ inter se sententia.

Prima est; Alensis secunda parte qu. 26. num. 4. Alberti in secundo dist. 7. artic. 5. Durandi dist. 3. qu. 8. nu. 9. & dist. 7. qu. 3. nu. 4. qui docent huiusmodi futura contingentia ex causis naturalibus in illis certò ab Angelis naturaliter cognosci.

Secunda est Sancti Tho. qui prima parte qu. 57. artic. 3. in corp. docet futura contingentia in se ipsis à solo Deo ob suam æternitatem omnia

nia tempora percurrentem cognosci; in causis verò si sunt necessariò futura modo dicto, vt Solem oriri cras, certo cognosci ab Angelis, si verò sint futura, vt in pluribus solù, & impedibilia ab aliqua alia causa naturali creata, non nisi coniecturaliter; quod si sint ex illis futuris contingentibus, quæ eueniunt, vt in paucioribus, vt sunt fortuita, casualia, & ad vtrumlibet ab Angelo penitus ignorari, Angelicum Doctorem sequuntur eius Discipuli, & cum eo sentiunt etiam S. Bonauentura in secundo distinct. 7. secunda parte art. primi qu. 3. B. Egidius N. q. 2. art. primo Ricardus artic. 2. quæst. 2. & Hierueus ibidem. Cum quibus.

Dico primo: futura planè contingentia, quæ neque certò, neque vt plurimum sequuntur ex suis causis; sed omninò contingenter eueniunt, nullo modo naturaliter cognosci ab Angelis certò, nec in se; cum non habeant aliquam naturam existentem, quatenus futura sunt, & nullo modo sint præsentia naturali cognitioni ipsorum; neque in causis eorum, cum sint planè indeterminatæ ad vnum. Hæc Doctrina est ita certa; vt est certum cognitionem certam futurorù esse propriam Dei, vt patet, & probatur primo ex illo Isaïæ cap. 12. & 41. *annunciate nobis futura, & dicemus, quod Dñs estis.* idem habetur Danielis secundo, Sap. 8. in Epist. ad Rom. cap. 1. vbi Apostolus pro-

bat veritatem Euangelicam ex eo, quod fuerit antè prædicta per Prophetas: & ex Epist. secunda S. Petri cap. 2. *Habemus certiore Prophecticum sermonem*, quam cognitionem non ad naturale lumen, sed ad Diuinam reuelationem refert Apostolus ibi. Probat secundò: ex Patribus, & primo ex Origene lib. 6. contra Celsum propè initium, vbi ait *Diuini sermonis caracterem esse prædictionem futurorum.* & S. Io: Chrysostomus hom. 18. in Io. ait. *certa prædictio futurorum immortalis dumtaxat Dei opus est.* Similia habent S. Cirillus, & Theodoretus in cap. 41. Isaïæ. Immo plures etiam indè probant mysteria Christianæ Religionis esse vera; quoniam fuerunt à Deo antè prædicta, testata, & reuelata. Sic enim discunt S. Iustinus Martyr in Apologia secunda ad Antoninù; S. Clemens Alexandrinus lib. 6. Stromatum; Tertullianus in Apologetico cap. 20. Lactantius lib. 4. diuinarum institutionum cap. 12. Et fusè ac eruditè S. P. N. A. pluribus locis, sed præcipuè lib. de Catechizandis rudibus cap. 26. & lib. 1. 3. contra Faustum cap. 8. & sequentibus, & lib. 1. 7. de Ciuit. Dei cap. 15. & sequentibus. Probat tertio; auctoritate S. Tho. qui prima parte qu. 17. art. 3. probat vniuersaliter de omnibus euentibus futuris contingentibus, inter quos numerat egritudines, & similia non cognosci naturaliter cer-

to ab Angelis: & lib. 2. contra gentes cap. 154. est totus in hoc probando; & qu. 8. de Veritate articulo 17. clare docet futura contingentia etiam ea, quæ contradistinguuntur à liberis, non hinc coniecturaliter ab Angelis cognosci: & hoc adeò indubitatum fuit apud S. P. ut in Axiomate posito aperte doceas futura temporalia melius cognosci ab Angelis bonis, quam à malis itaut in eorum cognitione non possint decipi; eo quod videant in Verbo; quod non possunt Dæmones, qui propterea falluntur, & fallunt in suis prædictionibus de futuris, eo quod nullum esse determinatum, & infallibile eorum possint percipere; & propterea Sanctus Athanasius in lib. Q. Q. qu. 27. dicit, non posse à Dæmonibus sciri pluias futuras, & Nili fluminis inundationes. Probatur ultimo ratione supra tacta; quia futura contingentia in suis causis non habent determinatam veritatem; ergò non possunt certo, & naturaliter cognosci antequam existant in se ipsis, ac proinde nec antequam sint presentia.

Dices primo: S. P. N. A. lib. de Diuinatione Dæmonum cap. 5. dicit. Angelos in aeris dispositione prævidere futuras tempestates, & alia futura in signis naturalibus, quæ homines prævidere non possunt. Respondet S. P. loqui ibi non de cognitione omnino certa, & infallibili, de qua in præsentī disputamus; sed de

coniecturali, & fallibili, cui potest subesse falsum, & quandoque subesse, quod est clarum esse, quod postea subiungit cap. 61 nempe: Dæmones in his diuinationibus decipi, non verò Angelos bonos, quia hæc ab Angelis bonis, & Deo seruientibus ex alia dispositione Dæmonibus ignota quandoque mutantur; hanc autem dispositionem constat esse leges illas æternas, quas Sancti in Verbo vident, vel habes in Axiomate; Diabolus verò, & Angeli eius eas videre non possunt propterea paulo post in eodem lib. de Diuinatione Dæmonum adducit factum illud; quod narratur in Euang. S. Matthei cap. 8. quando facta est tranquillitas in mari, iubente Domino N. Iesu Christo; ubi ait; *quis Dæmon non putaret tempestatem illam amplius duraturam, sed causas solum naturales attenderet*. propterea idem S. P. lib. 2. de Genesi ad litteram cap. 17. obseruat, à malis, & pessimis mentibus quandoque vera prædici, non quod certo ea per vires suas naturales cognoscant; sed quia Deus immediatè, vel median- tibus bonis Angelis ea ipsis reuelat; sicut etiam quandoque per malos, & impios homines aliqua reuelauit; ut constat ex Sacra Scriptura de Balaam; & Caipha dici etiam potest cū Tertulliano in Apologetico cap. 22. Dæmones verà prædicere ex reuelationibus non sibi, sed alijs factis, ex quorum scriptis, aut alijs si- gnis

gnis ea cognoscere possant: de qua præiustione pulchrè sic ludit, *ita & hic iuuenes quasdam temporum fortis amulantur Diuinitatem, dum furantur diuinationem*: de cetero coniecturaliter solum cognoscere huiusmodi futura omninò contingentia, de quibus agimus, constat; & hoc vel ex siderum constitutionibus, & dispositionibus, seu influentijs, quas optimè cognoscunt, vel ex alijs coniecturis coniecturaliter solum, ex dictis certò certius apparet. Pro quo obseruat S. Hieronymus; Dæmones futura prænunciantes solere vt plurimum mendacia iungere veritati, & suas prædictiones sic temperare, vt seu mali, seu boni quid accidat, utrūque possit intelligi; vt sunt illa facta, seu dicta Pyrrho Epirotarum Regi, *Cito te Eacida Romanos vincere posse*: Et Crasso, *Crassus transgressus Halim maxima regna perdet*; quibus addere possumus illud vulgatum, *ibis reditis non morieris in bello*; ac etiam illud temporibus nostris intelligi illo Duci militum prædictum, *ingredieris castrum, calcabis Ecclesiam, seruiet tibi Bononia*. Obseruat etiam S. P. N. Augustinus loco citato; Dæmones interdum reuelare ea, quæ ipsi sunt facturi, aut procuraturi per homines malos, quos experimèto sciunt fore sibi obsequentes: plura alia habes eruditè, & acutè penetrata ab eodem S. P. N. in dicto lib. de Diuinatione Dæmonum, quæ nō

vacat hic modo transcribere; de quo argumentatur etiam doctè, & pie. S. Cyprianus in lib. de Vanitate Idolorum, & Tertullianus in Apologetico cap. 22. & S. Tho. lib. 3. contra Gentes cap. 154. cum quibus sentiunt communiter alij PP. & Theologi.

Dices secundo: eundem S. P. libro 12. de Genesi ad litteram cap. 13 asserere animabus humanis, secundum quod à corporis sensibus abstrahuntur, competere futura præuidere; ergo id potiori iure competit Angelis, quibus perfectior vis intelligendi concedi debet. R. S. P. ibi loqui non ex sententia propria, sed aliorum, & postea testari se nihil affirmare; ait enim eo loco: *Nonnulli volunt animam humanam habere vim quandam diuinationis in se ipsa: sed si ita est, cur non semper potest, cum semper velit? an quia non semper adiunatur, ut possit? quomodo adiunatur? Vtrum in corpore sit aliquid, ut inde quasi relaxetur, & emicet eius intentio? An sunt illic, quæ antè non fuerant? &c. An sicut Spiritus, ita & mens, nisi adiunetur, et, quæ habet Spiritus, intelligere non potest? an forte ipsa prorsus in hac assumitur? an aliquando in seipsa videt ista, aliquando per alterius Spiritus commixtionem? quidquid horum est, temerè affirmari non potest*: in quibus verbis non obscure refundit prædictam cognitionem in auxilium supernaturale. Vi-

de S. Tho. prima parte qua. 86. artic. 4. ad secundum.

Dices tertio: S. Thomam quest. 8. de Veritate artic. 11. docere Angelos certò cognoscere ea, quæ sũt in causis naturalibus determinata, siuè sint in vna causa tantum, siuè in pluribus simul, eo quod id, quod est contingens respectu vnius causæ, respectu omnium simul sumptarum est necessarium; ergò quando docet effectus contingentes nesciri certò ab Angelo, vult solum tales effectus in causa naturali impediri ex occurſu aliarum certò sciri non posse; non verò intelligit de omnibus effectibus futuris quomodocumque contingentibus. & S. Tho. ibi apertè loqui de illis futuris contingentibus, quorum causæ sunt physicè determinatæ ad vnum, ac proindè, & ipsi effectus physicè necessariò futuri, licet metaphysicè possint non euenire; si nempe Deus velit sua omnipotentia impedire: ac proindè dicta futura possunt sciri ab Angelis certitudine physica; Verum hæc non sunt de numero illorum, de quibus disputamus.

Dices quartò: Angelus habet species infusas singularium ab initio, per quæ præsentia, & præterita optimè cognoscit siuè acquisitione nouæ speciei; ergò per eandem poterit cognoscere naturaliter futura; est enim eadem ratio de futuris, ac de præteritis; cum vtraque careant præsen-

tia, & coexistentia de præsentia. & non sequi; nam ad hoc, vt Angeli in actu ali actu singularia certò cognoscant, requiritur, vt eiusmodi singularia coexistant Angelo tamquam præsentia, vel certè prius coexisterint: est enim hoc conditio siuè qua talia non possunt cognosci. Hæc conditio ne non indiget Deo, in cuius idcõs addito decreto omnia futura sunt præsentia. Ad confirmationem, & esse dispare rationem de futuris, ac de præteritis: nam præterita, cum præcesserint, fuerunt cognita ab Angelis, ac proindè in eorum mente manet reminiscentiæ talis cognitionis, & existentie obiecti præteriti; nõ enim sunt inferioris conditionis, quam nos, qui reminiscimur præterita. Non est sic de futuris, quæ cum numquam existerint, non habent aliquid, nec in esse rei, neque in esse scibili, in quo remanserit ratio determinata ea cognoscendi.

Dico secundo: certum esse apud Catholicos, futura contingentia de pendentia ex libero arbitrio, vel per se immediatè, vel concurrente, mouente, aut applicante causas naturales, non posse naturaliter, certò, & euidenter cognosci ab Angelis, nec in suis causis, nec in se. Probatur primo, quia Scriptura S. Isaia cap. 41. ponit hoc pro signo diuinitatis ibi enim dicitur, *annunciate nobis quæ ventura sunt, & sciemus, quia Dñs estis*, & postea cap. 42. Deus ab eũ

tu eorum quæ prædixerat, suam Diuinitatem confirmauit, dicens, *gloriam meam alteri non dabo, quæ prima fuerunt, ecce venerunt, noua quoque ego annuncio.* & cap. 46. *Ego sum Deus, & non est ultra me Deus, nec similis mei annuncians ab exordio nouissima, & ab initio, quæ nondum facta sunt.* Ex quibus locis S. Hieronymus, & præcipuè ex capite 41. in Cominentarijs Isaïæ Proph. probat, idola non posse prædicere futura. Probatur secundo auctoritate S. S. P. P. & primo S. P. N. Augustini, vt in axiomate, vbi docet Dæmones sæpe falli in prædictione futurorum, quod præcipuè habet locum in futuris liberis; & in lib. de diuinatione Dæmonum cap. 6. vbi ait, *Multa Dæmones prænunciant, cum tamen ab eis longè sit altitudo illius Prophetia, quam Deus per Sanctos Angelos suos, & Prophetas operatur: nam si aliquid de illa Dei dispositione prænunciant audiunt, vt prænunciant, & cum ea prædicunt, quæ inde audiunt, non fallunt, neque falluntur, veracissima enim sunt Angelica, & Prophetica oracula &c. in cæteris autem prædictionibus suis Dæmones plerumq; & fallunt, & falluntur.* Idem docuerant S. Iustinus Martyr qu. 146. S. Basilus lib. de Spiritu S. cap. 16. & post S. P. S. Anselmus lib. de casu Diaboli cap. 21. & communiter alij S. S. P. P. Difficultas est in assignanda ratione, cur hoc non possint, cum talia obiecta sint ordinis na-

turalis loquendo de illis futuris liberis, quæ non requirunt vllum auxilium supernaturale. Ratio communis, & à priori desumpta ex S. Tho. prima parte qu. 57. artic. 3. est, quia huiusmodi futura, si possent naturaliter cognosci, vel cognoscerentur in causis, vel in seipsis; non in causis, quia liberum arbitrium ex se est indifferens ad vnā, & alteram partē, & æquè respicit vnā, ac alteram; ac proinde ex illo non magis potest percipi effectus futurus, quam non futurus; nec in se ipsis, quia talia futura non existunt in tempore, quod est propria illorum mensura, cum non sint producta, & posita extra suas causas, sed solum sint obiectiue in mensura superiori æternitatis; sola autem cognitio diuina mensuratur æternitate, non verò Angelica, cuius propria mensura est æuum, vel tempus discretum; ergo solius Dei est omnia futura in seipsis cognoscere, vt sunt præsentia in mensura suæ eternitatis.

Probari potest secundo, quia huiusmodi futura, cum sint futura non solum dependenter à libera voluntate creata dependente, & subordinata, sed etiam à libera voluntate Dei, cuius decreta sunt leges eternæ, quas Angelus naturaliter non cognoscit, consequenter non potest certò, & euidenter per vires naturæ huiusmodi futura cognoscere; & hæc est ratio cardinalis, & demonstrati-

ua S. P. vt habes in Axiomate.

Dices. S. Tho. loco citato in Resolutione ad tertium docet species Angelicas æqualiter se habere ad res futuras, præsentēs, & præteritas; ergo sicut Angeli naturaliter possunt cognoscere res præsentēs, & præteritas ordinis naturalis; sic etiam poterunt per illas cognoscere res futuras. R. S. Th. ibi se explicare, quod licet species Angeli æqualiter representent omnia ex se; tamen ex parte rerum res ipsas non eodem modo se habere ad rationes, per quas intelliguntur, propter rationem dictam; ac proinde diuerso modo esse philosophandum de rebus distantibus secundum locum, ac de rebus distantibus secundum tempus. Dices. Si Deus infunderet oculo speciem coloris futuri, fieret visio illius coloris non aliter, ac si esset præsens; ergo similiter species angelica poterit representare rem futuram, ac si esset præsens, eo quod est solum deseruiens

apprehensioni obiecti, puta coloris, secundum se, ac si esset præsens, sine villo actu iudicii, quod sit præsens, præteritum, aut futurum; at species intellectus debet deseruire non solum actui apprehensiuo, sed etiam iudicatio, & ideo, cum non possit Angelus iudicare de futuris propter rationes dictas, non potest habere species representantem futurorum, ac si esset præsens. Præterea species intellectus angelici est semper in perfectione esse, certificatiua de re, prout est; non enim representat rem præteritam per modum præsentis; & consequenter nec futurum, vt præsens; esto species sensibilis possit representare rem præteritam, vel absentem, tamquam præsentem sumptam in corrupti, & in imperfecto esse, vt docent Aristoteles lib. 2. de Anima textu 138. S. P. N. lib. 11. de Trinitate cap. 2. & Gerson Alphab. 86. Littera B.

AXIOMA SEXTVM.

Non cognoscunt certò naturaliter Angeli cogitationes cordium.

Ex lib. 2. Retractionum Cap. 30.

IN quodam loco dixi: Dæmones aliquando, & hominum dispositiones, non solum voce prolatas, verum etiam cogitatione conceptas, cum signa quadam exprimentur in corpore, tota facilitate perdiscere. Rem dixi occultissimam audaciori asseneratione, quam debui: nam peruenire ista ad notitiam Dæmonum

per

per nonnulla experimenta compertum est; sed utrum signa quedam deuntur ex corpore cogitantium illis sensibilia, nos autem latentia, an alia vi, & ea spiritalia ista cognoscant, aut difficile potest ab hominibus, aut omnino nō potest inueniri.

D V B I V M.

Vtrum liberæ cogitationes cordis, & affectiones voluntatis possint naturaliter ab Angelo cognosci.

IN hac difficultate variè loquuntur D.D. aliqui enim affirmant, sed diuersimodè: alij verò negant, sed cum limitatione sequentes sententiam S. Thomæ, & eias Scholæ.

Ex ijs, qui affirmant sunt N. B. Egidius in 2. dist. 7. qu. 2. artic. 3. & Noster Argentina ibi qu. 5. artic. 2. cum quibus sentiunt Herueus dist. 8. qu. 3. Durandus qu. 5. & Henricus quodlib. 3. qu. 13. qui asserunt, & de possibili, & de facto cognosci ab Angelis naturaliter secreta cordis, & cum opponuntur illis auctoritates Sacre Scripturæ, in quibus talis cognitio soli Deo reservatur, responderet Argentina huiusmodi secreta cognosci quoad terminorū significationem, non verò quoad compositionem, & diuisionem, idest cognosci obiectum cognitionis, & affectionis, ignorari verò substantiam illorum, vtrum scilicet sint per modum

assensus, vel dissensus, complacentiæ, vel fugæ: quod idem docet Egidius de cogitationibus; de volitionibus verò nihil dicit. Herueus autem vtrumque concedit cognosci, sed dicit ignorari intensionem actus. Durandus concedit obiectum, & substantiam actus; sed vult ea ignorari, vt futura sunt; hoc modo enim sentit à solo Deo cognosci. Henricus docet cognosci substantiā, sed ignorari intensionem, qua diriguntur actus ad finem, & quia ex intentione desumitur bonitas, & malitia actus, negat cognosci ab Angelis hos actus, quatenus boni, vel mali sunt moraliter. Scotus in 2. dist. 8. qu. 2. & in quarto dist. 10. qu. 2. ad 3. & dist. 43. qu. 4. Holchor in secundo dist. 8. qu. 3. Okamus qu. 10. Gabriel dist. 9. qu. 2. art. 2. Bassol. qu. 2. Maior qu. 3. & Maironus qu. prima dicunt absolute posse cognosci ab

An-

Angelis secreta cordium; de facto tamē ignorari, vel quia impediuntur à Deo, vt sentiunt Okam, Gabriel, & Maior, vel aliquando à nimia distantia, vt docent Scotus dist. 45. & Gabriel, Ex his el go sententiam S. Tho. prima parte qu. 57. artic. 4. &

Dico: cogitationes cordis, seu affectiones voluntatis posse cognosci ab Angelis in suo effectū; sic enim cognoscuntur etiam ab hominibus per exteriorem effectum, & signum, vt per immutationem vultus, & dispositionem corporis, & similia, vt docet S. P. Augustinus lib. de Diuinatione Dæmonum cap. 5. at verò in se ipsis à solo Deo cognosci. Hanc sententiam non solum Thomistę sequuntur, sed etiam Alensis in summa parte secunda qu. 26. membro 3. S. Bonaventura in 2. dist. 8. secunda parte qu. 6. Ricardus ibi artic. 2. qu. 4. Noster Gregorius Ariminensis dist. 9. qu. prima, & Marsilius qu. 6. artic. 2. & Probatur primo auctoritate Sacrę Scripturę, quę cognitionem secretorum cordis soli Deo tribuit; nam lib. 3. Reg. cap. 8. habetur. *Si quis cogitauerit plagam cordis sui, & expandierit manus suas in domo hac, tu exaudies in calo, & facies, vt det unicuique secundum omnes vias suas, sicut videris cor eius, quia tu nosti sola corda omnium filiorum.* & lib. 2. de Paralipon. cap. 6. *Tu exaudies de calo; & propitiare, & redde unicuique secundum vias suas, quas nosti cū*

habere in corde suo, tu enim solus nosti corda filiorum hominum. His locis contra Durandum apparet, sermōnem esse de cogitationibus orantium in templo præsentibus, & non futuris; quas solum contra omnes suppractatos Auctores nostrę sententię aduersantes dicit à solo Deo cognosci. Sic etiam Hieremię cap. 17. dicitur. *Præuū est cor hominis, & in-scrutabile; quis cognosceret illud? ego Dominus.* Quod si Angelus cognosceret præsentes cogitationes, & affectiones, vt vult Durandus, licet nō ita perfecte sicut Deus, vt limitat Herueus, neque verò diceretur cor hominis inscrutabile, neque inquireret Scriptura, quis cognosceret illud, neque rectē responderet, *ego Dominus.* Nec satisfacit explicatio Scoti, & aliorum, qui dicunt Scripturam Sacram non loqui de possibili, sed de facto, primò, quia non verò diceretur in ea cor hominis inscrutabile; inscrutabilitas enim non solum negat factum, sed etiam potentiam in creatura. Præterea sequeretur cognitionem huiusmodi secretorum esse naturalem, & consequenter non posse ex illorum manifestatione ostēdi, seu confirmari vllam veritatem supernaturalem; nam ex opere naturali demonstrato, non demonstratur propterea supernaturale; sed consequens est falsum; nam Epist. prima ad Corinth. cap. 14. vbi agit Apostolus de vtilitate Prophetię habetur.

tur. Si omnes prophetent, intres autem quis infidelis, convincetur ab omnibus, occulta cordis eius manifesta fiunt, & isa cadens in terram adorabit Deum pronuncians, quod verè Deus in nobis sit. Quibus verbis satis indicat, manifestationem talium secretorum ad solum Deum spectare: quam veritatem S. Io. Chrysostomus ibi, & S. Hieronymus, & S. Cyrillus, & Commentaria, quæ habentur inter opera Sancti Ambrosij, & alij asserunt Christum sufficienter ostendisse suam Divinitatē, quando, ut habetur Matth. 9. & Lucæ cap. 5. manifestavit cogitationes eorum, qui intra se dixerant, *hic blasphematur*; & quando, antequam sanaret ægrotum, dimisit peccatum; & quando Simoni leproso per parabolam duorum debitorū declaravit, se vidisse, quid lateret in eius corde circa permissionem accessus Magdalenæ; & similibus. Adde quod si esset potentia naturalis in Angelis cognoscendi talia secreta naturaliter, fieret perpetuum miraculum, impediendo eos, ne tali modo ea cognoscerent. Probatur secundo auctoritate P. P. qui vñanimes consensu docent, secreta cordis soli Deo patere; & primo quidem S. P. N. tractat. 22. in Ioannem ait, *Deus autem scit in nobis, & quod ipsi nescimus in nobis. Nam infirmitatem suam Petrus nesciebat, quando à Domino, quod tenes negaturus audiebat, & ager se nesciebat, medicus egrum sciebat. Sunt*

ergo quedam, quæ Deus novit in nobis, nescientibus nobis: tamen, quantum ad homines pertinet, nemo sic se novit, quomodo ipse homo; alius nescit, quid in illo agatur, sed Spiritus eius novit. Idem habetur in lib. de Ecclesiasticis dogmatibus, qui circumfertur inter opera S. P. N. Augustini; sed re vera non est ipse, ut observavit Cardinalis Bellarminus lib. de Scripto-ribus Ecclesiasticis, & alij. Similia habent S. Io. Chrysostomus homilia 30. in Mattheum, S. Cyrillus lib. 2. in Ioannem cap. 19. S. Athanasius lib. 9. ad Antiochum qu. 20. S. Ambrosius, & S. Hieronymus; ac etiam Theophylactus in illa loca Matthei cap. 9. & 12. & Lucæ cap. 19. *videns Iesus cogitationes eorum*; apud quos Patres certum est. Diabolum non videre cogitationes cordium, sed ex motibus corporis, & passionibus, ac alijs indicijs eas colligere, & inuestigare. Probatur tertio ratione, quam adducit S. Thomas, quia scilicet Angelus per species sibi indicas non cognoscit nisi naturalia, quæ scilicet ad propriam naturam, & statum spectant, & dicunt ordinem ad causas naturales; sed ram actus intellectus, quam voluntatis liberi aliorum non pertinet ad statum, & naturam eius, à quo non producantur, neque habent dependentiam ab aliqua causa naturali; cum emanent à voluntate, ut voluntas est, vel ab ea imperentur, non

verò

Verò vt natura est, sed solum a Diuina, quæ sola in voluntatem creatam influere potest; ergò liberæ cogitationes, & affectiones naturaliter ab Angelis cognosci non possunt; quæ ratio fuit indicata ab Apostolo in Epist. ad Corinth. cap. 2. vbi ait, *Nobis autem reuelauit Deus per Spiritum suum. Spiritus enim omnia scrutatur, etiam profunda Dei. Quis enim hominum scit, quæ sunt hominis, nisi spiritus hominis, qui in ipso est?* Soli enim Deo voluntates liberæ subiacent, ita vt solus in illas operari possit intimè, vt primum eius obiectum, & vltimus finis; & propterea ait Apostolus; vt notat ibi Angelicus Doctor, Spiritu hominis cognoscere ea, quæ sunt hominis, quæ propriè sunt actiones liberæ, quia in ipso homine est; at Angelus, cum non possit illabi in alios Spiritus, aut in animas rationales, non potest intrinsecus in eorum voluntatibus operari; & consequenter manet, hoc esse proprium solius Dei. Confirmatur etiam ratione suprà tacta, quia hæ cogitationes, & affectiones liberæ non possunt cognosci in ipsa voluntate antecedenter ad earum existentiam; quia tunc voluntas, vt libera, est indifferens; nec possunt cognosci in se, cum existunt, eoquod Angeli non habent earum species; spectat enim ad Diuinam Prouidentiam seruare creaturæ rationali perfectum dominium circa suos motus liberos, quod competit

eius perfectioni, quæ est supra alias creaturas, quæ exigit, vt tales motus sint occulti, donec per effectus, vel per loquutionem manifestentur; aliis superfluo poneretur mutua loquutio inter ipsos Angelos.

Quæres hic primò, an saltem possint Angeli naturaliter cognoscere cogitationes cordium naturales, & necessarias, quæ scilicet non dependent à voluntate liberè operante. Affirmant Zumel, Bannez, & Vasquez in suis lucubrationibus ad art. 4. qu. 57. primæ partis S. Thomæ; immò Bannez dicit hoc asserti ab omnibus Theologis. Probatur, quia ratio potissima, propter quam Angelus non potest cognoscere secreta cordis, est libertas, & dominium voluntatis in illa, siuè quia, vt loquitur S. Tho. motus liber voluntatis non potest naturaliter cognosci, nisi ab eo, vel ab eis, à quibus ille dependet. (intellige, nisi ab eis, à quibus pendet, vel per loquutionem, vel alio modo manifestentur;) sed voluntas non habet tale dominium super operationes necessarias; ergò naturaliter poterunt cognosci ab alijs Angelis. Confirmatur, quia sublata libertatis ratione sunt in entitate sua res naturales, sicut alia entia naturalia, spectantia ad Angelos, qualia sunt potentia, habitus, species impressæ, & similia; ergò, sicut ista naturaliter cognoscuntur, ita & illa; & hoc patet tam actus voluntatis, quam intel-

tellectus indeliberati poterunt cognosci, antequam post aduertentiam transeant in actus liberos, & ad statum liberum; & hoc verum est, siue procedant ex usu rationis totaliter impedito, vt in amentibus, ebrijs, & dormientibus; siue non totaliter impedito, sed non aduertente, aut ignorante, quales solēt esse in nobis motus primò primi. Hæc dupliciter posse cognosci concedunt prædicti Auctores; primò, vt in causa naturali naturaliter, & non liberè operante, vt in amente; nam in illo tales actus procedunt ex causis naturalibus naturaliter loquendo, quæ naturaliter mouent imaginationem, & appetitum, & consequenter intellectum, & voluntatem. Secundo in se ipsis intuitiue per speciem inditā, siue concretam, per quam S. Tho. qu. 9. de Veritate artic. 4 ad 11 argumentum docet, cognosci quidquid, naturaliter existit in alio Angelo.

Dices primò: eadem est substantia operationis necessariae, & liberae; ergò si species illa representat cogitationem, seu actum voluntatis necessariam, representabit etiam liberum. R. primò, antecedens non esse certum apud omnes. R. Secundo communiter negando consequentiam; cum enim ex Sacra Scriptura constet eandem cogitationem, seu volitionem liberam ante loquutionē esse incognitam, post loquutionem

verò esse cognitam; sequitur rationē libertatis extrahere cogitationem, & affectionem ex statu naturali, & ponere illam extra obiectum speciei Angelicæ, quod continet solummodo entia naturalia; ac proinde posita prædicta ratione libertatis non representabitur naturaliter cogitatio, seu volitio illa. Quemadmodum, vt suprà dictum est, quam diù, & quatenus conditio futuritionis afficit rem, tam diù species Angelica illam non representat. Dices, hoc quod est esse liberum in actu intellectus, est solummodo denominatio extrinseca; ergò hæc non poterit impedire representationem speciei circa illum. R. quidquid sit de antecedente, de quo variè loquuntur D. D. negando consequentiam; nam adhuc dato, quod ratio libertatis esset extrinseca denominatio actui intellectus in esse rei, non tamen in esse representabili, aut scibili; & ratio à posteriori est, quia cogitatione intellectus libera cognita, vt libera, naturaliter deuenit in cognitionem affectionis liberæ voluntatis, per quam illa impetratur, & à qua dependet; sed hæc debet esse occulta, vt docent communiter Scripturæ, SS. PP. & DD. ergò, & illa.

Quæ res secundo: an Angeli possint cognoscere huiusmodi cogitationes liberas quoad substantiam, ignorata ratione, seu conditione libertatis. R. negatiue; eoquod, dum

adeſt talis conditio, ſubſtantia actus eſt extra obiectum repreſentabile ſpeciei Angelicæ; nam libertas intrinſecè aſſicit totam ſubſtantiam actus, & maximè in ſententia, quam ſequor, libertatem ſcilicet eſſe relationem realem in ipſo actu, ſeu effectu identificatam cum ipſo; quemadmodum igitur conditio futuritionis re futuram totam ita aſſicit, ut faciat eſſe extra obiectum naturale ſcientiæ Angelicæ, ita & ratio libertatis. Prætereà quando Scriptura Sacra negat cogitationes cordium ab alio, quam à Deo cognoſci, neceſſariò eſt intelligenda non ſolum ſecundum rationem libertatis, ſed etiam ſecundum rationem ſubſtantiæ, ſeu quidditatis talis actus, tum quia cum ratio libertatis ſit relatio prædicta ad voluntatem liberè ſe determinantem, & producentem talem actum, dicere, cogitationes cordis ſoli Deo parere, eſſet dicere, ſolos actus voluntatis liberos formaliter eſſe illi cognitos, & tamen Scriptura nō ſolum actus voluntatis, ſed etiam cogitationes liberas intellectus ſubiectas eſſe naturaliter ſoli Deo docet, ut patet ex locis ſupra adductis; tum quia hoc verbum cogitatio primò, & principaliter ſupponit pro ſubſtantia, ſeu quidditate ipſius actus; ac proinde Scriptura negando abſolute tales cogitationes naturaliter ab ullo intellectu creato cognoſci, aut falſum dixiſſet, aut ſaltem non rectè, & propriè lo-

quuta fuiſſet negando abſolutè cogitationes cordium ab Angelo cognoſci, ſi poſſent cognoſci ſecundū id, pro quo ſupponunt, & quod illis eſt poſſiſſimum. Adde, quod ſi poſſet cognoſci naturaliter ab Angelo quæcumque cogitatio cordis, quantumvis libera, poſſent conſequenter cognoſci peccata infidelitatis, & duritiæ cordis in credendo, quod tamen eſt falſum; nam alias Chriſtus D. non ſatis confirmaveſſet ſuam diuinitatem manifeſtando cogitationes, & iudicia eorum interna; qui dicebant, *hic blaſphemat*, ut habetur Matth. 9. & Luc. cap. 5, quod eſt contra SS. PP. ſupra citatos qui vno ore dicunt, fuiſſe maniſeſtiſſimū Diuinitatis ſignum, & argumentum; ſequela patet, quia affectiones liberæ optimè poſſent cognoſci in actu intelleſuali memoriæ ipſarum, vel in iudicio practicè practico, vel in iudicio, quo aliquis verſatur circa ſua deſideria; nam etiam hoc modo, ſaltem reflexè, nos ipſi cognoſcimus affectiones noſtras. Peccatum verò infidelitatis cognoſceretur, ut patet, ex ratione quidditativa talis peccati, quod conſiſtit in iudicio intellectu, quo quis iudicat non eſſe verum aliquid, quod proponitur ab Eccleſia, ſuppoſita aduertentia in intellectu, quod propoſitio talis obiecti facta ſit ab Eccleſia; hiſ enim duobus poſitis ſemper intercedit peccatum infidelitatis; ſed qui naturaliter cogno-

cognoscit cogitationes cordis, potest utramque cogitationem cognoscere; ergo & peccatum infidelitatis. Dices prædicta inconuenientia sequi etiam ex eo, quod cognoscantur actus intellectus, & voluntatis necessarii; fieri enim potest, ut prædicta iudicia sint necessaria. R. iudiciū practicū practicum non posse esse necessarium, si dependeat a voluntate sequente cognitionem, ut inde terminatam; similiter etiam negatur posse esse necessarium actum illum, quo quis iudicat falsum esse illud, quod ab Ecclesia proponitur, posito, quod simul iudicet ab Ecclesia proponi; tale enim iudicium sequitur cognitionem determinatam, actus vero memorię, & iudicium illud, quo, quis iudicat se fecisse aliquem actum liberum, ut plurimum sunt actus liberi; quod si dentur necessarii; tunc ratione obiecti, quod esset actus liber, essent & ipsi naturaliter incogniti Angelo. Ex quibus manet Angelum posse solummodo naturaliter cognoscere illos actus intellectus, & voluntatis necessarios, qui sunt tales completè, idest & ratione entitatis, & ratione obiecti, ad quod intrinsecè ordinantur.

Quæres tertio: utrum Angelus possit naturaliter cognoscere actus imaginationis, & appetitus sensitiui, quatenus pendunt à ratione, & voluntate, siue quatenus liberi sunt, & secundum esse morale sunt boni,

aut mali; & similiter habitus appetitus sensitiui [posito, quod dentur, nam aliqui solum eos admittunt in potentijs (spiritualibus) secundum quod sunt boni, vel mali. Respondent communiter negariue, & ratio est, quia talis ratio moralitatis prouenit à motu libero voluntatis, & ab aduertentia rationis, quæ non possunt naturaliter cognosci ab Angelo, ut habet S. Tho. prima parte qu. 57. artic. 4. ad 3. Ex quo inferunt rationem boni, siue mali moralis, virtutis, aut vitij non esse essentialem differentiam actus, vel habitus, tunc enim necessariò cognosceretur ab Angelo cognoscente substantiam, actus, vel habitus; & sic Dæmon sua virtute naturali posset venire in cognitionem actuum liberorum; concedunt tamen posse prædictos actus, & habitus imaginationis, & appetitus sensitiui cognosci secundum entitatem actus physici, siue, ut alij dicunt, secundum substantiam, eo quod sunt materiales, & inferioris ordinis, & eiusdem rationis cum actibus potentiarum vitalium materialium, idest sensuum exteriorum, & potentiarum loco motuarum, nec requiruntur necessariò ad rationem libertatis, sicut requiruntur actus intellectus, nec sufficienter ducunt in cognitionem, actuum liberorum voluntatis; sæpe enim huiusmodi actus eliciuntur sine deliberatione voluntatis, & plena aduertentia intellectus, & tunc

non potest ex illis cognosci, quid agatur in intellectu, & voluntate, voluntas enim, & intellectus, ut docet S. Tho. loco citato, non subiacent appetitui sensitivo, & phantasiæ, sed potest intellectus diversimodè illis utri, nam, ut ait idem Angelicus Doctor qu. 8. de veritate, artic. 13. ad 4. ex eisdem phantasmatibus ratio nostra potest tēdere in diversa; idest stante actu imaginationis, & eius obiecto, & cognitione utriusque potest intellectus cognoscere alia, quæ concernunt tale obiectum; quæ cognosci non possunt ab Angelo ex actibus phantasiæ, quæ namadmodum unus Angelus cognoscendo species alteri concreatas, non tamen propterea potest naturaliter cognoscere usum illarum; cum enim per eandem speciem, verbi gratia Leonis, possit cognoscere plurima de Leone, non potest alter Angelus per cognitionem talis speciei virtualiter solum representantis Leonem, cognoscere quid determinatè alter Angelus cogitet de Leone.

Manet ex dictis, non esse admit- tendam sententiam aduersariorum; quocumque ex supradictis modis explicetur; nam omnes illi modi supponunt, secreta cordium aliquo modo ab Angelis cognosci; cum tamē Scriptura Sacra absolutè nēget illa cognosci, nisi à solo Deo; quod sic ostendo singillatim examinando breuiter singulos in particulari. Pri-

mo: falsum est, quod secreta cordiū cognoscantur quoad terminorum significationem, non verò quoad assensum, vel dissensum: cum enim talis assensus, vel dissensus essentialiter includatur in substantia actus, tamquam differentia essentialis illius ordinans illum tali modo ad tale obiectum, non potest cognosci substantia talis actus, quin cognoscatur talis ordo; cum hæc duo sint inter se identificata, & talis cognitio supponatur esse clara, & intuitiua, non verò abstractiua, quemadmodum sunt cognitiones aliorum obiectorum, quæ Angeli naturaliter per species inditas cognoscunt. Secundo falsū est etiam, quod cognoscantur solum quoad entitatem, non verò quoad intensionem; ut contendit Herveus: cum enim intensio non distinguatur realiter à substantia actus, si hæc cognoscuntur intuitiue, ut deberet esse in proposito, & supponitur etiam ab Aduersarijs, non solum substantia, sed etiam quæcumque intensio cognosceretur. Tertiò: falsum est etiam quod docet Henricus, nempe cognosci quidem ut actus sunt, non tamen, ut boni, vel mali moraliter sunt. Cum enim bonitas, & malitia non solum sumatur ex fine, sed etiā ex obiecto, & circumstantijs, poterit saltem Angelus cognoscere tales actus iuxta principia Henrici, immò, & non poterit non cognoscere, quatenus sunt boni ex obiecto, tū quia

vel

vel illa intentio est actus voluntatis; vel ut volunt plures Theologi relatio eiusdem; si dicatur primum, cum identificetur cum actu voluntatis Angelicæ secundum substantiam, si Angeli naturaliter cognoscunt hanc, cognoscunt, & illam propter rationem supra adductam contra Herueum. Si dicatur secundum, ut vult Henricus, vel illa relatio est rationis, & tunc talis relatio, cum fingatur ab intellectu, sequitur Angelum cognoscantem substantiam actus, & obiectum, optime cognoscere talem relationem, vel eam ipsummet Angelum fingere posse. Si dicas esse realem, tunc non est maior ratio ignorandi talem relationem, quam ipsam substantiam actus. Præterea vel talis relatio est congenita voluntati, & ita semper erit eadem intentio in voluntate, vel aduenit de nouo, & sic debet habere fundamentum in voluntate de nouo adueniens; quod tamen videtur negare Henricus; docet enim, stante eadem voluntatis affectione, & cogitatione intellectus circa rem aliquam, posse esse varias intentiones. Quartò: falsum etiam multò magis est in, quod docet Durandus, nempe cognosci quidem hæc omnia, sed ignorari futuritionem; nam Scriptura, & S. S. P. P. vtrumque separatim negant, docendo naturaliter cognosci non posse futura illa, de quibus supra dictum est; & naturaliter non posse cognosci ab vlla

creatura secreta cordium, non solum quando sunt futura, sed etiam quando existunt, nisi manifestentur ab eo, cuius sunt secreta. Quintò: non rectè ab alijs Doctoribus, admissa possibilitate talis cognitionis naturaliter, conceditur hoc de facto non esse; rationes enim, quibus hoc nituntur suadere, non conuincunt; Gratis enim dicitur Deum denegare concursum stante possibilitate, & potentia expedita in ordine ad talem cognitionem: tum quia violentet Angeli detinerentur, ne cognoscerent talia secreta, & sic esset miraculum æternum; tum quia non videtur adesse fundamentum sufficiens denegandi hoc Angelis bonis, saltem custodibus; tum quia non videtur rationi consentaneum, ut totæ species indiuiduorum, immò tot species, quæ constituunt maximam vniuersitatem, priuentur in perpetuum operatione sibi connaturali. Præterea gratis etiam adducitur distantia pro impedimento talis cognitionis, tum quia ut rectè arguit Maior in secundo dist. 9. qu. prima si destruerentur omnia corpora; adhuc vnus Angelus non posset cognoscere secreta cordis alterius; tum quia distantia ad summum potest impedire actiones corporeas, quæ non abstrahunt à quantitate, situ, loco, & tempore, quales non sunt cognitiones intellectuales.

Dices primò: motus exteriores sunt

sunt liberi non minus, ac sint cogitationes cordis; sed illi cognoscuntur naturaliter, ergo etiam istæ. & esse disparē rationem; cogitationes enim cordis sunt à potentia radicaliter libera, & habent necessariam connexionem cum actu voluntatis formaliter libero, tamquam regula cū regulato, & radix libertatis cum libertate, & tamquam ratio cognoscendi cum re cognita; unde ita coniunguntur cum actu libero, ut sine illis ite esse non possit, ac proinde quasi constituunt vnum cum illo, denique non habent connexionem cū causa naturali; vnde participant suo modo conditionem actus liberi voluntatis: non est sic de motu exteriori, qui licet sit ut plurimum actus liberè imperatus à voluntate, ipsa tamen potentia loco motiva nec est formaliter, aut radicaliter libera, nec motus eius est regula, aut radix libertatis, nec aliam continet rationē libertatis, nisi ut effectus à causa, & signi ad significatum; vnde ad summum est ratio cognoscendi à posteriori actum liberum imperantem, quod iam supra concessum est; non verò sufficiens argumentum, quod si ipse cognoscitur naturaliter, & ipsæ cogitationes cordis debeant cognosci naturaliter.

Dices secundò: Si cogitationes, & secreta cordium idèò sunt incognita, quia sunt libera, etiam ea, quæ procedunt ex libero arbitrio Dei,


deberent esse incognita, qualia sunt existentia Angeli, & animæ rationalis, motus cæli, & similia; sed hæc naturaliter cognoscuntur etiam in ratione effectus liberè procedentis à Deo; ergo etiam illa poterunt naturaliter cognosci. & Deum in productione Angeli, & animæ rationalis &c. liberè quidem operari; sed nihilominus se habere admodum causæ naturalis, nam illa eodem modo producit, ac produceret, si esset agens ex necessitate naturæ. Quo pacto Canus lib. 2. de locis Theologicis cap. 4. ad 8. & Sorus lib. primo de Natura, & gratia cap. 8. dicunt, idèò Deum non esse causam peccati, quia non concurrat ut agens morale; sed ut agens naturale; idem dicendum de motu cæli, de iactu lapidis, & similibus, nam motus localis non est ex se actus vitalis, si præscindatur à cognitione, & appetitu; nam eodem modo fieri possent à nō cognoscente. Adde, quod non omnis libertas cōstituit rem extra obiectum intellectus Angelici; sed solum libertas actus vitalis intrinseci, siue formalis, siue radicalis naturæ intellectualis, & idèò potest Angelus cognoscere loquutionem liberam externam, & consequenter res omnes naturales liberè factas secundum suam substantiam.

Dices tertio: Actio libera existens extra causam habet statum determinatum, & naturalem; res enim, dum

dum est, non potest non esse; ergò naturaliter potest cognosci. R. cogitationem, seu affectionem liberam, e iam quando est extra suas causas, esse liberam, quia est à potentia, quæ poterat illam producere, & non producere; & consequenter potuit in illo instanti non esse, & post illud instans potest non esse: habere tamen determinationem status; quæ non repugnat libertati: ratione cuius libertatis necesse est, ut lateat, nisi ipsemet operans, aut Deus eam manifestet propter rationes supradictas.

Dices quartò: quod est intelligibile Angelis est tale respectu cuiuscumque intellectus Angelici; ergò si cogitationes, & secreta cordium sunt intelligibilia, erunt etiã talia respectu eiusdem, cuius sunt secreta, & cogitationes; quod tamen patet ex nostra experientia esse falsum. R. non dici à nobis absolute illa secreta esse intelligibilia in se, sed esse in intelligibilia naturaliter alijs ab eo, cuius sunt secreta, & cogitationes; propterea enim S. Paulus Epist. 1. ad Corint. cap. 2. excludit ipsum producentem, cum ait, *quæ verò sunt hominis nemo novit, nisi Spiritus hominis qui in ipso est.*

Dices quintò: Dæmones accusant nos apud Deum de nostris cogitationibus, & affectionibus voluntatis malis, & ex illis sumunt occasionem tentandi nos; propterea enim dicuntur incentores malorum, & immittere cogitationes malas, iuxta illud Psalmi, *inmissiones per Angelos malos*; ergò naturaliter cognoscunt secreta cordium, & nostras liberas, quantumvis occultas cogitationes, R. cum S. Tho. loco supracitato in Responsionibus ad quintum, sextum, & septimum, Dæmones posse solum cognoscere internos animi motus liberos ex signis corporalibus exterioribus, ut ex immutatione vultus, & similibus, iuxta vulgatum illud, *in vultu legitur secreta hominis voluntas*; quemadmodum ex pulsu motus cordis, & animæ passionibus cognoscuntur à medicis. Dicuntur autem incentores malorum, non ex eo, quod immediate agant in intellectum, & voluntatem; hoc enim eis non convenit; sed quia in pœnam peccati originalis permittuntur agere in phantasia eam immutando varijs modis, componendo phantasmata, ac etiã faciendo feruere sanguinem, quo pacto anima ad concupiscendum disponitur.



AXIOMA SEPTIMUM.

De Cognitione, quam habent Angeli de mysterijs gratia.

Ex Lib. 5. de Genesi ad Litteram Cap. 19.

Nuncij autem gracie Angeli dicuntur, quo nomine generali uniuersa illa superna Ciuitas nuncupatur, quem primum diem conditum existimamus: nam nec illud eos latuit mysterium Regni calorum, quod opportuno tempore reuelatum est pro salute nostra, quo ex hac peregrinatione liberati eorum ceteri coniungamur. Neque hoc ignorarent, quandoquidem ipsum semen, quod opportuno tempore aduenit, per ipsos dispositum est in manu mediatoris, idest in eius potestate, qui Dominus eorum est, & in forma Dei, & in forma serui. Dicit item Apostolus: mihi enim minimo omnium Sanctorum data est gratia hac, annunciare in gentibus inuestigabiles diuitias Christi, & illuminare, quae sit dispositio, & dispensatio Sacramenti, quod fuit absconditum a saeculis in Deo, qui uniuersa creauit, ut innotesceret Principibus, & potestatibus in caelestibus per Ecclesiam multiformis Sapientia Dei, secundum propositum saeculorum, quam fecit in Christo Iesus Domino nostro. Sic ergo fuit hoc absconditum a saeculis in Deo, ut tamen innotescat Principibus, & Potestatibus in caelestibus per Ecclesiam multiformis Sapientia Dei.

D V B I V M

Vtrum Angeli naturaliter cognoscant
mysteria gratiae, antequam fiant, vel
postquam facta sunt.

Non loquimur hic de mysterio Sanctissimae Trinitatis, ut patet ex verbis quaesiti; nam hoc mysterium non est factum, & constat ex

dictis in Controuersijs de hoc Arcano, illud non posse naturaliter nec ab homine, nec ab Angelo cognosci. Est ergo difficultas de operibus super-

supernaturalibus ad extra, quæ sunt in duplici differentia. Alia enim sunt solum supernaturalia ratione operationis, seu actionis, qualia sunt visus cæco restitutus, granum in horreo miraculose productum, vinum in Cana Galilee nuptijs ex aqua factum, & similia. Alia verò sunt etiã supernaturalia ratione termini, qui produciuntur, vel quia etiam res, quæ produciuntur, est supernaturalis in sua entitate, vt incarnatio, gratia, habitus virtutum Theologalium: aliqui addunt supernaturalia quoad modum tantum, qualia dicunt esse existentiam corporis Christi in Sanctissimo Eucharistiæ Sacramento, & existentiam accidentium in eodem sinè subiecto. Qui idcirco addunt hoc tertium membrum; quia putant dari entitates purè modales, quæ scilicet non possunt nec diuinitus existere, separatæ à subiecto, licet subiectum possit esse sinè illis. Verum, cum huiusmodi entitates reiecerim, tamquã superfluas, tum in Philosophia, tum in Theologia in Axiomatibus metaphysicis cap. de diuisionibus entis; manet ratione talis entitatis modalis non esse peculiarem difficultatem in mea sententia; quod si aliundè est aliquid difficile ad soluendum pro hoc Sanctissimo mysterio, infra dicetur: his positis,

Duc sunt in hoc puncto elebriores Theol. sententiæ. Prima est Scoti in 4. dist. 10. qu. 8. affirmantis

Angelos posse naturaliter cognoscere mysteria gratiæ, quando illa contingunt actu. Addit tamen in eadẽ quæstione in Responsione ad tertium Angelos malos diuinitus impediri, quo minus ea mysteria cognoscant, vt alioquin naturaliter possent.

Secunda Sententia est Sancti Thomæ prima parte qu. 57. artic. 5. Cælesti ibi, & aliorum Thomistarum; qui docent quæcumque mysteria gratiæ supernaturalia in vniuersum non posse ab Angelis propria virtute cognosci. Vasquez tom. 2. in tertiam partem disp. 114. cap. primo paragrapho 7. refert sententiam Durandi pro 3. opinione, qui in quarto dist. 10. qu. 4. num. 6. partim videtur sentire cum prima, partim cum secunda sententia. Verum quia iste ibi loquitur solum de mysterio Sanctissimæ Eucharistiæ, & in puncto principali conuenit cum S. Tho. nẽpe Angelos non posse propria virtute cognoscere vlla mysteria, quæ sint in substantia ordinis supernaturalis: ideo sisto solum in examine duarum priorum opinionum. &

Dico primò: cum S. Thoma loco citato. Angelos non posse solo naturali lumine cognoscere effectus supernaturales re ipsa esse futuros. Et probatur, quia tales effectus non pendent à causis naturalibus, sed ex libera Dei voluntate; quæ non innotescit, nisi ipse reuelat, & si reuelat; iam illud reuelatum non cognoscitur

tur virtute propria naturali; quo pacto etiam idem Angelicus Doctor ibi arguit à minori ad maius: si Angeli non possunt cognoscere liberas cogitationes aliorum; multò minus poterunt cognoscere libera Dei decreta circa res futuras; prout arguit etiam Apostolus in Epist. prima ad Corinth. cap. 2. v. 11. ut in præcedenti dubio vidimus.

Dico secundo: naturaliter posse Angelos cognoscere aliquos effectus supernaturales esse possibiles; non tamen omnes. Prima pars probatur ex illis effectibus, qui sunt supernaturales solù ratione modi operandi, siuè impediendi operationes naturales: Naturaliter enim cognoscit Angelus Deum esse omnipotentem, ac proinde posse mortuos ad vitam reuocare; sic etiam cognoscit posse se ipso supplere causalitatem causarum secundarum, & consequenter posse reddere visum cæcis, claudis facultatem ambulandi, & similia; ac etiam posse se solo femina, & alia naturalia producere. Item naturaliter scit causas secundas in omni sua operatione indigere actuali Dei cōcursu, ac proinde ei possibile fuisse seruare illa corpora in igne, & similia. Secunda pars probatur ex illis effectibus, qui sunt supernaturales in termino, ut sunt incarnatio, iustificatio impij, infusio virtutū Theologicalium, & similia; huiusmodi enim effectus, cum non habeant necessa-

riam connexionem neque cum effectu, neque cum causis naturalibus naturali modo operantibus, non habet Angelus motum, à quo naturalis eius virtus cognoscitiua ducatur euidenter in cognitionem possibilitatis talium effectuum; & si quando aliquid de illis vaticinati fuerit, Dæmones, ut de incarnatione Dominica fertur, multò ante à quodam Dæmone vaticinatum; hoc non cognitioni naturali virtute sua connaturali habitæ referendum est; sed vel dependenter à cognitione illa quæ supponitur illis facta, quando erant viatores, vel ad notitiam habitam, ex Sacris Scripturis.

Dices: Angelos naturaliter posse cognoscere Incarnationem, & alia huiusmodi mysteria non implicare contradictionem; ergò possunt naturaliter cognoscere illa esse possibilia. Antecedens probatur, quia naturaliter possunt soluere omnia argumenta, quæ possunt fieri in contrarium. & communiter Angelum posse soluere argumenta negatiuè, non tamen positiuè, id est posse negare principia ab aduersario allata; eo quod non conuincant intellectum certò, & euidenter ad sui assensum; non tamen posset adducere principia contraria euidenter sibi cognita, quibus posset demonstrare illa mysteria esse possibilia. Si dicas Angelum comprehendere naturaliter humanam naturam, & consequenter naturali-

ter cognoscere posse spoliari propria sustentia, & subsistere sustentia aliena; ergo naturaliter potest cognoscere incarnationem esse possibilem; Respondent communiter ad naturalem comprehensionem sufficere, vt Angelus naturaliter cognoscat ea omnia, quæ naturaliter possunt fieri circa naturam humanam; ad quod non requiritur, vt cognoscat ea omnia, quæ secundum capacitatem obbedientialem Deus potest operari in ea, cuiusmodi est subsistere sustentia aliena, & maxime diuina.

Dico tertio: probabile esse ab omnibus omnino Angelis, quando fuerunt viatores, fuisse cognitum mysterium Sanctissimæ Incarnationis per fidem supernaturalem, per quam verissime fuisse eis reuelatum, fore, vt filius Dei sumeret carnem humanam, & homo factus redimeret genus humanum, licet non quoad particulares circumstantias, & modum Redemptionis. Probant aliqui cum Valentia tomo primo disp. 4. qu. 8. puncto quarto paragrapho, & quidem Auctoritate S. P. quæ habetur in Axiomate; in qua licet hoc omnino explicitè non habeatur, videtur tamen implicitè hoc doceri. Probant secundo alij cum eodem ibi ex eo, quod Angeli ab initio acceperint gratiam propter merita Christi, & consequenter consentaneum videtur, vt cognoscerent illud,

cuius beneficio, & intuitu eam consequuti fuerant; Sed hoc argumentum in Scholis SS. DD. Augustini, & Thomæ nõ conuincit, in quibus ex mente horum Sanctorum docetur, eos habuisse gratiam ex liberalitate Dei, non verò ex meritis Christi. Probatur tertio: & fortius; quia, vt asserit etiam S. Thomas 2. secundæ qu. 2. artic. 7. Primo homini hoc reuelatum fuit in statu innocentie, & colligitur ex verbis Apostoli ad Eph. cap. 5. vbi insinuans Adamum dixisse illud Gen. 2. *hoc nunc hos ex ossibus meis, & caro de carne mea;* subiungit; Sacramentum illud fuisse magnum in Christo, & in Ecclesia; idest, vt explicat communiter interpretes; quasi Prophetice intueretur coniunctionem Christi cum Ecclesia: Quod si inferiori naturæ hoc fuit reuelatum, videtur etiam a fortiori superiori naturæ hoc fuisse manifestatum; Et certe verba illa Diaboli ad Christum Dominum in deserto: *Si Filius Dei es indicant illum aliquam habuisse de hoc mysterio cognitionem.* De Angelis Beatis expressè docet S. Thomas prima parte qu. 57. artic. 5. ab initio habuisse huius mysterij aliquam cognitionem in communi, eo quod, vt habetur in Epist. ad Hebr. cap. primo, *omnes sunt administratores spiritus propter eos, qui hereditatem capiunt salutis;* & propterea conueniebat, vt ab initio aliquam haberent de eo cognitionem; cum hoc ad eò-

rum statum pertineret.

Dices Origenem tract. 5. in Matt. S. Io. Cryostomū hom. 14. in Ioannem, & homilia 3. in Epist. ad Eph. in illud. *Vt innotescat Principibus, & potestatibus per Ecclesiam multiformis gratia Dei*; Theodoretum, Oecumenium, & Theophilactum in eundem locum, ac etiam S. Hieronymū in commentarijs Isaiaē ad illa verba. *quis, est iste, qui venit de Edom?* & S. Ambrosium in lib. de instir. Virg. cap. quintō docuisse hoc mysterium fuisse planē ignotum omnibus Angelis, antequam re ipsa contingeret, & per Apostolos prädicaretur. Be. cum S. Thoma loco citato, & cum S. Dionysio lib. de Cælesti Hierarchia cap. 7. Angelos cognouisse quidem illum futurum quoad substantiam, non tamen habuisse perspectas circumstantias particulares futuræ Redemptionis hominum. Non desunt tamen Doctores, qui dicunt Angelos quidem superiores à principio illud cognouisse, non tamen Angelos inferiores; quibus omninō ignotū fuisse à principio etiam Beatitudinis sentiunt Magister in secundo dist. 11. paragrapho *His autem videtur*. Haymo in illud idem caput tertium ad Ephes. ab eodem Magistro ibidem relatus; & Alensis parte secunda qu. 26. membro primo. Verum sententia S. Thomæ loco citato, quod omnibus omninō Angelis Beatis fuerit ab initio reuelatum,

coquod sit generale officiū, ad quod omnia eorum officia ordinantur; licet: quoad speciales condiciones nō omnes à principio fuerint edocti, videtur comunior, & magis conformis menti S. P. Augustini, vt habes in Axiomate, qui licet hoc explicitē omninō non dicat, eius tamen verba magis fauent sententiæ huic Sancti Thomæ, quam oppositæ. De hoc videndus est etiam Angelicus Doctor qu. 64. primæ partis artic. primo ad 4. vbi ait, *quod mysterium Regni Dei, quod est impletum per Christum omnes quidem Angeli à principio aliquo modo cognouerunt, maximē ex quo Beati ficati sunt visione Verbi, quam Demones nunquam habuerunt; non tamen omnes Angeli cognouerunt perfectē, neque aqualiter. Vnde Demones multo minus Christo existente in mundo perfectē Mysterium incarnationis cognouerunt: non enim innotuit eis, vt Augustinus ait lib. 9. de Ciuitate Dei cap. 21. sicut Angelis Sanctis, qui Verbi participata æternitate perfruuntur; sed eis terrendis innotescendum fuit per quadam temporalia effecta; si enim perfectē, & per certitudinem cognouissent ipsum esse Filium Dei, & effectum passionis eius, nunquam Dominum gloria crucifigi procurassent.* Hoc idem clarē antea docuerat S. P. loco hīc à S. Thomā citato, vbi ait: *Ipsi autem Demones etiam hoc ita sciunt, vt eidem Domino infirmitate carnis induto dixerint;*
quid

quid nobis, & tibi Iesu Nazarenæ? Venisti ante tempus perdere nos? Clarum est in his verbis, quod in eis, & tanta scientia erat, & Charitas non erat, Pa-
nam quippe suam in illo formidabant ab illo, non in illo iustitiam diligebant. Tantum vero eis innotuit, quantum voluit; tantum autem voluit, quantum oportuit. Sed sic innotuit, non sicut Angelis Sanctis, qui eius, secundum id, quod Des verbum est, participata aternitate perfruntur, sed sicut eis terrendis innotescendum fuit, ex quorum tyrannica quodammodo potestate fuerat liberaturus predestinatos in suum Regnum, & gloriam semper veracem, & veraciter sempiternam. Innotuit; ergo Damonibus non per id, quod est vita aterna, & lumen incommutabile, quod illuminat pios, cui videndo per fidem, qua in illo est, corda mundantur: sed per quadam sue temporalis virtutis effecta, & occultissima signa presentis, qua Angelicis sensibus etiam malignorum spirituum potius, quam infirmitati hominum possent esse conspicua. Denique quando ea paululum suppressenda iudicavit, & aliquantò altius latuit dubitavit de illo Damonum Princeps, eumque tentavit, an Christus esset, explorans, quantum se tentari ipse permissis, ut hominem, quem geribat, ad nostra imitationis temperaret exemplum. Post illam verò tentationem, cum Angeli, sicut scriptum est, ministrarent ei boni usque, ac Sancti, ac per hoc Spiriti-

bns immundis metuendi, & tremendi, magis, magisque innotescebat Damonibus, quantus esset, ut ei iubenti, quamvis in illo contemptibilis videretur carnis infirmitas, resistere nullus auderet. Ex quibus patet, de mente Sancti Patris esse, Angelis Sanctis innotuisse certò, & infallibiliter ex vi Beatificæ visionis hoc Sacrosanctum Incarnationis mysterium. Damonibus verò non nisi per temporalia signa, & effecta. Et hoc etiam modo intelligenda sunt ea, quæ docet in libro 5. de Genesio ad litteram cap. 19. ubi per extensum loquitur de cognitione huius mysterij habita ab Angelis.

Dico quartò: posse Angelos naturaliter clarè, distinctè, & evidenter cognoscere effectus illos, qui solum supernaturales sunt in modo, quo producantur, in entitate autem sunt naturales, ita tamen ut cognoscant quidem evidenter, modo quodam supernaturali illos esse productos, licet non videant clarè, & perspicuè modum illum supernaturalem. Prima pars probatur, quia tales effectus sunt ordinis naturalis in sua entitate, & consequenter continentur intra latitudinem obiecti naturaliter cognoscibilis; ex quo ulterius sit, ut cum vident hominem antea mortuum, postea vivum; antea omninò cæcum, & postea videntem, & sciant certò non dari naturaliter regressus à talibus privationibus,

consequenter cognoscant omnino necessarium esse, quod supernaturali modo sit factum. Secunda etiam pars probatur, quia modus ille, cum sit ordinis naturalis est: extra latitudinem obiecti naturaliter cognoscibilis; & propterea non potest eui denter, & intuitivè viribus naturæ cognosci, sicut cognoscitur ipsa entitas, ad quam terminatur talis productio.

¶ Dico quinto: Angelos naturali virtute non posse clarè, & distinctè intueri illos effectus, qui sunt supernaturales in entitate, seu in termino. Sequitur ex dictis. Primo, quia tales effectus supernaturales in entitate sunt altioris ordinis superantes capacitatem naturalem intellectus. Secundò: quia lumen naturale intellectus Angelici non habet naturalem ordinem ad tale obiectum, nec possunt naturaliter habere species, quæ representet effectus supernaturales, prout sunt in se. Tertiò: quia alioquin Dæmon posset virtute naturalivideri in anima hominis gratiam supernaturalem, & habitus infusos; quod est expressè contra S. P. N. Augustinum, qui lib. 12. de Genesi ad litteram cap. 17. ait. *Certissimis tamen indicijs apud nos constitit enunciatas à Dæmonibus cogitationes hominum; qui tamen si virtutum internam speciem possent in hominibus cernere, non sentirent: sicut illam in Job nobilem, ac mirabilem patientiam procul*

dubio si posset Diabolus cernere, nollet à tentato usque superari. Non cognoscit igitur Diabolus virtute naturali effectus, qui sunt supernaturales in sua entitate.

Dices: Angelus naturaliter cognoscit substantiam alterius Angeli; ergò etià cognoscit naturaliter gratiam, & virtutes supernaturales: antecedens est certum, consequentia probatur, quia substantia spiritalis est perfectior quocumque accidente, etiam spiritali, & supernaturali; ergò si Angelus naturaliter potest cognoscere substantiam, quæ est perfectior, poterit etiam cognoscere accidens, quod non est ita perfectum; qui enim potest maius, potest etiam minus. R. quod licet substantia sit perfectior in genere entis, non est tamen perfectior accidente spiritali supernaturali in ratione ordinis. Supernaturale enim excedit in ordine quodcumque ens naturale, & ideo est extra obiectum naturale intellectus, etiam Angelici. Axioma illud intelligitur intra eundem ordinem; nam extra ipsum ordinem regulariter non tenet consequentia; ut si dicas homo potest intelligere; ergò etiam potest volare, quia hoc est minus, quam illud: non sequitur, quia fit transitus de vno ad alium ordinem; & in hoc militat regula iuris peritiorum; *A diversis non fit illatio.*

¶ Dico Sextò: Angelos nec etiam notitiâ abstractivâ per signa, & effectus

ctus, quæ naturaliter intuentur, posse euidenter cognoscere prædictos effectus in sua entitate supernaturalis. Probat, quia nullum est signum, aut effectus naturaliter cognitus ab Angelo, qui habeat necessariam connexionem cum hoc, aut illo effectu supernaturali. Ergo ex eo, quod Angeli clarè videant aliquem effectum naturalem, aut signum, non possunt euidenter, & distinctè concludere, quod illi sit connexus talis, vel talis effectus entitatis supernaturalis, quod magis clarum fiet ex Responsionibus ad argumenta. Admittitur tamen cognitio euidens euidencia in attestante; ut si vnus Angelus alteri significaret Incarnationem esse factam, alter posset habere euidenciam ex parte dicentis, siuè attestantis; maxime si iste aliundè certò, & euidenter sciret illum non posse mentiri; quemadmodum Diabolus scit Angelos Beatos non posse.

Dices primò: cum Scoto loco citato, Nulla res creata est intrinsecè supernaturalis à parte rei; sed omnia, quæ creantur, quando sunt à parte rei, sunt naturalia; ergo sicut Angelus naturaliter potest cognoscere omnia alia entia naturalia, quando sunt in re, quia tunc sunt naturalia intrinsecè, ita etiam poterit cognoscere eos effectus, qui à nobis dicuntur supernaturales. Minor probatur, quia huiusmodi effectus sunt omnes entia finita, & solum dicuntur supernatu-

ralia extrinsecè per respectum ad causam efficientem, quatenus scilicet non possunt produci ab agente creato; ergo omnia, quæ sunt extra Deum, sunt entia naturalia. Confirmari etiam potest ex eo, quod, cum loquimur de essentia cuiuscunque rei, siuè sit ex numero earum, quas naturales, siuè earum, quas supernaturales dicimus, eam naturæ nomine appellamus. & falsum esse, quod nihil sit à parte rei, quod sit supernaturale intrinsecè; datur enim entitatis gradus altioris ordinis ex genere suo, quam sit quodcumque ens naturale, cuiusmodi sunt gratia Dei, habitus virtutum Theologicarum, Visio Beatifica, & similia, quæ non solum dicuntur supernaturalia, quia in modo producendi supernaturaliter fiunt, ut illuminatio cæci, vel suscitatio mortui; sed etiam, quia entitas eius talis naturæ est, ut petat ab intrinseco, & ratione suorum prædicatorum essentialium fieri à solo Deo, ut Auctore gratiæ, quem respiciunt non ut finem naturalem, sed supernaturalem, & consequenter ut agens supra omnem exigentiam creaturæ. Decipitur ergo Scotus, dum putat ad supernaturale intrinsecè requiri infinitatem, & omnia finita esse entia naturalia. Ad Confirmationem. & Nomina esse ad placitum, & quandoque defectu vocabulorum nos vsurpare quæ possumus ad exprimendos nostros conceptus; quod aduer-

tentes aliqui recentiores nomen naturæ solum attribuunt entibus de prædicamento substantiæ ut potè quæ re vera sunt principia motus, & quietis; cæteris verò solum nomina entis naturalis, si ei sunt debita ex suis intrinsecis principijs; vel entis supernaturalis, si sunt supra omnem exigentiam ipsius; & hoc acutè; nam reuera accidentia in rigore philosophico sunt entis entia; Quapropter cum non detur, nec dari possit substantia supernaturalis, accidentia, quæ tribuuntur ipsi substantiæ, erūt vel naturalia, vel supernaturalia intrinsecè iuxta diuersitatem prædicatorum essentialium ipsorum, & differentiam assignatam.

Dices secundò: Angeli naturaliter cognoscunt substantiam panis, quando adest ante consecrationem sub speciebus; ergò etiam naturaliter cognoscunt absentiam illius post consecrationem, & consequenter aliquid supernaturale; supernaturale enim est, quod accidentia existant sine subiecto. Probatur consequentia. Per eandem speciem, qua aliquis cognoscit præsentiam alicuius, quando est, cognoscit etiam absentiam eius, quando non est: Eiusdem enim potètiæ est cognoscere lucem, & tenebras; ut communiter loquuntur Philosophi; ergò per eandem speciem naturalem, per quam cognoscit Angelus substantiam panis, quando est, cognoscit etiam absen-

tiam illius, quando non est. R. huius argumento, ex pluribus, quæ possunt considerari in hoc mysterio, Angelum aliqua cognoscere naturaliter, aliqua verò non. Primò cognoscit non adesse substantiam panis propter rationes dictas, & quia carentia illa non est ordinis supernaturalis. Secundò: cognoscit accidentia esse sine subiecto; nam & ipsa accidentia sunt ordinis naturalis, & consequenter cognoscit illa, quando præsentia sunt, ac proinde illa esse sine subiecto; cognoscit enim naturaliter non esse ibi subiectum. Tertium quod ibi consideratur, est Corpus Christi existens sub illis speciebus, de quo est difficultas, an illud naturaliter cognoscat. Aliqui affirmant, eo quod Corpus Christi Domini secundum se spectatum est res naturalis, ac proinde videtur dicendum naturaliter posse cognosci intuituè ab Angelo. Alij negant, eo quod sit ibi præsens nouo quodam modo, nempe totum in toto, & totum in qualibet parte, quod sicut non potest esse obiectum naturale oculi, ita nec etiam intellectus. Respondent tamen communiter Scotistæ, etià hoc posse intelligi naturaliter ab Angelo; eo quod Angelus imprimè cognoscit quantitatem, & passionem eius, extensionem scilicet in ordine ad locum; ergò etiam cognoscit absentiam eius, & consequenter cognoscat Corpus Christi existere indiuisibiliter, & sine

sinè extensione. Ad confirmationē Respondent, quod non est par ratio de oculo, & de intellectu; nam sub obiecto naturali intellectus, continetur aliquid, quod est totum in toto, & totum in qualibet parte, ut est quælibet substantia spiritualis: non sic sub obiecto oculi corporei, sub quo continentur solummodo ea, quæ extenduntur in ordine ad locum, ita ut solum pars correspondeat parti loci, non autem totum cuilibet parti. Quarta: dicendum est non cognoscere Angelum naturaliter modum, quo desijt panis; cum enim desinat per transubstantiationem, quæ est actio supernaturalis in sua entitate, non potest esse obiectum naturale intellectus ipsius. Quinta: propter eandem rationem dicendum est non cognoscere modum, quo accidentia existunt sinè subiecto, eoquod etiā ille modus est supernaturalis ex parte termini. Sic nec etiam cognoscit Corpus Christi Domini esse unitum hypostaticè Verbo Divino, nec etiā eum habere vim producendi gratiam; vis enim illa pender ex mera voluntate Dei. Hæc clariora fient ex infra dicendis.

Dices tertio: Angeli naturaliter cognoscunt humanitatem Christi Domini carere propria substantia; ergo cognoscunt eam subsistere substantia aliena; sed sciunt non subsistere substantia creata, siuè humana, siuè Angelica; ergo euidenter

colligunt eam subsistere substantia Divina. Antecedens est certum ex dictis, nam habitus, & privatio sunt eiusdem ordinis respectu cognitionis; ergo absentia substantiæ est eiusdem ordinis cum substantia; ergo si Angelus cognoscit substantiam humanam, quando præsens est, cognoscit etiam eius carentiam. Prima consequentia probatur, quia sciunt non dari in rerum natura substantiam, quæ aliqua substantia non subsistat. Quod verò sciunt non subsistere alia substantia creata, angelica, vel humana, est certum, quia substantias creatas, cum sint res naturales, naturaliter cognoscunt, & vident, & cum nulla talis ibi sit, nullam creatam vident, & consequenter necessariò inferunt subsistere substantia diuinam, & communiter, quod licet Angelus naturaliter cognoscat humanitatem illam carere propria substantia, nihilominus non potest naturaliter esse certus, an illa substantia suppleatur per substantiam diuinam, an verò per efficientiam extraordinariam. Præterea dato etiā, quod suspicaretur, an esset ibi substantia diuina, non posset cognoscere, quod illa substantia sit relatiua; nam ad hoc requiritur necessariò cognitio mysterij Sanctissimæ Trinitatis, quæ naturaliter non potest haberi nec ab homine, nec ab Angelo; & sic si Angelus in puris naturalibus vellet ferre iudicium, necessariò er-

raret; Vnde licet, eadem hæc argumenta inducerent Dæmonem in magnam suspicionem Diuinitatis Christi Domini, quam etiam augebant aliæ coniecturæ; non habebat tamen certam euidentiā.

Dices quartò: Angelos naturaliter intellexisse Beatissimam Virginē fuisse Virginem ante partum, in partu, & post partum; Videbant enim illius integritatem semper eodem modo se habere; sed hoc est quoddam mysterium in sua entitate super naturale; ergò naturaliter scire potuerunt mysteria etiam in sua entitate supernaturalia. Respondet Gregorius de Valentia tomo primo disput. 4. qu. 8. puncto 6. paragrapho ad secundum concedendo naturaliter nouisse Angelum Beatam Virginem fuisse Virginem etiam in partu, & post partum; eoquod si ipsa naturaliter hoc sciebat; multò magis hoc Angelus scire poterat; sed hoc (ait ille) propriè loquendo non fuit aliquod supernaturale intrinsecè; sed quatenus per diuinam virtutem fuit præter id, quod debuit naturaliter euenire: Cæterum Angelum non cognouisse in B. Virgine permansisse virtutem supernaturalem Castitatis, & Temperantiæ infusæ, eoquod ista sint supernaturalia intrinsecè. Quod si dicas Virginitatem hanc Beatissimæ Virginis esse articulum fidei, ac proindè in numero entium supernaturalium; Respondet Idem

Auctor dari etiam alios articulos fidei de rebus quibusdam naturalibus, sed nobis minimè notis per euidentiā. Puto tamen his non obstantibus Dæmonem de facto (quidquid sit de possibili) non cognouisse hoc mysterium, Moueor ex Auctoritate Sancti Hieronymi lib. primo Commentariorum in caput primum Matthei, & Sancti Ignatii Martiris, quem S. Doctor ibi adducit, & ait. *Martir Ignatius etiam quartam addit causam, cur à desponsata conceptus sit: ut partus, inquit, eius calaretur Diabolo, dum eum putat non de Virgine, sed de Vxore generatum.*

Dices quinto: Angelum euidenter scire hominem sinè gratia Dei non posse cognoscere veritates reuelatas à Deo sine errore, aut seruare omnia præcepta per solas vires naturales; ergò quando videt hominem hæc præstare, euidenter cognoscit illum habere fidem, & gratiam. R. primo Angelos seclusa omni reuelatione, & testificatione nihil cognoscere de præceptis, vel articulis fidei supernaturalibus. Secundo nec etiam posse scire actus fidei, & obseruantię præceptorum supernaturalium; nam tales actus sunt in sua entitate supernaturales, ac proindè extra spheram obiecti naturaliter cognoscibilis ab Angelo. Dices posse eis manifestari per signa ab homine. R. tunc habiturum fidem naturalem, vel suspicionē de illis ad summum,

num, quibus potest subesse falsum. Denique dato, & nō concesso, quod cognosceret illos actus, adhuc non sciret certò, an prouenirent ab habitibus supernaturalibus, vel alio modo producerentur, per cōcursum scilicet extraordinarium Dei.

Dices sextò: Angelus naturaliter cognoscit existentiam peccati contra legem naturæ in anima peccatoris: hoc enim est aliquid ordinis naturalis; sed hoc peccatum non tollitur, nisi per gratiam supernaturalem; ergò quando videt amplius non existere, euidenter cognoscit esse ibi gratiam supernaturalem. R. primo non esse certum, quod videat tale peccatum in anima; nam potest dici esse eandem rationem de macula peccati, ac de actibus internis. R. secundo etiam dato, quod illud videret primò, & postea, cum sublatum esset, illud non videret amplius, nō tamen inde sequi, quod certò naturaliter sciret, hoc esse factum per gratiam supernaturalem; sed ad sum-

um, quod dubitaret de modo, quo sublatum fuit.

Dices septimo: Omnes Angeli; quando fuerunt viatores euidenter cognouerunt suos actus supernaturales Fidei, Spei, & Charitatis per lumen naturale; ergò per vires naturales cognoscunt aliquod obiectum in sua entitate supernaturale. Probatur antecedens, quia & experiebantur actu se illos habere; & non erat aliud lumen, nisi naturale, per quod euidenter illos possent cognoscere; nam lumen fidei non ostendit euidenter, sed obscurè sua obiecta; & non erat aliud lumen in eis, præter lumen naturale, & lumen fidei supernaturalis, vt patet. R. quod quemadmodum nos non habemus lumen, quod naturaliter, & euidenter nobis ostendat nostros actus supernaturales, ita nec etiam Angeli; Nec obstat experientia, nam etiam nos experimur eos & tamen non cognoscimus eos euidenter,

AXIOMA OCTAVVM.

De loquutione Angelorum.

Ex Libr. 16. de Ciuit. Dei. Cap. 6.

NON sic loquitur Angelis Deus, quomodo nos loquimur nobis, vel Deo vel Angelis, vel ipsi Angeli nobis, sinè per illos Deus nobis; sed ineffabilis suo modo; nobis autem hoc indicatur nostro modo. Dei quippe sublimior

autem suum factum locutio ipsius sui facti est immutabilis ratio, quæ non habet sonum strepentem, atque transeuntem, sed vim sempiternè in mentem, & temporaliter operantem: hac loquitur Angelis Sanctis, nobis autem aliter longè possit. Quando autem etiam nos aliquid talis locutionis interioribus auribus capimus, Angelis propinquamus.

Licet Axioma istud non sit directè de locutionibus Angelorum inter se, sed de locutione Dei ad Angelos, & ad nos; in quo incidenter tangitur locutio Angelorum ad nos; nihilominus, & quia proportionaliter ad has investiganda est illa Angelorum inter se, & quia nèn habeo ad manus expressiorem locum S. Patris; idcirco hunc posui, ut servata proportionè intelligatur, quid de ipsa spiritali locutione Spirituum dicendum sit. Quam indicavit etiam Sanctus Pater, lib. 15, de Trinitate cap. 10, ubi ait. *Nec tamen quia dicimus locutiones cordis esse cogitationes, idè non sunt etiam visiones exterioræ de nostris visionibus, quando vera sunt, foris enim, cum per corpus hac finis, aliud est locutio aliud visio intus autem cum cogitamus, utrumque unum est, sicut auditio, & visio duo quedam sunt inter se distantia in sensibus corporis, in animo autem non est aliud, atque aliud videre, & audire, & per hoc cum locutio foris non videatur, sed potius audiatur, locutiones tamen interiores, hoc est cogitationes, visas dixit à Domino S. Evangelium, &c.*

D V B I V M.

Quomodo Angeli loquantur inter se.

P Ræmitto hic, quod communiter à Theologis, ut certum de fide supponitur; nempe in Angelis esse locutionem, quod in Scripturis Sacris expressè habetur: Nam Ezechielis cap. 2. dicitur: *Eccè Angelus, qui loquebatur in me egrediebatur, & in Apoc. cap. 7. narratur quod vnus Angelus clamabat ad quatuor alios*

Angelos, & in Epist. Iudæ Apostoli habetur quod Michael cum Diabolo disputans altercaretur de Moyse corpore; licet posset aliquis duo priora loca exponere de locutionibus corporeis, vocibus in aere formatis; eo quod prædicti Angeli in figuræ corporea dictis Prophetis apparuerint, & verè tali modo in corporibus assum-

assumptis loqui, possint: nihilo minus ex illis iam constat, dari in Angelis aliquam virtutem, & modum loquendi, & ex tertio loco apertè habetur esse inter ipsos Angelos locutiones proprias Spirituales quod expressè habetur Epist. prima ad Corinth. cap. 13. *Si linguis hominum loquar, & Angelorum: vbi S. Ioannes Crysostrmus ait dici ab Apostolo linguam Angelorum non qua sit corpora; sed qua ipsi Angeli utuntur.* Hanc eadem sententiam docuerat S. Basilius homil. in cap. 10. Ioannis, & in expositione prædicti loci Apostoli docent Theodoretus, S. Anselmus Oecumenius, & Auctor Comentariorum Epistolarum Sancti Pauli quæ circumferunt sub nomine, & inter opera S. Ambrosij (sed re vera non sunt eius, vt in nouissimis impressionibus in censura dicto operi annexa, & est à Cardinale Bellarmino libro de Scriptoribus Ecclesiasticis in Observationibus ad opera S. Ambrosij euidenter depræhensum.) vbi ait: *loquus linguis Angelorum esse habere cognitum Spiritualiter Angelicum morem id est secretum cordis.* Similiter S. Ioannes Damascenus lib. 2. de fide Orthodoxa cap. 3. ait Angelos nec lingua, nec auribus opus habentes citra sermonis administriculum cogitationes suas, & consilia mutuo communicare. Probatum etiam ratione, quia Angeli habent liberum arbitrium, & ad inuicem societatem, &

constituunt Rempublicam multo perfectiorem quam nos; ergò necesse est admittere in eis modum, quo sibi inuicem manifestent sua consilia, & secreta, & hoc est quod in præsentiquæritur; nam Auctores in sex præcipuas, & diuersas abiere sententias in explicando hoc modo, quo Angeli sibi inuicem suas prodant cogitationes.

Prima Sententia refertur à Durando in secundo dist. 11. qu. 2. & est eorum, qui dixerunt per ea, quæ quilibet Angelus naturaliter cognoscit in alio Angelo significari, & exprimi occultas cogitationes Angeli, quando his vult ad illos naturaliter nota ordinare tamquam signa occultorum.

Secunda Sententia est Dionysij Carthusiani in 2. dist. 8. qu. vnica artic. 2. Marsilij ibi qu. 2. artic. 2. Gregorij etiam Arimin. qu. 2. Argentinæ qu. prima artic. 2. Molinæ prima parte ad qu. 107. S. Tho. & videtur esse eiusdem S. Tho. in 2. dist. 11. qu. prima artic. 3. & in secundo Scripto dist. 10. artic. 4. & in expositione Epistolæ primæ ad Corinth. cap. 13. ad illa verba. *Si linguis hominum loquar, & Angelorum:* cum quo concordat Glossa Ord. & aliorum, qui asserunt, locutionem fieri per quædam signa intellectualia: ex dictis Doctoribus aliqui vt B. Egidius Noster. Argentina, Gregorius, & Molina dicunt huiusmodi signa

formari, à loquente in seipso, & sic exhiberi alteri Angelo quasi legenda, itaut locutio consistat in formatione huius signi.

Tertia Sententia est plurium Nominalium desumpta ex Ocamo in 2. qu. 20. & quod libro primo qu. 7. & ex Gabriele in secundo dist. 9. qu. 2. artic. 4. qui dicunt locutionem fieri per hoc quod Angelus in se format cognitionem alicuius rei; quæ deinde cognitio per modum obiecti effectiue causat in intellectu audientis cognitionem sui.

Quarta Sententia est Durandi loco supracitato: qui ait se non videre quemadmodum inter se colloquantur, nisi eo modo, quo loquuntur cum hominibus formando voces in aere.

Quinta Sententia est Scoti in 2. dist. 9. qu. 2. qui docet vnum Angelum per hoc loqui alteri, quod in eius intellectu effectiue imprimit conceptum similem conceptui suo nimirum de eadem re, ad quem dicit non concurrere alterum Angelum nisi passiuè, & proinde habere se per illum, non ut videntem; sed ut audientem alterum: Hæc sententia videtur coincidere cum sententia Nominalium, quatenus possint vnum Angelum in intellectu alterius effectiue causare cognitionem sui conceptus.

Sexta Sententia est S. Thomæ in prima parte qu. 107. artic. primo Caietani ibi, Capreoli, & communis inter Thomistas tam antiquos, quam

modernos; pro qua citantur etiam Alensis secunda parte qu. 27. membro secundo artic. primo, & memb. 3. 6. & 7. Albert. Mag. lib. de 4. Coënis qu. 8. artic. 5. & secunda parte tract. 9. qu. 35. memb. 3. & 6. Ricardus in secundo dist. 9. artic. 2. qu. prima est tamen aliqua difficultas, an reuera loquantur isti in sensu Thomistarum pro quo remitto lectorem ad loca citata; quod spectat ad Thomistas, certum est eos tenere loqui vnum Angelum cum altero per hoc quod sua voluntate ordinat conceptum suum ad illum idest vult, vt ab altero conceptus ille suus, & res per illum intellecta cognoscatur in hæc sententiarum diuersitate amplector sententiam S. Thomæ; quæ mihi videtur esse etiam S. P. lib. 15. de Trinit. cap. 10. &

Dico: Angelorum locutionem consistere in hoc quod per actum voluntatis ordinatur verbum mentis vnus ad alterum; siue vt alij loquuntur; quatenus vnus format interius verbum mentis relatiue ad alterum; quod sic explicatur; Tripliciter potest esse obiectum in intellectu, primo habitualiter, siue in memoria. Secundo actu quidem; sed absolute, quod patet est in intellectu, quando se conuertit ad cognoscendum illud; quod habebat in habitu. Tercio relatiue ad alium, quod esse quando quis loquitur alteri; quia propter sicut per actum voluntatis transit obiectum à

primo statim ad secundum, utrimus enim habitibus quando volumus, & in hoc transitu consistit nostra interior dictio, quæ nobis ipsis loquimur; ita transitus à secundo, ad tertium, fit per actum voluntatis, quo dirigatur illa interior locutio ad alterum, ut & ipse percipiat id quod nos volumus ex nostris cogitationibus, & rebus per illas cognitis, illum cognoscere; Est tamen differentia inter Angelos, & nos; quod nos, quia habemus duo obstacula; quæ impediunt ne alter, nostra interna verba cognoscat, nempe voluntatē occultandi, & Corpus celans spirituales nostros actus, ideo necesse est tollere hæc duo, primum quidem per actum voluntatis, quod velimus illa nota fieri, secundum verò per locutionem sensibilem, aut alia exteriora signa corporea, quibus inter ni illi actus proponantur. Inter Angelos verò cum non detur nisi primum impedimentum, non quidem per distinctos actus; sed quia ipsemet actus liber naturaliter latet, nisi manifestetur, ut supradictum est, sufficit illud tollere per dictum actum voluntatis ordinantis conceptus internos ad alterum, cui vult illos prodere; consistit igitur locutio hæc in intellectione non quacunque; nam intellectio absoluta non sufficit; per hanc enim solum interius loquimur; sed in intellectu quæ sit manifesta intellectiōis rei, siue in forma-

tione conceptus relativiè ad alterum per quam alter audiens potest cognoscere cognitionem alterius, ac etiam res per eam cognitas; conceptus enim non solum est id quod; sed etiam id in quo ut comuniter docet Philosophi, & maxime Thomistæ, possumus cognoscere rem, & conceptum rei: quapropter requiritur etiā actus voluntatis ordinantis modo dicto illos conceptus. Sententia ista hoc modo explicata probatur primo quia in hac difficultate sicut in alijs similibus; ille modus præcæteris est admittendus, qui nullam inuoluit repugnantiam; & refecatis superfluis rem paucioribus explicat, Talis est iste modus qui in Sententia S. Tho. præfertur cæteris; ergo præcæteris modis hoc loquutio Angelorum melius, & verius explicatur. Maior est in confesso apud omnes. Minor probatur. Quia cogitationes, & affectiones Angelorum, vel sunt naturales necessariae, vel liberae; si naturales iam sunt intra obiectum naturale, & proportionatum intellectui Angelico naturaliter operanti; & sic non est opus locutione. Si liberae, sunt extra illud, ut patet primo à posteriori, quia Scriptura Sacra, quæ non negat illas posse naturaliter cognosci, has tamen dicit cognosci à solo Deo. A priori verò, quia ut docet S. Tho. quod lib. 12. artic. 7. & in prima partæ qu. 57. artic. 4. cum istæ sint actiones omninò liberae, nõ

redu-

reducuntur ad causam naturalem, nec pertinent ad cognitionem, qua cognoscuntur naturalia. Illæ verò, cum sint actiones necessariæ, dicunt ordinem ad causam naturalem; nam fiunt à voluntate, ut natura est, quem admodum primi motus in nobis, qui non sunt in nostra potestate. Quapropter, cum Angelus habeat solū species rerum naturalium, non poterit per illas solas cognoscere nisi illas necessarias; liberas verò non, ut dictum est, ac proinde ut ab alio intelligentur, necesse est, ut per aliquem actum ad illum referantur; sed hic actus non potest esse nisi actus liber voluntatis: ergo iste modus qui explicat locutionem Angeli per hunc, & rectè, & verè illam explicat. Prædicta maior iam latè explicata non indiget probatione. Minor etiam infra patebit ex sufficienti refutatione aliarum sententiarum: pro nunc probatur quia iam per illum actum voluntatis cum cæteris in Conclusionem explicatis sit, ut illæ cogitationes, & affectiones liberè contineantur intra obiectum proportionatum intellectui Angelico, cum antea nō continerentur, quod patet à posteriori, quia Scriptura docet, post locutionem Angelicam cognosci ab Angelo audiente ea, quæ antea non cognoscebantur ab illo, ut est clarū ex diversis colloctionibus Angelorum, quæ in Sacra Scriptura narrantur; ut cum Angelus princeps re-

gni Periarum restitit alteri Angelo pluribus diebus, donec per Michaelē Archangelū innotesceret, quid agendum esset, & ex illis quæ in Sacra Apocalypsi narrantur. A priori verò probatur; quia cum aliqua res liberè dirigatur ab aliquo habente liberam potestatem illam rem ponendi sub potestate illius; iam illa res incipit esse intra obiectum potestatis huius, ad quem dirigitur; ut est clarum in translatione dominij alicuius rei temporalis. Sed Angelus loquens per suum liberum actum ponit sub potestate cognoscitiva alterius Angeli audientis suas liberas conceptiones, & affectiones; ergo sufficienter per hoc saluatur huius modi locutio. Confirmatur quia ordo perfectæ Reipublicæ exigit, ut illi, qui sunt perfectæ amicitie vinculo colligati, secreta cordis sibi per liberam voluntatem manifestent; ac proinde talia secreta debent fieri manifesti ei, ad quem diriguntur cognoscenda. Sed in Angelis est perfectissimus Reipublicæ ordo, & perfectæ amicitie (loquor de Beatis) ergo debet esse talis modus loquendi, qualis exigit talis status; de Angelis damnatis non est dubium, quod eis etiam competat, quia licet sint in regno confusionis, & non habeant perfectam amicitiam, quæ fundatur in vera virtute, qualem in Caeteris demonibus certum est non esse. Habent tamen quādam speciem Reipublicæ, & commu-

niciationis mutue ortæ ex naturali amore; ad quæ est necessaria locutio, quæ requiritur in creaturis liberis; cum in eis naturalia manserint integra, iuxta doctrinam Sancti Dionysij Areopagitæ communiter receptam. Præb. 2. sufficientia huius modi sic explicati, quia hoc pacto optime soluuntur omnes difficultates in hac quæstione occurrentes; nam primo sic facile aperitur, quomodo vnus Angelus possit loqui vni Angelo tantum, & non pluribus simul, etiam si sint præsentēs; vel quomodo adhuc in magna spirituum copia existens, aliquos possit alloqui, ita vt isti audiant, & non alij; & quomodo mutuo possint intuitiue cognoscere cogitationes, quod requiri ad coniuictum Patriæ cælestis docet S. P. N. Augustinus lib. 22. de Ciuit. Dei cap. 29. ac etiam S. Greg. lib. 4. dial. cap. 41. S. Basil. hom. *Attendes tibi*, S. Io. Damascenus lib. 2. de fide. cap. 3. & Venerab. Beda in Comment. Epistolæ primæ ad Corinthios li. 14. Præterea in hac sententia fit elarum, quomodo ad quamcumque distantiam vnus Angelus possit loqui cum altero, & audiri, nam vt ait S. Thomas qu. 16. de malo artic. 8. & artic. 16. sicut cogitationes, & affectiones liberæ non dicuntur incognitæ, quia voluntas illas distare faciat; distantia enim corporalis non impedit cognitionem Angeli; nec quia illas aliquo impedimēto tegat,

puta alio voluntatis actū, nam nihil est in spiritu respectu æternus, quod naturaliter lateat præter morum ipsū liberum voluntatis; alias etiam de illo alio libero voluntatis actū quæreretur quomodo tegatur: & si dicas alio actū, iam daretur processus in infinitum; nec quia voluntas illas remoueat, nam sic anima ferè nihil cognosceret, aut vellet, cum ferè omnia, quæ intelligit, aut appetit, sint ab ea remota; Quapropter quia tales cogitationes sunt occultæ ex eo, quod immediatè pendent à voluntate; ita & per eandem voluntatem manifestantur, non ex eo, quod voluntatis imperio fiant minus distantes; talis enim manifestatio consistit essentialiter, & in volitione, & in intellectione, quæ abstrahunt, & à situ, & à loco. Si dicas ex hoc sequi, voluntatis imperio cogitationes ex sua naturā ignoras fieri cognitās, vel cognoscibiles. Contra est, quod res ex natura sua est cognoscibilis, vel non cognoscibilis intellectui ex solis viribus naturæ operanti. At ex imperio voluntatis, quo ab intellectu producit verbum relatum ad alios fit, quod sit obiectum ex natura sua proportionatum intellectibus aliorum modo explicato, & quod sit de pertinentibus ad statum naturalem ipsorum. Ideoque rectè ait S. Thomas qu. 9. de veritate artic. 4. ad 11. per eandem speciem Angelum audientem intelligere ea, quæ manifestantur.

stantur, seu dicuntur, per quam cognoscit Angelum loquentem, & quidquid est in eo ex prædicatis, seu operationibus naturalibus; & consequenter statim ac Angelus voluntariè se ordinat ad alterum Angelum, secundum actum alicuius formæ intelligibilis, alter Angelus cognoscit eius cogitationem. Præterea ut dixi supra, per hunc modum paucioribus explicatur natura huius locutionis, quod est secundum rectum philosophandi modum; frustra enim explicatur per plura, quod æquè benè potest explicari per pauciora: nam rectè saluantur omnia requisita per hoc solum, quod detur conceptus relatiuè formatus in Angelo loquente, & species talis conceptus in Angelo audiente; Alia, quæ ab alijs auditoribus requiruntur extranea, vel superaddita his, ut sunt alia signa, vel corporalia, vel spiritalia, aut aliquid aliud simile, sunt superuacanea, & extra quidditatem locutionis, & auditionis Angelicæ. Hoc clarum fiet si attendas, quod in hoc modo à nobis explicato. Primo est naturalis significatio obiecti, quod cognoscitur in illo verbo relatiuè producto. Secundo est respectus intrinsecus ad personam, ad quam dirigitur talis conceptus relatiuus; omnis enim locutio est de re à persona ad personam. Tertio: est excitatio obiectiua sufficiens ad hoc, ut alter audiat: nam, ut ait Angelicus Doctor qu. 9. de Verita-

te artic. 4. ad 6 eo ipso, quod Angelus se conuertit ad alios, formando conceptum relatiuum de aliquare, obiectiue excitat alium Angelum ad se audiendum, & ad sibi attendendum, quatenus ponit in rerum naturam obiectum proportionatū speciei, quam habet alter, qua statim actu vtitur, cum semper sit in actu eorum omnium, quæ ad se pertinent. Facilius etiam in hac sententia explicatur quomodo possit Cacodæmon mentiri alteri, licet non possit assentiri ei, quod ipse putat esse falsum, potest enim velle formare verbum ordinatum ad alterum significans oppositum eius, quod ipse putat esse verum, & potest tale verbum formatum cognoscere apprehendendo, nō tamen iudicando, & assentiendo tanquam obiecto vero. Denique in hac sententia patet, quomodo Angelus loquatur Deo; & faciliè explicantur, quæ occurrunt difficilia in hoc puncto, dicendo hanc locutionem consistere in eo, quod est Angelum ordinare conceptum ad Deum, non tamen ad communicandum, vel manifestandum aliquid ei; omnia enim nota sunt, & aperta, ac nuda oculis eius; & non indiget, quod aliqua creatura circuelet, aut manifestet aliquid actiue, quomodo manifestant Angeli, & homines inter se. Deus enim est Auctor omnis veritatis, & voluntatis. Sed loquitur Angelus Deo, ad accipiendum aliquid ab eo passiuè se habentem.

habendo. Puta ad consulendam diuinam voluntatem, vel ad laudandā diuinam excellentiam seu ad exorandam diuinam pietatem, & misericordiam, vt docet S. Thomas prima parte qu. 107. artic. 3. Dixi supra mihi videri hanc esse sententiam S. P. lib. 15. cap. 10. eo quod ibi expressè locutionem spiritualement dixit esse ipsas cogitationes; ait enim *cum locutio foris non videatur, sed potius audiat, locutiones tamen interiores hoc est cogitationes visas dixit à Domino S. Euangelium.*

Dices: æquè benè, imò & melius explicatur locutio Angelorum, inter se in aliquibus ex supra allegatis sententijs, quam in sententia Thomistica; ergò potius illis, quam isti adhærendum. Si enim dicatur locutionem fieri per signa intellectualia, vt habent Auctores secundę sententię, melius percipitur proportionaliter ad nostras locutiones, quomodo vnus Angelus loquatur alteri, & eius locutio sit quid diuersum à cognitione, & auditione, cum reuera debeant distingui saltem formaliter intellectio, locutio, & auditio. Item si dicatur cum Nominalibus locutionem fieri effectiue causandō cognitionem obiecti in intellectu alterius Angeli, melius percipitur locutio, & auditio: nam & in nobis locutio vnus hominis causat effectiue auditionē nostram, siue postea alter Angelus se habeat actiue, vt fortè vo-

lunt ipsi Nominales, siue passiue solum, vt volunt Scouistę. R. tamen negando antecedens, cuius negationis causas assigno, examinando singulas ex prædictis sententijs, & reterendo rationes, propter quas communiter in schola S. Thomę illę nō admittuntur.

Prima sententia relata à Durando, licet in specie videatur cōuenire cum sententia S. Thomę; nihilominus vt refertur ab illo, & à Valentia tomo primo disp. 8. qu. 4. Puncto secundo S. *Sed cum sit certum* valde differt ab illa: nam vel illa naturaliter nota, quę requirit, sunt signa naturalia occultorum, & tunc semper loqueretur Angelus per illa, & sic locutio non esset libera; vel sunt signa ex libera institutione, & ad placitū Angeli: & tunc non poterit alter Angelus intelligere quidquam per illa, nisi prius per aliam aliquam locutionem ipsius Angeli loquentis intellexerit, quod ad hoc vel illud significandum sunt instituta; quo pacto is, qui linguam hæbraicam ignorat, non pōtest intelligere conceptiones eius, qui solum verbis hæbraicis vtitur, & illa exprimit; quo posito esset præterea concedendus processus in infinitum; nam cum illa locutio fieret, & ipsa per alia nota naturaliter, requireretur alia locutio, & sic deinceps: ex quo patet prædictam sententiam non assignare sufficientem modum locutionis Angelicę.

Secunda sententia communiter rejicitur à Thomistis. Primo: quia sequeretur locutionem esse actionem voluntatis volentis formare illa signa, non verò intellectus. Secundo: quia esset actio transiens à voluntate in intellectum; cum tamen S. P. lib. 15. de Trinitate cap. 10. doceat esse actionem intellectus; dicit enim ibi, locutionem cordis esse cogitationem, & cum eo communiter sentiunt alij PP. & plurimi DD. ac propterea necesse sit, eam esse actionem immanentem, sic Theophylactus ad illum locum S. Pauli. *Si linguis hominum loquar, & Angelorum,* (ait) linguam Angelorum esse potentiam intelligendi, qua inuicem communicant sensa. Theodoretus ibi Angelorum linguas non sensu, sed intelligentia percipi docet, per quam Deum laudant, & inter se differant; Item Venerabilis Beda lib. 2. in Iob ad illud cap. 7. *si subito apparuit Aurora,*, dicit Angelorum locutionem non fieri sine intellectus enunciatione. Tercio cum huiusmodi signa omnibus pateant, sequeretur vnum Angelum non posse loqui alteri, quin omnes audirent; quod videtur esse contra rationem societatis, & amicitiae. Si dicas cum Molina, denegari à Deo concursum alijs, ne audiant, quia sic oportet fieri; contra est, quia hoc modo violenter illi ab auditione impedirentur, cum habeant talium signorum species; & sic esset mi-

raculum perpetuum, quod illi nunquam audirent; quod poni non debet sine vrgenti necessitate; quapropter melius videntur sentire; & explicare alij, qui hanc sententiam sequuntur, dicendo, hæc signa esse etiam in intellectu audientis; ita ut sicut in nobis est aliquid, quod alter naturaliter percipit, verbi gratia vox exterior, & aliquid, quod secundum se percipi non potest ab omnibus, puta conceptus interior mentis, & hic innotescit per signum exterius, idest per vocem, aut nutum; ita in Angelis est aliquid, quod omnes videre possunt, idest signum intellectuale; aliud verò, quod non possunt omnes, idest motus voluntatis. Ita in Angelis locutio formaliter consistit in expressione, aptatione, & ordinatione conceptus mentis per ordinem ad signum intellectuale; tali modo; ut ex illa ordinatione illud signum naturaliter cognitum efficiatur significativum interioris conceptus, & manifestativum illius: quo pacto loquens latine cum vno, qui novit linguam, esto alij, eam ignorantes linguam audiant, nihilominus ille solus percipit conceptus, qui callet linguam, alij vero solum percipiunt materiale vocis sonum; neque enim illa verba sunt ordinata, & aptata eorum cognitioni. Hic modus sic explicatus probatur à suis assertoribus, Primo: quia non implicat dari huiusmodi signa intellectualia, siue dicamus,

camus,

camus, ea significare ex institutione diuina, sicut dixerunt aliqui, quod significabant illa verba, quibus Adā utebatur; siue dicatur, & melius, illa significare naturaliter, eo quod non videatur impossibile, dari qualitates spirituales, quæ sint naturales imagines conceptuum, sicut ipsi conceptus sunt spirituales, & naturales imagines rerum; ita tamen, vt sic in potestate loquentis, illa ita aptate, & ordinare, vt solum percipiantur ab alijs, ad quos diriguntur, sicut data proportionem nos aptamus voces, nuntus, & scripturas, ita vt, licet alij intelligent materialitatem eorum, illi tamen soli percipiant conceptus, ad quos dirigimus illa signa, vt dictum est. Probat secundo: quia hoc modo faciliter soluuntur difficultates de locutione Angelorum; sic enim explicatur quomodo vnus loquatur vni, & non alijs, quia scilicet huiusmodi signa sunt tantum eorum, quæ spectant ad Angelos, ad quos dirigitur locutio, ac proinde, cum Angelus, vt docet S. Thomas in secundo dist. vndecima articulo tertio ad quartum, & ad 9. & qu. 9. de Veritate artic. 4. ad 11. semper sit in actu cognoscendi se, & omnia, quæ ad se pertinent, & locutio ista sit de pertinentibus ad ipsum, ad quem dirigitur; statim ac Angelus aptat, & ordinat suum conceptum, vt sit conformis, & similis signo intellectuali, quod alter habet, hic statim audit

loquentem; ceteri vero minime, quia licet habeant signa intellectualia locutionum, non tamen illius conceptus, qui ordinatur ad talem audiuentem, & non ad alios. Sic etiam explicatur recte quomodo vnus potest audire plurimos Angelos loquentes; quia scilicet illæ locutiones ordinantur ad ipsum, & sunt de pertinentibus ad eius statum. Præterea, sic clarum quomodo vnus possit loqui alteri distanti, quia scilicet talis locutio, & auditio, cum essentialiter consistant in actionibus purè spiritualibus, puta intellectualibus, abstrahunt à loco, situ, & tempore. Denique, quia hoc modo explicatur quomodo non sit necessarium, vt semper Angelus loquens manifestet alijs suos conceptus præterea, ad quem dirigit locutionem. Hæc sententia sic explicata non displicet in alio, nisi in eo, quod videtur frustra multiplicare illa signa, maximè si ponat esse omnino realiter distincta ab ipsis conceptibus, quos Angelus vult manifestare, vt ponere debet, si vult consequenter loqui: cum sufficienter sine prædictis signis realiter distinctis saluetur ipsa locutio Angelorum in sententia S. Thomæ iam explicata, & non sint multiplicanda entia, absque necessitate.

Tertia sententia; quæ est Nominalium; reijcitur communiter à Thomistis, & à pluribus alijs, primo quia ex eorum modo explicandi sequetur

retur locutionem esse actionem transeuntem, & non immanentem ullo modo, qualis debet esse vera locutio, quæ cum sit actio vitalis, secundum suam predicatam primariam, & essentialiam, debet esse immanens; sequela patet; quia productio illa cum suo termino reciperetur in audiente. Reijcitur secundo, quia talis cognitio ab obiecto facta est naturalis, & consequenter deberet recipi in omnibus Angelis, & sic vnus Angelus non posset loqui solum vni Angelo. Tercio: quia non posset Angelus malus mentiri. Quarto, & ultimo reijcitur, quia supponit posse naturaliter cognosci cogitationes cordium, quod supra vidimus repugnare.

Quarta sententia, quæ est Durandi, reijcitur communiter primò ex eo; quod S. Paulus distinguit inter linguas hominum, & Angelorum essentialiter, quod non esset verum, si & ipsi vterentur vocibus, sensibilibus in sua propria locutione, sicut & nos; dixi in sua propria locutione; nam in corporibus assumptis, non dubito eos posse producere voces sensibiles; sed hoc fit propter nos, non propter alios Angelos; & præterea non est locutio, quæ sit actio vitalis, de qua in præsentia queritur. Reijcitur secundo: quia non posset vnus Angelus loqui alteri; quin ab alijs audiretur; nec valeret dicere cum ipso Durando, posse eo modo, quò vnus homo in præsentia aliorum loquitur

alteri solum, dirigendo scilicet ad ipsum tantum intentionem loquendi; tunc enim dicitur loqui solum cum illo, licet ab alijs audiarur: sed reuera absurdum est, vt obseruat Valentia, non tribuere Angelo eam facultatem, quam habet homo, vt scilicet vni tantum pro arbitrio sermonem suum manifestet, nullis alijs audientibus, vt rectè arguit S. Thomas prima parte qu. 107. artic. 5. Reijcitur tertio: alij hanc sententiam; quia semper esset necessarium, vt Angelus, cum vult loqui, relinqueret cælum, & ad regionis aerem se conferret, vt posset formare huiusmodi voces, quæ non possunt formari nisi in corpore fluido, eo modo, quò est aer. Verum hæc ratio est debilis; nam primo posset dici, quod in multorum sententia cælum ipsum est corpus fluidum, non verò solidum. Secundo quòd in empyreo est corpus proportionatum locutioni; nam & ibi Beati homines cum corporibus suis existentes loquentur; & exaltationes Dei erunt in faucibus eorum, vt obseruat Arriaga. A fortiori reijcienda est sententia illa, quæ docet loqui Angelos alijs per quasdam figuras, & characteres, quos imprimunt cælo. Primo quia hoc esset potius scribere, quam loqui. Præterea, cum esset actio transiens, non esset locutio vitalis, quam querimus. Denique illæ figuræ essent signa ad placitum, & sic oporteret, quod per aliquem alium

alium locutionis modum innotescerent Angelis, ut scirent, quod ad hoc, aut illud significandum essent liberè ab ipsis Angelis, vel aliquo illorum instituta.

Quinta sententia, quæ est Scoti, rejicitur. Primo, quia Angelus interior non posset loqui cum Angelo superiori, nisi admittatur inferiorem habere actionem physicam in naturam sibi superiorem, quod est inconueniens. Secundo: quia manifestè repugnat sententiæ S. P. quilibet. 15. de Trinitate cap. 10. ut supra notauimus, dicit in spiritualibus idem omnino esse audire, & videre, licet in corporalibus vnum sit diuersum ab alio: ait enim ibi S. P. *Foris cum per corpus hec sunt aliud est locutio, aliud visio, intus autem cum cogitamus verumque vnum est. Sicut auditio, & visio duo quadam sunt inter se distantia in sensibus corporis; in animo autem non est aliud, atque aliud videre, & audire.* At Scotus aperitè distinguit realiter in Spiritibus Angelicis auditionem à visione. Tertio: rejicitur eadè ratione, quæ rejecta est sententiæ Nominalium, quia videlicet etiam hæc locutio non esset actio inmanens, & vitalis, sed transiens. Quarto: quia si admittitur vnum Angelum posse producere intellectionem in intellectu alterius, hoc se habente solumpassiue, sequitur etiam, quod possit producere volitionem, etiam si iste esset superior, & vnum posse cogere

alterum; ac etià posse efficere, quod amet incognitum, cum non sit maior ratio de intellectione, ac de volitione. Denique sequeretur intellectum posse intelligere sine specie impressa, si admittatur Angelum posse producere cognitionem, seu conceptum in intellectu alterius non impressa specie; Si dicas imprimi speciem prius; contra est, quia tunc in illa auditione, seu conceptione Angelus audiens non se haberet amplius passiuè solum; [ut vult Scotus] sed deberet concurrere adiuuè simul cum illa specie ad producendum talem conceptum.

Præter prædictas sententias antiquorum, Recentiores quidam, ut vidi in quibusdam M. SS. eruditissimæ, aliã sententiam, & modum excogitauerunt, dicentes. Angelum loqui alteri Angelo producendo speciem sui actus in illo, & talem speciem produci actione spirituali, non exigente medium, & directiuè procedente ab intellectu, imperatiuè à voluntate, & executiuè ab acta intellectus, vel voluntatis formando conceptum; quæ vult alteri manifestare; ita ut triplex actio profuât à tali acta, duæ necessariæ vna scilicet, quæ producit speciem sui in loquente, per quam recordatur cognitionis habitæ, altera, quæ producit habitum. Tertia est libera subiecta voluntati, quæ produciatur species in alio Angelo. Tribuunt hæc sententiam Aletius, Alberto Magno,

gno, Ricardo, & S. Bonaventuræ ; sed falluntur: nam isti re vera sequuntur sententiam, quam nos amplectimur; ut est germana S. Thomæ locis supra citatis pro sexta sententia; dicunt enim expressè, Angelum, cum loquitur, uti verbo aliquo, & locutio nem perfici in ordine ad alterum, & diuerso modo loqui ad alterum cōpetere Deo, hominibus, & Angelis; locutio enim Dei ad nos præter intellectionem increatam Dei relata ad nos includit aliquem effectum in nobis, puta aliquam reuelationem, vel per species de nouo impressas, vel per nouam ordinationem specierum existentium in phantasia, vel aliquem motum internum inspiratum, & hoc Alensis, & S. Bonaventura colligunt ex S. Gregorio. In hominibus superaddunt signum vocale ad alterum. In Angelis vero supra cogitationem addunt respectum ad alterum, & nihil aliud ultra.

Quapropter etiā modus iste mo-

dernus reijci debet. Primo: quia sine tali productione speciei rectè explicatur locutio modo, qui non importat imperfectionem in audiente; sicut importat hæc productio à Recētoribus excogitata. Secundò quia talis locutio esset actio transiens, & non esset essentialiter intellectio, ut docent PP. supra relati. Tertio quia producere talem speciem est facere aliquem potentem ad audiendum, seu intelligendum, non verò formaliter loqui. Denique; quia difficillimum est reddere rationem, cur actus cogitationis producat liberè speciem sui in alio Angelo, & necessariò producat cōsimilem actum in ipso Angelo, ei, à quo talis actus productus est: Vide Vasquez tomo 2. in primam partem, Disp. 211. cap. 4. & 5. ubi latè examinat hanc sententiā, eamque reijcit tamquam eisdem difficultatibus obnoxiam, quibus præcedentes sententiæ reiectæ laborant.

AXIOMA NONVM.

Quomodo Angelus illuminat mentes inferiores.

Ex enarrationibus. in Ps. 118. concione 18. in fine.

Deus per seipsum: quia lux est, illuminat piæ mentes, ut ea, quæ diuina dicuntur, vel ostenduntur, intelligant. Sed si ad hoc ministro utitur Angelo potest quidem aliud agere Angelus in mente hominis, ut capias lucem Dei.

Dei, & per hanc intelligat; Sed ita dicitur intellectum dare homini, & quasi ut ita dicam intellectum dare hominem, quemadmodum quisquam dicitur lucem dare domui, vel illuminare domum, cui fenestram facit: cum eam sua luce non penetraret, & illustreret, sed tantummodo aditum, quo penetraretur, atque illustraretur, aperiat. Sed nec Sol, qui per fenestram illustrat domum, ipse creauit eandem domum, aut hominem, qui fenestram fecit in domo &c. aut aliquid aliud egit, ut aperiretur, quia suum lumen infunderet. Deus autem, & hominis mentem rationalem, atque intellectualem fecit, quia posset capere lumen eius, & Angelum talem fecit, qui operari posset aliquid, unde ad capiendum lumen Dei mens adiuuaretur humana, & eandem sic adiuuat mentem, ut Angelicam recipiat operationem, & eam sic illuminat de seipso, ut non solum illa, quae a Veritate monstrantur, sed ipsam quoque proficiendo perspiciat veritatem.

D V B I V M

Quomodo vnus Angelus illuminet
alium, & in quo differant illumi-
natio, & locutio.

TRes sunt praecipue circa primum punctum DD. sententiae. Prima est Capreoli in secundo dist. 11, qu. 2. artic. primo Concl. 2. & ad primum, ac etiam Durandi ibidem, qui docent fieri per infusionem novarum specierum. Secunda est Scoti in secundo dist. 9. qu. 2. Bastolij qu. prima art. 1. O. am. qu. 20. art. 2. & Gabr. qu. 1. artic. 4. asserentium fieri per infusionem conceptus veritatis manifestarum. Tertia sententia est Alensis prima parte qu. 38. memb.

3. S. Bonaventurae in 2. dist. 10. art. 2. qu. 2. B. N. Egidij dist. 9. qu. prima artic. 5. Thomae de Argentina, qu. prima artic. 3. Marfilij in 2. qu. 7. artic. 4. concl. prima & in solutionibus argumentorum Caietani prima parte qu. 106. artic. primo qui docent unum Angelum illuminare alterum per externam solum propositionem, absque eo, quod aliquid imprimat Angelo illuminato: propterea.

Dico primo. Angelum superiorem illuminare inferiorem, quatenus

tenus intra se ita exprimit suum conceptum, ut ordinet illum ad alterum; ita ut ab illo intelligatur. Hæc sententia est communis inter illos DD. quos in præcedenti dubio citavi pro sententia, quam circa locutionem Angelorum sequor. Et prob. primo auctoritate S. P. in hoc Axiomate, in quo docet; hoc modo Angelos illuminare homines: unde à fortiori colligitur; hoc etiam modo Angelos superiores illuminare inferiores, cum minor actiuitas requiratur ad illuminandum Angelos, quam ad illuminandum homines: in illis enim minora obstant impedimenta, quam in istis, & propterea merito Vasquez, tomo 2. in prima parte disp. 216. cap. 5. utitur hoc axiomate ad probandam hanc sententiam, & infert, dicendum esse multo maiori ratione vnum Angelum in intellectum eius, quem illuminat, nihil operari; sed se habere ut Doctorem proponentem in exteriori veritatem. Prob. secundo: quia illuminatio est quædam locutio de rebus spiritalibus, & supernaturalibus; sed locutio consistit essentialiter in formatione verbi relativi ad alium; ergo etiam illuminatio: propterea S. Thomas prima parte qu. 106. artic. primo ad 2. & qu. 9. de Veritate artic. primo docuit; non fieri illuminationem vnius Angeli ab alio, per traditionem luminis gratiæ, & gloriæ, & loco citato de Veritate ad 12. non fieri per infusionem no-

uarum specierum; nec potest secundum ipsius principia di. 1. quod fiat per infusionem conceptus veritatis manifestari; nam locus citatus docet; ex speciebus, quas prius habebat intellectus Angeli illuminari confortatus per lumen superioris Angeli fieri, ut sit cognoscitius plurium; quemadmodum noster intellectus confortatus per lumen diuinum, vel Angelicum potest ex eisdem phantasmatibus in cognitionem plurium deuenire, quam per se posset.

Dices: ergo de mente S. Thomæ est, quod in intellectione Angeli illuminati, recipiatur intrinsecè aliquod lumen, per quod S. Doctor dicit eum confortari, ut possit plura intelligere per illud, quam posset sine illo. R. aliquos propter ea quæ prima parte qu. 106. docuit, putare eum in hac fuisse sententia, cuius mentem, & doctrinam explicant dicendo, fieri ex parte intellectus Angeli illuminati proportionem cum obiecto; vel traditionem medij intelligibilis perficientis intellectum eius, qui illuminatur, & ita hunc confortari ad cognitionem veritatis ignotæ ex parte speciei (nam secundum hæc duo, quæ ad cognitionem concurrunt, potest alicui manifestari veritas ignota) & hoc fieri per particularizationem, diuisionem, & multiplicationem conceptuum Angeli illuminantis; scilicet per proportionem obiecti; vel medij per exempla similitudinis; & hæc pro-


proportionata intellectui Angeli illuminati efficere, ut possit, uti specibus, quibus ante traditionem talis medij, & talis modi uti non poterat ad absensum huiusmodi veritatis ignota. Confirmant hæc ex ijs, quæ ipse Angelicus Doctor docuit in 2. 2. qu. 15. art. 2. nempe ad intellectualem visionem triplex lumen concurrere, naturale scilicet, habituale, seu speciem intelligibilem, & obiectum, seu medium intelligibile, quod quia ducit in cognitionem alterius rei, lumen dici potest: Ex his, lumen naturale (docet) per reliqua duo confortari, corroborari, & perfici, non quidem intensiue, sed extensiue, quatenus lumen naturale adiutum duobus alijs luminibus potest ea cognoscere, quæ sine illis non poterat. Ex quibus concludunt isti, in sententia D. Thomæ dicendum esse, in hac illuminatione recipi aliquid in intellectu Angeli illuminati; nam sine receptione non potest stare illa corroboratio, & illa traditio medij intelligibilis, per quam intellectus Angeli dicitur illuminari. His tamen non obstantibus: Caietanus in Commentarijs articuli primi dictæ questionis 106. illum benignè interpretatur, & exponit de propositione exteriori supra à nobis cum S. P. explicata: quem secuti sunt postea etiam recentiores Thomistæ, & nouissimè Io. Baptista Gonnerus tomo 6. sui Clypei Theologici disp. 13. art. 2.

& putant prædictam illuminationem, & corroboracionem sufficienter explicari per aliquid exterius coniunctum, & non esse necessarium aliquid interiùs receptum, quemadmodum in præceptore, qui tunc dicitur, illuminare discipulum, cum illi exterius tradit medium aliquod, quo confortatus intellectus discipuli euidenter cognoscit connexionem terminorū, seu passionis cum subiecto, & ea, quæ ipse in summa, & paucioribus conceptibus capit, multipliciter distinguens, prouidens capacitati discipuli.

Dico secundo pro solutione secundi puncti illuminationem, & locutionem differre in multis, & primo in obiecto materiali; nam licet neutra sit de pertinentibus ad visionem Beatificam; cum de his omnibus illuminentur à Deo, iuxta illud Prophetæ Hier. cap. 31. *Non docebit vir fratrem suum.* Nihilominus non omnis locutio est illuminatio, licet omnis illuminatio sit locutio; ratio discriminis est, quia locutio est de rebus tam notis, quam ignotis; illuminatio verò solum de ignotis, & ideo locutio non solum est de illis, quæ reuelantur extra visionem Beatificam Angelorum, quæ excedant cognitionem naturalem, ut de Diuinis Mysterijs pertinentibus, vel ad Ecclesiam triumphantem, vel ad militantem, & de rationibus operum diuinorum, quorum plura videntur ab vno in Verbo, quam ab altero; ut sunt plures

habitudines, & effectus passionis Christi Domini; & de eis, quæ pertinent ad dispositionem mundi, & præcipuè ad salutem electorum, de quibus, quia usque ad diem Iudicii semper noua aliqua supremis Angelis reuelantur, ideo semper remanent aliqua, de quibus superiores illuminant inferiores; sed etiam est de pertinentibus ad res naturales. Verum illuminatio non est de rebus naturalibus quoad quidditates saltem primò, & per se; nam horum cognitiones Angeli habent à principio per species concreatas; possunt tamen esse de aliquibus rationibus ipsarum rerum naturalium; has enim non est necesse omnes ab omnibus sciri, & ideo de his possunt inferiores à superioribus illuminari; consequenter ad ea, quæ docuit S. Tho. prima parte qu. 55. articulo ultimo. Differunt 2. in ratione formali obiecti; obiectum enim formale illuminationis est verum dependens à prima Veritate; locutionis autem est aliquid, vt dependens à voluntate creata, vt cum dicit volo hoc facere. De rebus enim necessarijs, seu naturalibus non est locutio, cum ab illis omnibus æquè, per suas species cognoscantur. v. g.

homo est animal rationale, quod si daretur casus, quod aliquod ex his esset ignotum, tunc de hoc etiam posset esse illuminatio. Differunt 3. in proprietate; nam locutio potest esse, & vera, & falsa, vt patet in Dæmonibus; licet enim hoc non detur in spiritibus Beatis, hoc est ratione status ipsorum; non tamen ex eo quod locutio ex genere suo non possit habere vtrumque. Differunt quarto subiecto, nam regulariter solum Angeli superiores illuminant inferiores, locutio verò tam est superioris ad inferiorem, quam inferioris ad superiorem. Differunt 5. fine. Docet enim S. Thomas prima parte qu. 209. artic. 3. in corp. illuminationem propriam esse manifestationem veritatis, secundum quod habet ordinem ad Deum, qui illuminat omnem intellectum; At locutio potest esse coniuncta cum manifestatione alterius cuiuscumque veritatis, vt cum Dæmon superior veritatem aliquam, quam ipse cognoscit inferiori manifestat; vnde inter Dæmones datur quidem locutio, non verò illuminatio propriè, & in rigore sumpta; plura de his apud S. Thomam prima parte qu. 106.



CONTROVERSIA S E X T A

De Voluntate, & Amore Angelorum.

AXIOMA PRIMVM.

In Angelis est Voluntas, & libertas.

Ex lib. 12. de Ciuitate Dei Cap. primo.

Deus liberum arbitrium eidem intellectuāli naturae tribuit tale, ut si vellet deserere Deum, Beatitudinem scilicet suam, continua miseria esset secutura.

D V B I V M.

Vtrum in Angelis sit voluntas, & liberum arbitrium.

Dico primo: esse æquè certum, in Angelis esse volūtatē, ac eos esse quādam creaturas intellectuāles; Omnis enim creatura intellectuālis non solum est prædita facultate cognoscitiua, sed etiam inclinatione in bonum vniuersaliter apprehensum consequente facultatem illam, illique in suo gradu corrispon-

dentem, quam inclinationem appellamus voluntatem. Hæc conclusio sic explicata probatur communiter à Theologis cum S. Thoma prima parte qu. 79. artic. 2. auctoritate S. P. lib. 10. de Trinitate cap. 9. ubi docet imaginem Dei reperiri secundum intelligentiam, & memoriam, & voluntatem; sed Angelus est ima-

go Dei; ergo in eo, sicut est memoria, & intellectus, ita etiam necesse est, ut reperiatur voluntas. Et confirmari potest ex eo, quod docet in hoc Axiomate, nempe in Angelis esse liberum arbitrium; implicat enim contradictionem dari liberum arbitrium, ubi non datur voluntas. Prob. 2. eadem ratione eiusdem Angelici Doctoris quā in explicatione conclusionis attigi; quia in ijs est Volūtas in quib⁹ est potētia inclinans ad ipsum bonū vniuersaliter apprehensū; nihil enim aliud est voluntas, quā talis potētia; sed in Angelis datur huiusmodi potētia; ergo in eis est Voluntas. Maior est certa: Minor probatur; nam quælibet res inclinatur in bonum sibi proportionatum, cum hac tamen differentia, quod quædam inclinatur in bonum per solam naturalem habitudinem sine vlla cognitione, ut plantæ, saxa, metalla, & cætera huiusmodi, & talis inclinatio vocatur appetitus naturalis; quædam verò inclinatur in bonum cū aliqua cognitione, non tamen vniuersali, ita ut cognoscat ipsam rationem boni in communi; sed talem solum, ut cognoscat aliquod bonum particulare sibi proportionatum: v. g. calidum, & frigidum, dulce, & amarum, album, & nigrum, & inclinatio sequens hanc cognitionem non dicitur voluntas, sed appetitus sensitiuus; consequitur enim operationem ipsorum sensuum, Quædam

denique inclinatur ad bonum, cognoscendo ipsam rationem boni, & in communi, & in particulari, & hæc cognitio est operatio potentie spiritualis, id est rationalis, seu intellectus, & propterea inclinatio consequens ad hanc operationem, seu potentiam dicitur appetitus rationalis, & vnico nomine voluntas; Et cum supra ostensum sit, dari in Angelis cognitionem intellectualem; consequens est, ut detur etiam in illis potentia inclinas in bonum taliter cognitum, ac proinde quod detur in eis voluntas.

Dico secundo: in Angelis esse liberum arbitrium, ut rectè docet S. P. in Axiomate. Probatur primo; quia liberum arbitriū competit illis creaturis, quæ possunt agere ex iudicio proponente vtramque partem, vel contrarietatis, vel contradictionis; Sed Angeli possunt agere, & se determinare ex tali iudicio; ergo habent liberum arbitrium. Et hæc est ratio, quam tangit S. P. in Axiomate, cum ait *liberum arbitrium intellectuali naturæ tribuit tale, ut si vellet deferere Deum, &c.* docens in potestate naturæ Angelicæ ante affectationem gloriæ fuisse, vel a thirere, vel deferere Deum; vtramque enim partem huius contrarietatis proponebat iudicium ipsorum vniuique esse in potestate. Confirmatur, quia si talis potestas, est in hominibus, eo quod sunt naturæ intellectualis, a

for-

fortiori dicendum erit esse in Angelis, cuius natura intellectualis est perfectior. Probatur etiam ex ordine vniuersitatis creaturarum; in his enim sunt quædam, quæ agunt solū, vt ab alijs acta, vt fera à secante, mal leus à fabro, & gladius à gladiatore, & huiusmodi res certum est non habere liberum arbitrium; cum non agant nec ex iudicio, nec ex cognitione. Aliqua sunt, quæ agunt solum ex aliqua cognitione imperfecta, per quam non cognoscuntur ambæ partes contradictionis, vel contrarietatis; sed determinatè solum apprehenditur in particulari hoc esse noxium, illud verò iucundum, seu vtile. v. g. ouis videt lupum, & fugit, quia in particulari cognoscit hoc esse sibi noxium: videt herbam virentem, & accurrit, quia cognoscit in particulari sibi esse iucundam; sed cum hæc propensio, seu inclinatio sit à cognitione determinata ad hanc rem in particulari, & non proponens indifferenter vtramque rationem, non potest illa inclinatio dici liberum arbitrium, cum careat indifferentia necessaria ad veram rationem libertatis. Quædam denique sunt, quæ habent potentiam cognoscentem, & iudicantem cum indifferentia in vniuersali, & proponentem vtramque partem oppositionis; qua cognitione inclinatio consequens potest amplecti quamlibet partem contrarietatis, aut contradictionis,

quam maluerit, & talis inclinatio, seu potentia dicitur verè, & propriè liberum arbitrium; quia habet omnia requisita ad veram libertatem. Et hoc, loquendo de creatis, reperitur solū in Angelis, & hominibus: quia in his solum datur potentia taliter cognoscitiua, & iudicatiua, prout necessariò requiri dictum est.

Queri hic solet: an in Angelis volūtas distinguatur realiter ab intellectu, & ab ipsa substantia eorū. Respondet deo consequenter ad ea, quæ dixi in Textu Philosophiæ naturalis tomo 3. vbi de anima cap. 6. & cum S. P. N. Augustino qui, lib. 9. de Trinitate, cap. 4. & 5. agit hanc questionem, (loquor de distinctione memoriæ, intellectus, & Voluntatis) eamque his verbis concludit *Miro itaque modo ista tria separabilia sunt à semetipsis, & tamen eorum singulum quodque substantia est; & simul omnia vna substantia, vel essentia, cum relatiuè dicantur ad inuicem.* Dixi has potentias in Anima nostra non distingui realiter, sed sola ratione ratiocinata; & cōsequenter à fortiori dicendum hoc erit in Angelis habere locum, iuxta illud vulgatum, ea, quæ sunt dispersa in inferioribus, in superioribus sunt vnum, & idem. Argumenta, quæ in contrarium adducuntur tam circa potentias spirituales animæ rationalis, quam Angelorum, probant solum distinctionem virtua lem, non verò realem; & propterea

ab illis adducendis superfedeo.

Quæri etiam solet, an in Angelis sit appetitus irascibilis, & concupiscibilis. Respondet S. Thomas loco citato artic. 4. negatiuè, eo quod hæc distinctio sit solum appetitus sensitiui. Et in Angelis non datur nisi appetitus intellectiuius. Ratio est, quia potentiæ non distinguuntur per obiecta secundum diuersas rationes materiales, sed solum secundum diuersas rationes formales, vt patet in qualibet potentia sensitiua; nam in tactu non distinguimus plures potentias tactiuas, quarum vna sit frigoris, altera caloris, nec in visu vnâ po-

tentiam pro albedine, & alteram pro nigredine, eo quod in ordine ad dictas potentias rationes istæ sunt materiales, & conueniunt sub vnâ ratione formali specificatiua harum potentiarum, illæ videlicet sub ratione tangibilis, & istæ sub ratione visibilis; sic etiam in ordine ad appetitum rationalem, seu intellectiuium rationes illæ concupiscibilis, & irascibilis conueniunt in vna ratione formali boni in communi ratione boni, terminantis quemcumque actum voluntatis Angelicæ; & propterea nullâ est necessitas distinguendi hos duos appetitus in Angelis.

AXIOMA SECVNDVM.

Angeli diligunt Deum, seipfos, & nos.

Ex lib. 10. de Ciuitate Dei cap. 7.

MERITO illi in celestibus sedibus constituti Angeli immortales, & Beati, qui Creatoris sui participatione congaudent, cuius aternitate firmè cuius veritate certi, cuius munere sancti sunt: quoniam nos mortales, & miseros, vt immortales, Beati que simus, misericorditer diligunt, nolunt nos sibi sacrificare, sed ei, cuius & ipsi nobiscum sacrificium se esse nouerunt. Cum ipsis enim sumus vna ciuitas Dei, cui dicit in Psalmo. Gloriosa dicta sunt de re ciuitas Dei: cuius pars in nobis peregrinatur, pars in illis opitulatur. De illa quippè superna ciuitate, vbi Dei voluntas intelligibilis, atque incommutabilis lex est; de illâ superna quodammodo curia (geritur namque ibi cura de nobis) ad nos ministrataper Angelos Sancta illa scriptura descendit, vbi legitur: Sacrificans Deus eradicabitur, nisi Domino soli.

D V B I V M.

An Angeli diligant Deum, seip-
sos, & nos.

P Remitto: amorem Angelicum quadrisariam diuidi posse. Primo in naturalem, & supernaturalem. De hoc secundo S. P. lib. 12. de Ciuitate Dei cap. 8. ait *Charitatem fuisse etiam diffusam in mentibus Angelorum per Spiritum Sanctum, qui datus fuit illis.* Secundo in amorem amicitie, & concupiscentie; de hac diuisione meminit S. Thomas prima parte qu. 60. art. 3. Tercio: diuiditur in amorem necessarium, idest qui elicitur cum quadam determinatione, ita vt non possit non elici, vel quoad specificationem, vel quoad exercitium, vel quoad vtrumque, & in amorem liberum, qui etiam dicitur electius, & est is, qui elicitur cū quadam indifferentia, siuē quoad specificationem, siuē quoad exercitium, siuē quoad vtrumque. Quarto: diuiditur in amorem bonum, & malum. Bonus est, qui cum lege diuina congruit, malus verò, qui ab illa discrepat. Hunc habuerunt, & habent solummodo Dæmones. His positis.

Dico primo: Angelos diligere se ipsos, & dilectione naturali, & dilectione electiua. Prima pars probatur, quia quælibet res etiam cognitione carentes naturaliter appetunt consequi illud, quod ipsis est bonū, vt lapis centrum; ignis suam sphaeram; Vegetabilia alimentum; & sensitiua obiecta sibi proportionata; Ergo etiam Angelus, & homo appetunt naturaliter suum bonum, & suam perfectionem; sed hoc appetere est idem, ac velle sibi bonum, & amare seipsum naturaliter; ergo dilectione naturali Angeli diligunt se ipsos. Secunda pars probatur ab aliquibus, qui sentiunt Angelum posse cessare à cognitione sui; & consequenter etiam à dilectione; ac proinde diligere seipsum esse actum liberum, quoad exercitium, & hoc modo diligere seipsum actū esse electiuum in Angelo. Verū quia est incertum; an Angelus possit cessare ab omni actu cognitionis sui ipsius, & videtur probabilius esse, quod non possit, cū obiectum sit semper præsens, & po-

reata expedita ad actum; ac proinde quod sicut potentia visiva, posito obiecto proportionato, & omnibus requisitis ad visionem, non potest suspendere actum videndi, ita nec etiam potentia intellectiva respectu obiecti, maxime presentis, & habens omnia requisita, ut habet Angelus respectu sui, non possit suspendere actum intelligendi seipsam, ac proinde propter eandem rationem nec etiam actum amoris quoad aliquod bonum. Propterea melius probatur ab alijs cum S. Thoma prima parte qu. 60. artic. 3. quia alia sunt bona communia, & substantialia, ut esse, & subsistere, & hæc, cum sint naturalia, Angelus sibi naturaliter ea vult; alia sunt bona accidentalia, ut sunt hæc, vel illa operatio, quæ sunt in eius potestate; & hæc, cum liberè exercentur, sic etiam liberè, & electivè diliguntur ab Angelo, ut morus iste, vel ille, intellectio, aut volitio huius, vel illius obiecti creati, à se distincti; & his similia.

Dico secundo: Angelum naturaliter diligere alium Angelum, sicut seipsum. Prob. ratione, qua utitur S. Thom. prima parte qu. 60. artic. 4. nempe quia cum Angelus naturaliter diligit seipsum, consequenter diligit id omne, cum quo est unum in naturalibus; sed omnes Angeli sunt unum in natura, cum omnes conveniant in uno genere, ergo unus alium naturaliter diligit, tamquam seipsum,

ita tamen, ut illa particula [tamquam] importet similitudinem, non verò æqualitatem.

Eadem ratione probatur etiam Angelos naturaliter diligere homines; eo quod cum illis sunt unum in genere, non solum substantiæ; sed etiam Spiritus, ratione animæ rationalis, cum qua conveniunt in gradu naturæ intellectualis.

Dices: Dæmones odisse alios Angelos, ac etiam nos homines; Ergo falsum est, quod illos, & nos naturaliter diligant. Antecedens est certum. Consequentia probatur, quia si naturaliter diligerent illos, & nos, non possent non amare, amor enim naturalis est amor necessarius, ac proinde qui hoc modo amat, non potest odisse. R. Dæmones non odisse Angelos, & homines quoad naturam, in qua conveniunt; sed quoad illas perfectiones, in quibus cum Angelis, & nobiscum differunt: hoc enim modo non diligunt dilectione naturali, sed libera, & electiva. Ad probationem R. amorem illum esse necessarium quoad specificationem, non verò quoad exercitium, quia sicut potest libere cessare à cognitione actuali naturæ cuiusvis alterius Angelis hanc enim liberè exercet, ita consequenter, & ab amore actuali, qui consequitur ad illam, eamque necessario supponit. Dices: Dæmones vellent alias naturas non esse; ergo neque naturaliter, neque necessario, nec etiam

etiam quod specificationē diligunt alios secundum naturam. R. Dæmones, si hoc volunt, velle, non quatenus naturæ sunt, sed quatenus ipsis malæ, & infestæ sunt; ac proinde non odisse eas secundum illud, in quo cōueniunt, & sunt vnū cum illis; sed in quo differunt.

Dico tertio: Angelum naturaliter diligere Deum plusquam seipsum. Prob. hæc assertio à S. Thoma loco citato art. 5. ex eo, quod omne illud, quod secundum id, quod est, est alterius, naturaliter magis inclinatur in id, cuius est, quam in seipsum; sed Angelus secundum id, quod est, Deus est; Ergo naturaliter diligit Deū plusquam seipsum. Maior probatur exemplo inclinationis aliarum rerū, quæ naturaliter se exponunt damno, ad tuendum id, cuius sunt aliquid ab eo dependens, vt manus pro conseruatione capitis vulnere se naturaliter, & sine præuia deliberatione exponit. Sic etiam inaninata ad impediendum vacuum contra propriā inclinationem, per quam conseruantur, ascendunt, aut descendunt. Præterea si Angelus naturaliter inclinaretur ad a nandum magis seipsum, quam Deum, talis inclinatio naturaliter esset peruersa; peruerteret enim ordinem, qui debet esse in rerum naturis, qui exigit, vt naturaliter magis diligatur id, quod exigit magis diligere, sed nihil est in rerum serie naturaliter peruersum: Ergo necessariò di-

cendum Angelum naturali amore inclinare in hoc principium, cuius est totum id, quod habet, & à quo in omnibus bonis essentialiter dependet. De hoc etiam amore dicendum est, esse necessarium quoad specificationem, quatenus scilicet Angeli, cōsiderando Deum esse ens summè bonum, infinitè perfectum, & per se amabile, non possunt in illum terri actu odij, non esse tamen necessariū quoad exercitium patet, quia, sicut Angelus naturaliter non necessitatur ad actuale cognitionem, ita nec etiam ad actuale dilectionem, ac proinde naturaliter loquendo ab actuali amore illius vacare potest; & hoc non solum est verum de amore amicitie, sed etiam de amore concupiscentie. Dixi naturaliter loquendo; nam de amore Beatifico, qui est supernaturalis, certum est Angelos Beatos ab eius actuali exercitio non posse cessare.

Dices: damnati dicuntur Deum odisse, & quantum est ex se vellent ipsum non esse; ergo falsum est, quod Angeli naturaliter diligant Deum quoad specificationem. Respondet S. Thomas loco citato. Aliquos dici odisse Deum ratione effectuum, qui sunt contrarij ipsorum voluntati, vt ratione punitionis. At nihilominus diligere dilectione naturali, quatenus est vniuersale bonum, cum enim diligant suum esse, id est suam naturam, & essentiam, non pos-

possunt sub hac ratione odisse eum, eundem Angelicum Doctorem,
 a quo essentialiter pendent in suo loco citato.
 esse, Plura alia de his vide apud

CONTROVERSIA SEPTIMA

De Gratia, Meritis, & Gloria Angelorum.

AXOMA PRIMVM

Angeli fuerunt creati in Gratia.

Ex lib. 12. de Ciuitate Dei cap. 9.

Hoc discutiendum est, si boni Angeli ipsi in se fecerunt voluntatem bonam, utrum aliqua eam, an nulla voluntate fecerunt. Si nulla; utique nec fecerunt; si aliqua, utrum mala an bona. Si mala quomodo esse potuit malae voluntas bonae voluntatis effectrix? Si bona, iam ergo habebant; Et illam quae fecerat, nisi ille, qui eos cum bona voluntate id est cum amore casto, quo illi adherent creauit, simul in eis, & condens naturam, & largiens gratiam?

D V B I V M

Vtrum Angeli sint creati in gratia sanctificante.

Omitto Disputationem prolixam de loco, & tempore, in quibus Angeli creati fuerunt; tum

quia breuitati incumbens, ea solum quae magis controuersa sunt in doctrina S. P. Augustini, pertractare in
 ten-

tendo: tum etiam quia de his solum ex coniecturis, & diuersis PP. vel Doctorum Scholasticorum dictis aliquid valde dubium inferre possumus. Propterea obiter solum S. P. mentem, & sententiam aperio, &

Dico: Hoc semper fuisse certum in S. Ecclesia Catholica: non solum corpora: sed nec etiam Spirituales creaturas fuisse ab æterno: Id enim contra Aristotelem habetur ex cap. 8. Libri Prou. illis v. *Dominus possedit me in initio viarum suarum, antequam quidquam faceret*, loquitur hic Spiritus S. de Sapientia increata, quã docet fuisse in Deo ante omnia sua opera ad extra: quod non esset verum, si aliqua creatura Spiritualis, vel corporea Deo coeterna fuisset. Fuit etiam definita hæc veritas in Concilio Lateranensi sub Innocentio Tertio, & refertur in cap. *Firmiter* de Summa Trinitate, & Fide Catholica. Vtrum verò aliquo tempore antè omnem creaturam corpoream, vel simul cum ipsa fuerint producti, fuit etiam inter PP. controuersum: nam pro parte quæ affirmat ante omnem creaturam corporealem fuisse Angelos conditos: ex Græcis stant Origenes, Hom. 4. in Esaiam: (licet in proemio Periar. non sit de hoc dubius:) S. Basilius hom. 1. in Genesim antè medium, & hom. 2. ad illa verba *Terra erat inanis* S. Greg. Nazianz. oratione 38. quæ est de natali Domini ante medium S. sic

nimirum, & in sequenti Oratione. Vbi sequitur cum etiam Nicetas: in illa verba *At vero nobis*. Et S. Io. Damascenus lib. 3. de Fide cap. 3. Ex Latinis vero S. Hilarius lib. 12. de Trinitate post medium S. Ambrosius in Præf. Ps. 1. & lib. 1. Hexameron cap. 5. S. Hieronymus in Epistol. ad Titum in magnis Comment. quæ habetur Tomo Sexto. cap. 1. ad illa verba *quam promissit non mendax* Deus Cassianus Collatione 8. cap. 7. quibus etiam adhærere videntur S. Greg. lib. 28. moralium cap. 7. S. Isidorus lib. primo de summo Bone cap. 12. Sententia 4. & Venerabilis Beda in Tomo 8. Libro QQ. quæst. 9.

De mente S. P. fuit aliqua difficultas. Aliqui enim existimarunt eum cū prædictis PP. sentire: quod & probabant ex libro de Ecclesiasticis Dogmatibus cap. 10. qui circumfertur inter opera S. P. & ex expositione Psalm. 89. ad illa verba *Priusquam montes fierent aut formaretur terra*. Sed falluntur primò, quia liber ille de Eccl. Dogm. non est S. P. vt euid. ostendunt Bellarminus in lib. de Ecclesiasticis Scriptoribus, & DD. Louanientes in Censura dicti libri: vbi ostendunt esse opus Genadij Præsbyteri Massiliensis, & propterea illum reiecerunt ad appendix Tomi Tertij. Præterea si attentè perpendantur verba prædicti capitis hoc non continent; nec etiã

in secūdo loco hoc docet S. P. quod ante me advertit etiam P. Gabriel Valquez Tomo secundo in Primam Partem disp. 224. cap. primo numero marginali tertio. Veritas est, quod S. P. N. opinatur quidem; Angelos fuisse creatos simul cū creaturis corporeis; sed fatetur esse rem incertam, nam in libro imperfecto super Genesim cap. 3. dicit esse rem coniecturis impenetrabilem; & lib. 11. de Civitate Dei cap. 32. vbi ex professo agit de hoc puncto, concludit. *Proinde ut voles, unusquisque accipias; quod ita profundum est, ut ad exercitationem legentium à Fidei regula non aberrantes plures possit generare Sententias: dum tamen Angelos Sanctos in sublimibus celi sedibus, non quidem Deo coeternos sed tamen de sua sempiterna, & vera felicitate securos, & certos esse nemo ambigat.* Liberum est igitur in Doctrina S. P. sequi quam malueris sententiam. Hanc enim facultatem ille concedit hic. Propterea sententiam negativam ego amplector; hæc enim probabilior mihi videtur, Angelos scilicet sine alia duratione cum creaturis, corporalibus fuisse creatos. Hanc docet ex professo S. P. N. lib. 11. de Civitate Dei cap. 6. vbi cum posuisset differentiam inter æternitatem, & tempus, descendit ad explicandum creaturarum initium, & absolute docet, & dicit. *Si littera Sacra maximeque veraces ita dicunt in principio fecisse Deum calū,*

& terram, ut nihil intea fecisse intelligatur, quia hoc potius in principio fecisse diceretur, si quid fecisset ante cætera cuncta quæ fecit: procul dubio non est mundus factus in tempore, sed cum tempore. & cap. 9. eiusdem libri vbi ex professo agit de creatione Angelorum, & docet quid secundum Divina testimonia de hoc sentiendum sit: ex Cantico trium puerorum Danielis cap. 3. & ex Psal. 148. & ex Iob. cap. 38. infert; eos inter opera Dei esse connumerandos, quæ in spatio illorum sex dierum dicuntur creata, & concludit ex illis. *Sic nimirum; ergo si ad istorum dierum opera dici pertinent: Angeli ipsi sunt lux illa, quæ dies nomen accepit, cuius unitas ut commendaretur non est dictum dies primus, vel dies unus.* Aduerte tamen, quod non absolute, aut sine aliqua formidine docet; quod lucis nomine significatur; nam in principio huius capitis permittit. *Vbi de mundi constitutione Sacra Littera loquuntur, non evidenter dicitur utrum, vel quo ordine creati sint Angeli: sed si prætermissi non sunt vel calis nomine &c. vel potius lucis huius, de qua loquor, significati sunt.* Idem docet etiam libro vigesimo secundo contra Faustum Manichæum capite decimo; non verò primo, & secundo, ut perperam aliqui citant, ibi enim ait. *Cum essent tenebre super abyssum, ille qui erat lux, dixit Fiat lux. Quæ lux lucem fecerit manifestum est. Manifestè*

enim positum est, dixit Deus: Quam tamen lucem feceris, non ita manifestum est. Vtrum enim illam qua in mentibus Angelorum est, id est ipsos tunc spiritus rationales Deus fecerit, an corporalem quamdam lucem, remotum etiam ab aspectibus nostris in sublimibus huius mundi locis inter studiosos Dininarum Scripturarum concorditer disputatur. Hic etiam, ut vides, dubitat; an nomine lucis veniant: licet potius in partem affirmatiuam, quam in negatiuam ex alibi ab eo dictis illum inclinare non dubitem. Hoc mihi sufficit in presenti: quod huiusmodi Spiritus cum creaturis corporalibus, & non antea creatos esse sentiat, ut in præcitatis locis ex Ciuitate Dei constat. Videndus est etiam in Libro 2. de Gen: ad litteram cap. 7. & 8. ubi de hoc differens explicat, quomodo nomine lucis primo die factæ veniant Angeli, & Lib. de Genesi imperfecto cap. 3. ubi etiam inquirendo plura docet de creatione Angelorum in principio mundi ante, vel simul cum mundo corporeo, inclinās tamē semper in sententiam docentem cum mundo corporeo creatos fuisse. A quibusdam adducitur etiam Auctoritas ex lib. de Incarnatione, qui circumfertur inter opera S. P. cap. 6. Sed opus istud non est S. P. ut obseruauerunt DD. Lo uanienfes. in Censura ad ipsum; & propterea cum reiecerunt ad appendicem Tomi Quarti; & idem censuit

Em. Cardinalis Bellarminus in Lib. de Scriptoribus Ecclesiasticis; in Obseruationibus ad prædictū Tomum: & Præterea operis istius Auctor non asserit, sed dicit incertum esse, quando sint creati Angeli. &c. quod etiā S. P. indicauit in prædicto lib. de Genesi imperfecto cap. 3. cum dixit res seeretissima est in humanis coniecturis impenetrabilis: quod tamen dictum est circa Questionem de tempore, & principio temporis præcipuē: nam de principio durationis Angelorum, immediate post subiungit. Illud certe accipiendum est in fide, etiam si modum nostræ cogitationis excedit, omnem creaturam habere initium, tempusque ipsum esse creaturam, ac per hoc ipsum habere initium, nec coeternum esse Creatori. Possit enim calum, & terra pro vniuersa creatura positum videri, ut & hoc visibile Aethereum firmamentum calum appellatum sit, & illa creatura inuisibilis supereminens potentum, &c. manet ergo semper S. P. fixus in hoc, quod in principio mundi corporei fuerint creatæ etiam substantiæ Angelicæ; licet sit dubius an veniant nomine cæli, aut lucis. Hanc eandem sententiam creationis Angelorum simul cum mundo corporeo docuerunt etiam Venerabilis Beda Tomo quarto in lib. Hexamerō paulo post principium. Hugo de S. Victore lib. primo de Sacram: parte 5. cap. 3. & 4. Rupertus lib. primo in Gen cap. 10.

& 11. S. Gregorius Magnus lib. 32 Moralium cap. 9. & in aliquibus impressionibus 10. ubi ait, *Simul ut calum, & terra dicuntur facta, intellige corporea, & spiritualia*. Ex Grecis PP. ei adhæserunt S. Epiphanius hæresi 65. ante medium, & Theodoretus Quæstione 3. in Genesim. Ex Scholasticis Magister in secundo dist. 2. S. Thom. Q. 61. in Primam Partem Artic. 3. & cum eo Caietanus ibi, & ferè omnes alij Theologorum veteres, quam recentiores; & ita est habita communior, & verax, ut noster Ferrariensis lib. 2. contra Gentes. cap. 83. §. *Sed circa hoc quod ultimum*, arbitratus fuerit, oppositam sententiam damnatam, & hanc nostram de finitam sub Innocentio Tertio in Concilio Lateranensi illis verbis, quæ referuntur etiam in cap. *Firmiter de Summa Trinitate Creator omnium visibilium, & invisibilium* &c. simul ab initio temporis utramque de nihilo condidit creaturam Spiritualem, & corpoream Angelicam videlicet, & mundanam. Sed fallitur noster Compatriota; ut latè probat, & demonstrat Vasquez tomo secundo in Primam partem. Disp. 224. cap. 3. & 4. quod etiam ante ipsum docuerat S. Thomas loco citato in corpore articuli, ubi de opposita sententia ait, *Quamvis contrarium non sit reputandum errorum, præcipuè propter sententiam Gregorij Nanzianzeni, cuius tanta est in Doctrina Christiana auctoritas, ut*

nullus unquam eius dictis calumniam inferre præsumpserit, sicut nec Athanasij documentis, ut Hieronymus dicit. quod miror meum Ferrariensem non aduertisse. De Loco etiam, in quo creati fuerunt Angeli, est non parua Quæstio inter Theologos Scholasticos; nam Magister in secundo dist. 2. docet fuisse in Cælo empyreo productos, & hanc sententiam accepit ex Venerabili Beda loco supra citato: etiam Hugo de S. Victore in summa Sententiarum Tract. 2. cap. primo, & eam tradit Glossa ordinaria in primi paragraphi libri Genesim expositione: quæ opinio solet probari auctoritate verborum Christi Domini, quæ habentur Lucæ cap. 10. *Videbam Sathanam sicut fulgur de cælo cadentem*. & ex Apocalypsi cap. 12. ubi dicitur factum esse prælium magnum in cælo à Michael Angelo cum Dracone; & pro ea sententia adduci solent aliqui PP. qui tamen expressè non loquuntur de Cælo Empyreo.

Quod spectat ad S. Patrè de hoc puncto, inuenio eum solum in libro undecimo de Genesi ad litteram egisse, ubi cap. 19. refert quosdam docuisse; Dæmones ex alio genere Angelorum, quam Beatorum Spirituum fuisse, eosque in hoc mundo inferiori fuisse creatos; At ipse postea cap. 19. concludit; *Sed asserant hæc duo genera bonorum Angelorum, qui potuerint, unum super celestium in quibus*

bus numquam fuit, qui cadendo Diabolus factus est; alterum autem Mundanorum, in quibus fuit: Mihi autem factor unde hoc secundum Scripturas asseram, non interire occurrit. Propterea do quidem esse probabile, quod Angeli fuerint creati in Cælo; sed an in Empireo, vel in alio mihi incertum est; Opponit sibi Angelicus Doctor in Prima Parte qu. 61. artic. 4. in secundo Argumento. Quod S. P. lib. 3. super Genesim ad litteram cap. 10 dixerit; quod Angeli fuerint creati in superiori parte aeris; & consequenter ex sententia ipsius non fuisse creatos in cælo. Respondet ibi Ang. D. S. P. Augustinum fortè per supremam partem aeris intellexisse supremam partem cæli, cum quo aer quamdam convenientiam habet propter suam subtilitatem, & diaphaneitatem. Vel loqui non de omnibus Angelis; sed de illis, qui peccaverunt; qui secundum quosdam fuerunt de inferioribus ordinibus: quibus explicationibus positis dicit, quod nihil prohibet dicere, superiores Angelos habentes virtutem eleuatam, & vniuersalem supra omnia corpora esse, in supremo creaturæ corporeque creatos; alios verò habentes virtutes magis particulares esse creatos in inferioribus corporibus: hæc docet ibi Angelicus Doctor. Attentè legi prædictum caput, & librum; & vidi, eum non loqui ibi ex propria sententia: nam & interponit in discursu: Si er-

go hæc ita sunt, non impedit ista distinctio nostram Scripturam. (& infra) Si quid de his transgressoribus Angelis diligentius inquirendum est, alias erit accommodatior Scriptura, locus, Quapropter ex hoc loco non rectè infertur: quod ipse sentiat, dari ali- quos Angelos, qui fuerint creati in superiori parte elementi aeris; cum solum loquatur ex sententia Platoniorum, & aliorum qui illud tenuerunt: immo dictam sententiam retere-ns omnino dubitatiuè loquitur dicens. Superior verò pars aeris propter puram tranquillitatem, cælo cui collimitatur, communi pace coniungitur, & eius vocabulo nuncupatur. In qua fortassis parte si fuerint ante transgressionem suam transgressores Angeli cum Principe suo nunc Diabolo, tunc Arcangelo; nam non nulli nostri, non eos putant caelestes, vel super caelestes Angelos fuisse: non mirum si post peccatum in hanc sunt deusificatiginem, ubi tamen, & aer sit. &c. Sententiam igitur hanc omnino sub dubio relinquit, ut patet ex dictis; nequæ enim ibi, aut alibi habetur locus, in quo assertiuè, & sine dubitatione loquatur de hoc puncto; immò in libro primo Retractionum expendens cap. 26. ea, quæ dixerat in libro de diuersis quæstionibus in quæstione 67. aduertit, illud, quod à se dictum ibi fuerat de Angelis inferioribus, idest eos animaliter viuere; tamquam audacius dictum, & quod

non possit probari, retractat his verbis. *Quod dixi spiritaliter summas Angelos vivere, infimas vero animaliter, audacius dictum est de infimis, quam ut possit, vel scripturis sanctis, vel ipsis rebus ostendi. Quia & si scire sitan potest, difficilime potest.* Inclinauit ergo S. P. potius in sententiā, quod omnes Angeli fuerint in cælo creati, quam in oppositam, & hæc de hoc puncto obiter notasse sufficiat.

Venio nunc ad Quæstionem propositam, in qua duæ sunt extremæ oppositæ DD. Sententiæ.

Prima est nostri B. Egidij Romani in secundo Sententiarum Dist. 4. Quæst. prima artic. 4. ubi ex professio docet, Angelos in gratia non fuisse creatos: sed solum stantibus concessam fuisse; cadentibus vero infligendam penam: est etiam Hugonis de S. Victore lib. de Sacram. cap. 19. & 22. Ruperti Abb. lib. primo de Operibus Trinitatis cap. 16. Magistri Ser. in secundo Dist. 5. Aletensis in summa parte 2. qu. 19. memb. 2. S. Bonau. in 2. Dist. 4. artic. primo qu. 2. Marfilij, ac etiam nostri Thomæ de Arge ntina ibidem quæst. prima art. 2. qui licet concedat fuisse creatos in gratia gratis data; negat tamen eos fuisse creatos in gratia gratum faciente.

Secunda sententiā est S. Thomæ in Prima parte quæst. 62. artic. 3. & cum eo sentiunt omnes Thomistæ tam antiqui, quam recentiores; ac

etiam plures alij extra illius Scholæ, qui omnes docent, Angelos fuisse creatos in gratia gratum faciente, & de hac sententiā ait ibi Angelicus Doctor, quod est probabilior, & magis consona dictis Sanctorum: propterea.

¶ Dico omnes Angelos fuisse creatos in gratia gratum faciente; ut ait ibi S. Thom. id est omnes illam habuisse in primo instanti suæ creationis. Prob. primo ex Isaia cap. 64. ubi & probatur Diabolo in persona Regis Babylobis, ut ait S. Hieronymus ibi, ipsius casus his verbis: *Quomodo cecidisti de cælo Lucifer qui mane oriebaris;* ex quibus verbis per ly mane oriebaris communiter intelligitur ortus eius in gratia, à qua cecidit. non enim cecidit à natura. Similiter in Ezéch. cap. 28. habetur de eo. *Perfectus in vijs tuis fuisti à die conditionis tuæ, donec inuenta est in te iniquitas.* Quem locum etiam communiter exponunt de perfectione in gratia sanctificante, quam habuerunt Angeli in die conditionis id est in primo instanti suæ creationis. Prob. 2. Aug. S. Patris qui, & in Axiomate expressè docet, quod erat Deus simul in eis, & condens naturam, & largiens gratiam, & pariter in dicto libro de Ciuitate Dei cap. 11. ait. *Nul lo quidem modo secundum aliquod temporis spatium prius erant illi spiritus tenebre quos Angelos dicimus: Sed simul ut facti sunt lux facti sunt;* non

tamen ita tantum creati, ut quoquo modo essent, & quoquo modo uiuerent, sed etiam illuminati, ut sapientes beateque uiuerent. Ab hac illuminatione auersi quidam Angeli, non obtinuerunt excellentiam sapientis beatæque uitæ, quæ procul dubio non nisi æterna, æternis atque sua est certæ atque securæ. mox Leonardus Coqueus hoc caput exponens ait. Videtur itaque hic aperte docere Angelos ab initio fuisse in gratia creatos. ubi ex professo probat esse de mente S. P. Substantiam Angelorum natura non tempore præcessisse informationem per gratiam. Sic etiam in libro duodecimo cap. 9. ad illa uerba S. P. *Ut facti sunt eis à quo facti. sunt amore cum quo facti sunt adhaerunt.* subiungit Non de amore naturali, quo feruntur in Deum tamquam in Authorem naturæ, & finem naturalem intelligit, sed de amore supernaturali, quo Deum amabant tamquam bonum supernaturale, & obiectum Beatitudinis supernaturales, quem non erant ab initio, unde apertissime uult: Angelos ab initio fuisse creatos in gratia, quod dilucidè testatur in hoc eodem capite cum dicit simul in eis Deum condidisse naturam, & largitum esse gratiam, & non tantum ad homines pertinere, verum etiam de Angelis dici posse, quod charitas Dei diffusa sit in eis per Spiritum Sanctum, qui datus est eis. *Amor enim ille quo ab initio Deo adhaerunt, non alius erat à Charitate diffusa in eis per Spi-*

ritum Sanctum qui datus est eis. hæc ibi Coqueus, & uerissimè, & doctissimè obseruauit. Idem docuerunt etiam S. Hieronymus in Commentarijs Osee ad cap. 3. ad illa uerba. *Dilexerunt Vinacea uuarum.* S. Greg. magnus lib. 5. Moralium cap. 27. & lib. 32. cap. 24. & 25. Theodoretus lib. de Decretis Diuinis cap. de Diabolis, & Dæmonibus, & S. Ioannes Damascenus lib. 2. de Fide Orth. cap. 3. & 4. Probat 3. ratione; nã Primus homo fuit creatus in gratia, ut colligitur ex Sacra Scriptura, & habetur in Cõcilio Tridentino. Sess. Quinta in Decreto de peccato Originali, ubi dicitur. *Si quis non confitetur primum hominem Adam, cum mandatum Dei in Paradiso fuisse transgressus, statim Sanctitatem, & Inuitiam in qua constitutus fuerat amisisse.* &c. Ergo etiam Angelus qui est perfectior creatura. Hanc rationem attulit etiam Durandus, quam confirmat sic, homo fuit creatus in Iustitia Originali, quæ consistebat in perfecta obedientia corporis ad animam, & uirium inferiorum ad superiores, ac etiam in reuerentia uoluntatis ad Deum; sed hæc non poterant consistere sine gratia gratum faciente: Ergo cum huiusmodi gratia creatus fuit: Ergo etiam Angelus. Probat 4. ratione D. Thomæ: qui sic arguit. In primo principio creationis omnia fuerunt simul creata, vel in se, vel in suis rationibus semina-

nalibus; sed in illo primo instanti gloria Angelorum non fuit creata in se, quia tunc Angeli fuissent Beati in ipsa sua creatione, & nullus postea cadere potuisset. Ergo talis gloria fuit creata in suo seminario, quod est ipsa gratia gratum faciens: ergo huiusmodi gratia fuit in Angelis in principio creationis ipsorum. Noster Argentina expendens hanc rationem loco citato dicit, dato quod illa maior sit vera quantum ad naturalia, tamen non est vera quantum ad gratuita: eo quod iuxta principium vulgatum S. P. N. Qui creauit nos sine nobis, non iustificat nos sine nobis. Sed fallitur; nam S. P. N. in hoc Axiomate loquitur de homine adulto existente in peccato, cuius actus conuersionis in Deum requiritur, ut iustificetur, non verò in vniuersum de quibuscumque creaturis intellectualibus; alias nec etiam infantes qui baptizantur iustificarentur, cum non possint habere liberum actum conuersionis in Deum, vel detestationis peccati. De mente S. P. iam supra euidenter demonstrata est eius sententia, quæ, & nostra est. Prob. 4. ab aliquibus ex eo, quod non sit ditendum, Deum magis retardasse ornatum creaturæ spiritualis, quam corporalis; sed Deus à principio creationis immediatè orauit corpora cælestia suis luminibus. Ergo, & creaturam spiritualement statim orauit gratia, & virtutibus. R. Argen-

tina huic rationi: Ornatum naturæ corporalis esse ejusdem status cum sua natura; quod huiusmodi ornatus, & ipsa natura quam ornatus constituunt unum statum, id est statum naturæ: At in spiritualibus res non ita se habet; nam status cuiuscumque naturæ spiritualis est diuersus à statu gratiæ; & propterea debet natura spiritualis præcedere gratiam, ne gratia videatur natura. Equè mihi difficilis videtur ratio, ac responsio. Nā in primo capite Genesis habemus, & terram creata fuisse in principio; luminaria verò cæli fuisse producta die quarta; ac proinde non statim à principio fuisse ornata luminibus; sed mediassse tres dies. Si dicas priuā die fuisse productam lucē, R. nō tamen propterea haberi quod hæc fuerit producta ad ornatum corporum cælestium; sed è cōtra potius ad ornatum terræ, & elementorum cum assignetur ibi veluti pro ratione; quod tenebræ erant super faciē abyssi. Nec satis facit responsio; nam licet status gratiæ sit diuersus à statu naturæ, nihil tamen obstat, quo minus uterque status sit simul; dummodo intelligatur præcedere naturam in priori naturæ, ut subiectum, & subsequi gratiam ut formam supernaturalem: ita tamen ut duratione sint simul; nec propterea videretur, Gratiā esse naturam; nam cum simul infundantur Fides, Spēs, & Charitas, optimè cognouissent Angeli, & per

Fidem, & per Species inditas statum gratiæ esse supernaturalem, & statum naturæ esse ordinis naturalis: Itaque ad summum haberet locum illa ratio in sententia, quæ tenet omnia omnino creata fuisse simul in eodem instanti similitate coexistentiæ; quam aliqui tribuunt S. P. quod quam falso tribuatur, Deo dante ostendam. Non enim similitatem coexistentiæ; sed similitatem immediationis admisit S. P. ut suo loco dicam: Prob. 5. ab alijs; quia Liberalitas Diuina semper est parata dare gratiam, ubi non inuenit obicem ex parte suscipientis; sed Angeli in primo instanti suæ creationis nullum habuerunt in se impedimentum ad suscipiendam gratiam: Ergo, &c. Confirmatur; quia Deus magis pronus est ad miserendum, quam ad condemnandū. Ergo non minus est pronus ad conferendum principium merendi, quam principium demerendi; sed in ipsa creatione contulit principium demerendi, quod est liberum arbitrium. Ergo etiam principium merendi, quod est gratia. Antecedens est certum ex Scripturis, & in confesso apud omnes; consequentia probatur; quia alias Misericordia eius non esset super omnia opera eius, nec super exaltaret iudicium, & Iustitiam ut prædicat Scriptura. Respondent prædicti nostri A. A. ad hoc argumentum, quod licet Angeli in primo instanti suæ creationis non habuerint impe-

diumentum contrariæ, seu priuatiue ad recipiendam gratiam; quod stat in auersione seu resuratione gratiæ habuerunt tamen impedimentum negatiue; quod dicit non fuisse in illis ante illud instans vsum liberi arbitrii, quo se ad gratiam recipiendam disponerent, & conuerterent. Ad Confirmationem respondent; Magnam Dei bonitatem, & Misericordiam apparuisse in eo, quod dedit eis naturam inclinam ad virtutem sine omni incitamento intrinseco, vel extrinseco ad vitium, siue ad peccatum; & præterea in eo quod contulit eis principium, quo saltem de congruo mereri possent, & virtuosè persistere, donec Deus gratiam sanctificantem infundisset, qua median- te etiam suam beatitudinem de condigno meruissent. Verum Responso ista non eneruat vim argumēti, quod licet non habeat vim demonstratiuam, magnam tamen probabilitatē affert huic sententiæ: Illud enim impedimentum negatiuum est gratis ex cogitatum ad eludendum argumentum; est enim idem ac non habere impedimentum: illa enim conuersio non requiritur ex natura rei in ijs, qui non habent obicem contrarium, seu priuatiuum, quod est peccatum; immò neque in istis Deus semper requirit hanc dispositionem, seu conuersionem per actum liberi arbitrii, ut patet in infantibus, qui baptizantur: Vnde cum dependeat ex beneplaci-

placito Divino, habemus nos maius fundamentum ad asserendam prædictam infusionem gratiæ ratione Divinæ Liberalitatis: quam Aduersarij ad eam negandam. Adde quod estō requireretur ille, actus conversionis in Deum in illo primo instanti prædebita præparatione; nihil obstat quo minus in illis fuerit talis actus in eo ipso primo instanti simul cum infusione, ratæ sicut de peccatore eliciente actum. Contritionis communiter docetur, in eodem instanti infundi illi gratiam; ita ut in priori naturæ, intelligatur præcedere, talis actus, & in posteriori infundi gratiā; cum tamen duratione sint simul; & solum in diuerso genere causalitatis habeāt præcedere, vel subsequi. Nec etiam satisfacit, responsio ad Confirmationem, cum propter prædicta; tum etiam quia non videtur conueniens Diuinæ Misericordiæ, quod pro aliquo instanti voluerit habere creaturam Intellectualem innocentē ordinatam ad finē supernaturalem; nec amicam, nec inimicam; quod licet potuerit, non est tamen dicendum, quod fuerit, nisi habeamus sufficientis fundamentum, quale in præsentī non extat.

Dices primo: cum prædictis S. P. N. docuisse lib. 11. de Ciuitate Dei cap. 12, hominem non fuisse creatū cum gratia gratum faciente; Ergo, nec etiam est de mente ipsius, quod Angeli fuerint creati in gratia; Con-

firmatur ex libro de Corrupt, & Gratia cap. 10, 11, & 12, ubi contendit, eadem dona à principio maximè supernaturalia fuisse collata, & Angelis, & Primo Parenti. Probat antecedens Argentina; quia ibi S. P. docet, quod quantum ad spem futuri boni beator est quilibet iustus in hac vita, quam primi parentes. Huius doctrinæ rationem reddit Magister Sententiarum. Quia iustus in hac vita habet, quo possit proficere: Primus autem homo quamuis haberet quo posset stare, idest originalem Iustitiam, non tamen habuit, quo posset proficere, idest Dei gratiam. Cōsequentiam probat idem A. hac ratione: Conditor ordinatus non minus nititur sustentare partem debiliorem, & de facili ruinofam, quam partem fortiorem, & naturaliter minus ruinofam: sed homo fuit infirmior Angelo, & plures causas habuit ruinæ, quam Angelus; nam habuit causam intrinsecam, idest appetitum sensitiuum, & causam extrinsecam idest Diabolum temptatorem; & tamen homini non fuit concreatum gratiæ fulcimentum. Ergo nec Angelo, qui caruit prædictis incitamentis ad ruinam. Ad hoc argumētum Respondeo cū nostro Coqueto, in Comment. ad prædictum caput eo loco S. P. non loqui de quibuslibet iustis, ex quibus certum est nonnullos in dies excidere à gratia, sed de his quibus tantas vires gratiæ De-

us confert, vt ab ea nec excidant, vt quorumcumque tormentorum, vt certa veritate iam intelligant sibi conferendam vitam æternam in consortio Beatorum. Quæ expositio est adeo certa, & vera, vt sit tantummodo explicatio ipsorum verborum. Textus. Nam S. P. ibi sic loquitur. *Quantum pertinet ad delectationem presentis boni, beator erat Primus homo in Paradiso, quam quilibet Iustus in hac infirmitate mortali: quantum autem ad spem futuri boni, beator qui libet in quibuslibet cruciatibus corporis cui non opinione, sed certa veritate manifestum est, sine fine se habiturum omni molestia carentem societatem Angelorum in participatione Summi Dei, quam erat ille homo sui casus incertus in magna illa felicitate Paradisi.* Comparatio igitur inter primum hominem, & talem iustum in natura lapsa non fit à S. P. in eo; quod ille non haberet gratiam sanctificantem, iste haberet; sed in eo quod ille non habebat certitudinem suæ perseuerantiæ, & erat incertus sui casus: iste vero iustus cum non sit quilibet iustus, sed talis qui habuerit reuelationem à Deo de sua finali perseuerantia; (non enim aliter in hac vita certa veritate manifestum est alicui, se sine fine habiturum omni molestia carentem societatem Angelorum in participatione Summi Dei, vt loquitur S. P. ibi) quis dubitet in hac parte feliciorē esse talem iustum,

quam fuerit Primus homo. Non ergo recte intulerunt prædicti nostri A.A. ex dicto loco S. P. Primum parentem non habuisse gratiam sanctificantem in primo instanti suæ creationis; nam ibi de hoc puncto non loquitur nec explicite, nec implicite. Sensus igitur istius loci, & illius qui citatur in argumento ex lib. de Corrept. & Gratia est; multo maiorem gratiam conferri iustis modo per Christum in lege Evangelica, quam Adamo in statu innocentie, quia Adamo tunc fuit collata gratia, qua perseuerare posset, si veller. Verum iustis illis, de quibus hic loquitur S. P. confertur etiam gratia, qua non solum possint perseuerare, sed etiam actu perseuerent, & præterea vt certo sciant, se ad Angelorum societatem peruenturos; quam certitudinem Adamus non habebat. Ex quo etiam patet expositionem Magistri sententiarum non esse ad mentem S. P. sed potius contrariam; nam vt bene notat Coquæus loco citato: ex alijs locis S. P. constat Primum hominem fuisse creatum in gratia, & consequenter habuisse, quo posset proficere, de quo alibi erit sermo. Ad probationem Argentinæ patet responsio ex dictis: nam iuxta principia S. P. est par ratio de Angelis, ac de primo homine, vt habes in cit. lib. de Corrept. & Gratia cap. 10.

Dices secundò: Creatura videns se esse in gratia nunquam à gratia

potest resiliire; maximè si illa notitia perfecta fuerit, ut est intuitiva: sed Angelus à principio vidit, & se ipsum, & omnia; quæ fuerunt in ipso. Ergo si fuisset in gratia, nunquam à gratia ullus excidisset; quod tamen ex Scripturis Sacris constat aliter euenisse. Maior probatur: quia Gratia Sanctificans est pulcherrimus naturæ decor, & quicumque huiusmodi decorem in se videret non posset ipsum non appetere; immò minus posset ipsum non appetere, quam aliam quamcumque naturalem suam perfectionem; cum sit pulchrior quacumque tali perfectione naturæ. Ergo cum sit de fide Angelos peccasse, sequitur eos gratiam sanctificantem non habuisse, & negàdo maiorem. Ad probationem Respondeo: quod nullum bonum creatum necessitat liberum arbitrium ad sui amorem, saltem quoad exercitium, quantumvis perfectè cognoscatur, & videatur ratione sue limitationis; ac proinde Angelum potuisse actu non appetere conservationem illius doni, & habere actum appetitus destructivum talis doni; & consequenter ex hoc capite non recedè inferri, quod Angeli non habuerint huiusmodi gratiam in sua creatione.

Dices tertio: Ioannes Summus Pontifex relatus in secunda parte, Decreti: Causa sextadecima quæst. 2, cap. primo incipit. *Vista litteris*, docet, Diabolum dolere, & erube-

scere, quod ipse in cælo non habuerit charitatem, quam homines habent in terra: Ergo non omnes omnino Angeli habuerunt gratiam sanctificantem; Diabolus enim, ut ait ille Pontifex, eam non habuit, siue dicas gratiam esse idem realiter, ac est charitas; siue ponas eam esse realiter diuersam; nam etiam posita realidistinctione Gratia à charitate adhuc semper saltem de lege ordinaria sunt coniunctæ. & textum hunc non citari fideliter ab illis, qui eo vtuntur pro hac intento: nam verba Pontificis loco citato sunt ista, *Dolens enim satis, & erubescit Charitatem [quam in cælo nequit habere] homines constantes ex lucea materia tenere in terra*, loquitur igitur de præsentibus ibi Pontifex dum ait, *Nequit habere*, nihil statuens, aut memorans de principio durationis eius; Vel si magis placet dic cum Glossa in dictum caput ad illud verbū *Costantes* dolet quod *non potuit habere Charitatem, perseverantem*. Puto tamen quod melius diceretur, *non habuit*, nam S. P. in loco præcitato de Correctione & Gratia cap. 10, 11, & 12, docet, & Angelos, & Primum hominem à principio potuisse perseverare si voluissent. Alij dicunt dolere Diabolum, quod homo charitatem semel ammissam potest recuperare, quam ipse non potest, quam responsum refert Becanus Tractu de Angelis cap. 2, quæst. p. de Gratia Angelorum.

rum, num. 5. Verum duæ priores
responsiones magis correspondent
Textui.

Dices quarto: Si Angelus fuisset
creatus in gratia, hæc esset illi con-
naturalis; Sed hoc est impossibile: er-
gò nullo modo concedendum est,
fuisse creatum in gratia. Probatur
maior; quia species intelligibiles,
quas habent Angeli, ideo dicuntur
illis connaturales, quia sunt creati cū
illis. Ergo similiter si essent creati
cum gratia, hæc diceretur, & esset il-
lis connaturalis. R. negando maio-
rem. Ad probationem. R. Species
dici connaturales, quia sunt debitæ
tali naturæ: cum enim naturaliter
Angelus sit intellectualis, exigit na-
turaliter habere principia, quibus
possit exercere actus sue naturæ con-
uenientes, & consequenter sunt etiā
datæ illæ species in ordine ad finem
naturalem; cum quo tamē stat, quod
si quæ species fuissent datæ in ordi-
ne ad mysteria supernaturalia, dice-
rētur supernaturales: (sed quidquid
sit de hoc) mihi sufficit, quod ex illo
duplici capite illæ species dicantur
naturales: quorum neutrum compe-
tit Gratie Gratum facienti, esto po-
natur infusa in ipsa creatione; neque
enim exigitur à naturā; neque fuit
data in ordine ad finem naturalem;
sed in ordine ad Vitam æternā, quæ
est finis supernaturalis.

Dices quinto: Si omnes Angeli à
principio habuissent Gratiā, & cha-

ritatem: omnes immobiliter Deo ad-
hæsisent. Sed hoc non est factum;
nam multi corruerunt. Ergò non
habuerunt huiusmodi dona. Pro-
batur sequela maioris; Si enim ha-
buissent huiusmodi habitus super-
naturales in primo instanti, tunc fu-
issent conuersi ad Deum per actum
charitatis, & cum eorum liberum
arbitrium sit inflexibile, immobiliter
ei adhæsisent: nec postea aliqui cor-
ruissent. R. in hoc argumento inuo-
lunt aliqua difficilia, quæ in sequenti-
bus sunt fusiùs disputanda. Pro nūc
dico primo ex principiis Doctrinæ
S. P. N. non haberi, quòd Angeli
sint ex sua natura inflexibiles; sed
solum ratione termini, & status in
quo sunt: consequenter ad ea [quæ
habentur in Sacris litteris de Diabo-
lo: quòd *in Veritate non stetit*, quòd
non esset verum, si eius arbitrium ex
natura sua inflexibiliter, & immobi-
liter adhereret obiecto. Præterea
Respondeo non sequi necessariò;
quòd si Angeli habuerunt Gratiā,
& charitatem quòd in eodem instan-
ti fuerint in Deum actualiter con-
uersi: nam licet ex Sacris Scrip-
turis hoc inferamus; nihilominus
non est necessaria consequentia
ex eo quod habuerint Gratiā, &
charitatem in primo instanti; quòd
in eodem fuerint per proprios actus
conuersi ad Deum. Potest enim
creatura viatrix, & libera exercere,
& non exercere actus suorum.

habituum esto supernaturalium: bio: in quo huiusmodi difficultates
sed de hoc fusius in sequenti Du- examinatur.

AXIOMA SECVNDVM.

*Angeli omnes in primo instanti suæ creationis amore casto
Deo adhererunt.*

Ex lib. 12. de Ciuitate Dei cap. 9.

Si dixerimus, nullam esse efficientem causam etiam bonæ Voluntatis, cauendum est, ne Voluntas bona bonorum Angelorum non facta, sed Deo coæterna esse credatur. Cum enim ipsi facti sint, quomodo illa non esse facta dicitur? Porro quia facta est, utrum cum ipsis facta sit, an sine illa fuerunt prius? Sed si cum ipsis, non dubium quod ab illo facta sit, à quo, & ipsi simulque ut facti sunt, ei à quo facti sunt adhererunt. Eoque sunt isti ab illorum [demonum] societate discreti, quod hi in eadem voluntate bona manserunt, illi ab ea deficientes mutati sunt, mala scilicet voluntate, hoc ipso quod à bono defecerunt; à quo non defecissent, si utique vlcissent:

D V B I V M

Vtrum Angeli per proprium actum poterint se præparare, & de facto se disposuerint in primo instanti ad gratiam habitualem recipiendam.

Pono Quæstionem hanc sub his terminis; eo quod sit specialis difficultas tam circa possibilitatem quam circa actum. Ratio dubitandi

di de potentia est, quia si Angeli potuissent se præparare ad gratiam per suos actus in primo instanti, vel tuisset per actus necessarios, vel per actus liberos: sed actus necessarii non sunt aptæ dispositiones ad gratiam sanctificantem de lege ordinaria solum in Viatoribus, ut erant tunc Angeli, & actus liberi non videntur posse admitti in illis pro primo instanti. Ergo nullo modo potuerunt se præparare. Secunda pars minoris, in qua est difficultas, (Primum enim omnes, vltro cōcedunt;) probatur quia defuit sufficiens libertas ad habendum talem actum in primo instanti; nam ad huiusmodi libertatem requiritur indifferentia voluntatis ad operandum, & non operandum, quam Angeli non potuerunt habere pro illo primo instanti; sed solum respectu temporis sequentis: Cum enim huiusmodi indifferentia debeat præcedere talem actum; alias enim non esset actus liber, nisi principium illum eliciens antequam se determinet ad illum, potens esset illum elicere, & non elicere; & non possit esse sub tali indifferentia in minori duratione quam per instans; consequens est, illos in primo instanti non potuisse habere actum liberum, quod se ad gratiam præpararent: his tamen non obstantibus.

Dico cum communi Theologorum sententia: Angelos omnes in primo instanti potuisse elicere pro-

prium actum supernaturalem, & liberum dilectionis Dei, & de facto exercuisse; quod probatur; quia pro illo instanti habuerunt liberum arbitrium; & nulla est repugnantia, quin Deus posset illis conferre auxilia actualia tam ex parte intellectus, quam ex parte voluntatis ad actus supernaturales fidei, spei, & caritatis. Ergo potuerunt illos actus liberos elicere: & idcirco si Deus disposuisset, ut illi actus non ab habitibus elicitive prodirent, ita potuissent ordinari ut essent dispositiones ad illos; hanc sententiam esse de mente S. P. N. non dubito, cum enim doceat in Axiomatibus præcedentibus; omnes Angelos, eo ipso ut facti fuerent, adhæsisse Deo amore sancto, & casto; & Dæmones ideo malos effectos; *quia ab ea voluntate deficiente mutati sunt mala voluntate.* Manet eos potuisse tales actus elicere. Ad rationem dubitandi respondent aliqui, ad libertatem non requiri, ut voluntas prius duratione reali sit in differens ad operandum; sed sufficere, ut prius natura præcedat; & hoc dicunt esse de mente S. Thomæ qui prima parte qu. 63. art. 5. ad 3. docet Angelum in primo instanti posse mereri, & tamen ad meritum requiritur libertas. Licet enim alibi doceat in primo instanti non potuisse peccare; hoc tamen non insert ex defectu libertatis villo modo; sed ex alio capite. Hoc tamen non obsta-

re; solutio prædicta censetur insufficiens à recentioribus, & maximè ab illis qui docent prædictam indifferentiam esse constitutivum formale libertatis; eo quod nec etiam diuinitus fieri possit, ut duo contradictoria simul existant in eadem duratione reali, nec etiam pro unico instanti; & consequenter nec etiam fieri poterit; ut in eodem instanti reali sit negatio formæ, & simul forma ipsa existat; & cum esse determinatum dicat negationem indifferentiæ, & indifferentia dicat negationem determinationis; nullo modo voluntas, pro eo tempore, vel instanti quo est determinata, poterit esse indifferens: propterea ad complementum prædictæ solutionis dicunt determinationem, & indifferentiam causæ dupliciter posse contingere. Primò ut sit ipsius causæ determinatio per se, & secundum illa, quæ ipsius actionem præcedunt, cui opponitur indifferentia ipsiusmet causæ per se. Altera vero est determinatio non ratione ipsius causæ præcisè; sed ratione actus quo informatur, cui opponitur indifferentia respectu ipsius actus; quo posito dicunt ad rationem libertatis causæ pro eo instanti in quo agit non esse posteriorem indifferentiam, aliàs nulla causa libera quando actu exercet suos actus qui dicuntur liberi, esset verè libera; Esse tamen de ratione eius priorem indifferentiam, quæ solummodo per aliquod præcedens

actum, quo ante eius exercitium ipsa causa sit determinata, tolli potest; quòd dicunt fieri quoties in intellectu est iudicium determinans voluntatem ad exercitium actus; cuius rei exemplum habemus in visione beatifica determinante voluntatem ad amorem Dei. Quapropter cum solum per illam priorem indifferentiam causa libera differat à necessaria; manet optimè posse coherere hæc duo, & quòd voluntas in primo instanti, quo existit, sit libera, & liberè agat; & nihilominus in illo instanti sit determinatio posterior; dummodo nò sit illa prior per quam solam tollitur libertas. Sic discurret Caspensis Tract. de Angelis disp. sexta sect. 2. nu. 10. cum Monceo, & Meratio ab eo ibi relatis. Hæc responsio licet patiat suas difficultates; videtur enim imperceptibile; quomodo causa sit libera, & indifferens illa prima indifferentia, & tamen hæc non præcesserit actum neque per instans, & quomodo stante illa indifferentia in causa in omnibus, & singulis indiuiduis quarumcunque specierum nature Angelicæ fuerit iste actus in illo primo instanti elicitus; non enim aliundè colligimus determinationem in causis necessarijs, nisi ex eo quòd in omnibus, & singulis indiuiduis talium causarum existentibus talibus circumstantijs dentur tales actus: Nihilominus est melior quæ in prædicta sententia de constitutivis libertatis

ris dari possit. Quia verò nos cum S. P. lib. 3. de lib. arb. c. 3. & lib. de Natura, & Gratia cap. 45. & 47. & alibi, vt suo loco dicam ponimus cōstitutuum libertatis in Amplitudine, & eminentia cum Dominio, & potestate in suos actus præscindendo ab illa indifferentia, & determinatione, cum quo sentiunt SS. DD. Anselmus, Bernardus, & Thomas, & cum his plurimi alij clarissimi, & toto orbe celeberrimi Auctores. Propterea respondemus Angelos omnes casto amore se in primo instanti ad Deum conuertisse, quia erant plenè domini talis actionis, de cuius dominij ratione non erat, vt præcederet per aliquod instans realem suum actum; sed solum quod ita poneret; vt quantum erat ex se, posset non ponere: Eiusque exercitium in omnibus, & singulis indiuiduis naturæ Angelicæ inferimus ex scripturis Sacris; & præcipuè ex Ezechiele cap. 28. vbi de Diabolo dicitur. *Perfectus in vijs suis à die conditionis tuæ: donec inuenta est iniquitas in te.* & ex SS. PP. & maximè ex S. P. N. vt habes in Axiomate.

Circa secundam difficultatem; an scilicet per talem actum Angeli se disposuerint ad gratiam iustificanti recipiendam; est duplex sententia. Prima est Caietani in Commētarijs 22. quæst. 24. artic. 3. ad 3. nostri Ferrariensis libro 3. contra Gentiles cap. 100. Gregorij de Valen-

tia Tomo primo disp. quarta qu. 13. puncto primo Assert. 3. & Ludouici Caspensis loco citato, & est affirmatiua. Secunda vero est negatiua quæ docent Capreolus in secundo dist. 4. qu. 1. ad primum Molina qu. 72. ait 3. ad primum. Res hæc est incerta, & dubia, vt obseruant Beccanus Tract. de Angelis qu. 2. § 5. *Secunda Conclusio.* & Arriaga, Tomo 2. disp. 20 de Angelis Sectione tertia. Nam certum est Deum potuisse vtroque modo disponere; At quid fuerit de facto; nec ex Sacris Scripturis, nec ex SS. PP. adducitur testimoniū conuincens pro alterutra parte contradictionis.

Dico tamen secundò in re tam dubia mihi videri probabiliorē Sententiam Capreoli negantis talem actum fuisse dispositionem moueor p. ex verbis S. P. quæ habentur in eodem capite; ex quodæsumpsi Axioma; vbi dicit quod *Dens eos cum bona voluntate, id est cum amore casto, quo illi adhaeruerūt, creauit, simul in eis condens naturam, & largiens gratiam.* Si simul condendo naturam largiebatur gratiam; profecto omninò liberè, & sinè vllō merito, vel ex condigno, vel ex congruo eam illis donabat, hoc enim sonat illud verbum *largiens*, largiri enim est idem, ac donare; non esset autem donata, si fuisset prærequisita dispositio, & actus meritorius saltem de congruo. Prob. 2. ex supra relata PP. & DD.

cominuniori sententia, quod Angeli fuerint in gratia creati: Si enim ipsi ad eam se per proprium actum disposuissent, hoc non fuisset in gratia esse creatos; sed eam sibi met ipsis suis actibus comparare. Prob. 3. quia etiam per Aduersarios melius est operari in gratia, & per gratiam, quam sine gratia; maioris enim valoris semper sunt opera illa, quæ procedunt à gratia, quam illa quæ eam antecedunt. Prob. 4. quia Christus Dominus non habuit gratiam habitualement in instanti suæ conceptionis ex meritis; Et tamen si honorificentius esset [ut volunt Aduersarij] eam habere ex meritis, seu dispositionibus præcedentibus, non apparet ratio; cur hæc honorificentia Christo Domino esset deneganda: Nec satisfacies, si dicas, eam fuisse debitam ratione vnionis hypostatiæ: ac proinde nullam debuisse præcedere actionem dispositiuam; nam etiam Gloria Sanctissimi Corporis ipsius erat ei debita propter prædictā vnionem; & tamen Deus eam illi dedit propter opera. Prob. 5. quia in hoc magis elucet Liberalitas Dei, & Artificis Potentia, si ipse per semetipsū ornet opus suū; quā si ipsam opus per semetipsam sibi suum ornatum comparet, & acquirat per sua opera.

Probant vlti nō alij quia si data fuisset huiusmodi gratia propter opera, licet solum de congruo meritoria eius, fuisset collata secundum inten-

sionem actus; quemadmodum de homine peccatore se conuercente ad Deum, & præparante ad gratiam, communiter docent Theologi. Sed hoc dato talis gratia fuisset nimis exigua: Et non posset verè dici, quod omnis lapis pretiosus fuisset indumentum eius. Ergo probabilius est, eam fuisse datam independentem à meritis. Sic discutit Arriaga loco citato.

Dices primo: gloriosius esse cuiusque creaturæ ratione vtenti habere gratiam propter merita, quam sine illis. Ergo ne Angeli carerent hac gloria, dicendum erit hoc modo fuisse illis collatam. & negando antecedens, nam tota gloria pensatur ex meritis factis per gratiam, & ex gratia: Immo gloriosiora sunt merita prouenientia à persona iam existente in gratia; quam illa quæ proueniunt ab eadem antecedenter ad gratiam; quo enim dignior est persona, eo gloriosior est operatio. Vbi aduerte, non propterea nos negare esse illis datam nouam gratiam in præmium operationis, sed solum contendimus, primam gratiam sanctificantem fuisse illis collatam antecedenter ad talem dispositionem adtualem ipsorum.

Dices secundo: S. Thomas prima parte qu. 62. art. 6. docet, Angelos perfectiores accepisse maiorem gratiam; quia fortius, & efficacius se disposuerunt, & ad Deum conuertunt: Et quæst. 63. art. 3. ad 4. dicit:

cit: omnes Angelos in primo instanti meruisse. Ergo de mente S. Thomæ est Angelos se preparasse ad primam gratiam, & eam accepisse secundum proportionem dispositionis vniuscuiusque ipsorum; Et hoc eo magis quod in eo instanti habuerūt supernaturalem cognitionem Dei, ac etiam supernaturalem amorem, quod eo magis de illis dicendum est, quia non erat in illis vllum impedimentum, vel praua aliqua cogitatio; quæ illos à tali amore auerteret. R. S. Thomam loqui ibi de augmento gratiæ non vero de prima gratia sanctificatæ; nam eo loco docet, eos accepisse talem gratiam iuxta quantitatem suorum naturalium; quod non esset, si fuisset collata intuitu dispositionis præcedentis; nam ille actus, ut potè procedens ab auxilio actuali supernaturali, cum esset in sua entitate supernaturalis, ut docet etiam Aduersarij, fecisset, ut gratia illa non esset secundum quantitatem suorum naturalium; sed secundum intensiorem talis actus supernaturalis. Propterea cum idemmet Angelicus Doctor in præcæto art. 6. qu. 62. sibi obiecisset pro secundo argumento: quod magis propinquus est ad gratiam actus humanus, quam natura; & cum gratia non sit ex operibus, ut habetur ad Rom. 11. multo minus quantitas gratiæ in Angelis est secundum quantitatem naturalem. Satisfecit argumento in R. ad se-

cundum h's verbis. *Dicendum quod actus rationalis creaturæ sunt ab ipsa (1. gratia) Sed natura est immediate à Deo. Unde magis videtur, quod gratia detur secundum gradum nature, quam ex operibus.* idem omnino conuincitur ex duobus articulis præcedentibus, si attentè considerentur: nam in quinto docet, quod Angelus statim post primum actum Charitatis beatitudinem meruit, & in quarto articulo in quo querit; utrū Angelus creatus suam beatitudinem meruerit: in corpore articuli finit dicendo. *Melius dicendum est, quod gratiam habuit Angelus antequam esset beatus, per quam beatitudinem meruit.* Statuit itaque hunc ordinem Angelicus Doctor, ut prius prioritate nature sit ipsa natura Angeli: secundo gratia sanctificans per quam possit mereri: tertio ipse actus meritorius: quarto ipsa beatitudo; ut legenti articulos illos elatum erit. Aduerte hic pro solutione aliorum objectionum, quæ possunt fieri; nos non negare Angelos in primo instanti habuisse actum conuersionis in Deū ut putant aliqui Aduersariorum; & ideo totis viribus conantur probare Angelos in primo instanti exercuisse huiusmodi actum; hoc enim ultro concedimus. Tota differentia inter illos, & nos est in hoc præcisè, quod Aduersarij dicunt illum primū actum dilectionis, seu conuersionis in Deum fuisse prius natura, quam ipsa

ipsa gratia sanctificans, & nos dici-
mus fuisse posterius.

Dices tertio: in collatione gratiæ contrahitur quædam amicitia spiri-
tualis inter Deum, & creaturam ra-
tionalem: Sed amicitia consistit in
mutua dilectione, quæ etiam despo-
satio spiritualis dicitur. Ergo debet
acquiri per propriam, & actualem di-
spositionem; cum consistat in mu-
tua dilectione inter ipsum Deum, &
creaturam rationalem. R. hoc argu-
mentum pati instantiam in Christo
Domino; nam amicitia illa, & despo-
satio fuit perfectior in illo, quam in
qualibet pura creatura; fuit enim per
gratiam unionis; & tamen non præ-
cessit operatio libera ipsam gratiam
habitualement: non ergo bene infertur
ex eo, quod datur mutua dilectio inter
Deum, & creaturam; quod actus
ille dilectionis debeat præcedere in
priori naturæ ipsam gratiam sanctifi-
cantem; sufficit enim si ab ipsa proce-
dat. Habet etiam instantiam in in-
fantibus qui baptizantur, in quibus
datur illa spiritualis desponsatio; &
tamen non habent actum conuersio-
nis liberum in Deum. Vnde ad sum-
mum illa, & aliæ similes congruen-
tiæ ostendunt, Deum potuisse res sic
ordinare, ut actus aliquis liber An-
gelorum fuisset dispositio ad infusio-
nem primæ Gratia Sanctificantis;
non tamen probant; quod ita factum
fuerit, vel debuerit fieri.

Dices quarto: nihil impedit, quo-

minus ille actus dicatur productus à
gratia, & nihilominus fuerit disposi-
tione ad illam; Ergo etiam si non
præcesserit natura, sed subsequutus
fuerit, adhuc erit præparatio ad illam.
Prob. antecedens: quia communiter
admittitur; actum contritionis esse
priorem gratia sanctificante in ge-
nere causæ materialis, & posteriorem
in genere causæ efficientis; Ergo idem
poterit dici de illo actu Angelus; quo
casto amore adhæsit Deo; id est quod
fuerit prior Gratia sanctificante qua-
tenus disposuit subiectum ad illam
recipiendam, posterior verò quate-
nus fuit productus ab illa efficiente.
Arriaga loco citato dicit; hoc esse ar-
gumentum Tanneri disput. quinta,
quæst. 6. dubio primo; ubi etiam
alios citat pro se; sed esse argumentum
valde durum, eo quod ponat mutuam
causalitatem, quam ille in physicis
reiecit. Sed quidquid sit de hoc.
Respondetur in nostro casu non pos-
se admitti illam prioritatem, & po-
sterioritatem in eo actu; cum ponatur
à nobis gratiam esse priorem hoc
actu dilectionis in genere causæ effi-
cientis, & principium effectuum est
simpliciter prius suo effectui: & quod
est simpliciter prius alio in genere,
causæ efficientis, non potest postea
in ullo alio genere esse posterius il-
lo: nam causa efficiens est illa, quæ
dat esse effectui, quod non habebat
antecedenter; vnde cum ante ipsam
causam efficientem non existeret, nõ

poterat esse dispositio ad ipsam; esse enim dispositionem ad aliquid, verè, & realitèr importat necessariò, & essentialitèr veram, & realem existentiam talis dispositionis antecedenter ad ipsam formam, saltem in priori naturæ, quam existentiam in casu nostro (ut vides) antecedentem gratiam nullo modo ille actus habebat.

Dico tertio: probabilissimum esse; Angelos in primo instanti acceptis gratis habitibus Gratiæ Sanctificantis, ac etiam fidei spei, & Charitatis, qui ipsam Gratiàm gratum facientem in Viatoribus de lege ordinaria comitantur, elicuisse in primo instanti non solum actum charitatis, & conuersionis in Deum, de quo supra: sed etiam Fidei, & Spei; & hos non solum illi qui steterunt, sed etiã illi, qui ceciderunt; hæc assertio est consequens ad prædicta, & communis inter Theologos; in quantum dicit Angelos in illo primo instanti elicuisse hos actus. Controuersia solū est an huiusmodi actus fuerint dispositiones ad ipsos habitus supernaturales; vel potius eorum effectus: in quo puncto eodem modo philosophandum est; ac de ipso actu dilectionis Dei: militant enim eadem argumenta, & nihil noui pro, aut contra mihi in hac parte placet adducere. Prior pars assertionis quæ est communis: probatur hac ratione, Angeli potuerunt in eodem instanti omnes hos actus elicere, & nullum

erat impedimentum; immò posito quod in primo instanti elicerint actum dilectionis Dei supernaturalem, præquirebatur in eis actus cognitionis, & fidei supernaturalis de ipso Deo non solum tamquam Principio, & Auctore naturæ, & gratiæ; sed etiam ut sine non solum naturali, sed etiam supernaturali ipso- rum; cum nondum haberent cognitionem intuitiuam, seu visionem Beatificam; Ergo hos omnes actus elicuisse dicendum erit. Prob. 2. quia isti actus mutuo se succurrunt; fides enim dirigit, & spei est fundamentum iuxta Apostolicam definitionem in qua dicitur, Fides est substantia rerum sperandarum; & spes excitat amorē, & amor erigit spem; & cū sint actus spirituales elicit, & recepti etiam in potentijs spiritualibus, nihil impedit, quò minus possint simul existere in eodem instanti. Probatur 3. quia isti actus sunt media necessaria ad beatitudinem supernaturalem consequendam, Ergo illos habuerunt in primo instanti; cum sit intelligibile quod habuerint actum Amoris supernaturalem in primo instanti, ut est communior terè omnium DD. sententia, & non habuerint etiã actus fidei, & spei supernaturales: Cumque omnes fuerint pares in illo instanti non solū perseverantes; sed etiam cadentes habuisse hos actus in illo primo instanti dicendum est. Hos actus censeo elicitos fuisse per habi-

tus ipsos supernaturales prius infusos, & consequenter non fuisse dispositiones ad illos, nec etiam ad gratiam sanctificantem propter supradicta.

Dices: non solum in peccatoribus, sed etiam in qualibet creatura rationali, quæ habet usum rationis requiruntur hi actus, ut infundatur ei gratia sanctificans, & isti habitus. Ergo hi actus fuerunt dispositiones ad illos. R. antecedens esse verum quoad peccatores; quia cum propriis motibus, & actibus liberis se auerterint à summo bono, & conuerterint ad creaturas: ratio dicitur, ut in conuersione necessarii debeant auerti à creaturis, & conuertere ad Deum per huiusmodi actus; De alijs creaturis, quæ supponuntur non peccasse, nulla necessitas cogit nos ad hoc dicendum; Si enim Deus per suam meram liberalitatem primo infundat hos habitus (ut in Angelis factum fuisse censeo propter prædicta) nulla omnino est necessitas, ut se disponant ad primam infusionem illorum; sed ad summum per illos possunt se disponere ad augmentum eorumdem habituum.

Cum hæc scriberem, à quodam viro satis erudito mihi oblata fuerunt quædam loca S. P. N. Augustini ex Epistola 207. quæ est ad Vitalem. Ex lib. 2. op. imperfecti contra Iul. fol. 216 ex lib. primo ad Bonif. cap. 2. & 3. ex lib. de Gen. ad litt. c. 14. De Nat. & Gratia cap. 13. lib. primo de peccator. meritis, & remissione

cap. 37. ex lib. de Corr. & gratia c. 12. ex S. Fulgentio libro de Incarnatione, & Gratia cap. 2. 12. & 13. Et ex S. Prosp. in carmine de Ingratis quidam versus, & alia plura; Ex quibus concludebat, ut verissimum, & absque dubitatione tenendum in Doctrina S. P. & Ecclesiæ certum esse, omnia bona opera Angelorum in via, & Primi Parentis in statu innocentie inclusis etiam actibus Fidei, Spei, & dilectionis Dei ab illis potuisse fieri; & quæ facta fuerunt de facto elicta fuisse per naturalem arbitrij libertatem; ita ut ea non essent ex gratia Dei, & consequenter falsa esse ea, quæ supra dicta sunt de supernaturalitate habituum, & actuum Angelorum, dum erant in via. Hæc mihi paradoxa visa fuere; & non esse ad mentem S. P. N. nam cum in Axiomatibus supra positis docuerit ex professo; quod Deus erat in Angelis *condens naturam, & largiens gratiam*. profecto per gratiam intellexit dona gratuita contra distincta ab ipsis perfectionibus naturalibus. Præterea recolui in præcitato libro de Correptione, & Gratia cap. vndecimo S. P. loquendo de possibilitate quæ habuerunt Angeli; & Primus homo; sic habere *Quid ergo? Adam non habuit Dei gratiam: immo verò habuit magnam, sed disparem. Ille in bonis erat, quæ bonitate sui Conditoris acceperat. Neque enim ea bona, ille, suis meritis*

comparauerat, in quibus prorsus nullū patiebatur malum. & sic per extensum probat ibi S. P. Primum hominem habuisse gratiam Dei, per quā posset benè, & meritoriè operari; & cum posuisset apertam differentiam inter Gratiam datam Adamo, & Gratiam datam nobis concludit dicendo. Nec ipsum ergo Dens esse voluit sine sua gratia, quam reliquit in eius libero arbitrio; quoniam liberum arbitrium ad malum sufficit, ad bonum autem nihil est, nisi adiungetur ab Omnipotenti bono: quod adiutorium si homo ille per liberum non deseruisset arbitrium, semper esset bonus: sed deseruit, & desertus est. Tale quippe erat adiutorium, quod desereret cum vellet, & in quo permaneret si vellet; non quo fieret ut vellet. Hac est prima gratia, que data est Primo Adam. & infra loquens tam de Angelis, quam de primo homine à principio durationis eorum; sic discurret. Si autem hoc adiutorium, vel Angelo, vel homini quam primum facti sunt, defuisset, quoniam non talis natura facta erat, ut sine Diuino adiutorio posset manere si vellet, non utique sua culpa cecidissent: Adiutorium quippe defuisset, sine quo manere non possent. Nunc autem quibus deest tale adiutorium, tam piana peccati est, quibus autem datur secundum gratiam datur, non secundum debitum. Sentit ergo S. P. & Angelos, & Primum hominum habuisse Gratiam, & Adiuto-

rium Diuinum superadditum naturæ humanæ, & datum non secundum debitum: sine quibus permanere non potuissent, etiam si voluissent. Nec loca illa obiecta vllō modo probant contrarium; nam licet in illis dicatur Adamum accepisse voluntatem liberam, & sufficientissimam voluntatem, & similia; numquam tamen in illis locis excludit necessitatem gratiæ, immò vel explicitè, vel implicitè eam docet; & ex professo in locis, hic adductis ex lib. de Correptione, & Gratia eam declarat; vnde immerito ei attribuitur illa sententia; quam nec ipse nec Sancti illi adducti ab Aduersariis tenuerunt. Quapropter arbitror, & Michaellem Baium; & Cornelium, Iansenium, Ipræsem Episcopum lib. sing. de Gr. Prim. hom. c. 7. in hoc sicut, & in pluribus alijs aberrasse à germana mente S. P. Nostri Augustini. Dixi Michaellem Baium. Nam inter eius proportionales damnatas in Bullis Fel. Rec. B. Pij PP. Quinti, & Greg. XIII. hæc primo loco habetur. Nec Angeli, nec primi hominis integri merita rectè vocantur gratia. & septima erat. Primi hominis integri merita fuerunt primæ creationis munera; sed iuxta modum loquendi Scripturæ Sacra non rectè vocantur gratia, quo fit ut tantum merita, non etiam gratia debeant nuncupari: & Nona sic se habebat. Donæ concessa homini integro, & Angelo forsitan non impro-

banda ratione possunt dici gratia; sed quia secundum usum Sacra Scriptura nomine gratia ea tantum munera intelligimus, quae per Iesum Christum male merentibus, & indignis conferuntur. Ideo neque merita, neque merces, quae illis redditur gratia dici debet. Dux priores Sententiae fuerunt ab illis Summis Pontificibus profertur; quia continebant errorem intolerabilem; quatenus asserabatur in illis merita Angelorum, vel hominis integri non recte vocari gratiam; cum nihil repugnet, meritum aliquod ita esse gratiam; ut etiam simul sit meritum, cui ex iustitia merces debeat; & propter eandem rationem damnata fuit etiam nona; quia in illa ponebatur in dubio: utrum dona collata Angelis, & homini integro sint dicenda gratia, & tandem affirmabatur non debere dici; & praeterea quia affirmabat gratiae nomine in Sacris litteris id solum censeretur, quod per Iesum Christum male merentibus confertur: quod etiam ex ipsa Sacra Scriptura patet esse errorem. Dixi etiam Cornelium Iansenium Ipse sem Episcopum; quia in Libro singulari de Gratia primi hominis, & Angelorum cap. 7. videtur fauere Doctorum Michaelis Baii contentae in illis tribus propositionibus. Eam tamen Iansenius, retractavit cap. 19. eiusdem libri, in quo expressè dicit. *Non ideo Angelorum, & Adami merita non sunt gratia, quia non supremo*

modo sunt gratiae & paulo infra Quia propter omnia sciendum est merita. Itaque innocentie tam Angelica, quam humana fuisse gratias, ac dona Dei; sed non illo sublimi, ac speculati modo qui statui fracta libertatis, damnataque natura proprius, & supra fufius explicatus est. & postea subsequenter propositis quattuor modis quibus merita illa vocari possint gratiae, ac dona Dei cõcludit sic. Hinc est igitur quod magna cum fiducia Augustinus omnia non solum merita, sed etiam pramiameritorum Divinae Gratiae in illo statu prima tam humana, quam Angelica felicitatis ascribit. Constat etiam authenticè de retractatione Michaelis Baii qua non solum illas tres; sed etiam omnes alias contentas in illis diplommatibus eiuravit die 24. Martij Anno 1580. Est igitur, & Sententia expressa S. P. N. Augustini: Et S. R. Ecclesiae. Potestatem Angelorum, & actus illos, quibus vitam aeternam promeruerunt, habuisse veram Gratiae rationem; & inter dona Dei gratuita esse numeranda; & nullo modo solis viribus naturae adscribenda: aut inter dotes, & actus merè naturales esse computanda.

Quæri hic solet: an Angeli acceperint gratiam secundum quantitatem suorum naturalium. De hac questione non habeo explicitam sententiam S. P. eam tamen pertractat Magister sententiarum lib. Secundo dist.

dist. tertia in principio. Et S. Th. prima parte quæst. 62. artic. 6. & Conclusio est affirmatiua, quam S. Th. duobus potissimum probat argumentis. Primum est quia Deus, qui est Auctor naturæ, & gratiæ; cum naturam Angelicam ordinauerit ad gratiam, verisimile est, quod perfectiori naturæ perfectiorem contulerit gratiam. Secundum est quia. Quo quis Angelus est perfectior; eò maiori conatu potuit se disponere ad gratiam recipiendam, & cum sit verisimile vnumquemque Angelorum operatum esse totò conatu; verisimile est perfectiores Angelos maiori conatu se disposuisse; ac proindè maiorem gratiam accepisse. Hoc secundum argumentum in sententia, quam ego sequor accipiendum est de augmento gratiæ; non verò, de prima gratia sanctificante: hanc enim sentio eos accepisse à Deo ex liberalitate ipsius iuxta ordinem suæ Diuinæ Sapientiæ, & Providentiæ. Hæ rationes non excedunt limites probabilitatis: Nam non solum Christus Dominus; sed etiam Beatissima Virgo acceperunt maiorem gratiam quam omnes Angeli simul, & tamen Angelus natura humana est perfectior, & consequenter Deus non habet pro regula infallibili largitionis suæ gratiæ proportionem naturalium perfectionum. Secundum etiam patitur difficultatem in eo, quod sicut quidam Angeli etiam ex perfectiori-


bus non solum potuerunt peccare; sicut, & alij; sed etiam de facto peccauerunt, ita etiam potuerunt non ex toto conatu; sed remissius operari. Quapropter nullo modo est dicendum maiorem perfectionem naturalem Angelorum, vel maiorem conatum naturalem conuersionis fuisse causam impetrandi à Deo gratiam habitualement; nam in hoc est eadem ratio de Angelis, ac de hominibus; sed Deum ex mera sua voluntate, & liberalitate voluisse, Angelis perfectioribus conferre maiorem gratiam sanctificantem, & maiora auxilia præuenientia, & adiuantia ut acceptæ gratiæ, & donis habitualibus cooperaretur. Ratio huius doctrinæ est, quia motuum Diuinæ voluntatis non potest esse aliquid creatum; sed sola bonitas increata. Bonitas enim creata non habet rationem finis ultimi respectu Dei; sed solum mediij. Præterea si aliqua fuisset causalitas in natura Angelica in ordine ad inæqualem distributionem huiusmodi donorum supernaturalium, in aliquo genere causalitatis fuisset; sed excepto genere causalitatis materialis, quod de se non est sufficiens, ad hoc; ut Deus maiorem gratiam det vni, quam alteri; nullum aliud genus assignari potest, ratione cuius contingat talis inæqualitas: Ergo ex libera Dei voluntate facta est talis diuersitas dispensationis. Maior est certa: Minor quoad secundam partem probatur; quia

ipsa

ipsa natura Angelica, quantaui dignitate polleret, non potuit esse causa efficiens Gratiæ, solus enim Deus est causa illius; nec potuit esse causa meritoria, quia vires, & actus merè naturales non sufficiunt ad meritum Gratiæ Sanctificantis, & aliorum habituum supernaturalium; cum inter illos, & hæc non detur proportio requisita ad veram rationē meriti: nec potuit esse finalis; neque enim natura Angelica estò dignissima est finis operationum Dei: sed ipsamet eius bonitas; ut habemus ex Diuinis Scripturis; quod scilicet omnia propter semetipsum operatus est. Ergò nullum est assignabile causæ genus ex parte Angelorum, propter quod Deus vni dederit maiorem gratiam quam alteri; nisi libera Dei voluntas, cui placitum fuit, distribuere sua dona, prout illi placuit.

Dices: sicut in hominibus assignatur maior conatus, quò peccator se conuertit in Deum, pro ratione cur vni det Deus maiorem gratiam sanctificantem, quam alteri peccatori se conuertenti cum minori conatu; ita etiam ex parte Angeli possumus hoc assignare pro maiori ratione in vno, quam in altero. *scilicet* hanc rationem in nostra sententia non habere locum quoad primam gratiæ infusionem; nam ut dixi supra etiam ex mente

S. P. Deus largitus est illis gratiam Gratum facientem, & habitus Fidei Spei, & Charitatis antecedenter ad omnem illorum operationem: Loquendo vero in sententia eorum qui dicunt Angelos se disposuisse per proprium actum non solum ad augmentum; sed etiam ad primam Gratiæ Sanctificantis infusionem: adhuc dicendum est, hoc non fuisse factum ex solis viribus naturæ; sed ex maiori gratia præueniente, & adiuuante; quemadmodum etiam in exemplo assignato in argumento de peccatoribus se conuertentibus diuersis conatibus. Ratio est illa, quam paulò ante indicavi; quia inter dispositionem, & formam debet dari proportio: sed nulla est proportio inter actum naturalem, & formam supernaturalem: Ergò Angelus solo naturali conatu non potuit se disponere neque ad primam, neque ad augmentum Gratiæ Sanctificantis. Ergò quod vnus Angelus, magis se disposuerit, quam alius prouenit ex eo, quod vnus maiori gratia fuit præuentus, quam alter: Propterea merito rejicitur nunc à Theologis Sententia illorum, qui dixerunt, Angelos fuisse iustificatos ex dispositione solius liberi arbitrij absque vllò supernaturali auxilio, vel dono Gratiæ Dei supernaturali.



AXOMA TERTIVM

Angeli non receperunt Gratiā Sanctificantem ex meritis Christi.

Ex Enchiridione ad Laurentium Cap. 61.

Hæc ergo quæ Sanctis Angelis, & virtutibus Dei est Ecclesia, sane nobis sicuti est innotescet, cum ei communicaverimus in finem, ad simul habendam beatitudinem sempiternam. Ista verò quæ ab illo peregrinatur in terris, co nobis notior est, quod in illa sumus, quia hominum est, quod & nos sumus. Hæc sanguine mediatoris nullum habentis peccatum ab omni redempta est peccato, eiusque vox est, si Deus pro nobis quis contra nos? Qui proprio filio suo non pepercit, sed pro nobis omnibus tradidit illum. Non enim pro Angelis mortuus est Christus. Sed ideo etiam pro Angelis fit quicquid hominum per eius mortem redimitur, & liberatur à malo: quoniam cum eis quodammodo redit in gratiam post inimicitias, quas inter homines, & Sanctos Angelos peccata fecerunt, & ex ipsa hominum redemptione ruina illius Angelica detrimenta reparantur.

D V B I V M

Vtrum Angeli acceperint Gratiā
ex meritis Christi Domini.

Celebris est hæc difficultas in scholis, & communiter disputari solet Tertia parte in comentarijs quæstionis octavæ, vel quæstionis 19. eam tamen placet hic breviter propter affinitatem materiæ discutere, quod & alij auctores præsti-

terunt. Videndum igitur in præsentia: an Angeli acceperint gratiam auctivi autem, & consequenter etiā beatitudinem essentialē ex meritis Christi; in quo sunt duæ Theologorum sententiæ extremè oppositæ. Prima est Ambrosij Cathedrini in lib.

lib. primo de eximia prædestinatione Christi, & in alio lib. de gloria Angelorum, Viguerij in lib. Institutionum Theologicarum cap. 20. §. 1. vetl. 4. Nostri Iacobi de Valéria in psal. 102. Petri Galatini lib. 3. de Arcanis cap. 4. Iacobi Naclanti in cap. p. Epist. ad Ephesios. Melchioris Flauij in lib. de Regno Christi, Suarij tom. primo in 3. parte disp. 42. sels. prima vbi etiam citat Albertum Magnum in 3. dist. 13. artic. 2. Ioannem Arboreum lib. 3. Theosophiæ cap. 13. qui sentiunt Christum Dominum meruisse Angelis gratiã, & gloriam, & ratione huius influxus esse caput ipsorum.

Secunda sententia est S. Thomæ in 3. Sententiarum dist. 13. quæst. 2. art. 2. & de Veritate quæst. 29. art. 7. ad 5. & art. 4. ad 5. & in 3. parte qu. 59. art. 6. Alexandri Alensis 3. parte quæst. 12. mem. 2. art. 3. c. 5. S. Bonauenturæ in 3. dist. 13. art. 2. qu. 3. in corpore, & ad 3. & 4. Durandi ibidem quæst. 2. nu. 7. Paludani qu. 1. art. 3. Almaini item in 3. dist. 19. quæst. prima post primam conclusionem. Maioris in eadem dist. quæst. prima in argumentis post conclusiones. Driedonis in lib. de captiuitate, & redèptione generis humani tract. 2. cap. 2. par. 3. art. 5. post 4. propositionem. Et Vasquez tomo primo in 3. part. disp. 49. cap. 2. & est communis inter Thomistas; qui omnes docent, Angelos non habuisse gra-

tiam sanctifi. atem ex meritis Christi, & consequenter nec etiam beatitudinem essentialẽ. Eamque non dubito esse de mente S. P. Augustini, vt patet ex presenti axiomate, & ex alijs locis infra adducendis. Propterea.

Dico: Angelos omnes, qui ab initio suæ creationis iustificati sunt; iustitię, & gratię dona ex meritis Christi Domini non accepisse. Probatur hæc sententia primo ex Sacris Scripturis; nam Lucæ cap. 15. habetur parabola de Pastore, qui relictis nonagintanouẽ ouibus in deserto abiit, vt quæreret vnã solum, quæ perierat; quem locum S. Ambrosius in Lucam lib. 7. explicat de Christo Domino, qui merito suæ passionis quæsiuit totum genus humanum; quod per peccatum perierat; vt sicut in Adam omnes mortui erant; ita & in Christo omnes viuificarentur; & subdit omnes nos centesima portio sumus; habet Angelorum, habet Archangelorum, Dominorum, Potestatum, Thronorum aliorumque innumerebiles greges, quos in montibus dereliquit. Quod si Christus Dominus non solum propter salutem hominum; sed etiam propter iustificationem, & glorificationem Angelorum carnem assumpsisset, & mortem subiisset, non rectè diceretur, eos reliquisse in cælo; sed quod sicut venit ad quærendum hominem perditum; ita etiam ad quærendas alias oues, quæ periissent

sent nisi per gratiam ab ipso promeritam iustificatae fuissent. Nec obstat, si dicas Angelos multo ante aduentum Christi Domini fuisse iustificatos: & propterea non esse dictum, quod venerit propter illos; nam etiam Adam, & Patriarchae, ac Prophetae, & plurimi alij Sancti Vereris Testamenti fuerunt multo ante aduentum Christi Domini iustificati, & nihilominus ex communi consensu SS. PP. spectant ad hanc centesimam ouem, quae perierat, & inuenta, ac redempta fuit; eo quod acceperint gratiam, & gloriam ex meritis Christi Domini: ac proinde, si & ipsi Angeli acceperint gratiam hoc modo, non diceretur eos reliquisse; sed etiam illos quaesuisse; cum S. Ambrosio sentiat S. Gregorius hom. 34. in Euang. Venerabilis Beda in illud Lucae 15. *Quis ex vobis homo &c.* & Theophylactus in ex positione illius loci Evangelici. Dices iterum, ideo dici; Christum reliquisse Angelos; quia pro illis mortuus non est, licet alijs bonis operibus eis gratiam promeruerit. Sed neque hoc euacuat vim argumenti; cum enim omnia opera Christi Domini tam exteriora, quam interiora quibus alijs promeruit fuerint humanitatis, ad quam assumendam; siue in cuius assumptione dicitur venisse in mundum: Si aliquo opere, promeruisset Angelis gratiam, & gloriam; licet hoc non fuisset ratione mortis. Dicendum omnino est,

venisse in hunc mundum ad quaerendos Angelos, sicut venit ad quaerendos homines. Respondent aliqui Theologi his testimonijs potius probari oppositum; eo quod si nomine nonagintanouem ouium veniunt Angeli; cum vocentur, & ipsi oues ipsius Christi Domini; consequens est, ut per eius merita acceperint gratiam, & gloriam. Haec enim est ratio propter quam nos vocamur oues ipsius. Respondet Vasquez loco citato, & recte considerandum esse duplicem statum huius Pastoris; idest primum in deserto, idest in Caelo; secundum vero extra idest in hoc mundo; Quapropter licet Christus appellet etiam Angelos oues suas; hoc tamen est solum in deserto: antequam scilicet assumeret carnem humanam, & quatenus ut Deus simul cum Patre, & Spiritu Sancto illos creauit, iustificauit, & eos qui perseuerauerunt glorificauit. At ut extra desertum proficisceretur, idest veniret in hunc mundum factus homo, fuit in causa sola ouis, quae perierat, idest genus humanum; pro quo vocando, iustificando, & glorificando venit in hunc mundum peccatores saluos facere. Replicant iidem: quod sicut Christum relinquere iustos non est nihil illis mereri; sed non quaerere illos tot modis, quot quaesuit peccatores; & cum illis conuersatus est; ita etiam reliquisse Angelos, non esse nihil illis promeruisse; sed solum peculiari mo

do ad quærendum hominem descen-
disse; relictæ interiori secundum hu-
manitatem Angelorum consortio: &
gloriæ statu. R. hanc expositionem
esse violentam, & contra intentum
PP. qui nomine ouis intelligunt nō
solum existentes in peccato mortali,
quando Christus Dominus venit, &
mortuus est pro eis; sed totum genus
humanum, quod in primo parente
perierat: nam etiam illi, quos inue-
nit iustificatos, antequam iustifica-
rentur erant ouis perditæ; & per ip-
sius passionem, & merita factū fuit,
vt iustificarentur, & liberarentur à
morte peccati incurrenda, vel iam in
curia. Dices cum Cornelio Ianse-
nio Gandauensi Episcopo in Con-
cordia Euangelica cap. 94. hunc
sensum non esse litteralem; sed mysti-
cum nam secundum litteralem dicit,
venire ibi per 99. oues etiam iustos;
quos dicitur ibi Christus reliquisse;
eo quod non ita frequenter cum illis
ageret, sicut cum peccatoribus, qui
illius Doctrina, & exemplo magis
indigebant; & infert hoc ex occasio-
ne, quam habuit Dominus noster
proferendi hanc parabolam; quæ fuit
murmuratio iniusta Phariseorum, quod
cum peccatoribus, & publicanis mā-
ducaret: quibus ille respondit, *Non
est opus valentibus medicus; sed male
habentibus &c. Non enim veni vocare
iustos; Sed peccatores, vt hab. Matth.
cap. 9. R. Vasquez loco citato verū
quidem esse, quod iste sensus sit my-*

sticus; quod si dicas, sensum mysti-
cum non valere multum ad argumē-
ta Theologica. Responderi hoc vge-
rum esse, quando de illo sensu non
constat, vel per aliam scripturam, vel
ex Doctrina Patrum illum locum ex-
ponentium in eo sensu: quapropter
cum ex prædicto textu præcisè non
intendamus arguere; sed ex Doctri-
na PP. qui illum prædicto modo
exponunt de Angelis, propterea nō
leue argumentum pro nostra senten-
tia ex eo loco deducimus. Addo e-
go [saluo meliori iudicio] quod si
quis contenderet locum illum in sen-
su litterali fuisse sumptū ab illis PP.
etiam de Angelis, non video quid
in contrarium opponi possit; cum ex
vna parte illi PP. non se explicent
an in sensu mystico, vel litterali illū
accipiant, quando de Angelis illum
interpretantur; & ex alia parte vnus,
& idem Sacre Scripturæ locus plures
sensus litterales admittat; vt ex Do-
ctrina S. P. N. demonstraui in Con-
troversia Præmiali de S. Doctrina
in dubio ad Axioma octauum S. di-
co 8. Quod facile suaderi potest ex
Glossis Ordinaria, & interlineali, quæ
per 99. oues Angelos intelligunt, &
Nicolaus de Lyra per nouē drach-
mas Choros Angelicos intelligit; &
per vnā perditam genus humanum.
Secundum locum adducit Vasquez
ex cap. 2. Epistolæ ad Hebræos vbi
habetur, *Qui Sanctificat, & qui Sā-
ctificantur ex vno omnes.* Ex quo lo-

eo arguit ad intentum positis interpretationibus. S. Dionysij Areopagite in lib. de Ecclesiastica Hierarchia cap. 6. S. Maximi in Scholijs ad predictum caput. S. Cyrilli lib. 3. contra Nestorium. Et lib. priori de Fide ad Reginas cap. *Quod unus Filius Dei, est Dom. Iesus Christus*. Et aliorum Auctorum ad dictum locum probat suam sententiam; sic Qui sanctificat, & Auctor nostre salutis est, nempe Christus, & qui ipsius passionis fructum participant vnius nature sibi consubstantiales sunt, siquidem omnes sunt homines, sicut Adamus: aut ut ait Claudius Guiliardus, ex vno Adamo omnes sunt propagati. Confirmari etiam potest ex illo Textu eiusdem capitis Apostolici. *Namquam enim Angelos apprehendit; sed semen Abrahæ apprehendit*; ita ut sensus sit, Christum apprehendisse carnem humanam, ut redimeret genus humanum; non verò Naturam Angelicam, quia non venit ad redimendos Angelos, & hanc expositionem Vasquez dicit esse Adami, & S. Anselmi Prob. 2. Auctoritate PP. & primo S. P. N. Augustini hic in Axiomate, cum dicit. *Non enim pro Angelis mortuus est Christus*. Quo loco utuntur etiam S. Anselmus, & Venerabilis Beda in illud Epistolæ ad Ephesios cap. primo. *institurare omnia, &c.* Vbi aduertendum est S. Patrem ibi sentire, non solum Christum Dominum non fuisse mortuum

pro Angelis; sed etiam solos homines dicere posse. *Si Deus pro nobis quis contra nos?* ratione Incarnationis; ex quo sequitur Angelos nullo merito Christi iustificatos fuisse: nam si aliquo merito fuissent iustificati, rectè dicere potuissent; *Si Deus pro nobis quis contra nos?* eodem prorsus modo quo dicimus nos; qui gratiâ, & gloriam consequimur ex meritis eiusdem Domini nostri Iesu Christi; Ut autem ostendat, quem fructum Angeli perceperint ex meritis ipsius, subiungit. *Sed ideo etiam pro Angelis fit quicquid hominum per eius morte redimuntur, & liberatur a malo: quoniam cum eis quodammodo redit in gratiam post inimicitias, quas inter homines, & Sanctos Angelos peccata fecerunt, & ex ipsa hominum redemptione ruina illius Angelica detrimenda reparantur.* Neque hic, neque alibi vlla fit mentio gratiæ sanctificationis, aut glorificationis, ut est clarum ex ipsis verbis: idem prorsus docet in sermone 8. de verbis Apostoli explicando illud, quod habetur in Euangelio S. Lucæ cap. 19. *Venit filius hominis querere, & saluum facere quod perierat*: Vbi ait *si homo non perisset, filius hominis non venisset*: Ergo quia perierat homo, venit Deus homo, & inuentus est homo. Similiter in Sermone sequenti ait. *Nulla causa fuit veniendi Christo Domino; nisi peccatores saluos facere.* Item in expositione psalmi 36. concione 2. cir-

ca medium ait quis iste Deus homo? Si tu o homo non dimitteres Deum, nō fieret pro te Deus homo.

Hoc idem docuerat S. Ambrosius in expositione psalmi 118. sermone 10. explicando versum illum manus tua fecerunt me, & psalmauerunt me, vbi ait legimus enim; puer natus est nobis, filius datus est nobis. Nobis carne suscepit, immo potius nos in illa carne suscepit, quando filium hominis in Dei sede constituit. Non lego Angelos in Dei sede nistantes, nisi ministrum deferentes. Non lego Angelos, sed homines consepultos Christo, & in Christo resuscitados. Denique ait Apostolus: Quia cōiunxit nos in Christo, cuius gratia estis saluificati &c. & simul suscitauit simulque sedere fecit in caelestibus cum Christo Iesu. Hoc loco apertè S. Ambrosius docet; ex meritis Christi gratiam sanctificantem datam esse hominibus, non verò Angelis. Hoc idem docuit S. Gregorius Magnus lib. 28. moralium. cap. 6. cum ait. Cuius incarnationis mysterium quia, & electi Angeli mirati sunt, qui eodem mysterio redempti non sunt. & cap. 7. ait Angeli Diuinam potentiam laudant; quia & ipsa eos tanta claritatis visio delectat, ita Deum laudant; quanto magis nos, qui redempti sumus de potestate peccati, laudare debemus? est etiam insignis locus S. Bernardi pro hoc iuncto in sermone Ferie Quartæ hebdomadæ Sanctæ post medium, vbi ait; Sicut

passio Domini data est quia alteri dari non potuit; Numquid Angelo? sed ille non eguit. Numquid diabolo? sed ille non resurgit; denique non in similitudinem Angelorum, sed in similitudinem hominum. Quod si Angelis per merita Christi Domini iustificati fuissent, non rectè diceret Mellissus Doctor, quod Passione eius non eguerunt. Hoc idem implicite docuerunt plures alij PP. qui nullam aliam fuisse causam Inarnationis Domini, cæ docent: vt sunt S. Irenæus lib. 5. cap. 14. vbi ait, Si enim non haberet caro saluari nequaquam Verbum Dei caro factum esset: Et si non haberet sanguis iustorum inquiri nequaquam sanguinem habuisset Dominus. Origenes hom. 24. in lib. Numer. Si non fuisset peccatum non necesse fuerat Filium Dei agnum fieri, neque opus fuerat eum in carne positum iugulari, sed mansisset hoc, quod in principio erat Deus Verbum. S. Athanasius Serm. 3. contra Arrianos post medium. Necesse quippe indigentiaque hominū anterior est, quam illius Natiuitas, quæ sublata carnem non induisset. S. Greg. Nazianz. Orat. 4. de Theologia sub initium. Quæ humanitatis à Deo propter nos susceptæ causa extitit. Profecto ut nobis salus pararetur. Quid enim aliud causæ afferri potuit? S. Ambrosius in lib. de Incarnationis Domini cæ Sacram. cap. 6. Sacrificium de nostro obtulit. Nam quæ erat causa Incarnationis, nisi vt caro, quæ peccauit

rat, per se redimeretur. S. Leo Serm. 3. in Pentecostem ait. *Si homo ad imaginem, & similitudinem Dei factus in sua honore natura mansisset, nec diabolica fraude deceptus à lege sibi posita per concupiscentiam denisasset, Creator mundi creatura non fieret, neque aut sempiternus temporalitatem subiret, aut aequalis Deo Patri Filius Deus formam serui, & similitudinem carnis peccati assumeret.* Hoc idcirco docent S. Cyrillus Alex. lib. primo Thesauri cap. 8. S. Io. Damascenus lib. 3. de Fide cap. primo, & lib. 4. cap. 4. & S. Io. Chrysostomus hom. 2. & 3. in Matth. & SS. PP. ex professo, & disertis verbis docent, quod si Adam non peccasset, non fuisset futura Incarnatio Verbi Diuini. Ex hoc principio sequitur per necessariam consequentiam, gratiam, & gloriam essentialē Angelorum non habere dependentiam ab incarnatione, nec à meritis Christi Domini: unde eo admissa, prout PP. illi admittebant, non potest negari consequentia. Prob. 3. ratione sit. Gratia Angelorum fuit independens, & à peccato Angelorum, & à peccato Adamii, Ergò fuit independens à meritis Christi Domini. Antecedens prob. quia id quod est prius non dependet à posteriori; sed voluntas dandi Angelis gratiam fuit prior, quam voluntas permittendi aliquos perdere gratiam per peccatum, & consequenter prior praeuisione peccati Angelici; ac etiam prae-

uisione peccati Adamii: (hoc enim ortum est ex suauisione Angeli prauaricatoris, & iam peccatoris.) Ergò à primo ad vltimam gratia Angelorum fuit independens à peccato tam Angelico, quam primi parentis. Cōsequenter etiam probatur, quia merita Christi Domini supponunt peccatum Adamii, & dependent ab eius operationibus, passionibus, & morte, quae non fuissent nisi existente peccato Adamii ex vi praesentis decreti, ut fusè probant, & demonstrant communiter Theologi, qui hanc sententiam docent: & praecipue S. Thomas cum suis Discipulis. Ergò omnino dicendum est gratiam Angelorum, fuisse independenter à meritis Christi Domini. Ex his omnibus sic conformari potest argumentum: Gratia Angelorum est independens à peccato Adamii: Ergò non est fundata in meritis Christi, quae supponunt peccatum ipsius Adamii.

Dices primò: in Epistola ad Ephesios cap. primo habetur. *Proposuit instaurare omnia in Christo, quae in caelis, & quae in terra sunt in ipso; ubi per ea, quae sunt in celo, veniunt omnino Angeli; sic etiam in Epist. ad Col. cap. pr. Quia in ipso cōplacuit omnem plenitudinem Diuinitatis inhabitare, & per eum reconciliare omnia in ipsum pacificans per sanguinem Crucis eius, siue quae in terris, siue quae in caelis:* quibus consonat illud quod habetur ad Hebr. cap. 2. *Degebat enim*

um per quem omnia, & propter quem
 nati a, qui multos filios in gloriam ad-
 duxerat Auctorem salutis eorum per
 passionem consummare, nomine suo-
 rum filiorum qui adducti fuerant in
 gloriam antè passionem Christi Do-
 mini nulli alij possunt venire, ni-
 si Angeli glorificati, ad quod fa-
 ciunt etiam illa alia verba eiusdem
 capituli. *Et gratia Dei pro omnibus gu-
 staret mortem*, ly enim pro omnibus
 comprehendit tam homines, quam
 Angelos. Præterea in Apocalypsi
 cap. 12, descripto prælio Angelorū
 habetur. *Et ipsi* (idest Angeli boni)
vicerunt eum (idest Draconem) *pro-*
pter sanguinem Agni. Si ergo ha-
 buerunt Victoriā per merita san-
 guinis Christi Domini, quæ consistit
 in dono perseverantiæ: manet eos
 habuisse etiam gratiam, & alia dona,
 & auxilia tam præuenientia, quam
 comitantia, ex meritis eiusdem. Sic
 etiam arguitur ex Eu. S. Io. cap. 14.
 ubi Christus Dominus de se ipso di-
 cit. *Ego sum via, veritas, & vita: Nemo*
venit ad Patrem nisi per me. Nā
 ly *Nemo* iuxta phrasim scripturæ cō-
 prehendit non solum homines; sed
 etiam Angelos; quemadmodum co-
 munitè PP. interpretantur alia lo-
 ca, in quibus dicitur, *Nemo bonus ni-*
si solus Deus; & Nemo potest rapere de
manu Patris mei. quæ non solum de
 hominibus; sed etiam de Angelis ab
 eis exponuntur. Denique ex eodē
 Euang. cap. 17. *Hæc est vita æterna,*

ut cognoscant te solum Deū verum, &
quem misisti Iesum Christum, cum sit
 eadem vita æterna hominum, & An-
 gelorum: ex his omnibus concludūt
 Aduersarij: Angelis fuisse data cum
 gratia iustificante alia dona superna
 naturalia; ac etiam collatā vitam æter-
 nam ex meritis Christi Domini; &
 in confirmatione adducunt testimo-
 nia S. Hieronymi ad illum locum
 Epistolæ ad Ephesios cap. primo. S.
 Gregorij Magni lib. primo. Expositi-
 onis moralis in Iob. c. 2, & hom.
 14. in Ezechielem. S. Fulgentij Ru-
 spensis Episcopi lib. 2. ad Trasamun-
 dum cap. 3. S. Cyrilli lib. 5. in Isaiā
 ad illa verba. *Latere sterilis quæ non*
paris, & lib. 9. de adoratione ante
 medium in quibus locis hi Sancti de
 Christo, ut causa meritoria videntur
 loqui in ordine ad Angelos, quibus
 addēdus est etiam Sanct. Bernardus
 serm. 22. in Cantica ante medium,
 ubi docet Christum Dominum fuisse
 Angelis, & hominibus redēptio-
 nem; quod verum esse non potest,
 nisi dicatur Angelos habuisse gratiā
 ex meritis Christi, R. Vasquez in
 precitata disputatione cap. 4 ex scri-
 ptura, si communem PP. & aliorum
 interpretum etiam recentiorum ex-
 positionem sequamur, nullum prorsus
 contra nostram sententiam argu-
 mentum desumi posse; quod demon-
 strat percurrendo singula, & primo
 ad illud ad Eph. primo Responder ly
proposuit instaurare omnia, in Græco
 habet.

haberi loco instaurare à *κατασκευα-
σαι.* quod nihil aliud significat,
quam ea quæ sunt sparsa, & diuisa,
colligere, & in summam redigere; &
propterea S. Hieronymum in priori
Commentario illius Epistolæ mirari,
quod interpretes non sint secuti Tex-
tum Græcum; quod tamen præstite-
runt Græci P.P. S. Io. Chrysostomus,
& Theophy. reddendo sic lectionē,
*ea quæ in calis, & in terris diuisa erāt,
nec sub vno capite congregata, coaptauit,*
& sensus est, quod Christus Do-
minus est quædam congregatio siue
recapitulatio eorum, quæ in calis, &
in terris sunt; eo quod sub eo tam-
quam sub vno capite congregata
fuerunt. Vel cum iisdem DD. Hie-
ronymo: Chrysostomo, Theophyla-
to dici potest, Christum Dominum
esse summam, & congregationem
quamdam omnium mysteriorum: Si-
cut cum parui numeri in vno quod-
dam magno numero supputantur, &
in summam rediguntur. Si vero le-
ctionem vulgatam sequamur, ut de-
bemus. Ex ponendus est ille locus
cum S. P. N. in Enchiridione cap 62.
vbi eum locum adducit hoc modo,
*In ipso quippè instaurantur quæ in ca-
lis sunt, cum id quod inde in Angelis
lapsus est, ex hominibus redditur.
Instauratur autem quæ in terris sunt,
cum ipsi homines qui prædestinati sunt
ad æternam vitam à corruptionis ve-
tustate renouantur. Ac sic per illud
singulare Sacrificium, in quo mediator*

*est immolatus, quod vnum multa, in
lege victimæ figurabant, pacificentur
caelestia cum terrestribus, & terrestria
cum caelestibus. Quoniam sicut idem
Apostolus dicit ad Coll. 1. In ipso com-
placuit omnem plenitudinem Diuini-
tatis inhabitare, & per eum reconcilia-
ri omnia in ipsum, pacificans per san-
guinem crucis eius, siue quæ in calis sūt,
siue quæ in terris, per quæ manet re-
sponsum etiam ad alium locum Apo-
stoli ex cap. primo ad Colossenses,
quem S. P. hic adducit. Expositio-
nem hanc S. P. N. sequitur S. Tho-
mas; ait enim in Lectione 3. ad dictā
caput prim. Epistolæ ad Ephesios;
per Christum instaurari omnia, quæ
in calis sunt, id est Angelos, non-
quod pro Angelis mortuus sit Chri-
stus, sed quia in redimendo homine
reintegratur ruina Angelorum iuxta
illud psal. 109. impleuit ruinas. Sic
etiam loquuntur cum S. P. S. Ansel-
mus Vener. Beda, & serè omnes la-
tini interpretes; quod non est vlllo mo-
do contrarium; sed omninò confor-
me illi Græcorum expositioni, nam
quod illi reddunt recapitulare, & cō-
gregare nostri reddunt reconcilia-
re, & pacificare, & instaurare, quod
siue congregatione, & vnione non
fit. Locus ille ex Epistola ad Collos.
eodem modo exponitur, ac prædi-
ctus; nempe per Christum Dominū,
& sanguinem eius extinctas fuisse ini-
micitias inter Angelos, & homines:
quas propter nostra peccata contra-*

xerant:

xerant: unde, & ad vindictam sepe mittebantur; sublato verò peccato per Christum sublata etiam fuit inimicitia: sic interpretatur S. P. in Ezechiridione cap. 63. ubi ait. *Pax illa præcellit, sicut scriptum est omnem intellectum, neque sciri à nobis nisi cum ad eam venerimus potest. Quomodo enim pacificantur celestia nisi nobis, id est concordando nobis enim.* Similia habet etiam in capite sequenti. Hoc idem docent S. Io. Chrysostomus hom. 3. in dictam Epistolam. Theophylactus. Theodoretus, & Ven. Beda; ac omnes fere recentiores. Alię expositiones, quas alij adducunt, vel cum ista concordant, vel facti negotio ad eam reducuntur. Textus adductus ex cap. 2. Epistolæ ad Hebræos nullo modo fauet aduersarijs: siue enim legatur cum aliquibus consummari, siue cum alijs consummare; verba illa referenda sunt ad Deum, qui Christum consummauit, & perfecit per passionem Auctorem salutis eorum, qui in gloriam adducuntur; sic enim intelligunt S. Io. Chrysostomus, Theophylactus, & Anselmus, quos sequitur Adamus. Quartum testimonium ex eodem loco, quod est. *Ut Gratia Dei pro omnibus gustaret mortem.* nullam habet difficultatem contra nostram sententiam: sensus enim est, quod omnibus passio Christi Domini profuit: nam & Angeli perpetua afficiuntur læticia, non quod illi acceperint gratiam sancti-

ficantem, & gloriam essentialem ex morte Christi. Vide Theodoretum in expositione dicti loci. Quintus textus desumptus ex capite 12. Apocalypsis versu 11. nullo modo probat intentum; nam licet in versu 7. eiusdem capitis narretur prælium factum in cælo à Michael Archangelo cum dracone, & versu 8. ac 9. qualiter proiectus fuerit draco ille: in versu 10. postea refertur laus data Deo à Sanctis: eo quod proiectus fuisset accusator fratrum ipsorum, & in dicto versu 11. habetur postea; *& ipsi viderunt eum propter sanguinem agni, & propter Verbum testimonij sui, & non dilexerunt animam suam usque ad mortem,* quem locum ad litteram interpretatur Cornelius; à Lapide in comentarijs dicti libri ad dictum caput de fortitudine Martyrum, qui animam id est vitam suam pro fide morti obiecerunt, & pro Christo eam exposuerunt, ac neglexerunt, & quasi oderunt, & maluerunt mori quam negare Christum, ubi etiam subiungit perperam ergò aliqui Theologi ex hoc loco colligunt Angelos ex Christi sanguine, & meritis accepisse gratiam, & victoriā, ac consequenter gloriam, & coronam. Ioannes enim loquitur de hominibus non de Angelis. Propterea Vasquez to: primo in 3. partē disput. 49. cap. 4. §. 5. verum testimonium ait quod siue fundamento pro dicta sententia allegitur locus iste; Nam secundum sententiā

PP. ibi non describitur prelium Michaelis cum Dæmonibus in Cælo, sed præliū Michaelis cū Demone pro animabus nostris, quas a fraudibus Dæmonum Sancti Angeli defendūt per secretam inspirationem: Et ideo rectè subditur, & ipsi (nempe homines) [*vicerunt eum*] (idest dæmonem) *propter Sanguinem Agni* nam homines vincunt dæmonem, propter meritum passionis Christi; ex quo illis gratia communicatur; Quam expositionem [ait dictus Auditor] confirmat id, quod sequitur: idest, *& non dilexerunt animas suas* [hoc est vitas suas] *usque ad mortē*; Quod non de Angelis, qui non possunt subire mortem, & nō componuntur ex anima, & corpore; sed de hominibus, qui pro Christo mortem passi sunt exhortantibus bonis Angelis contra malos intelligendum est. Hęc explicatio est etiam S. Anselmi. Oecūm: imō, & Glossę ordinarię quę dictum locum sic explicat, *cum ostendisset Diabolum in hoc certamine occulto ab Ecclesia victum ab auxilio Filij, & Angelorum, subiungit exultationes Angelorum: psorum, vel Sanctarum animarum de victoria fratrum, ut laborent vincere, qui de victoria sua Angelos, vel Sanctas animas audiunt exultare.* Sextum Testimonium ex Euangelio S. Io. non cogit nos asserere, quod ly; *Nemo* neget omnes, tam Angelos, quam homines; licet enim quandoque in scri-

pturis Sacris comprehendat tam naturam Angelicam, quam humanam; nihilominus quandoque restringitur ad solos homines, quod ex subiecta materia dignoscendum est; ut cum dicitur; *Nemo mundus a sordibus nec infans cuius est unus dici vita super terram*, quo loco non veniunt Angeli. Vnde ridiculū esset, in quouis textu illam particulam; *Nemo* eodem modo' explicare; cum iuxta materiam, & argumentum, de quo est sermo, debeat intelligi. Ad ultimum ex eodem Euangelio S. Io. cap. 17. Respondetur; ibi ex contextu esse sermonem de vita æterna hominū sub velamento Fidei, per quam merentur æternam beatitudinem alterius vitæ, & patriæ; non verò de vita æterna Angelorum; nam paulò ante dixerat, *Sicut dedisti ei potestatem omnis carnis, ut omne quod dedisti ei, de eis vitam æternam*, ubi per omnem carnem intelligit omnes homines, ad quorum beatitudinem promerendā venit Christus Dominus, & propterea continuò subiungit, quænam sit hæc vita æterna preparata omni carni. Verum dato, & non concesso; quod ibi esset sermo etiam de vita æterna Angelis communi, & hominibus, indè solum concludi posset Angelos in via, vel post beatificationē habuisse noticiam mysterij Incarnationis sicuti homines, non autem, quod habuerint gratiam sanctificationis, vel gloriam ex meritis Christi.

L]

Ad

Ad Auctoritates SS. PP. adductas respondit Vasquez loco citato cap. 5: quod si mediocri attentione considerentur, nō solum nihil colligi poterit quod nostræ sententiæ aduersetur; sed plerisque eorum adeo perspicue eam confirmari; ut mirum sit à viris Doctis, & eruditis. pro priori sententia fuisse allegatos: quod cum ille per extensum demonstrat ibi datis, & expensis illorum verbis; propterea Lectorem ad dictum Auctorem remittō: cum nihil noui occurrat, quod eius eruditioni superaddā: Nam, & si prædicti PP. essent in opposita sententia, quod tamen non concedimus; Nobis pro nostra sufficiunt S. P. N. Augustinus Angelicis Doctor, & alij supra pro nobis adducti.

Dices secundo: negari non potest Christum Dominum esse caput Ecclesiæ; hoc enim ad minimum continent prædicta Sacre Scripturæ testimonia; & consequenter esse caput hominum, & Angelorum; hi enim simul sumpti constituunt vnā Ecclesiam, & sūt membra huius mystici corporis. Ergo ut membra eius accipiunt influxum gratiæ, & gloriæ ab illo. Respondetur primò huic argumento ab aliquibus Doctoribus idest Altisiodorensi, Gabrielle, & Driedone; Christum Dominum secundum humanitatem non esse caput Angelorum. Sed hominum solummodo; Secundum vero Diuinitatē

esse caput etiam Angelorum; Quæ responsione data cessat obiectio; nō solum physici, & ut Deus cum Patre, & Spiritu Sancto influit in eos gratiam, & gloriam, non vero meritorie; ut contendunt aduersarij. In hac tamen responsione ego non sisto, non enim videtur posse denegari in doctrina S. P. Augustini dignitas capitis etiam quo ad humanitatem respectu Angelorum. Propterea respondet cum Thomistis; ex habitudine capitis ad membra non recte colligi quod eisdem effectus quos habet in ordine ad aliqua membra, habeat etiam in ordine ad alia specie distincta; propterea enim S. Thomas quæst. 29. de veritate art. 4. ad 5. ex fine Incarnationis colligit, quod humanitas Christi ordinetur ad influendum in homines redemptos, ut ad finem principaliter intentum; nō autem ad influendum in Angelos: eo quod Incarnatio sit facta principaliter ad liberandam hominem à peccato, & propterea idem Sanctus Doctor ibi docet: influxum illum, quem habet Christus in Angelos, esse illuminationes, & premia accidentalialia; quod est quid consequens ad Incarnationem. Hoc est illud, idem quod docent alij Theologi, cum dicunt Christum Dominum esse quidem caput Angelorum etiam secundum humanitatem; non tamen homogeneum sicut est hominum; cum non sit eiusdem naturæ cum illis, quemad-

modum est nobiscum; nec ratione interni influxus gratiæ sanctificantis sicut influxus in homines; sed solum quoad eccelleſitiam, gubernationē illuminationes, & premia accidentalia: quo pacto est caput vtrorūque. Dices: si hoc est verum, sequitur Christum Dominum solum accidentaliter, & secundum quid esse caput Angelorum, non verò absolute, & simpliciter; quod videtur repugnare scripturis Sacris in præcedenti obiectione adductis; in quibus videtur absolute, & sine addito dici: Christum Dominum: esse caput Angelorum. Præterea data prædicta responsione non potest explicari; quomodo prædestinatio Angelorum subijciatur prædestinationi Christi Domini, vt consummanda, & perficienda per ipsum; supponuntur enim prius prædestinati Angeli, post modum verò ipse Christus Dominus. Respondetur negando vtramque sequela, & ratio est, quia aliud est loqui de capite naturalis & physico; & aliud de capite morali, & mystico. Nam ad rationem illius requiritur quidem quod influxus vitæ naturalis, & substantialem in membra, non tamen requiritur hoc ad rationem hæius: ad hoc enim sufficit quod habeat aliquem influxum secundum exteriorem gubernationem, vt patet in Regibus, & Principibus respectu Ciuitatum, & Regnorum, quibus dominantur; propterea cum Christus Dominus respe-

ctu Angelorum habeat non solum exteriorem gubernationem; sed etiā communicationem internam donorum accidentalium, de quibus supra, poterit simpliciter, & absolute dici illorum caput, licet non omnibus modis, nec ita proprie sicut hominum; vt docet S. Thomas 3. parte q. octaua quæ est de gratia Christi Domini, secundum quod est caput Ecclesiæ. artic. 4. Quæ responsio corroborari potest ex eo, quod nec etiā caput physicum eodem modo, & eadem ratione vitæ influit in singula membra. In membris enim eiusdem capitis datur diuersus influxus secundum diuersitatem operationum sensitiuarum, quæ exercere debent, & in membris totius corporis datur etiam diuersitas secundum rationem operationum, quarum aliæ sunt vegetatiuæ, & aliæ sensitiuæ. Quanto magis hoc debet admitti in capite morali respectu corporis mystici, in quo non datur illa vnio physica, quæ est in capite, & in corpore naturalis; sed diuersitas non solum specifica, sed etiam generica: per quæ sufficienter explicantur scripturæ prædictæ, non solum à DID. scilicet holasticis; sed etiā à Sanctis PP. Ad illud de prædestinatione responderetur sufficienter saluari subordinationem in ratione dignitatis personæ, quæ fuit prædestinata ad hoc, vt esset supra omnem principatum, & potestatem, & super omnes choras Angelorum; & in hoc

quod gratia ipsorum Angelorum consumatur per Christum: Ad hoc enim sufficit, quod ab ipso recipiatur perfectionem accidentalem eo modo, quo omnis alia substantia creata perficitur, & consumatur per accidentia. Hanc diuersitatem influxuū indicauit S. P. N. in Enchiridione cap. 62; ubi dicit. *Propter quod ait Apostolus, inaurari omnia in Christo, quæ in celis sunt, & quæ in terris. In ipso quippe inaurantur quæ in celis sunt, cum id quod inde in Angelis lapsus est, ex hominibus redditur. Inaurantur autem quæ in terris sunt, cum ipsi homines qui predestinati sunt ad eternam vitam, à corruptionis uersitate remouantur.*

Dices tertio: Quod est primum, & supremum in vnoquoque genere est causa cæterorum, quæ sunt in eo genere, eo modo quo esse potest. Sed Christus Dominus est supremus in genere gratiæ tam respectu naturæ humanæ, quam naturæ Angelicæ. Ego est causa gratiæ tam hominum, quam Angelorum, tam in genere causæ finalis, quam efficientis, exemplaris, & meritorie seu moralis. Maior est Axioma indubitatum apud Philosophos, & Theologos. Minor etiam colligitur ex Scripturis supra adductis; & consequentia est legitima. & maiorem non esse semper veram in tota sua latitudine, in qua accipitur in hoc argumento. Nam supremus Angelus est Primus omnium,

& tamen non est causa cæterorum, neque in genere causæ efficientis, neque in genere causæ finalis, vel exemplaris, aut moralis; nec in esse naturæ, nec in esse gratiæ aut gloriæ; & sic de multis alijs generibus rectè discurrendo inuenietur, non semper primum in illo genere esse causam cæterorum. Nec enim Aurum causat cætera metalla, nec Adamas cæteros lapides pretiosos. Nec Sol cætera astra. Nec homo cætera animalia, &c. Ad minorem respondeo. Ex vi præsentis Decreti Christum Dominum esse quidem causam gratiæ hominum illis tribus modis, cum prædestinatio hominum sit fundata in meritis Christi; ut demonstraui in Controuersia duodecima de Perfectionibus Diuinis quæ est de Prædestinatione Sanctorum, in dubio ad Axioma septimum, ac proinde posterior Incarnationis, & meritorum ipsius præuisione. At prædestinatio Angelorum est prior decreto Incarnationis; ac proinde per se non pendet ab Incarnatione, & à meritis Christi, & consequenter nec eorum gratia aut gloria; sed solum ab ipso Deo; qui in primo instanti creationis eos liberè sanctificauit, & uia peracta glorificauit.

Dices quarto: Ad id, quod est tale per essentiam, vel per se, reuocantur ea omnia, quæ sunt talia per participationem. Sed solus Christus Dominus est gratus per essentiam, seu per-

per se, & Angeli sicut, & homines sunt grati per participationem. Ergo Angeli sicut, & homines reuocantur, & respiciunt Christum, ut ab illo, & per ipsum obtineant gratiam. Respondeo distinguendo minorem. Christi Domini diuinitas, & Persona est grata per se, & per essentiam concedo. Christi Domini humanitas est grata per essentiam nego; est enim, & ipsa grata per participationem. Omnis enim creatura quid quid habet, à Deo illud participat, & solus Deus habet omnia per essentiam, siue formaliter, siue eminenter. Ac proinde ex hoc argumento solū sequitur Angelos quo ad gratiam, & gloriā reuocari ad Christum Dominum ratione Diuinitatis, & quatenus Deus est, qui cum Patre, & Spiritu S. illis à principio largitus est gratiam, & habitus supernaturales (quod vltro concedimus) nullo verò modo sequitur, quod habuerint talem gratiam ex meritis Christi Domini, & ratione humanitatis ipsius, ut contendunt Aduersarij.

Dices quinto: eadem est ratio de tota gloria essentiali Angelorum, ac de quocumque gradu illius: sed aliquis gradus gloriæ essentialis Angelorum dependet ex meritis Christi præiis: Ergo & tota gloria essentialis illorum. Minor in qua est tota difficultas probatur, quia Angeli viatores habuerunt fidem Christi; Ergo per illam fidem fuerunt sanctifi-

cati, & consequenter per merita. Christi acceperunt gradum gratiæ, & gloriæ correspondentem illi actui fidei. Antecedens est D. Thomæ prima parte quæst. 64. artic. primo ad 4. Sequela probatur; quia Christus ideo per fidem fuit reuelatus, ut in eum crederent tamquam in auctorem gratiæ, ergo credentes in eum hoc modo acceperunt gratiam, ex illius meritis. Respondeo primò: multo probabilius esse, Angelis viatoribus non fuisse reuelatum Christum, aut Incarnationē; nam neq; ex Sacra Scriptura, neq; ex SS. PP. hoc colligi potest: immò potius ex Epistola D. Pauli ad Ephesios cap. 3. colligitur oppositum: vbi Apostolus loquens de Incarnatione, vocat *Sacramentum absconditum à sæculis in Deo, quod alijs generationibus non est agnitum, & quod innotescit Angelis per Ecclesiam Dei*, ut patet Ephes. 3. vbi D. Hieronym. Anselmus, Theophylactus, Oecumenius, & alij pleriq; idem sentiūt, ut obseruat Arnellius à Lapide ibi, & c. seq. quæst. 6. vbi disputat an Angeli Sancti per visionem beatificam cognouerint Incarnationem antequam fieret. Idem colligitur ex illo 1. Tim. vii. 3. V. 16. *Magnum est pietatis Sacramentū quod manifestatum est in carne, inlustratum est in Spiritu, apparuit Angelis, predicatum est gentibus, &c.* Dices: eundem Apostolum, in Epistola ad Hebræos cap. primo versu 6 habere

hæc hæc verba, & cum iterum introducit primogenitum in orbem terrarum, & adorant eum omnes Angeli Dei. Hic locus indicat, Christum Dominum bis introductum fuisse in orbem terrarum: primò quidem in creatione Angelorum, quando illis manifestatum fuit Sacrosanctum Incarnationis mysterium: Secundò quando fuit adimpletum; & in veraque vice præceptum fuisse Angelis, ut ipsum Christum tamquam caput ipsorum, & hominum colerent, & adorarent. Ita exponunt hunc locum Suarez 3. parte Tom. primo disp. 42. sect. prima, & ante ipsū Catherinus, Viguerius, Taperus, & alij post istos. Respondetur: hunc non esse verum, & germanum sensum huius textus: ut observat Cornelius à Lapide in Commentario huius loci: eo quod introducere Christum in mentes Angelorum, nō est introducere illum in orbem terrarum, sed in orbem Spirituale; vera ergo interpretatio est illa SS. Io. Chrysostomi; Ambrosij, Theophylati, & Oecumeni, in expositione illius Epistolæ, & S. Cyrilli in libro de fide ad Reginas: ubi sic explicant, ut Christus qua Deus dicatur primò inductus in orbem per æternam generationem: cum enim genitus fuit à Patre, statim omnia implevit spatia hæc, in quibus postea orbis hic, id est cælum, & terra creata sunt. Iterum verò suè secundo dicatur hic Christus inductus in or-

bem per Incarnationem, cum eum peperit B. Virgo. Est etiam aptissima illa alia explicatio, quam quarto loco habet Cornelius à Lapide loco citato; nempe quod primò inductus est Christus homo in orbem per Incarnationem passibilis, & mortalis; iterum verò suè secundo per Resurrectionem à morte gloriosus, & impassibilis inductus fuit. Vel potius iterum inducit, id est inducit, Deus Pater Christum in die iudicii tamquam iudicem, ut iudicet orbem, & que Angeli omnes, qui primò eum adorauerunt in natiuitate, iterum suè secundo eundem publicè adorabunt in gloria. Tunc enim Pater quasi inaugurabit Filium, eumque mittet re ipsa in possessionem totius orbis terrarum: nam hic versiculus; sumptus est ex psal. 96, qui agit de extremo iudicio, & maiestate Christi Iudicis. Dices S. P. N. Augustinum lib. 6. de Genesi ad littera cap. 19. docere huiusmodi revelationem factam fuisse Angelis viatoribus, & consequenter nobis non licere ab ea sententia recedere. Respondeo hoc esse falsissimum, ut patet ex sola lectione illius capituli, in quo nec verbum quidem habet de Angelis viatoribus; sed solum de revelatione facta Angelis iam beatis, & glorificatis; & quomodo eis innotuerit per Ecclesiam.

Respondet secundò: adhuc dato & non concessio factam fuisse huiusmodi

modi reuelationem omnibus Angelis viatoribus, non tamen propterea sequi intentum, vt aduertit P. Ioannes Baptista Gonnet tom. 4. sui Cypheologigi disp. 14. §. 5. n. 103. vbi negat, & rectè, quod aliquis gradus gloriæ essentialis fuerit præmiū actus fidei Angelorum in Christum reduplicatiuè quæ talis; quamuis enim actus ille, consideratus secundum suam substantiam, & quatenus erat actus fidei aliorum mysteriorū, Trinitatis V. G. fuisset meritorius gloriæ essentialis; hoc tamen erat ei accidentale; nempe quod terminaretur ad Christum, vt consummatorem gloriæ; ac proinde secundum terminationem hanc consideratus, non fuit meritorius præmiij nisi accidentalis, non verò essentialis.

Dices sexto: Angeli mali peccauerunt occasione reuelatæ Incarnationis; & Angeli boni acceperunt gratiam, & gloriam, quia acceptauerunt Christum Dominum; ergo eam acceperunt ex meritis Christi; Antecedens quo ad secundam partem probatur auctoritate D. Bernardi serm. primo de Circumcisione circa medium, vbi habet hæc verba, *Idem quippè, & Angeli Saluator, & hominis; sed hominis ab Incarnatione, Angeli ab initio creatura.* Similiter etiam sermone 22. in Cantica: antè medium docet Christum fuisse Angelis, & hominibus redemptionem, quod verum esse non potest, nisi An-

geli habuissent gratiam ex meritis Abrisli. Respondetur negando antecedens quo ad vtramque partem; circa primā satisfiet controuersia, octaua in dubio ad Axioma 6. vbi de obiecto peccati Angelorum, & patebit esse magis conforme dictis sacrae Scripturae, & SS. DD. obiectū peccati Angelorum non fuisse Incarnationē Dominicam; sed aliud, quod ibi assignatur; Ad secundam partem, & ad confirmationem ex D. Bernardo respondeo, illum non esse germanum sensum, quem aduersarij tribuunt verbis huius S. Patris; Si enim Angeli habuissent gratiam, & gloriam per Christum Dominum, ipse non fuisset saluator Angelorum ab initio creaturæ, vt ait S. Bernardus; sed ab Incarnatione, vel certè nulla esset ratio propter quam non diceretur etiam Saluator hominis ab initio, sed ab incarnatione. Dices Christum ideo dici Saluatorem Angelorum ab initio creaturæ, quia ab initio fuerunt saluari, & re ipsa beatitudinem consecuti fuere ex merito tamen futuro Christi Domini; homines vero licet reuera ab initio mundi fuerint iustificati ob meritū Christi futurū, nihilominus tunc nō fuerunt consecuti beatitudinem Respondeo hanc instantiam nō euacuare difficultatem; eo quod salus hominum, & Angelorum in iustificatione propriè consistit, & liberatione à peccatis, aut iam commissis, aut commir-

tendis, quare, & homines ab origine mundi saluari dicuntur ex merito Christi futuro, ratione cuius, & ipse dicitur occisus ab origine mundi, eo quod, & pretium sanguinis eius ab origine mundi acceptum Deo fuit, & spes illius effectum habuit: ipse tamen Christus dicitur Saluator hominum ab incarnatione, quia merito suo eos liberauit, cuius meriti à tempore Incarnationis capax effectus est. Quò circa si Angeli essent iustificati merito Christi, & à peccatis futuris liberati, eodem modo dicendus esset Christus Redemptor Angelorum à tempore Incarnationis, quo dicitur redemptor hominum. Ad alterum testimonium ex sermone 22. in Cantica respondetur cum Vasquez, quod quando D. Bernardus dixit Christum Dominum fuisse Angelis redemptionem ne caderent, locutus fuit de Christo secundum naturam Diuinam, non autem secundum humanam, ut ipsemet paulo ante se explicat dicendo. *Quomodo ergo in principio erat Verbum? sed Verbum erat apud Deum: factum est autem, quatenus esse inciperet, & apud homines: sic nihilominus in principio sapientia erat, erat iustitia, erat Sanctificatio, & redemptio, sed Angelis: ut esset hominibus, facit eum hac omnia Pater, & fecit quod Pater; denique qui factus est [inquit] nobis sapientia à Deo, non ait simpliciter, qui factus est sapientia, sed qui factus est nobis sa-*

pientia, quia quod erat Angelis, factus est nobis. Hactenus S. Bernardus, qui vique adeo perspicue pro nostra sententia loquitur, ut superuacuum videatur, verba illius expèdere, aut explicare: Verum, ut omnibus apertè constet de mente Bernardi, argumentum ex verbis illius deducamus hoc modo, si Christus secundum humanitatem esset Sanctificator Angelorum, & Redemptor in sensu S. Bernardi, nèpe quia fecit ne Angeli peccarent, & captiui tenerentur sub peccato, sicut hominibus factus est sanctificatio, & redemptio, cum factus est homo, similiter etiam Angelis esset effectus: quod tamè negat S. Bernardus, cum ait, hominibus factum fuisse redemptionem, & sanctificationem, quæ iam erat Angelis.

Pro còplemento huius dubij placet hic addere id, quod Gabriel Vasquez tomo primo in 3. partem disp. 49. cap. 5. num. marginali 39. aduertit his verbis, ultimo loco allatum fuit testimonium Bernardi, quod paucis ante annis unicum erat prioris sententia fundamentum, cui nos satisfacere conati sumus anno illo Domini 1585. & ex verbis ipsius nostram sententiam confirmauimus, quæ factum est, ut aduersarij iam non dubitent pro nostra potius quàm pro opposita sententia Bernardi eo modo quo supra in responsione ad postremam obiectionem

dictum est, concludit quantum illud caput his alijs verbis, *hac, qua diximus de mēte Bernardi, sunt usque adeo nota, ut recentiores aliqui, qui paucis ante annis nimium fidebant testimonio Bernardi, ut priorem sententia confirmarent, iam ingenuè fiteantur, ip-*

sum nostram opinionem expressè tradidisse; plura alia de hoc puncto habet in illa disputatione eruditus ille Auctor, ad quem remitto lectorem; ne breuitatis, quam proficor, limites frustra transgrediat.

AXOMA QVARTVM

Gratiam actualem acceperunt Angeli à principio.

Ex Lib. 12. de Ciuitate Dei, Cap. 9.

A *ut si non potuerunt [1. Angeli] se ipsos facere meliores, quam ille eos fecerat, quo nemo melius quicquam facit: profecto, & bonam voluntatem, qua meliores essent, nisi operante adiutorio creatoris habere non possent. (infra) si virique boni aequaliter creati sunt, istis mala voluntate cadentibus, illi amplius adiuti, ad eam Beatitudinis plenitudinem, unde se nunquam ceteros certissimi ficerent, perueniunt.*

D V B I V M

Vtrum Angeli præter Gratiam habitua-
lem acceperint etiam actualem.

S Vpponit hoc dubium distinctionem illam vulgatam Gratiæ in tota sua latitudine sumptæ in habitua-lem, & actualem. Cumque iam dictum sit supra: Angelos accepisse

habitua-lem, remanet videndum; an & quam gratiam actualem acceperint: nam & ipsa actualis subdividitur in Excitantem, & adiuuantem: Et quidem de Gratiâ Excitante; illi
Mm
qui

qui docent Angelos viatores, prius natura quam habuissent habitus supernaturales, se conuertisse, & disposuisse per propriū actum ad eos accipiendos; facile concedunt gratiā excitantem; & plurimi etiam adiuantem: non enim poterant solis viribus naturæ actum supernaturalem elicere; putā obiectum aliquod supernaturale credere; nisi supernaturali auxilio adiuti fuissent: natura enim sola adhuc non sufficiebat. Ergo si in illo priori non habuerunt habitum vllum supernaturalem; necesse est illos habuisse auxilium supernaturale gratiæ excitantis, & adiuantis, ut potentiæ illorum, quæ in esse suo merè naturali non habebāt proportionem cum huiusmodi actibus, redderentur potentes, & proportionatæ ad illos eliciendos. Eodem modo philosophandum est de actibus Spei, & Charitatis; si enim antè infusionem talium habituum elicerent actus ordinis illorum, indiguerunt auxilio supernaturali, quo voluntas illorum excitaretur, & moueretur à Deo ad operandum bonum ipsum supernaturale; vel ad diligendum ipsum super omnia: cum ipsa per se elicere non posset tales actus supernaturales Spei, & Charitatis. Difficultas est in nostra sententia, qui tenemus priorem fuisse infusionem ipsorum habituum quocūque actu supernaturali ipsorum. An scilicet adhuc positis habitibus super

naturalibus indiguerint etiam auxilijs supernaturalibus ad eliciendos actus illis proportionatos. In qua, Duæ sunt cælebres D.D. sententiæ. Prima est Cardinalis Bellarmini Tomo Tertio Controversiarum Lib. 2; de Gratia, & libero arbitrio cap. 17. versus finem, vbi ait. *Denique electis Angelis Deus non aliam gratiam dedit nisi habitūalem, qua fieret, ut possent perseverare, si vellent: non autem dedit gratiam illam excitantem, qua fieret, ut vellent: sed ut vellent, in eorū reliquit arbitrio, ut S. Augustinus docet in libro de Correctione. & Gratia cap. 11. & 12. &c. Quo circa idem B. Augustinus in loco citato scribit ipsam beatitudinem hominibus nunc esse donum gratia, quæ merces meriti futura erat, sicut fuit Angelis Sanctis. Si primus homo stare voluisset. Eam tenent etiam Becanus Tract. De Angelis cap. 2. quæstione Quinta §. 3. secunda Conclusio, & pro se citat omnes illos, qui docent hominem in statu innocentie non indiguisse gratia excitante; & nominatim eundem Bellarminum lib. de Gratia Primi hominis cap. 4. §. 5. & 7. Molinam in Concordia qu. 14. artic. 13. disp. 4. & à fortiori illos qui idem affirmant de homine in statu naturæ corruptæ: e quibus nominat solū Vegam lib. 6. super concilium Tridentinum. cap. 7.*

Secunda Sententia est S. Tho. in prima parte qu. 62. artic. 2. vbi de-

ter-

terminando Angelum indiguiffe auxilio gratiæ ad hoc, vt conuerteretur in Deum, reddit hanc rationem: Voluntas non potest in id, quod superat facultatem ipsius, nisi adiuta à supernaturali principio, sicut calor non potest carnem producere nisi auxilio animæ: Sed Beatitudo vltimæ excedit facultatem naturæ creatæ; ergò non potest Voluntas habere motum in beatitudinem, nisi mota à supernaturali agente, & hoc dicimus auxilium gratiæ. Et ex principijs Doctrinæ Thomisticæ de necessitate præmotoris Diuinæ ad quasquæ creaturarum quantumuis excellentiū proprias operationes est necessaria consequentia: Propterea communem esse arbitror in schola D. Thomæ, Eamque expressè docet Vasquez. Tomo secundo in primam partem disp. 228. cap. 3. §. 11. vbi ait. *Deinde absurdum est etiam, asserere, ad hanc gratiam iustificationis retinendam, & in ea perseverandum non indiguiffe Angelos auxilio peculiaris gratiæ sed ex proprijs viribus id efficere potuisse.* propterea.

Dico: Angelos viatores etiam instructos habitibus supernaturalibus non potuisse sine gratia actuali excitante, & adiuvante elicere quolibet actus supernaturales. Prob. p. hæc assertio. Auctoritate Concilij Araficani secundicani: 19. vbi de homine in natura etiam integra, & in statu innocentie sic determinat,

Natura humana etiam si in illa integritate, in qua condita est, permaneret, nullo modo se ipsam creatore suo non adiuvante servaret. Vnde cum sine gratia Dei salutem non possit custodire, quam accepit: quomodo sine Dei gratia poterit reparare quod perdidit. De terminat itaque Concilium, quod homo primus etiam cum habitibus supernaturalibus, per quos in statu innocentie erat constitutus, in illa integritate sine auxilio Dei non servaret se ipsum: Ergò idem dicendum est de Angelis: cum per S. P. N. Augustinum lib. de Cor. & Gratia cap. 10. 11. & 12. & alibi sæpe, & communiter per omnes ferè Theologorum scholas sit par ratio de Adamo in statu innocentie, ac de Angelis viatoribus in gratia conditis. Prob. 2. quia Si Angeli propria virtute perseverare potuissent in gratia iustificationis accepta, in seipulis gloriari possent, nec possemus dicere eis illud epistolæ primæ ad Corinth. cap. 4. *Quid habes quod non accepisti,* quod etiam de Angelis dictum, & intelligendum esset docet S. Anselmus in lib. de Casu Diaboli cap. 3. Prob. 3. Auctoritate S. P. & in Axiomate, vbi docet quod *Voluntatem bonam nisi operante adiutorio creatoris habere non possent,* quæ verba procul dubio significant auxilium gratiæ actualis; hoc enim sonat ly. *operante adiutorio* idem sonant illa verba *illi amplius adiunt.*

Hunc eundem locum hoc modo exposuit etiam eruditissimus noster Leonardus Coquæus in suis Comment. ad lib. 12. de Ciuitate Dei cap. 9. nam hæc verba dicti capitis sic interpretatur. *amplius adiuti &c. Ea ratione intelligitur, maius beneficium grata collatum Angelis bonis, quam malis. Etsi enim gratiam aequalem habitualement ab initio sint consecuti, ita tamen efficax fuit motio diuina, & auxilium Dei speciale in Angelis Sanctis, ut in Deum toti conuerterentur, persisterent in bono, & beatitudinem tandem assequerentur, non ex vi libertatis arbitrij certè factum est, ut ita differenter afficerentur, & quod gratia fuerit efficax in his, & non in istis Deo maxime tribuendum.*

Correspondet huic interpretatio etiam doctrina P. Matthiæ Hauzeur, qui in secundo tomo suæ Anatomix operum S. Augustini: in difficultatibus quas proponit circa doctrinam huius capitis, ex quo desumptum est Axioma: habet sequentes resolutiones. Primò quod S. P. in præsentī capite nomine bonæ voluntatis intelligat nō solum naturalem, quæ iam supponitur creata, sed bonam ex gratia habituali, & actuali; quod ait patere ex contextu: nam ibi S. P. ait *facit implendo meliorem prius faciens excitando auidiorem.* & ex præcitatis verbis *illi amplius adiuti.* Secundò docet illa verba *Voluntatem quamlibet bonam, inopem*

in solo desiderio remansuram, &c. esse intelligenda etiam de Voluntate Angelica, & quamlibet quantumlibet bonam naturaliter, & etiam ex gratia habituali. *inopem.* id est insufficientem, aut inefficacem *remansuram*, nisi ille qui bonam naturam ex nihilo naturæ, & meriti sui capacem fecerat, secundum naturam, & gratiam, ex se ipso faceret meliorem, augmento gratiæ, & gloriæ, prius faciens excitando auidiorem, auxilio gratiæ actualis, & efficacis, nē *inopem in solo desiderio* naturali aut inefficaci remaneret. Tertio docet S. Patrem si nē dubio in hoc capite docuisse; omnes Angelos creatos fuisse in gratia habituali: sed sub dubio de æquali; & si nē dubio de inæquali actuali: quod ait patere ex toto contextu, & mirum esse, quod Ludouicus Viues, in hoc capite dubitet de mente S. P. Augustini, eo quod in caput Gen. primum sæpè repetit naturam Angelicam prius informem creatam, quā formatam: Eo quod toties se explicat de prioritare naturæ tantum, nō autem temporis, aut alicuius successione. Hoc discursu, & his verbis exponit prædictus Anatomista operum S. P. Augustini eius doctrinam, cuius expositionem ego verissimam puto, & omninò conformem textui, & hoc modo ait etiam, exponendos esse antiquos scholasticos B. Augustini mentem assecutos: quorum placita non vacat modo, hic expendere.

Simi-

Similiter in lib. quinto de Genesi ad litteram cap. 20. ait de Deo. & Angelis mouet itaque (Deus) occulta potentia uniuersam creaturam suam: eaque motu illa versata dum Angeli iussa perficiunt, dum circumueniunt sydera, &c. *Explicat sacula, quæ tamen in suis cursus non explicarentur, si ea, ille qui condidit, prouido motu admittitur cessaret.* motione ergo Dei gratuita indigent Angeli ad suas operationes, nec satis sunt illis cum habitibus supernaturalibus vires propriæ, ut in ea perficiant, & suos cursus explcent. Prob. 4. à Vasquez loco citato argumētis illis, & testimonijs, quibus probari solet, necessarium esse hominibus auxilium Dei, ut perseverent; nam ista etiam probant, fuisse necessarium in Angelis; inter quæ potissimum desumitur ex oratione, qua non solum homines petunt; sed etiam Angeli utiliter postulassent, & postulare poterant, ac debebant auxilium gratiæ ad perseverandum; & qui perseverauerunt debent Deo gratias agere pro perseverantia ipsis concessa. Ex utroque autē capite, id est oratione, & gratiarum actione, rectè colligit S. P. N. sepius, & cum eo ferè omnes Theologi, ac etiam Vniuersalis Ecclesia necessitatem gratiæ Dei non solum habituales, sed etiam actualis.

Dices primò: cum Bellarmino: S. P. Augustinus in præcitato lib. de Correctione, & Gratia cap. 11. ait

de primo homine; [quod idem de Angelis dicendum est] *Dederat, & adiutorium sine quo in ea (id est iustitia) non posset permanere, si vellet, ut autem vellet in eius reliquit arbitrio.* Ergò in doctrina S. Augustini poterant, & Angeli, & Primus homo retinere iustitiam acceptam; & elicere operationes sanctas; & actus supernaturales absque vllò alio auxilio gratiæ actualis. Respondet Vasquez loco citato S. P. N. Augustinum nō dixisse eo loco, esse solius liberi arbitrij sine auxilio gratiæ: sed esse relictum in arbitrij libertate, quod quidem rectè dicitur, etiam si id fiat auxilio gratiæ, consensus enim quem gratiæ præstassent ex auxilio ipsius, in libertate eorum erat positus; nam & ipsi gratiæ poterant repugnare. Vera responsio: cui etiam addere possumus, quòd ly permanere in iustitia accepta, dupliciter contingere poterat. Primò per negationem actus mali; quia actu peccaminoso non posito adhuc in iustitia accepta, permansissent; etiam si actum positum bonum non eliciuissent. Secundò eliciendo actus Virtutis, & maximè supernaturales, quibus nō solum permanerent in iustitia accepta; sed etiam mererentur, & proficerent de bono in melius; & quidē ad permanendum primo modo non requirebatur nouum auxilium; sed erat positum in eorum libertate, vel sic manere; vel per actum peccaminosum

minus cadere ab accepta iustitia; ut fecerunt Angeli Apostatae; nam ad cadendum non requiritur gratia. Ad permanendū verò secundò modo non est dubium in sententia S. P. requiri gratiam actualem; quæ ad quodcumque opus bonum requiritur etiam in statu innocentia; & in Angelis viatoribus, & propterea in Axiomate posito dixit, quod *Voluntatem bonam, qua meliores essent nisi operante adiutorio creatoris habere non possent.* & ulterius quod Angeli boni *simpliciter ad Beatitudinem pervenerunt.* quæ de auxilio actuali esse accipienda, ferè omnes qui ea interpretantur; docent.

Dices secundò: eundem S. P. in eodem capite in fine habere, *Quid eris autem liberius libero arbitrio, quando non poteris servire peccato, quæ futura erat, & homini, sicut facta est, & Angelis Sanctis merces meriti?* Nunc autem per peccatum perduto bono merito, in his, qui liberantur, factū est donum gratia, quæ merces meriti futura erat. Ex quo loco sic potest argui. Solum in Beatitudine datur non posse peccare: ergò de Beatitudine dixit S. P. Augustinus, futuram fuisse hominis in natura integra, mercedem, sicut fuit etiam Angelis si perseverassent: nunc autem post lapsum dicit esse in nobis gratiam: Sed sic est, quod in natura lapsa non est gratia simpliciter, sed gratia pro gratia; eo quod licet oria-

tur ex gratia, habet tamen rationem præmij, & retributionis: Ergò si in Angelis, & in natura integra futura erat merces, & non gratia; tunc non erat futura gratia pro gratia: & tamen futura erat, & tribuenda perseverantibus: Ergò perseverantia in gratia non erat tunc futura gratia; Sic obijcit sibi Vasquez loco citato: cui argumento respondet. In natura integra gloriam futuram fuisse, & mercedem, & gratiam pro gratia; atque etiam eodem modo in Angelis; quia in utrisque futura erat gloria ex perseverantia: perseverantia autem futura erat ex gratia. Ac etiā post lapsum beatitudinem futuram illis qui perseverabūt, & mercedem, & gratiam. Nihilominus peculiari ratione S. P. Augustinum dixisse beatitudinem quæ Angelis, & primo parenti futura erat merces, nobis post naturam lapsam fuisse gratiam: Quia cum Angeli, & homo in natura integra habuissent iam gratiam; solum videbatur superesse beatitudo tantquam merces: at verò quia post lapsum homini restituta fuit gratia, quæ omnino erat amissa, & ex qua tantquam ex radice pendebar gloria; data opera S. P. Augustinum gloriā vocasse gratiam ratione gratiæ restitutionis, & novæ gratiæ, quæ homini facta est: Et hoc sufficit ad satisfaciendum argumento.

Dices tertio cum Molina in Cōcordia qu. 14. art. 13. disp. 4. & alijs eius

eius sectatoribus, Qui habet habitus supernaturales fidei, spei, & Charitatis potest illis uti pro suo arbitrio, quando nullum est impedimentum. Sed in Angelis nullum erat impedimentum. Ergo poterant uti illis habitibus pro suo arbitrio, & consequenter non indigebant alia gratia actuali, quæ eos præueniret excitandò, vel adiuvando; cum iam sufficiens adiutorium haberent in gratia habituali, & in habitibus infusis. Confirmatur primò: quia talis gratia actualis, & præueniens tunc solū est necessaria; quando ille, qui debet agere, non habet sufficientes vires ad agendum; idèoque non potest per se inchoare actionem; sed indiget alio excitante, adiuvante, vel impellente. Quod si habet sufficientes vires, non est opus alio excitante, aut adiuvante, ut patet in quouis alio agente naturali: siuè liberè; siuè necessario agat. Si ergo Angeli habuerunt supernaturales habitus acti uos, non indiguerunt gratia actuali præueniente, adiuvante, vel excitante. R. ad argumentum distinguendo maiorem: potest uti pro suo arbitrio, quando nullum est impedimentum, si adsint simul cætera quæ requiruntur ex parte alterius causæ, quæ debet concurrere concedo. Si desit nego. Hoc sic explico in præsentī. Ad actus istos non solum concurrat causa secunda, sed etiam prima, ut omnes Theologi docent ita ut si de-

fit concursus causæ primæ, & causæ secunda habeat omnes habitus, & vires, quæ ex parte sua requiruntur ad operandum, nihilominus non possit illis uti pro arbitrio. In præsentī autem si deesset motio illa Dei excitantis, & adiuvantis deesset id, quod requiritur ex parte primæ causæ; ad hoc ut causa secunda exeat in actum suum, & sic non posset uti pro libitò illis habitibus, & hoc est sufficiens impedimentum, ne creatura exerceat actus, quos alias per suas vires naturales, vel supernaturales posset exercere (si tamen est dicendum impedimentum.) Exemplum habemus in habente potentiam visivam, optimè instructam, valentem, & acutam; qui non obstante tali virtute, sufficiente ad videndum: nihilominus numquam exhibet in actus, nisi adsit lumen, quo medio obiecta cernantur. Dices in casu nostro sufficere concursum generalem, & cooperationem Dei. R. hoc verum esse. Sed ex hoc ipso capite evidenter haberi necessitatem gratiæ actualis ad actus supernaturales etiam in Angelis quantumvis præditis habitibus supernaturalibus: nam per nos concursus ille est motio præiudice ordine naturæ antecedens ad ipsam operationem creaturæ; & cum sit eiusdem ordinis, ac est ipsa operatio creaturæ; si hæc est ordinis supernaturalis, & ipsa erit ordinis supernaturalis, & consequenter gratia illa actualis præ-

ueniēs, de qua in præſenti loquimur. Propterea arbitror, eſſe omninò falſum id, quòd docuit Molina relatus à Becano loco citato; nempe hominem fidelem exiſtente in peccato mortali poſſe ſine gratia excitari. elicere actum fidei ſupernaturalem. Hoc enim pugnat cum Concilio Tridēſino ſeſſione ſexta capite quinto; ubi S. Synodus, *Declarat ipſius iuſtificationis exordium in adultis à Dei per Chriſtum Ieſum præueniente gratia ſumendum eſſe, hoc eſt ab eius vocatione, qua nullis eorum exiſtentibus meritis vocatur, ut qui per peccata à Deo uerſerant, per eius excitantem, atq; adiuantem gratiam ad conuertendū ſe ad ſuam ipſorum iuſtificationē, &c. diſponantur, & canone tertio expreſſè dicit, Si quis dixerit, ſine præueniente Spiritus Sancti inſpiratione, atque eius adiutorio hominem credere, ſperare, diligere, aut penitere poſſe ſicut oportet, ut ei iuſtificationis gratia conferatur: anathema ſit.* & omninò diſplicet interpretatio, quam hiſ Auctoritatibus adhibet cum ſuo Molina ipſe Becanus in dicto capite ſecundo De Angelis, quæſt. 5. S. 4.

ideſt, Concilium loqui de infidelibus, qui non habent talem habitum: nam hæc expoſitio eſt omninò arbitraria, fictitia, & (ut puto) contra mentem Concilij, quod abſolutè, & vniuerſaliter loquitur de quocumque peccatoris: immò cenſeo eſſe directè contra Concilium Aurati-canum ſecundū, quod Canone nono: dicit *Diuinitis muneriſ, cum, & rectè cogitamus, & pedes noſtros à falſitate, & iniuſtitia cōtinemus: Quoties enim bona agimus; Deus in nobis atque nobiſcum, ut operemur operatur, Et merito.* Si enim, ut in Canone ſequenti ideſt decimo idem Concilium definit, *Adiutorium Dei etiam renatiſ, ac Sanctiſ ſemper eſt implorandum, ut ad finem bonum peruenire, vel in bono poſſint opere perdurare,* quanto magis erit neceſſarium huiuſmodi adiutorium iſis, qui ſunt infecti peccato mortali, ſi illi qui, habent habitus gratiæ iuſtificantiſ, & Charitatiſ nihilominus tale adiutorium debent implorare. Sed de hoc Deo dante alibi ſuſius redibit ſerino.

A. XIOMA QVINTVM.

Angeli non acceperunt gloriam in primo inſtanti ſue creationiſ.
Ex Lib. Vndecimo de Ciuitate Dei. Cap. 11.

Nullo modo ſecundum aliquod temporis ſpatium prius erant illi ſpiritus ſenſibiles, quos Angelos dicimus. Sed ſimul ut facti ſunt, Lux facta eſt:

Sunt: non tamen ita tantū creati, ut quouomodo essent, & quouomodo viverēt sed etiam illuminati, ut sapienter beatēque viverent. Ab hac illuminatione; auersi quidam Angeli non obtinuerunt excellentiam sapientis beatęque vitę, quę procul dubio non nisi aeterna, æternitatis quo suę eēt certa, atque secūra.

D V B I V M

Vtrum Angeli acceperint gloriam in primo instanti suę creationis.

Communiter docent Theologi, non omnes Angelos habuisse in primo instanti supernaturalem Beatitudinem; idest illam veram, & æternam felicitatem, quę de sua per manentia in statu omnium bonorū aggregatione perfectā est, secūra, & omnino certa. Dæmones enim nūquam illam habuerunt; quod clarē docet S. P. lib. vndecimo de Ciuitate Dei cap. 13. vbi explicans in quo consistat vera beatitudo creaturę intellectualis, resoluit consistere in hoc coniuncto, *ut bono incommutabili, quod Deus est, sinē vlla molestia perfruat, & in eo se in æternum esse mājūrum, nec vlla dubitatione cunctetur, nec ullo errore fallatur.* postea de Angelis loquens subdit. *Hanc habere Angelos lucis pia fide credimus; hanc nec antequam caderent, habuisse Angelos peccatores, qui suā prauitate illa luce priuati sunt, consequenti ra-*

*tione colligimus: habuisse tamen aliquam, etsi non pręsciam beatitudinem, si vitam egerunt ante peccatum, profectō credendi sunt, quod etiam probat S. Thomas Prima parte qu. 62. artic. 8. quia si aliquando fuissent beati beatitudine illa essentiali, quę iuxta eundem consistit in clara Dei visione, non potuissent postea peccare: nam de ratione illius est im peccabilitas. Pręterea illorum appetitus fuisset perfectē satiatus, & nihil vltiā desiderassent; hoc enim est de ratione Beatitudinis vt constat ex Ps. 16. *satiabor cum apparuerit gloria tua.* Non fuit autem illorum appetitus perfectē satiatus: sed aliqui appetuerunt aliquod aliud bonum, vt habetur Isaia cap. 14. *In calum conscendam &c. & ero similis Altissimo.* qui locus ab omnibus interpre tibus de Angelis peccantibus communiter exponitur. Ergo nunquā*

fuerunt beati.

Dices primo: nullum est inconueniens, si dicatur: Omnino Angelis in primo instanti per transitum, ut in raptu, vel transcurso concessum fuisse, ut viderent Diuinam essentiam sine ipsorum merito: Et postea subtractam fuisse huiusmodi visionem, quæ fuerat concessa non tamquam præmium; sed tamquam donum ad breue tempus: sicut Moyse, & Paulo, & quibusdam alijs sanctis datū fuisse ex priuilegio communiter docent Theologi; & præcipue recentiores. H. hoc quidem non inuoluere implicitam contradictionis: Sed nullum esse fundamentum asserendi, quod ita factum fuerit, cum hoc neque habeatur ex Scripturis, neque ex PP. neque ex DD. scholasticis: immo potius habeatur oppositum; nam ut rectè disserit S. P. in cap. vndecimo præcitati lib. vndecimi de Ciuitate Dei. *In eius participatione.* (idest beatæ vitæ] *æquales fuisse istos* [i. malos) *illis qui propterea verè plenèque beati sunt, quoniam nequaquam de sua Beatitudinis aternitate falluntur, quomodo diffusi sumus: quandoquidem si æquales in ea fuissent, etiam isti in eius aternitate mansissent pariter beati, quia pariter certi.* Neque enim sicut visa quamdiuincumque fuerit, ita aterna visa veraciter dici poterit, si finem habitura sit: si quidem visa tantummodo viuendo, aterna vero finem non habendo nominata est. do-

cet itaque S. P. quod si Angeli mali fuissent aliquando beati, sequeretur bonos, & malos fuisse aliquando æquales in beatitudine. Ergo vtrique certi, vel incerti de perpetuitate suæ beatitudinis. Si vtrique certi ergo adhuc mali sunt beati, quod patet esse falsum. Si vtrique incerti, ergo boni non sunt beati quia dubitant an sint mansuri in illo statu. Si dicas bonos accepisse certitudinem, quando mali ceciderunt. Ergo nec isti, nec illi antea beati. Nā de ratione beatæ vitæ est æternitas, & certitudo de illa: ut acutè asserit ibi S. P.

Dices secundo: ex Ezechiele cap. 28. habetur de Lucifero, quod antè lapsum fuerit *in delicijs Paradisi, & in medio lapidum ignitorum ambulauerit.* Per quæ non possunt venire, nisi gaudia Beatitudinis, & Angeli Charitate beatifica feruentes: & S. P. lib. de Correctione, & Gratia cap. 10. expressè dicere. *Angeli quidā, quorum princeps est quī dicitur Diabolus, per liberum arbitrium à Deo refuges facti sunt.* Refugientes tamen eius bonitatem, qua beati fuerunt, non potuerūt effugere eius iudicium, per quod miserrimi effecti sunt. (& infra) *Diabolus verò, & Angeli eius cū beati erant, antequam caderent, & se in miseriam casuros esse nesciebant, & S. Bernardum term. 17. in Cantica docere, malos Angelos antè lapsum vidisse futura in Verbo.* Ergo habemus

mus sufficiens fundamētum ex Scri-
pturis, & SS. PP. dicendi, Angelos
malos antè lapsum fuisse beatos, &
habuisse visionem Beatificam. & ex
communi consensu PP. & interpre-
tum locum illum Ezech. intelligi de
eximijs donis naturæ, & gratiæ, qui-
bus præditus erat Lucifer antè casū;
& per lapides ignitos Sanctos An-
gelos viatores, qui Charitate viæ er-
ga Deum seruebant. Vide Glossas
Ordinariam, interlinealem, & Nico-
lai de Lyra in dicto loco: ac etiam
Cornelium à Lapide hæc ibi expres-
sè docentes: propterea S. P. cap. 15.
dicti libri vndecimi de Ciuitate Dei
explicans hunc Textum ait. *Vbi in-
telligitur fuisse aliquando sine peccato.*
Ad Auctoritatem eiusdem S. P. ad-
ductam in argumento Respondeo:
quod ipsemet se explicat in dicto
capite vndecimo, & duodecimo vn-
decimi libri de Ciuitate Dei (vnde
Axioma) non de perfecta Beatitudi-
ne, sed de Beatitudine imperfecta;
qua etiam dicimus Primos Parentes
in Paradiso fuisse beatos. *Cum hodie*
(ait S. P.) *non imprudenter Beatos vo-
cemus, quos videmus in idè, ac pèdè cum*
spe futura immortalitatis hanc vitam
ducere sine crimine. & in præcitato
loco de Corr. & Gratia subdit, *Erat*
tamen adhuc quod eorum beatitudini
adderetur, si per liberum arbitrium in
veritate steterissent, donec istam summa
beatitudinis plenitudinem tamquam
premiū ipsius permanseris accipe-

rent, idest, ut magna per Spiritum
Sanctum data abundantia Charitatis
Dei cadere ulterius omninò nō possent,
& hoc de se certissimè noscet. Ad aucto-
ritatem D. Bernardi Respondeo ibi
non asserendo, sed inquirendo pro-
cedere, & præterea per cognitionē
in Verbo non intelligere solum vi-
sionem beatificam, sed quæcumq;
reuelationem factam à Verbo; nam
etiam Viatores dicuntur aliqua vi-
dere in verbo, quia aliqua cognos-
citur ab eis per reuelationem. Vide
S. Tho. qu. 62. art. 1. ad 3.

De Angelis Sanctis est leuis diffi-
cultas; an huiusmodi beatitudinem
in primo instanti habuerint. Pro
sententia affirmatiua P. Becanus Tra-
ctatu de Ang. cap. 3. quæst. prima
citatur Ludouicum Viues in librum
vndecimum de Ciuitate Dei cap. no-
no propter verba Diui Augustini
malè intellecta putantem bonos An-
gelos à principio creationis vidisse
Deum, & in ea visione semper man-
sisse. Attendè perpendi verba illius
Auctoris, qui in citato loco expendit
dictum illud S. P. de Ciuitate Dei;
vbi de Angelorum Ss. societate quæ
gloriosa regnat cum creatore. *& eo*
beatior, quod nunquam peregrinata,
& subdit semper enim in Patria fuit.
Angeli enim semper vident faciem
Patris, qui in calis est, & nihil aliud de
hoc puncto ibi habet: & in eis non
inuenio sensum, quem tribuit illis Be-
canus: nam illa prior pars: *semper*
Nn 2 *enim*

enim in Patria fuit. rectè potest intelligi iuxta sententiam eorum, qui dicunt, omnes Angelos in Cælo Empyreo creatos fuisse cum cæsum Empyreum sit patria Beatorum: illa verò subsequens. *Angeli enim semper vident faciem Patris, qui in calis est.* cum sit desumpta ex Euangelio, potest sumi dicta in sensu, quo fuit prolata à Salvatore: id est ex quo instanti beatificati fuerunt semper viderunt Essentiam Dei. Sed quidquid sit de hoc, Communiter docent Theologi: nec etiam Angelos (qui nunc sunt Beati) in primo instanti vidisse Diuinam Essentiam: propterea.

Dico secundo cum Magistro sententiarum in secundo: distinct. 4. & 5. & cum D. Tho. loco citato art. 1. Angelos illos, quos constat aliquando adeptos fuisse beatitudinem, & Angeli Sancti nuncupantur, non fuisse consecutos illam à principio suæ creationis; sed postea. Probatur hoc primò communiter illa ratione desumpta à D. Tho. loco citato; quia Beatitudo supernaturalis, de qua loquimur, non est aliquid nature Angelicæ debitum; sed est quidam terminus ultimus, ad quem natura Angelica diuinitus fuit supra vires naturales ipsorum Angelorum destinata; Ergo per media cōuenientia, & per viam meriti fuit perducenda ad terminum gloriæ, cum nulla possit assignari causa, cur Angeli debuerint illam statim à principio accipere. Di-

ces: Christum Dominum etiam secundum naturam humanam ab instanti suæ conceptionis fuisse beatum: Ergò, & Angeli, qui sunt nature perfectioris, quam sit humana, &c. esse disparè rationem; nam animæ Christi Domini fuit collata ratione vnionis hypostaticæ cum Verbo Diuino, vt communiter docent Theologi in Tertio sententiarum, & in Tertia parte: At in Angelis nullus erat titulus: ratione cuius illis deberetur talis beatitudo. Probatur secundo; quia Angeli boni acceperunt beatitudinem propter meritum, vt dicam sequenti Dubio: Sed hoc meritum nec fuit simul cum gloria, nec post gloriam, vt ibi ostendam: Ergò gloria non potuit eis conferri in primo instanti. Prob. 3. quia in primo instanti, tam Angeli boni, quam mali fuerunt viatores, & vtrique acceperunt gratiam, & charitatem, vt habetur Ezech. cap. 28. sed malis in illo instanti non est data gloria, vt supra probaui: Ergo nec etiam bonis. Prob. 4. Quia etiam Angeli boni, licet numquam peccauerint, nihilominus potuerunt peccare, vt docet S. P. lib. de Corrept. & Gratia cap. vndecimo; vbi distinguens adiutorium *sine quò* ab adiutorio *quò* docet; quod adiutorium *sine quò* fuit datum Primo homini, & Angelis Viatoribus: & dicit quod Deus. *Dederat adiutorium sine quò in ea* (id est bona Voluntate) *non posset permanere sibi vel.*

vellet: ut autem veller in eius libero reliquit arbitrio, &c. sed quia noluit permanere profecto eius culpa est: cuius meritum fuisset, si permanere voluisset: sicut fecerunt Angeli Sancti, qui cadentibus alijs per liberum arbitrium, per idē liberū arbitriū pēterunt ipsi, & huius māsionis debitā mercedē recipere meruerūt, tantam scilicet beatitudinis plenitudinem, quā eis certissimū sit, semper se in illa māsuros &c. & cap. 12. Prima libertas voluntatis erat, posse nō peccare. Nonissima erit multo maior, non posse peccare. Hoc idem post S. P. docet eius fidus sectator S. Anselmus in lib. de Casu Diaboli. Ergo per hos SS. PP. Angeli etiam boni aliquando caruerunt visione beatifica.

Dices primo: S. P. lib. 4. de Genesi ad litteram cap. 24. expressē habere, Angelos Sanctos prius cognovisse creaturas in Verbo, quam in proprio genere; ergo ab initio suæ creationis habuere visionem Beatificam: videre enim creaturas in Verbo, est idē; ac videre eas in Deo clarē viso &c. communiter, sensum illius loci esse, Angelos perfectius cognoscere res in Verbo, quam in proprio genere. Verum hæc responsio licet vera, non tamen solvit difficultatem: cum enim illi sex dies fuerint distincti à S. P. per cognitiones Angelicas; si in prima cognitione, quæ fuit prima dies, immodō manē primi diei viderunt creaturas in Verbo, manet quod in primo instāci suę

creationis viderint Deum, & in eo creaturas: propterea responderi secundū potest iuxta doctrinam supradatam ad locum D. Bernardi: non semper videre in Verbo importare clarā Dei visionem; sed quandōq; etiam revelationem factā à Verbo: quo pacto Prophetæ dicebantur videntes; eo quod à Deo factū esset illis verbum, id est reuelatio, quā clarē, licet non videndo Deum ipsas creaturas perfectius videbant licet futuras, vel absentes, quam si eas in propria existentia, & genere intuerentur. & tertio S. P. ibi non assertivē loqui, sed dubitativē solum, & inquirendo per dubitationes, & interrogationes procedere; nam & caput incipit per interrogationem dicendo. *Quomodo ergo diximus sexies repetitam lucis illius presentiam à vespere ad mane, &c. 2. infra, Aut quomodo precedebat mane, ut in Verbo cognosceret quid esset postea Deo faciendum &c.* nec resoluit Questiones firmiter. Sed post diligentem discussionem concludit caput. *In his ergo quæ simul facta sunt, nemo videt, quid prius, posteriusve fieri debuerit, nisi illa Sapientia, per quam facta sunt omnia per ordinem simul.* & quarto S. P. ibi expressis verbis, admittere in illis diebus, & in illa simultate prius, & posterius; ait enim. *Sed in his rebus in quibus quid prius sit, vel posterius internalla temporum non demonstrant, quamvis utrumque dici possit, id est*

ideſt ſimul, & prius, & poſterius, facilius tamen intelligitur quod dicitur ſimul, quam quod prius, atque poſterius: veluti cum ſolem orientem intueamur, &c. Hanc ſimilitudinem admittentem prius, & poſterius placuit mihi in Primo tomo Philoſophiæ naturalis appellare ſimilitudinem immediationis non vero ſimilitudinem coexiſtentia: quæ ſcilicet admittat aliquam ſucceſſionem; qua poſita rectè intelligitur, quomodo Angeli etiam Sancti; in primo, ac fortè etiam in ſecundo inſtanti Angelico nõ viderint creaturas in Verbo clarè Viſo, & poſtea in tertio viderint; & tamen hoc totum fuerit in prima die creationis ipſorũ; nam & in prima die dicit Moſes, quod Deus diuiſit lucem à tenebris, ideſt Angelos Sanctos à Dæmonibus iuxta expoſitionem S. P. & ſic illos in prima die poſt vnum, vel alterum actum meritorium habuiſſe, pro mercede vitam æternam: Dæmones verò in pœnam ſupplicium æternum.

Dices ſecundo: eundem S. P. lib. vñdecimo de Ciuitate Dei cap. 9. docere Angelos Sanctos numquam fuiſſe peregrinos à Deo. Hoc autem, quòd eſt peregrinari à Deo, per Apoſtolum eſt idem, ac carere viſione beatifica: Ergò ſi Angeli ſancti numquam peregrinati ſunt; numquã fuerunt ſinè viſione beatifica. Reſpõdeo cum noſtro Leonardo Coquero ad prædictum locum, quod quia fuit

quidem mora inter eorum creationem, & collationem gloriæ, vt docet etiam S. Tho. 1. p. qu. 62. art. 1. & cum eo communiter ferè omnes Schol. DD. quia tamen illa mora fuit breuiſſima, ideo dicit S. P. non eſſe peregrinos: cum ſtatim admiſi ſi ſint in Ciuitatem Dei, Reſpondet alij cum Beano quòd boni Angeli numquam peregrinati ſunt à Deo, quia ſemper manſerunt in cælo, vbi conditi fuerũt, & numquam per peccatum à Deo ſeparati ſunt. Ad Aug. Apoſtoli. R. hoc, quod eſt peregrinari non ſemper eodem modo accipi; ſed diuerſimodè iuxta exigentiã materiæ.

Dices vltimo: Angeli Sancti à primo inſtanti vſque modò, ſemper dilexerunt Deum actu Charitatis non interruptæ. Ergò à primo inſtanti vſque modo ſemper viderũt Deum. Antecedens patet; quia numquam ſe auerterunt à Deo: alias cum Dæmonibus Dæmones facti corruiffet. Conſequentia probatur: quia actus dilectionis procedit ab actu cognitionis; Ergò ſi eſt inuariatus iſte, inuariatus debet eſſe, & ille. R. negando conſequentiam. Ad probationẽ. R. non ſemper variato actu intellectus variari actum voluntatis. Sufficit enim ad huius exiſtentiam, quòd ſit aliqua cognitio de obiecto in intellectu, ſiue ſit hæc, ſiue illa, parum reſert ad continuationem actus voluntatis. Sic enim videmus etiã

in appetitu sensitivo variata cognitione sensitiva manere actum eiusdem appetitus; & præterea com-

munitur docetur, esse eandem Charitatem viæ, & Patriæ.

AXIOMA SEXTVM.

Angeli Viatores fuere.

Ex Lib. 2. De Ciuitate Dei cap. 15.

Illud, quod ait de Diabolo Ioannes: *Ab initio Diabolus peccat: non intelligunt, si naturale est, nullo modo esse peccatum. Sed quid respondetur Prophetis: testimonij, siue quod Esaias ait sub figurata persona principis Babilonia Diabolum notans: Quomodo cecidit Lucifer, qui mane oriebatur? siue quod Ezechiel: in delicijs paradisi Dei fuisti omni lapide pretioso ornatus? Vbi intelligitur fuisse aliquando siue peccato. Nam expressè ei paulo post dicitur. Ambulasti in diebus tuis siue vitio. Quæ si aliter convenientius intelligi nequeunt; oportet etiam illud [quod dictum est] In Veritate non stetit: sic accipiamus, quod in veritate fuerit, sed non permanferit. Et istud, quod ab initio Diabolus peccat, non ab initio ex quo creatus est, peccare putandus est; sed ab initio peccati, quod ab ipsius superbia cepit esse peccatum.*

D V B I V M.

Quæ Qualis, & quanta fuerit Angelorum via, qua ad Beatitudinem supernaturalem peruenire potuerunt.

Premitto primò communem esse Theologorum sententiam: quod Angeli boni sint adepti Beatitudinē suo proprio merito; ac etiā Ange-

Angelos malos à beatitudine defecisse propter peccatum: Est enim quoad hoc par fors, & ratio hominū, ac Angelorum; quod explicatum censent plures Apocal. cap. 21. vbi dicitur; in Cælesti Hierusalem eandem esse mensuram hominis, & Angeli: & habetur ex illis Scripturis in quibus exemplum Sanctorum Angelorum proponitur ad imitationem, & casus malorum ad cautionem; Vt propterea etiam S. P. lib. quarto de Gen. ad litt. cap. 24. dixerit: Angelos Sanctos ideo Beatos; *quia non remanet Angelica scientia in eo, quod creatum est, quin hoc continuo referat ad eiusdem laudem, atque claritatem, in quo id non factum esse, sed faciendū fuisse cognoscitur, in qua veritate stando dies est.* sicut è contra daemones amiserunt: quia non ad laudem Dei retulerunt dona creata, sed ad seipso; vt subdit ibi S. P. sic. *Nam si vel ad seipsam natura Angelica conuerteretur, seque amplius delectaretur, quam illo; cuius participatione beata est, intumescens superbia caderet, sicut diabolus, de quo suo loco loquendum est.* Et ratio est manifesta: nam beatitudo creaturæ etiam per Philosophum lib. primo Ethic. cap. 9. est præmiū virtutis, & pertinet ad dignitatem creaturæ intellectualis, vt eam sibi suis operibus acquirat, cum potest. Sic cum Magistro in secundo sent. dist. quartā, & quinta, & cum S. Thoma prima parte qu. 62. artic. 4. do-

cent communiter S. holæ, & temerariam, acerroneam reputant sententiam eorum, qui oppositum ex leuibus coniecturis de Angelis docent.

Præmitto secundo: communiter etiam doceri, intercessisse aliquam moram inter creationem Angelorū, & Beatitudinem eorum, qui glorificati fuere, & damnationem eorum, qui ceciderunt, & hanc moram fuisse durationem viæ illorum, quam vt plurimum explicant Theologi per comparisonem cum aliqua duratione nostri temporis, cui coextiterit, vel potuerint coexistere operationes ante beatitudinem, vel damnationem illorum.

Præmitto tertio: moram illam fuisse breuem; licet non possit, determinatè sciri, quanta fuerit: hoc enim colligitur ex sacris litteris; idest ex Genesi cap. tertio: vbi narratur, Angelum malum paulò post creationē rerum omnium tentasse hominem; & Io. 8. habetur Christum Dominū dixisse, Diabolum ab initio peccasse, idest paulò post sui creationem, vt pulchre explicat per extensum S. P. lib. vndecimo de Gen. ad litteram cap. sextodecimo: & probant communiter Theologi ex eo, quod ab eo obiecto, quod semel natura spiritalis elegit, vel nullo modo, vel difficillime flexi potest.

Præmitto quarto. Viam omnium Angelorum fuisse æqualem quoad durationem: in qua mereri, vel demerere-

mereri possent: Discretio enim inter bonos, & malos communiter ponitur facta post meritum illorum, & peccatum istorum in termino viæ, ac proinde ante hunc terminum, æqualem fuisse datam durationem (quam appellamus viam) ad merendum, vel demerendum: quibus positis.

Controuersia non leuis est inter Scholasticos: Quidam egerint Angelis in illa mora; idest per quos, vel quales actus boni meruerint beatitudinem, & quandò, & quomodò eam consecuti fuerint, & similiter mali demeruerint, ac damnati fuerint: In qua re satis incerta (vt aduertit Capisensis) quot capita tot sententiæ: quatum præcipuas numero septem placet hic referre, vt ex illis, quid probabilius appareat, eligamus.

Prima tribuitur Magistro Sententiarum in secundo Dist. Quinta asserenti quod Angeli nihil meruerunt in illa mora; sed quod fuerit illis data beatitudo in termino illius moræ, & in fine Distinctionis relata vtraque sententia idest affirmatiua, quod meruerint beatitudinem ante quam eam receperint: & negatiua, idest quod eam non meruerint ante; sed quod tunc præmium acceperint per obsequia nobis exhibenda ex Dei obedientia, & reuerentia, & ita præmiū, meritum præcessisse; subiungit, & hoc mihi magis placere fateor.

Secunda opinio est Beati Egidij nostri in secundo: Dist. 5. quæst. 2. art.

2. S. Bonaventuræ ibidem art. 3. qu. 2. S. Thomæ ibid. qu. 2. artic. 2. & Marsilij ibid. qu. 4. art. 2. concl. 4. vbi docent: Angelos in termino illius moræ solum recepisse simul gratiam, & meruisse beatitudinem, ac fuisse beatos: ita vt meruerint suam beatitudinem suæ gloriæ per gratiam, quam cum gloria simul tempore habuerunt: natura enim solum, & origine meritum in illis præcessisse dicunt: sic se explicat noster beatus Egidius ibi, & S. Bonaventura dicit, hanc suo tempore fuisse communem Doctorum opinionem, & eam Marsilij loco citato solum, vt probabilior ex sententia dicti Eminentiissimi Cardinalis Egidij defendit; dicens tamen, se nihil de hac re velle affirmatiuè asserere.

Tertia opinio est Scoti in secundo Dist. quinta quæst. prima, vbi relatis varijs modis quibus huiusmodi via explicari potest, resoluit probabilius esse, tribus morulis peractum fuisse hoc negotium; ita vt in prima omnes Angeli fuerint creati in gratia, & meruerint, in secunda, ait, contineri multa instantia succedentia, in quibus varijs actibus alij rursus meruerint, & alij varijs peccatis demeruerint. In tertia verò idest in instanti immediatè consequenti illam secundam morulam bonos fuisse glorificatos in termino suæ viæ, malos autem tunc habuisse terminum suæ viæ, & fuisse damnatos.

Quarta est Capreoli in secundo Sent. Dist. 4. quæst. vnica art. 3. in resp. ad primum arg. contrà quædam concl. qui arbitrat quidem tribus instantibus totum hoc mysterium fuisse absolutum; sed diuerso modo ab eo quem posuit Scotus: ait enim: Omnes Angelos in primo instanti fuisse creatos in gratia, & habuisse actum dilectionis naturalis Dei; non tamen per illum meruisse, quia non erat imperatus à Charitate; nec elicitus, nec virtualiter procedens; id est ex vi alterius actus præcedentis; cū nullus alius actus dilectionis præcesserit; Et reuera posito quod ille actus fuerit naturalis; non potest ei concedi ratio meriti supernaturalis, si à Visionis Beatificæ: & non solum Capreolus; sed etiam S. Th. quæst. 62. art. 4. in solutione secundi argumenti docet, per illum actum naturalem eos non meruisse. In secundo instanti docet: Angelos bonos per actum supernaturalem meruisse: malos vero per peccatum demeruisse. In tertio vero instanti dicit, Angelos bonos fuisse beatos, & in termino illius moræ per actionem beatificam, Angelos vero malos fuisse damnatos, & in termino suæ viæ per operationem aliquam coexistente operationi beatificæ Angelorum, puta tristitiam de sua exelusione à beatitudine.

Quinta opinio est Caietani in prima parte qu. 63. art. 6. vbi solum duo instantia huius viæ concedit; in

quorum primo dicit, omnes fuisse creatos in gratia, & meruisse; In secundo, vero bonos continuantes illud meritum, simul recepisse beatitudinem: malos vero non continuasse in eo actu meritum, sed posuisse obicem per peccatum; quò minus reciperent beatitudinem, & simul fuisse damnatos, & hoc, conatur ostendere, esse de mente S. Thomæ art. 52. dictæ quæstionis.

Sexta est nostri Ferrariensis lib. 3. contra Gentes cap. 110. versus finem, qui & ipse, duobus solum instantibus comprehensam fuisse hanc viam, docet; sed aliter ac ponit Caietanus; In quorū primo omnes Angeli creati in gratia meruerint beatitudinem supernaturalem; cum hac tamen conditione habendam; vt immediate post illam instans non ponerent impedimentum demerendo; sed manerent puri, & sine peccato prius natura, vt eam possent recipere. In secundo vero instanti bonos non posuisse impedimentum demerendi, quod ponere potuissent, & sic habuisse conditionem requisitam, & fuisse beatos, & in termino suæ viæ: non tamen in hoc instanti aliquid eos meruisse, vt putat Caietanus: malos vero dicit, in hoc secundo instanti posuisse impedimentum peccando, & caruisse illa conditione requisita, & simul fuisse damnatos, & in termino viæ: non enim repugnat simul tempore fuisse peccatum, & damnationem propter illud,

illud, tamquam ob demeritum natura prius: Sic explicat Valentia sententiam nostri Ferrariensis; & hanc explicationem colligit ex doctrina quam ille ponit loco citato; sed aliquantulum implicatè.

Septima sententia est quam plurimum recentiorum, qui tribus instantibus comprehensum totum hoc negotium contendunt: In eorum primo docent: Omnes Angelos creatos fuisse in gratia, & meruisse; sed non cum plena deliberatione, & libertate, nisi quoad exercitiū actus. In secundo bonos continuasse illud meritum cum plena deliberatione, & libertate; malos verò extinxisse illud meritum per peccatum: In tertio Bonos fuisse in termino viæ beatos: malos verò damnatos: Aduertunt tamen plures ex his, qui hanc sententiam sequuntur, in illis duobus instantibus viæ bonorum non fuisse duo merita distincta sibi succedentia; sed vnicum continuatum; quod etiam est de mente S. Tho. quatenus loco cit. art. 5. docet, per vnum meritum Angelos adeptos fuisse beatitudinem.

In tanta opinionum varietate eligam prius ea, quæ mihi videntur esse magis ad mentem S. P. postea breuiter quid de singulis sententiam indicabo.

Supponendum est autem pro fundamento secundum vniuersalem sententiam Theologorum: Instantia

Angelica, de quibus in presenti agimus, non esse momenta indiuisibilia temporis successiui, qualia ponuntur à Peripateticis, vel formaliter, vel virtualiter distincta ab ipso tempore iuxta sententiarum varietatem: sed esse quasdam durationes permanentes intrinsecè indiuisibiles, quæ sunt indifferentes ad coexistendum, vel tempori successiuo, vel etiam soli instanti iuxta diuersitatem modi operandi ipsorum Angelorum. Quapropter instantia ista Angelica sumuntur, & numerantur secundum successionem actuum, quos eliciunt Angeli. Hæc est expressa sententia S. Thomæ in præcitata qu. 62. art. 5. ad 2. quapropter cum vnus Angelus in vno, & eodem actu indiuisibili perseverat, etiam si daret per horas, dies, & annos, est vnum tantum instans Angelicum, quo ille actus intrinsecè mensuratur: Quin verò Angelus in eodem actu non perseverat; sed interrumpit illum, & alium inchoat, tunc illæ durationes intrinsecè diuersorum actuum censentur diuersa instantia Angelica: quibus possit

Dico: esse magis ad mentem S. P. Nostri sententiam D. Thomæ docentis, viam Angelorum bonorum antè terminum habuisse solū vnum instans Angelicum; id est vnicam durationem vnius operationis meritoria; quam vnusquisque Angelus habuit cum perseverantia. Viam verò

Angelorum malorum absolutam fuisse ante terminum duobus instantibus; idest duabus operationibus; in quarum prima meruerunt; sed sine perseverantia: In secunda verò peccauerunt, & extinxerunt præcedens meritum: Quapropter Angeli boni immediatè post illam operationem perseverantem viæ fuerunt in termino, & beati: mali verò immediatè post illas duas operationes siuè duo instantia fuerunt pariter in termino, & damnati. Hoc esse de mente S. P. patet ex eo; quod dixit lib. 12. de Civ. Dei cap. 6. ubi loquens de causa beatitudinis Angelorum bonorū eam sic explicat. *Proinde causa beatitudinis Angelorum bonorum cave-riſſimè reperitur, quod ei adhaerent qui summè est. Cum verò causa miseria malorum Angelorum queritur; ea-meritò occurrit, quod ab illo qui summe est averſi, ad ſeipſos converſi ſunt, qui non summè ſunt: & hoc vitium quid aliud quam ſuperbia nūcupatur?* & in libro de Correctione, & gratia cap. 10. loquendo de Angelorum bonorum, & malorum fortibus ait: *Denique Angeli quidam, quorum princeps eſt qui Diabolus dicitur, per liberum arbitrium à Domino Deo reſugere facti ſunt. Reſugientes tamen eius bonitatem, qua beati fuerunt, non potuerunt effugere eius iudicium, per quod miſerrimi effecti ſunt. Ceteri autem per ipſum liberum arbitrium in veritate ſteterunt, eamq; de ſuo caſu num-*

quam futura certiffimè ſcire meruerunt. Et infra adhuc ſe clarius explicans ait: *Diabolus, & Angeli eius, & ſi beati erant, antequam caderent, & ſe in miſeriam caſuros eſſe nesciebant; erat tamen adhuc, quod eorum adderetur beatitudini; ſi per liberum arbitrium in veritate ſteſſent, donec illam ſumma beatitudinis plenitudinem tanquam premium ſua permaſionis acciperent, idest, ut magna per Spiritum ſanctum data abundantia Charitatis Dei cadere ulterius omninò non poſſent, & hoc de ſe certiffimè noſſent.* Ex hac S. P. doctrina habemus de Angelis Sauctis vnam operationē viæ, idest adhærere Deo, & quod idē ſonat, ac ſtare in Veritate: & alteram termini; quod eſt certiffimè ſcire ſe numquam caſuros ab illa plenitudine beatitudinis, quam in premiū ſuæ permaſionis receperunt: quod totum importat Viſionem Beatificam, & complementum illius beatitudinis viæ, in qua nō videndo Deū nondum erant certi. De Angelis verò malis, & Apoſtatis nos habemus, quod primò fuerunt beati, idest beatitudine viæ, qua etiam iuſti in hac vita dicūtur Beati, ut ſupra cum S. P. explicavi, ſecundò quod à Domino Deo reſugerunt, & ſe à ſummo bono averterunt. Tertiò quod eius iudicium effugere non potuerunt, per quod miſerrimi effecti ſunt, & idcirco tres omninò operationes ſiue instantia Angelica in malis Angelis ad-

admittenda sunt. Primum operationis bonæ. Secundum peccatis & hæc spectant ad viam. Tertium vero damnationis, & miseriæ æternæ; quod spectat ad terminum ipsorum. Hoc idem, quod ad viam Angelorum malorum spectat, habetur lib. vii. de ciuitate Dei cap. 15. vbi ex Scripturis Sacris infertur; quod *Diabolus in Veritate fuerit, sed non permanferit, & quod fuerit aliquando sine peccato, & quod non ab initio, ex quo creatus est, peccare putandus est; sed ab initio peccati, quod ab ipsius superbia caperit esse peccatum.* Ex quibus constat Angelos Apostatas antè peccatum stetitisse in Veritate, & fuisse siquè peccato: postmodum à superbia capisse peccatum; quod postea subsecuta fuit damnatio, & pœna æterna: hoc idem sentiunt plures alij PP. & DD. ex quibus aliqui quo ad Dæmones probant ex Epistola canonica S. Iude Apostoli, in qua dicitur, *Angelos verò, qui non seruauerunt suum principatum, sed dereliquerunt suum domicilium, in iudicium magni diei vinculis æternis reseruant.* Vide S. Thomam in Prima parte qu. 62. artic. 5. ad 3. vbi expressè de Angelis Sanctis loquens docet, Angelum post vnicum instans fuisse beatum, & qu. 66. art. 6. docet, Angelum consequutum fuisse, beatitudinem post vnum instans. Probari, & explicari simul potest sententia ista hoc modo. Assignanda est via

Angelorum Sanctorum stantibus illis quæ ex Scripturis Sacris, & Sanctis PP. de illis habemus à termino beatitudinis distincta, & similiter via malorum à termino damnationis diuersa. Sed hoc sufficienter, & magis expedite, ac conformius ad Sacram Scripturam, & ad S. P. fit hoc modo. Ergò hæc sententia S. P. & S. Thomæ cæteris est præferenda. Maior est certa. Minor probatur nam ex adductis supra ex Sacra Script. & S. P. constat, quod Deus omnibus Angelis dederit gratiam, & alia dona supernaturalia, quibus possent consequi felicitatem æternam; & similiter quod omnes expectauerit, vt in bono essent perseverantes; sicut dederat omnibus, & singulis suum adiutorium, quo perseverare possent in bono inchoato, si vellent, quod S. P. appellat auxilium sine quo, & cū quo de facto Angeli Sancti perseverauerunt, itaque eadem duratione, qua expectauit bonos, expectauit etiam malos, qui perseverare potuissent; sed malitia sua non perseverauerunt: Ergo per hanc sententiam sufficienter, & magis expedite, ac conformius ad Sacras litteras explicatur via, & terminus tam bonorum, quam malorum spirituum. Assignatur enim vnicum instans bonorum Angelorum, quod fuit actus amoris Dei; in quo tamdiu perseverauerunt in via, quamdiu Angeli mali in primo instanti dilexerunt Deum sicut, & boni,

boni, & in secundo mutaverūt actio-
nem, & recesserunt à summo bono,
ac peccaverunt: quod est idem om-
niū, quod alijs verbis docent Scri-
ptura S. P. S. Thomas, & cum pluri-
bus alijs, Vasquez tomo secūdo pri-
mæ partis Disp. 229. cap. 11.

Dices: Licet actus bonorum An-
gelorum secundum substantiam fue-
rit vnus, & perseverans, non fuit ta-
men sine aliqua mutatione: Ergo rati-
one huius mutationis possumus, im-
mò debemus distinguere in via An-
gelorum bonorum duo instantia; si-
cut ratione mutationis in via Ange-
lorum malorum ea distinguimus.
Prob. antecedens quia in eo instan-
ti, in quo mali Angeli peccaverunt,
boni se opposuerunt per actum intel-
lectus, & Voluntatis, qui non erat
antea. Ergò fuit mutatio sufficiens
ad distinguenda duo instantia. Esto
actus amoris Dei non fuerit interru-
ptus secundum substantiam, & quod
licet tunc fuerit facta aliqua muta-
tio in Angelis bonis, non tamen pro-
pterea iuxta doctrinam S. P. & prin-
cipia D. Thomæ sunt multiplicanda
instantia; ille enim perseverantiam,
& permanentiam vocat, quod con-
tinationem actus significat, iste ve-
rò expresse vnicum instans tantum
pro tota via Angelorum bonorum,
locis citatis computat. Ratio est;
quia in communi vsu loquendi ha-
betur ratio in presenti vbiū solum
actus principalis perseverantis per

totam illam durationem; qualis fuit
actus Charitatis erga Deum. Cum
igitur questio ista sic de modo loque-
di, placet mihi sequi vsū SS. DD.
magis receptum in nostris scholis.
Dices iuxta hanc loquendam modum
posse etiam assignari vnū instans
pro via, & beatitudine Angelorum
bonorum; nam actū dilectionis Dei
quem habuerunt in via potuerunt
continuari in Patria, & nos non po-
nere vnicum tantum instans pro via,
& termino horum, & quod siue man-
serit siue non manserit idem actus
Charitatis, fuit inchoatus novus
actus principalis spectans ad novum
statum, qui fuit actus visionis Beati-
ficæ. Vasquez loco citato putat, suf-
ficere actum illum dilectionis Dei in
termino fuisse intensiorem, quam in
via: Sed hoc non videtur satisfacere
difficultati; nam etiam peccanti-
bus Angelis Apostatis dicendum vi-
deretur, Angelos bonos continuasse
suum actum Charitatis cum maiori
intensione, quam fuerit in principio.
Doctrina hæc clarior fiet expendē-
do breuiter singulas sententiās op-
positas, & earum fundamenta.

Prima sententia: quæ est Magi-
stri displicet propter duo principaliter.
Primò quia sicut repugnat, ali-
quem esse in termino, & simul moueri
ad terminum, ita repugnat aliquem
esse in termino meriti, quod est præ-
mium; & simul inoueri ad illum, ut
sit per actus meritorios mereri enim
idem

idem est; ac moueri, & esse in via ad
premiu. Ergo non potuerunt An-
geli iam beati mereri Beatitudinem,
quam adu. possidebant iuxta placitū.
Magistri mereri enim beatitudinem,
est idem omnino, ac moueri ad illam;
ut ad terminum. Secundò displicet;
quia vel Deus contulit Angelis bea-
titudinem absolūtē, & sinē aliqua
conditione, & in hoc casu non po-
tuisse illam mereri per sequentia
ministeria, ut vult prædictus Auctor;
quia nullus meretur id, quod iam est
suum, & ut tale illud possidet. De-
ratione namque meriti est, ut is, qui
meretur faciat sibi debitum, & acqui-
rat, dominium eius, quod non est su-
um. Vel Deus non dedit absolūtē,
sed cum hac conditione, ut per se-
quentia merita facerent eam suam;
& tunc non fuissent verò beati antē
illa ministeria exercita, nec beatitu-
do fuisset res ipsorum propria; sed
quasi accommodata, ut postea illam
facerent suam. Ut si quis de com-
modatā alicuius reme, arma, &c. ut po-
stea militando faceret illa sua; Est
autem, inconueniens dicere, quod
Angeli iam videntes Diuinam Essen-
tiam, & Deo perfruentes non habe-
rent beatitudinem ut suam; cum hæc
se status, & possessio omnium bono-
rum aggregatione perfecta; Vide S.
Thomam prima parte qu. 62. artic.
4. & Durandum in secundo dist. 5.
quæst. 3. Addunt Recentiores hanc
aliam rationem contra sententiam

Magistri Principium meriti non ca-
dit suo merito, cuius est principium.
Sed omnia opera subsequētia bea-
titudinem oriuntur ex ipsa beatitudi-
ne tanquam ex principio; Ergo
Angeli per ministeria subsequētia
ipsam beatitudinem non potuerunt
illam promereri: Maior est ip-
sa scilicet apud omnes; nam Gratiā pri-
mamideo nō merentur nec per ope-
ra antecedentia, quia alias non esset
gratia; nec per opera subsequētia;
quia est principium illorum; Ergo
principium meriti non cadit sub me-
rito cuius est principium; minor pro-
batur; quia sicut gratia seu Charitas
vix est principium omnium operum
bonorum viatoris; sic Beatitudo est
sive gratia consummata, & Charitas
perfecta, erit principium omniū ope-
rum bonorum ipsorum Beatorum. q

¶ Dices primò: Christus Dominus
erat Beatus à principio, id est, ab in-
stanti Incarnationis, & tamen cum
esset in hac vita mortali promeruit
multa; cum esset simul viator, & eo n-
prehensor; Ergo etiam Angeli po-
tuerunt mereri, estò essent beati. R-
Christum Dominum non meruisse
sibi beatitudinem essentialē, quam
habebat, nec etiam illius augmentū;
Quia tamen erat simul, & Compre-
hensor, & Viator per sua opera, &
passionē gratiam, & gloriam; ac
multa alia dona promeruit nobis; &
sibi glorificationem corporis, & ex-
altationem nominis.

Dices secundò: Potest Princeps strenuo equiti dare arma equos, & reliqua ad prælum necessaria propter bonum usum, quem præuidet futurum ex valore, & pericia illius: Ergò similiter Deus potuit dare Angelis dona supernaturalia beatificatoria propter bonum usum, quem præuidebat futurum in illis per opera subsequencia. &c. esse disparem rationem; nam in Equite supponitur peritia, dexteritas, & industria independenter ab illis donis, & armis, & quæ sunt digna, ut illis donentur ista, quibus utatur in seruitium Principis: Non est si de bono usu gratiæ, siue hæc sit gratia viæ, siue patriæ: iste enim non tribuit virtuti naturali ipsius liberi arbitrii; quæ antecederet ad ipsam gratiam non habet proportionem cum illo usu; Sed tribuitur Gratiæ principaliter. Nec liberum arbitrium antecederet ad infusionem gratiæ est ex se dignum tali dono; immò quælibet eius operatio habet omnem dignitatem, & valorem à gratia; quapropter non est meritum, propter quod detur gratia; sed potius finis ad quem datur ipsa gratia. Præterea donatio illa armorum non extrahit militem à statu suo equitis, aut militis, quin possit sibi ulterius per opera sua comparare dignitates, & præmia. At beatitudo extrahit Viatorem à statu viæ, & constituit illum in termino, qui impedit rationem meriti. Vide quæ dixi de hoc

puncto in Controuersia de Prædest. SS. Axio: 5. in fine §. Dices 10.

Dices tertio: esto Christus Dominus esset in termino, & Beatus; nihilominus promeruit SS. PP. ipsum præcedentibus gratiam per opera posterius exhibita; Ergò etiam Angeli potuerunt per opera subsequencia mereri sibi gloriam. &c. etiam hic esse disparem rationem; nam Beatitudo Christi Domini non extraherebat illum à statu viæ, ut dictum est, cum esset simul, & Viator, & comprehensor, quod non habent Angeli; nec ullus alius Beatus; nec refert, quod opera Christi Domini essent posteriora illa gratia, quæ fuit data priscis PP. neque enim nos absolute negamus, merita posse esse posteriora præmio; sed negamus posse esse posteriora, quando præmium est terminus, & extrahit merentem à statu viæ, & merendi; & est principium illius meriti: ut contingeret in Angelis, si per obsequia subsequencia beatitudinem illam promererentur: nam Beatitudo, quæ est præmium, iam extraxisset illos à statu merendi, cum sic terminus, & simul reliquisset illos in statu merendi, ut supponit Aduersarius; esset principium meriti, & caderet sub merito; Quæ non possunt admitti, nisi admittantur implicantiæ.

Dices quartò: Angeli Sancti per opera, quæ exercent in gratiam, & utilitatem generis humani merentur ali.

aliquid; Ergò possunt etiam mereri illud, quod à principio receperunt. Respondeo esse quidem in quæstione, an augmentum beatitudinis accidentalit cadat sub meritum: nam S. Thomas in secundo dist. 5. qu. 2. art. 2. & habetur etiam in supplemento quæst. 98. art. 6. S. Bonaventura, & Gabriel item in secundo dist. 11. nec non B. Albertus magnus in secunda parte summæ affirmant ex eo; quod in hoc nulla appareat repugnantia. At postmodum ipsemet Angelicus Doctor negatiuum sententiam docuit, & propugnauit prima parte qu. 62. artic. 9. & cum eo ferè omnes Thomistæ, & plures alij, & rectius: eo quod Beati sunt extra statum merendi; & quia illa bona accidentalia sunt debita beatitudini essentiali: Qui enim est dignus visione beatifica, est etiã dignus quauis reuelatione, quæ est infra visionem Beatificam; dummodo ad ipsum statum, & officium pertineat; & similiter is, qui meruit gaudium essentiali, promeruit etiã gaudium accidentale, quod percipitur ex alia quauis re honesta.

Secunda sententia: non probatur in eo; quod plures ex assertoribus eius illam sic explicat, vt idem actus Charitatis supernaturalis Angeli, quo in illo termino Deum amauit consideratus, vt procedebat à libero arbitrio informato gratia fuerit meritorius, consideratus verò, vt tendebat in ipsum Deum clarè visum, &

vt erat illius fructio, fuerit beatificus; ac proinde eundem actum diuersimodè consideratum fuisse meritum, & præmium. Quò posito nulla datur realis distinctio in illo actul ac proindè dicere eundem actum; vt est à gratia esse meritum, & vt habet pro obiecto Deum clarè visum esse beatificum, & præmium; est idè ac dicere, quod idemmet actus sit præmium sui ipsius, quod censetur communiter improbabile. Eo quod meritum ex debito compensatur per præmium; vnde est necesse dari distinctionem realem inter illa. Præterea ille actus Charitatis Beati pro cedit à Visione beatifica: Ergo est omninò necessarius etiam quoad exercitium: Ergo nequit esse meritorius; cum ad hoc requiratur libertas saltem exercitij.

Tertia opinio; quæ est Scoti est valdè probabilis: Sed in eo differt à nostra, quod considerat instantia Angelica etiam secundum actus minus principales; in quo est ferè quæstio de voce nobiscum, qui in ordine ad viam actum solum principalem, id est Charitatis attendimus, & propterea solum vnum instans ponimus; reliquos verò solum, vt effectus istius, à quibus non sit desumenda diuersa ratio viæ: cum omnes tendant ad complementum viæ per actum Charitatis incaptæ; non sic se habet in Angelis malis; in quibus actus peccaminosus fuit diuersa via ab illa,

quæ erat iam incæpta per actum Charitatis; tendebat namque ad appositum terminum.


Quarta sententia displicet in eo; quod ponit primum actum dilectionis Angelicæ fuisse naturalem, & nō processisse ex Charitate; & eo magis displicet, quod ponit, omnes Angelos fuisse creatos in gratia; quæ vel est idem realiter cum ipsa Charitate, ut est de mente S. P. vel si ab ea distinguitur realiter, ut volūt Thomistæ, semper est cū ea inseparabiliter coniuncta; loquimur enim in præsentia de Gratia gratum faciente. Nec ratio illa Capreoli, quod nullus alius actus dilectionis præcesserit, iuvat illum, ad probandum intentum; idest quod propterea ille primus actus fuerit naturalis; nam ad hoc quod actus aliquis sit supernaturalis sufficit, si præcedat habitus supernaturalis saltem in priori naturæ: vel aliquid supplens defectum illius, puta Auxiliū actuale Dei, ut patet in peccatore eliciente actum contritionis; qui cum sit in peccato mortali, non habet habitum Charitatis; quia tamen motio supernaturalis Dei supplet illum defectum, elicit talem actum.

Quinta opinio repugnat nostræ in

eo, quod etiam pro Angelis malis ponit solum duo instantia comprehendendo etiam terminū, idest damnationem; cum tamen terminus ille habeat rationem status, quem nō habet via, & consequenter essentialiter differant. Unde in hoc puncto arbitror Caietanum non fuisse assequutum mentem S. Thomæ.

Sexta sententia, si negat Angelos bonos continuando actum non meruisse augmentum beatitudinis, quādo mali demeruerunt, non videtur admittenda; & eò magis, quod supponitur (istis rebellantibus) illos pro gloria Dei pugnassee, & suam actum intensiorem reddidisse: Similiter nō placet in eò, quod ponit, & ipsa solum duo instantia in Apostatis includendo etiam terminum propter rationem mox adductam contra sententiam Caietani.

Septima displicet in eo, quod ponit duo instantia pro via Angelorū, non comprehendendo terminum; cum tamen nō diuersificet actus meritorios; & cum S. Thoma doceat per vnum meritum Angelos adeptos fuisse beatitudinem: in quo nō videtur consequenter loqui.



AXIOMA SEPTIMUM.

Angeli Sancti de lege ordinaria non possunt deficere, nec proficere in Beatitudine.

Ex Enchiridione ad Laurentium Cap. 29.

Placuit Vniuersitatis Creatori, atque moderatori, Deo, ut quoniam non tota multitudo Angelorum Deum deferendò perierat, ea qua perierat in perpetua perditione remaneret; qua autem cum Deo illa deferente persisterat, de sua certissimè cognita semper futura felicitate secura gauderet.

Ex Lib. de Fide ad Petrum Cap. 23.

Habetur inter opera S. P. tomo Tertio, sed est S. Fulgentij Ruspensis Episcopi eius sincerissimi discipuli.

Firmissimè notè, & nullatenus dubites omnem creaturam naturaliter mutabilem à Deo incommutabili factam; nec tamen posse quemlibet Sanctorum Angelorum in deterius mutari. Quia sic acceperunt aeternam beatitudinem, qua Deo stabiliter perfruuntur, ut ea carere non possint.

D V B I V M

Vtrum Angeli S. possint proficere in Beatitudine.

Dvplitem beatitudinem in Sanctis agnoscunt communiter Theologi: essentialem vnam: accidentalem alteram. Prima constituitur

tur in Visione clara Dei, Amore beatifico, & gaudio, quod inde oritur. Accidentales constituitur ex reuelationibus, amore, & gaudio de quacumque alia re extra Deum: quo posito duæ circa propositam questionem circumseruntur sententiæ.

Prima tribuitur magistro sententiarum; quem dicitur docuisse, per quotidiana opera Angelos crescere in beatitudine essentiali vsque ad diem iudicii.

Secunda est cõmunis inter Theologos, qui vnanimiter cum S. Tho. prima parte qu. 62. artic. 9. docent oppositum; ita vt Valentia Tomo 1. disp. quarta quæst. 13. vbi agit de perfectione Angelorum in esse Gratiæ, & Gloriæ. Puncto quarto §. *Tertium quoque* dicat quod contrarium asserere meritò censetur esse temerarium: propterea.

Dico primò: Angelos Beatos nō posse proficere in Beatitudine essentiali supra explicata. Prob. hæc assertio primo. Quia secundum legē Dei ordinariam eodem modo Angeli sunt destinati ad Beatitudinem, quo ipsi homines, vt supra cum S. P. explicauī. Sed ex fide habemus secundum legem ordinariam homines in Beatitudine essentiali postquam illam consecuti sunt non posse proficere: Ergo idem de Angelis dicendum erit si non ex fide saltem cum tanta certitudine, vt appositum à tota temeritatis vindicari non pos-

sit. Maior communiter admittitur. Minor probatur ex Eccl. 11. *siue ad Austrum, siue ad Aquilonem cecideris lignum ibi erit*, quod communiter PP. interpretantur de immutabilitate hominum in suo termino, siue ille sit Beatitudinis; siue damnationis: ad quem post hanc vitam perueniunt. Hoc idem habetur in Ecclesiastico cap. 14. v. 17. *Ante obitum tuum operare iustitiam; quoniam non est apud inferos inuenire cibum*: Et ipse Dominus noster in Euang. Io. cap. 9. *Venit nox quando nemo potest operari.* & Paulus Apostolus ad Galat. cap. 6. *Dum tempus habemus operemur bonum.* Probari potest secundo: Quia præmium non crescit nisi crescente merito. Sed in statu Beatitudinis non crescit meritum; Ergo nec præmium.

Dices si Angeli non possent proficere in Beatitudine essentiali, nec etiam possent proficere in beatitudine accidentali; sed hoc est falsum; nam ex illa D. Lucæ cap. 15. *Gaudium erit in Calo coram Angelis Dei super uno peccatore penitentia agente*: communiter Theologi admittunt progressum in huiusmodi Beatitudine accidentali, & in nouis gaudijs; vt docet S. P. Augustinus lib. 5. de Gen. ad lieteram cap. 19. S. Hieronymus cap. 3. ad Eph. S. Ambrosius lib. de his qui mylt. iniciantur. c. 7. S. Tho. prima parte qu. 62. artic. 9. ad 3. & qu. 117. artic. 2. ad primum. Ergo etiam falsum.

fallum erit, quod non possint proficere in Beatitudine essentiali. Sequela maioris prob. quia ideo dicitur Angelos Sanctos non posse amplius proficere in Beatitudine essentiali, quia non possunt ulterius mereri, cum sint in termino: Sed hæc ratio conuincit, etiam eos non posse ulterius mereri beatitudinem accidentalem; ergo conuincit etiam eos non posse ulterius proficere in Beatitudine accidentali. Respondeo huic difficultati per sequentem assertionem, &

Dico secundo: Angelos SS. de facto proficere in Beatitudine accidentali idest in varijs reuelationibus, & gaudijs extra Deum, non tamen ista eos nunc mereri: sed hæc illos promeritos fuisse ab initio. Prima pars probata manet ex adductis in hac obiectione immediate præcedenti. Secunda pars in Controuersia apud Doctores, nam S. Bonaventura in secundo dist. 11. qu. 2. art. 2. & Gabriel ibi docent Angelos SS. posse illa accidentaliter mereri; cum respectu talium donorum non sint adhuc in termino; cum illa omnia de facto non possideant. Nihilominus cum S. Thomas doceat illos de facto ista non mereri; vt supra dixi: propterea probatur prædicta pars assertionis ex eius doctrina: Quia huiusmodi præmia accidentalia sunt debita beatitudini essentiali tamquam fructus eius: Nam vel sunt actus

Charitatis ex Charitate erga proximum, vel ex illa proficiuntur; unde qui dignus est præmio essentiali, est etiam dignus præmio accidentali.

Ad argumentum S. Bonaventuræ. Respondetur quoad rationem meriti Angelos Sanctos esse in termino omnino tam quoad essentialē, quam quoad accidentalem Beatitudinem: nec officit quod omnia spectantia ad istam de facto ab eis non possideantur: sufficit enim si hæc dantur debito tempore, & data opportunitate; vt etiam in alijs præmijs sæpe contingit; nam etiam SS. PP. defuncti antè Aduentum Christi Domini promeruerunt Beatitudinem tã essentialē, quam accidentalem, & tamen eas cōsequuti sunt solum post mortem eiusdem saluatoris nostri. Meruerunt igitur Angeli Sancti tã Beatitudinem essentialē, quam accidentalem; cum essent in via, non, verò in Patria; ac proinde hoc ipso quod sunt in termino, quoad Beatitudinem essentialē, sunt etiam in termino quoad beatitudinem accidentalem, vt potè fructum illius, quē licet non recipiant statim cum præmio Essentiali, sed decursu temporis; nihilominus iam connaturalis est statui, & quasi debitus ex vi meritum, quæ præcesserunt in via.

Dices primò: multis hominibus datur Gloria Essentialis, quam ipsi numquam promeriti fuerunt in via: idest infantibus, qui decedunt acce-

pto baptismo antè vsum rationis; ergò saltem isti merebuntur dona accidentalia in Patria per propria opera; ergò etiam Angeli Sancti, cum sit par ratio de vtriusque. & quod sicut prædictis infantibus confertur gloria essentialis ex meritis Christi; ita etiam propter eadem merita suo tempore confertur illis huiusmodi fructus; quod non militat in Angelis: qui sicut meruerunt in via gloriam essentialem; ita etiam meruerunt gloriam accidentalem.

Dices secundo: D. Paulus Epistola prima ad Corin. cap. 6. ait *Nescitis quoniam Angelos iudicabimus.* Hoc circa Angelos Sanctos non potest intelligi nisi propter custodiam animarum sibi commissarum: & præmium, quod per illum sunt accepturi; cum iam de actibus viæ meritorij sint præmium assecuti; Ergò de præmio accidentali ibi est sermo, quod illi custodiendo, & gubernando homines promerentur non obstante statu beatitudinis essentialis. Respondeo prædictam expositionem reijci, & merito à S. P. N. in expositione Psalmi 86. ad illa verba *Fundamenta eius in montibus Sanctis* exponit ea de Apostolis, & descendens ad S. Paulum ait: *Ipse se iudicaturum dixit non homines tantum, sed & Angelos. Quos Angelos nisi Apostatas Angelos?* & merito cum enim hi peccauerint: conuincendi; & redarguendi sunt per honestam vitam Sā-

ctorum hominum; & est expositio conformis contextui Epistolæ Apostoli, qui reprehēdebat ibi Fideles Corinthios, qui electis Christianis eligebant in iudices arbitrios Gentiles: contra quos sic arguit. *Nescitis quoniam Angelos iudicabimus, quanto magis secularia.* idest si inter Christianos sunt plures, ex quorum vitæ innocentia, & sanctitate redarguentur Angeli mali in iudicio; & comparatione eorum condemnabuntur, qui tamen sunt substantiæ purè spirituales, & æternæ: quanto magis inter illos inuehere poteritis, qui determinant de vestris litibus circa res temporales?

Dico tertio: cum D. Thoma loco citato hoc augmentum beatitudinis accidentalis in Angelis Sanctis, sicut & in alijs Beatis: duraturum esse vltque ad diem iudicij, & non vltra. Probatur quia post illum diem non fient amplius noua mysteria gratiæ, aut gloriæ, & cōsequenter nulla erit amplius necessitas nouarum reuelationum: Et quia tunc erit completus numerus Prædestinatorum in cælis; ideo nō erunt amplius noua gaudia propter conuersiones hominum, & consequenter nec etiam vltèrius gaudium accidentale: Sed in æternum manebit Gaudium de beatitudine essentiali cum gaudio de beatitudine accidentali sibi correspondente semper inuariata.

Dico quarto: Angelos Beatos non

non posse excidere à suo statu Beatitudinis: vt docet S. P. lib. de Correptione, & Gratia cap. 10. vbi expressè docet: *Summa beatitudinis plenitudinem tamquam premium per mansionis ipsorum esse; vt cadere vltius omnino non possent, & hoc de se certissimè nossemus* & cap. 11. *Angeli Sancti, qui cadētibus alijs per liberum arbitrium, per idem liberum arbitriū steterunt ipsi, & huius mansionis debitam mercedem recipere meruerunt, tam scilicet beatitudinis plenitudinē, qua eis certissimum sit semper se in illa esse mansuros.* An hoc proueniat ex solo Dei beneplacito, an ex natura beatitudinis, in Tractatu de Beatitudine disputatur.

De cognitione Matutina, & Vespertina Angelorum disputant hic plures Theologi occasione eorum,

quæ de hoc puncto posuit S. P. lib. vndecimo de Ciuitate cap. 7. & 29. lib. 4. de Genesi ad litteram cap. 23. 24. & 25. & 31. at etiam lib. 5. cap. 5. & lib. 63. QQ. qu. 26. & denique lib. 13. Conf. cap. 15. & alibi Verū quia de hoc puncto egi in Controuersia de Incomprehensibilitate, & Visione Dei in dubio ad Axioma nonum, & in Controuersia Quinta huius operis in dubio ad Axioma Tertium, Propterea ad ibi dicta me remitto. Videantur S. Thomas prima parte quæst. 58. art. sexto, & Septimo, vbi acutè exponit mentem, & Doctrinam S. P. N. & Noster Leonardus Coquæus in Commentarijs ad prædicta loca de Ciuitate Dei, sed præcipuè ad caput 29. Libri vndecimi.

CONTROVERSIA OCTAVA

De Peccato, & Pæna Dæmonum.

AXIOMA PRIMVM.

Angeli potuerunt peccare.

Ex lib. de Correptione, & Gratia Cap. 11.

TAlc erat adiutorium, quod deferret cum vellet, & in quo permaneret si vellet: non quo fieret, vt vellet &c. Posset ergo permanere si vellet, quia

non deerat adiutorium, per quod posset, & sine quo non posset perseneranter bonū tenere, quod vellet. Sed quia nolluit permanere, profecto eius culpa est; cuius meritum fuisset si permanere voluisset. [Hucusque loquitur S. P. de primo homine in statu innocentiae, in quo Statu illum æquiparat Angelis Viatoribus quoad gratiam, & auxilium sine quo, & quoad potentiam peccandi, propterea subiungitur? Sicut fecerunt Angeli, qui cadentibus alijs per liberum arbitrium, per idem liberum arbitrium steterunt ipsi, & huius mansionis debitam mercedem recipere meruerunt, tantam scilicet beatitudinis plenitudinem, quae eis certissimum sit, semper se in illa esse manuros. Si autem hoc adiutorium, vel Angelo, vel homini, quam primum facti sunt defuisset; quoniam non talis natura facta erat, ut sine diuino adiutorio posset permanere, si vellet, non utique sua culpa cecidissent. Adiutorium quippe defuisset, sine quo manere non possent. Nunc autem quibus de est tale adiutorium, iam pana peccati est.

D V B I V M.

Vtrum Angeli possint peccare, tam contra legem Scripturalem, quam contra naturalem.

Hoc axioma S. P. vtor in presenti, quia in eo explicat, & latum Angelorum, & potentiam peccandi, id est liberum arbitrium; & auxilium, quod acceperant, ut posset in bono permanere si vellet; quod auxilium si non accepissent, non utique sua culpa cecidissent: nā ut ait ipse, *non talis natura facta erat, ut sine diuino adiutorio posset permanere si vellet*: quia verò peccatum, quodlibet est contra aliquam legem

nam ut ait Apostolus ad Rom. 4. *Vbi non est lex, nec prauaricatio*. propterea videndum est, an Angeli contra quamcumque legem peccare potuerunt: Sunt enim leges suae praecepta in duplici differētia. Quaedam enim sunt supernaturalia, quibus creatura Intellectualis dirigitur ad finem supernaturalem. Alia naturalia quibus ordinatur ad finem naturalem. Ex qua doctrina habetur: nos posse dupliciter peccare: primò

con-

contrà finem, & præcepta naturalia; secundò contra finem, & præcepta supernaturalia. Et quidem Angelos peccare potuisse est de fide; cum ex Sacra Scriptura constet aliquos de facto peccasse habetur enim in Epist. p. Io. c. 3. *Ab initio Diabolus peccat.* & in Euang. cap. 8. *Ille homicida erat ab initio, & in veritate non stetit: quia non est veritas in eo;* & Iob c. 4. v. 18. *In Angelis suis reperit pravitatem.* Ex quibus omnibus patet: Angelum absolutè loquendo posse peccare: & ratio est manifesta fundata in his duobus principiis. Omnis creatura quæ habet liberum arbitrium potest absolutè, & nulla facta suppositione peccare. Vbi est Lex ab alio præscripta, cui subiectum sit liberum arbitrium; nulla similiter facta suppositione potest peccare. Sed Angelus nulla facta suppositione Visionis Beatificæ: Unionis hypostaticæ, aut alterius similis impedimenti est talis. Ergò potest absolutè loqui de peccato. Cum possit libere præstare, vel omittere illud, quod ita lex, vel præscribit, vel prohibet; Sed an possit peccare contra iustitiam legem, sicut nos possumus, non est certum apud Theologos: sunt enim variae de hoc DD. sententiæ.

Prima est Scoti in secundo Dist. 23. ubi probat generaliter nullam creaturam esse posse villo modo im-peccabilem, siuè loquamur de pec-

cato contra legem naturalem, siuè de peccato contra legem supernaturalem.

Secunda sententia distinguit, & asserit, posse produci creaturam im-peccabilem quidem respectu finis naturalis, & talem esse Angelum: non tamen respectu finis supernaturalis: quam sententiam tenet Caietanus Prima p. qu. 63. art. 1. cui fundamentum præbuit S. Thomas ibi in Resp. ad 3. quod etiam docet idem Ang. D. in QQ. Disputatis qu. 16. de malo art. 3. in corp. & ad 6. art. 5. ad primum, & in sequentibus, nec non, & in secundo dist. 5. qu. 1. art. primo ad primum, & 4. Durandus in secundo Dist. 6. qu. 1. nu. 16. & 23. & 3. Gabriel ibi qu. 1. art. p. & 2. Maior qu. 2. Concl. 4. & 5. Okamus in primo Dist. 44. qu. prima ad secundum, Capreolus in secundo Dist. 22. qu. prima, art. 3. Noster Ferrar. in lib. 3. contra Gentes cap. 109. Bannez, & Zumel in Primam partem ad quæst. 63. Conclus. 2. contra Scotum: his positis.

Dico primo Angelum ex natura sua posse peccare contra præcepta naturalia, siuè ea sint à natura indita; siuè sint positiva superaddita, dummodo spectent ad finem naturalem: Hæc assertio est sententia S. P. & propterea: Primo illam eius Auct. probò sic. S. P. lib. 12. de Civitate Dei cap. primo ait: *Dicimus itaque immutabile bonum non esse, nisi unum.*

*Deum, Verum, Beatum; ea verò quæ fecit bona quidem esse, quod ab illo. Verum tamen mutabilia, quod non de illo, sed de nihilo facta sunt. & in fine capituli ait: Quapropter etiam vitio malorum Angelorum, qui non adherent Deo: quoniam omne visum natura nocet, satis manifestatur Deum tam bonæ eorum creasse naturam, cui noxium sit non esse cum Deo. Similia habet cap. 6. eiusdem libri, ubi per extensum de peccato, & miseria malorum Angelorum disserit: cum S. P. sentit eius discipulus S. Fulgentius lib. de Fide ad Petrum cap. 3. Similia habet S. Gregorius lib. 25. Moralium cap. 5. Et ex hoc principio tam S. Fulgentius in dicto lib. c. 23. quam S. P. lib. 3. contra Maximinū colligunt, quod cuiusque creaturæ rationali præstatur, ut peccare non possit, non est naturæ propriæ, sed gratiæ: quod S. P. ibi sic exprimit: *Accedere ad eum, & illum namini, nisi quia hoc nemo potest si de se quisque præsumperat, sed si ipse donaverit. Immortalitatem autem Deus habere dicitur solus, quia eū immutabilis solus. In omni enim mutabili natura nonnulla mors est ipsa mutatio, quia facit aliquid in ea vñ esse quod erat: eandem doctrinam habent S. Ambrosius lib. 3. de Fide ad Gratianum cap. 2. S. Hieronymus in Commentarijs magnis Epistolæ ad Galatas cap. 6. & in Epistola 146. ante finem loquens de Angelis, & luminibus, & versans illud**

*P. Non iustificabitur in conspectu suo omnis vivens. [ait] salus Deus est, in quem peccatum non cadit; cetera cū sint liberi arbitrij, iuxta quod homo ad imaginem, & similitudinem Dei factus est, in utramque partem possunt suam flectere voluntatem; & in hunc sensum explicat illud Epistolæ primæ ad Tim. cap. primo, ubi Deus dicitur Immortalis. Sic, & Elias Cretensis in Orat. 3. & tandem S. Io. Damascenus lib. 2. de Fide cap. 3. Nazian. quæ est prima Apologia in Iulianū in illa verba, *Ad hæc quomodo dicitur Quidquid enim creatum est mutationi subicit necesse est, id enim unum extra mutationis aleam est, quod nihil habet à quo sit creatum*: ex hac S. P. & aliorum PP. Doctrina, sic arguo. Omnis creatura Intellectualis ex sua natura est mutabilis, & in utramque partem suam potest flectere voluntatem: Sed Angelus tam circa finem, & legem supernaturalem, quam circa naturalem est mutabilis, & suam potest in utramque partem flectere Voluntatem: Ergo tam est peccabilis circa finem supernaturalem, quā circa finem naturalem. Dices hos PP. loqui de creatura rationali libera; non verò de creatura rationali, quæ ex sua natura sit determinata ad unum, qualem posse produci à Deo, non videtur implicare; & huiusmodi esse Angelum ex natura sua in ordine ad finem, & legem naturalem. Respondetur cum S. Hierony-*

mo,

mo, locis cit. Creaturam rationalem [hoc ipso quod est rationalis] debere esse liberi arbitrij; nam ideo talis creatura ab eo dicitur facta ad imaginem, & similitudinem Dei; quia libero arbitrio dotata est: Præterea communiter docetur impossibile esse produci creaturam rationalem, quæ necessariò alligata sit ad vnam partem ex natura rei circa suam obiecta, quæ illi proponi possunt. Si enim non est animal irrationale, debet esse libera ex natura sua ad quodcumque genus obiecti; ac proinde hoc ipso quod minimam habet libertatis partem non potest circa virtutem, vel vitium, seu naturaliter, seu supernaturaliter loquendò esse determinata ex natura sua: sed solum, vel ratione status, & terminij, vel ratione alicuius doni, & magni beneficij Dei. Nec dicas Deus est liberi arbitrij, & tamen circa Virtutem, & vitium, seu bonum, & malum morale non habet libertatem. Nam, ut dixi cum PP. supracitatis, est dispar ratio de Deo, & de creatura: Deus enim est immutabilis, & cum sit essentialiter bonus, & Sanctus, non potest transire de bonitate ad malitiam, & de Sanctitate ad Vitium, & peccatum, & præterea nullum habet superiorem, nec potest habere, cuius legi possit subdi, & eam transgredi: non sic est de creatura rationali, quæ cūque illa sit; nam hæc eo ipso quod est creatura, est facta ex nihilo; &

implicat contradictionem esse creaturam, & non esse ex nihilo factam; ac proinde non esse ex natura sua mutabilem circa quancumque legem, vel finem: ac posse peccare tamen circa legem supernaturalem, quam circa naturalem. Veritas hæc clarior fiet infra ex solutionibus objectionum Aduersariorum. Prob. 2. ratione illa supra in principio huius dubij posita. Quia Angeli in statu suo naturali, præciso quocumque alio habent liberum arbitrium subiectum legi naturali: ergò possunt liberè, vel transgredi, vel obtemperare. Conf. Quia si Angeli non possent contra legem, aut finem naturalem peccare, Essent determinati omninò ad faciendum illud, quod lex naturalis dicat: Sed omne id quod est omninò determinatum ad aliquid faciendum non est agens liberum ut patet in omnibus illis quæ agentia naturalia idcirco nominamus, quia sunt determinata omninò ad vnum: ac proinde non liberè, sed necessariò operantur. Ergò Angeli non essent agentia libera in statu suo naturali, & in ordine ad legem naturalem. Prob. 3. quia Angeli in statu naturæ poterant deficere à suo fine naturali; cum haberent posse tendere per actiones liberas in illum, & posse non tendere. Ergò poterant contra illum peccare. Probatur 4. quia sicut ab agente naturali acquiritur eius finis per actionem necessariam,

riam, ita ab agentibus liberis debet acquiri per actionem liberam: Cum vñaqueque creatura tēdat in finem sibi proportionatum, & a Deo præfixum: per actiones proportionatas, & per quas est apta nata operari circa illum: Ergò si Angeli sunt agentia libera, liberè debent acquirere suum finem naturalem, & posse illū consequi, vel ab eo deficere, quod est idem, ac contra illum peccare. Probant vltimo communiter Theologi, qui hanc assertionem tuentur; quia Cædemones de facto incitāt homines ad omne peccatum etiam contra legem naturalem. Ergò ex se antè lapsum habebāt potentiam, ad peccandum contra huiusmodi legem: Respondent Aduersarij huic argumento; posse quidem Angelos peccare contra legem naturalem mediātè, & concomitanter, non tamen primò, & immediātè; quod explicāt, & probant hoc modo. Finis naturalis Angeli est Deus, qui etiam simul est finis supernaturalis eorum. Non possunt autem Angeli recedere à Deo, vt sine supernaturali, quin simul recedant ab eo, vt sine naturali, cum vtraque ratio finis sit in ipso: Ergò quoties peccant contra legem supernaturalem, peccant etiam contra legem naturalem. Hoc tamen effugium non soluit difficultatem: Quia si Deus creasset Angelum in parisiis naturalibus, quod non implicat, iam tunc illum ordinasset solum

ad finem naturalem nō per legem pariter naturalem; & in eo casu potuissent transgredi illam legem, & operari contra illum finem non solum mediātè, & concomitanter; sed etiam primò, & immediātè: sed per hoc quod Deus condens naturam simul largitus sit ei gratiam non destruxit, nec abstulit ab eo potentiam illam naturalem; sed illam perfecit: Ergo adhuc potest id, quod potuisset sine gratia supernaturali, & consequenter cum non implicet cum potuisse in parisiis naturalibus, si in illis creatus fuisset, immediātè transgredi legem naturalem: nec etiam implicabit, quod hoc posset in statu viæ, esto haberet gratiam. Præterea, vel Angelus ratione suæ naturæ habuit potentiam peccandi contra legem naturalem, vel nō habuit; si habuit: Ergo potuit illa vti, nisi impediretur ab aliquo statu, vel termino: (puta, à sua beatitudine:) non solum mediātè; sed etiam immediātè, & directè faciendo contra aliquod præceptum, quod constat lumine naturali esse seruandum; v. g. non faciendi aliter, quod tibi nō vis fieri: in hoc enim nullum est inconueniens; Si non habuit: Ergo numquam potuit illa vti, nec in via, nec in termino, & cōsequentet nec mediātè, nec immediātè: quod nec etiam ipsi Aduersarij admittunt. Nec officit quod in Deo identificentur duæ illæ rationes finis naturalis, & finis superna-

tura-

turalis: nam etiam in eo identificantur dæ rationis; obiecti naturalis, & supernaturalis: cum tamen possit à nobis cognosci intellectu naturali, & intellectu supernaturali, & possimus circa illum errare in cognitione naturali, quin erremus in cognitione supernaturali.

Dices primò S. P. N. relatum à Magistro sententiarum in lib. 11, de Gen. ad litt. cap. 7. habere *Talem Deus potuit hominem fecisse, qui nec peccare posset, nec veller, & si sic fecisset, quis dubitat, eum meliorem fuisse?* Ergò etiam potuit facere Angelum ex natura sua non potentem peccare: quod Confirmatur: quia non implicat creatura rationalis, cui lumen gloriæ, & gratia Sanctificans sint connaturalia, vt docent plures Theologi. Ergò nec etiam implicabit Angelos esse natura sua impeccabiles in aliquo genere; hoc est circa finem suum naturalem saltem directè, & immediatè. R. S. P. eo loco, à me, & ab alijs diligenter perlectum non habere verba illa, quæ citat Magister; sed solum ibi docere meliorem esse naturam creatam, quæ nolit peccare, quam eam, quæ non solum potest, sed etiam vult peccare; Quod est omninò longè diuersum ab eo, quod dicit Magister, & intendunt Aduersarij. Verum dato, quod S. P. id diceret (quod tamen sicut non ibi, ita nec alibi puto cum asserere) loquendo ex natura

rei cum tale Axioma non sit conforme principijs ipsius, vel se exponeret, vel esset exponendus ratione aliquius doni superadditi; sicuti se exponit cum loquitur de Christo Domino in lib. de Prædestinatione SS. cap. 15. vbi dicturus de eo. *Quod tanto magis libera erat voluntas eius, quanto magis peccato seruire non poterat* præmisit rationem ex dono Vnionis hypostaticæ, quia scilicet *ille homo à Verbo Patri cæterno in unitatem personæ assumptus Filius Dei vnigenitus esset.* Ad Confirm. R. me in Controuersia De Incomprehensibilitate, & Visione Dei in dubio ad Axioma Septimum ostendisse implicare talem creaturam, cui sit conaturale lumen gloriæ, vel Gratia Sanctificans, & consequenter etiam implicare creaturam ex natura sua impeccabilem; vbi etiam aduertit, Salas parte secunda Disput. 3. Sect. 2. appellasse contrariam sententiam periculosam, & reiiciendam à scholis exemplo Vniuersitatis Salmaticensis, quæ non semel prohibuit eam.

Dices secundò: Quicumque diligeret necessariò Deum vt Auctorè naturæ, non posset peccare contra legem ab eo latam. Sed Angelus in puris naturalibus hoc modo diligeret Deum: Ergò non posset peccare cōtra legem ab ipso naturæ Cōditore latam. Maior est certa, & in confesso apud omnes, Minor probatur:

bat: Quia Angelus, cognoscendo, & amando seipsum; necessario cognoscit, & amat Deum; ut Auctore naturæ suæ. Sed non potest cessare à cognitione, & amore sui; Ergò nec etiam à cognitione, & amore Dei sub hac ratione formali Auctoris Naturæ. Respondetur hoc argumento solum probari, Angelum necessario amare Deum, ut Auctorem suæ Naturæ in particulari; nō verò probare, quod illum amet necessario, ut Auctorem totius naturæ; Et hoc erat probandum pro intento Aduersariorum: nam ex eo quod cognoscit, & amet necessario suam naturā individualem, sequitur solum, quod non possit peccare contra illam legē naturalem, quæ est de conseruatione sui, & nihil amplius: amor enim ille esset amor concupiscentiæ, non verò beneuolentiæ: Ac proindē nō sequitur, quod non possit peccare, contra Deum, ut Auctorem totius naturæ, & contra legem naturalem ab eo latam. Præterea non est omnino certum, quod Angelus in puris naturalibus non possit cessare à cognitione, & dilectione sui; vel quod idem est, quod necessario cognoscit, & diligit seipsum; Quod enim hoc habeat in Patria, est ex vi Visionis Beatificæ, & Amoris Beatifici, quo diligitur Deus, & omnia propter Deum; At quod in puris naturalibus necessario exerceat illos actus, ex nullo capite euidenter probatur.

Dices tertio cum Durando in secundo Dist. 23. quæst. prima: Voluntas nequit deficere nisi in intellectu præcedat: aliquis defectus: & hic defectus, vel est actualis consideratio de aliquo obiecto, quod vel non conuenit appetere, vel non eodem modo, quo intellectus illud proponit; vel est actualis inconsideratio de eo, quod intellectus potest, & debet aduertere; vel est aliqua ignorantia vincibilis; vel denique aliquis error positius contra aliquam Veritatem ab ipso cognoscibilem. Sed Angelus non potest habere huiusmodi defectus circa naturalia; licet possit illos habere circa supernaturalia. Ergò non potest peccare contra legē naturalem, licet possit peccare contra legem supernaturalem. R. quod licet moraliter, & ut in pluribus res ita se habeat, ut scilicet nullus peccet, nisi adsit defectus, vel error in intellectu; nihilominus non probatur sufficienter, semper hoc contingere, & numquam oppositum euenire; imò à priori ostenditur; vel etiā [fortè] demonstratur oppositum: Voluntas enim libera habet dominium supra suos actus; ita ut possit illos ponere, vel non ponere; vel ponere oppositum iuxta diuersitatem obiectorum, & statuum in quibus talis Voluntas reperitur. Ergò voluntas puræ creaturæ, quæ est viatrix (de hac enim loquimur in præsentī) eū ex se possit agere si vult, & non age-

æ pro suo libito: poterit vigente præcepto naturali, vel negatiuo, vel positiuo agere contra illud, vel ponere actum, quem non debet ponere, vel non eliciendo illum, quem tenetur elicere; etiam positis quibuscumque requisitis ex parte intellectus; nam hoc est de ratione Domini potentia liberæ. Dices ex lib. Præverb. c. 14. habetur. *Errant, qui operantur malum*. Ergo, omnis operatio peccaminosa supponit errorem in intellectu. R. id non semper accipi de errore intellectus; nam licet sit verum, quod hoc ut plurimum contingat; nihilominus ad veritatem prædictæ sententiæ sufficit, quod voluntas, etiam, licet non erraret intellectus. Nam communiter dicimus, illum errare, qui defleat à rectitudine, siue à regula recta sibi præscripta; voluntas autem sic potest deficere à regula bonitatis, si ut potest intellectus deficere à regula veritatis; Et consequenter tam voluntas, quam intellectus possunt errare. Et hæc etiam si nullus error, vel defectus præcedat in intellectu, ut est manifestum in illis, qui peccant ex mera malitia. Plura, & diffusè exposita de hoc puncto habes apud recentiores. Mihi sat est difficultatis nodum soluisse.

Dices quarto: Angelus in puris naturalibus non potest non cognoscere, & non diligere suam Beatitudinem naturalem, quæ consistit in

ipsa naturali cognitione, & amore Dei. Ergo naturaliter non potest peccare in illo statu contra illum finem. Antecedens probatur; quia in illo statu non potest esse miser, aliis non esset in puris naturalibus: Sed eo ipso, quod cessaret à cognitione, & amore naturali Dei, esset miser: Ergo non potest ab illis cessare, & consequenter nec etiam cessare à sua naturali beatitudine. R. quod ad summum Angelus necessariò amaret Deum, ut Auctorem sui, non verò, ut Auctorem totius naturæ: huius enim amoris sub hac ratione nulla est necessitas in Angelis in puris naturalibus consideratis. Ideo enim amaret Deum, quia amaret seipsum, & suæ ipsius conseruationem, quæ pendet à Deo; qui amor, cum sit amor concupiscentiæ, non verò beneuolentiæ, ut supra dictum est in Responsione ad secundam obiectionem, non pertinet ad Beatitudinem Angeli, quæ posset habere in statu puræ naturæ; nam talis beatitudo consistit in libera contemplatione, & amore beneuolentiæ, & amicitia Dei tamquam ultimi finis totius naturæ: quam non possunt demonstrare aduersarij, necessariò esse in Angelis.

Dices quintò: Angelus naturaliter amat necessariò suam beatitudinem naturalem etiam quoad exercitium. Ergo non potest peccare contra legem, aut finem naturalem primò, & immediatè. Antecedens est

in confesio ferè apud omnes: cum bonum, & bonum sui non possit nõ amari, & cum necessariò cognoscat-ur ab Angelo etiam in puris natura libus, quoad exercitium necessariò etiam amabitur. Consequentia probatur ex eo, quod qui diligit necessariò finem; diligit etiam necessariò media requisita ad conseruationem talis finis. Sed restitudo omnium actionum liberarum requiritur ad conseruationem beatitudinis naturalis: Ergò Angelus necessariò sèper rectè agit in naturalibus. & negando antecedens quoad necessitatem exercitij; nam per liberas solũ actiones acquirit Angelus beatitudinem naturalem; ad probationem pariter negatur antecedens, quoad necessitatem exercitij; cum enim sic liberæ naturæ, pro suo libito posset elicere, vel non elicere illos actus cognitionis, & dilectionis naturalis; rãto magis, quod in illo statu cognitio illius de Deo quæcumque esset, nõ esset intuitiua; sed abstractiua: Qua propter sicut per liberas actiones acquireret beatitudinem naturalem, ita etiam per similes actiones eas amittere posset: Aduerte quod cum loquimur de beatitudine naturali, loquimur in ampla, & lata significatione beatitudinis, sub qua comprehenditur etiam illa felicità, qua fruntur iusti in hac vita, dum rectè agunt; de qua in Psalmo 118, dicitur *Beati immaculati in via, qui ambulant*

in lege Domini: nam de vera propria, & rigorosa beatitudine loquendo, de qua suo loco agendum est, videndum erit, an ex Principijs Doctrinæ S. P. possit esse naturalis.

Dico secundo cum communi omnium Theologorum Sententia certum esse, posse Angelum Viatorem secundum potetiam naturalem peccare contra præcepta supernaturalia. Hæc assertio manet probata ex supradictis. Si enim potest peccare, contra finem, & legem naturalem; etiam à fortiori potuit peccare contra finem, & legem supernaturalem. Probatur etiam peculiari ratione: Quia Angelus ex solis suis potētijis naturalibus non habet vires sufficientes ad implenda præcepta supernaturalia; cum ista non impleantur nisi per actus ex edētes vires naturales; hoc enī sonat illavox, supernaturales; Et cõs. quēter indiget gratia Dei, vt illa possit implere. Sed huiusmodi gratia non tollit potentiam peccandi; cum non imponat necessitatem operandi; Vndè habens gratiam, sicut potest operari id, quod præceptũ est, ita potest non operari illud: Ergò potest peccare. Dices si esset vera hæc doctrina, melius esset non habere illam gratiam, quam illam habere; Sed hoc est inconueniens; Ergò & id vndè sequitur. Probatur sequela; quia si non haberet illam gratiam, non posset peccare, sicut nõ posset seruare præcepta; Et consequen-

quenter illa non obseruando, nō peccaret: quia ubi non est potentia ad obseruantiam, inobseruantia non est culpabilis. Sed est melius, non posse peccare, quam posse peccare: Ergo esset melius non habere illam gratiam, qua homo fit potens ad peccandum, quam illam habere. Confirmatur Auctoritate S. P. qui in libro de Correptione, & Gratia cap. vndecimo loquendo de Gratia suę adiutorio *sive quo*, concessio Angelis viatoribus; & homini primo in statu innocentie: dicit *Si autem hoc adiutorium, vel Angelo, vel homini, quam primum facti sunt, defuisset, quoniam talis natura facta erat, ut sine Diuino adiutorio non posset manere si vellet, non utique sua culpa cecidissent. Adiutorium quippe defuisset, sine quo manere non possent* hic S. P. iam docet, quod sine illo adiutorio si Angeli cecidissent *non sua culpa cecidissent*. Ergo melius est, non habere illam gratiam, quam illam habere; cum sine hac careat, & culpa, & potentia ad illam. R. hoc argumentum nimis probari, & propterea nihil probari: Nam si hoc argumentum concluderet in presenti, concluderet etiam irrationabilia, immo, & insensibilia esse meliora, & perfectiora hominibus, & Angelis: quia illa nec peccant, nec possunt peccare, cū non sint Agentia libera; & homo, & Angelus viator possunt peccare: quod tamen nullus admittit. Sic est

in presenti; Vnde ad argumentum directe respondendo, nego antecedens: Ad probationē negatur, quod per gratiam fiat potens ad peccandum: licet enim gratia det posse operari recte, & supernaturaliter, nō tamen dat posse peccare: Sed supponit. Exemplum sit in aqua, quę cū est calefacta potest se reducere ad suam pristinam frigiditatem; ex quo tamen non sequitur, quod illam potentiam se reducendi ad frigiditatem habeat à calore, vel calefactione. Estò si non haberet illum calorem; non posset, se reducere ad frigiditatem: Quapropter calor ille non est ratio formalis, & causalis; sed est solum conditio, qua non posita, non posset aqua se reducere ad frigiditatem: hæc tamen potentia præsupponitur. Sic est in presenti; antecedenter ad huiusmodi gratiam voluntas libera, & viatrix est potens non operari recte quodcumque præceptum est; cum quo tamen stat, quod si nō operetur recte, eò quod non potest, non sit nec imputetur ei ad culpam; at si habeat potentiam; qualis est illa quę supponitur habere in presenti casu per gratiam, & non operetur id, quod præceptum est, iam talis non obseruantia sit peccaminosa, & imputetur ei ad culpam; non ex eo, quod gratia dederit illi posse non obseruare; Nam hoc habebat ante; Sed ex eo quod cum posset operari recte, noluit, quod non pro-

uenit ex gratia; sed ex sua libertate, & malitia; & per hæc satisfactum est etiam ad confirmationem ex Doctrina S. P. Dixi secundum potentiam naturalem; Nam creaturam Intellectualem posse fieri impeccabilem per gratiam, communiter admittitur à Theologis, vel per peculiarem Dei assistentiam, vel per visionem clarā Dei; vel per Gratiā vnionis hypostaticæ. Primus modus admittitur etiam à Scoto: alij duo habentur apud D. Thomam prima secundæ qu. 4. art. 4. & 3. p. quæst. 16. artic. primo, quos communiter admittunt etiam alij DD. exceptis Durando, & Scoto; de quibus suo loco.

Disputant hic aliqui, an possit à Deo produci creatura intellectus, & libera, quæ sit impeccabilis per naturam. Partem negatiuam amplector consequenter ad ea, quæ dixi in Controuersia de Incomprehensibilitate, & Visione Dei: in Dubio ad Axioma Septimum: illæ enim rationes, quæ probant non posse dari intellectum creatū, cui sit connaturalis Visio Beatifica, & lumen gloriae, vel quæ per sua naturalia præcisè videat Diuinam Essentiam intuituè; eædem probant non posse dari creaturam liberam, quæ sit per naturam suam impeccabilis.

AXIOMA SECVNDVM.

Peccauit Diabolus ab initio.

Ex Lib. vndecimo de Genesi ad litteram cap. 23.

Quod putatur numquam Diabolus in veritate stetisse, numquam cum Angelis beatam duxisse vitam, sed ab ipso suæ conditionis initio defecisse, non sic accipiendum est, ut non propria voluntate deprauatus, sed malus à bono Deo creatus putetur, alioquin non ab initio cecidisse diceretur. Neque enim cecidit, si talis est factus; sed factus continuo se à luce veritatis auertit superbia tumens, & propriæ potestatis delectatione corruptus, &c. Proinde nec sui casus præcius esse potuit, quoniam Sapientia Pietatis est fructus. Ille autem continuo impius, consequenter & mente cæcus, non ex eo, quod acceperat cecidit, sed ex eo, quod acciperet, si subdiuoluisset Deo, quod profectò quia noluit, & ab eo, quod accepturus erat cecidit.

D V B I V M

Vtrum Angelus in primo instanti
peccare potuerit.

P Remitto primo fide Sanctum esse Diabolum non esse ex natura sua malum. Vidit enim Deus cuncta quæ fecerat, & erant valde bona vt hab. Gen. primo quod etiā suadet ratio illa S. Thomæ prima parte qu. 63. art. 4. vbi docet illud quod est à natura ordinatum ad bonum, vniuersale non inclinari ad malum. Ratio enim propter quam aliquid inclinatur ad malum saltem per accidens est quia ordinatur ad bonum particulare, cui potest esse coniuncta ratio mali, quemadmodum igni, qui natura sua est bonus, coniuncta est ratio consumptiui. Cumque Angeli fuerint ordinati à Deo ad bonum vniuersale; hoc enim est obiectum tã intellectus, quam voluntatis eorum, idest primum; manet non inclinari naturaliter ad malum, & consequenter nec etiam esse malos naturaliter, aut substantialiter; cum inclinatio sequatur entitatem, & naturam rei. Propterea inter manichæorum errores deputatur hoc, quod est, Diabolum natura sua esse malum; de quo agēs

S. P. N. lib. vndecimo de Ciuitate Dei cap. 13. aduertit aliud esse dicere quod Diabolus *ab initio sua conditionis in veritate nō steterit, & ideo numquam cum Sanctis Angelis beatus fuerit;* &c. idest *ab initio Diabolus peccat, hoc est, ex quo creatus est, inuitiam recusauit, & aliud dicere, quod Diabolus habeat naturam mali, nam qui primum asserit, dicit, quod non cum illis hæreticis sapit idest manichæis, & si quæ alia pestes ita sentiūt, quod suam quandam propriam, tamquam ex aduerso quodam principio Diabolus habeat naturam mali.* Et cū hæretici isti abuterentur textibus illis S. Io. in Euang. cap. 8. *Ille homicida erat ab initio, & in veritate non stetit;* & Epistolæ primæ cap. 3. *Ab initio Diabolus peccat.* acutissimè ibi obseruauit S. P. deceptionem illorū his verbis. *Qui tanta vanitate desciunt, vt cum verba illa Evangelica, in Auctoritate nobiscum habeant, non attendant non dixisse Dominum. A Veritate alienus fuit: sed in veritate non stetit, vbi à veritate lapsum in el-*

*legi voluit, in qua utique si steteret, eius particeps factus, beatus cum Sanctis Angelis permaneret. eundem errorem improbat etiam per extensum libro vndecimo de Genesi ad litteram cap. 20. 21. & 23. ex quo axiomata præfens desumptum est. Præterea S. Leo Primus Epist. 91. quæ est ad Turibium Asturicensem Episcopum capit. 6. impugnando hæreses Priscillianistarum, qui inter cæteras asseriebant Diabolum numquam fuisse bonum, nec naturam eius opificium Dei esse, sed eum ex Chao, & tenebris emanasse, quia nullum sui habeat Authorem, sed omnis malus ipse principium, atque substantia. Videantur Alphonsus à Castro contra hæreses v. Diabolus. hæ. p. Prætolus. v. manichæi nu. 8. & v. Priscillianus nu. 5. & noster Leonardus Coquæus in Comment. lib. de Civitate Dei lib. 11. cap. 14. ad illa verba S. P. *Non cum illis hæreticis sapit, id est manichæis.**

Præmitte 2. certum etiam esse, apud Catholicos, Angelum non peccasse in primo instanti suæ creationis: colligitur hoc ex multis Sacræ Scripturæ locis; & p. ex illo Gen. cap. p. supra rel. *Vidit Deus cuncta quæ fecerat, & erant valde bona.* secundo ex illo Isaïæ c. 14. v. 12. *Quo modo cecidisti de calo Lucifer, qui mane oriebaris.* 3. ex illo Ezechiel, cap. 28. v. 12. *Tu signaculum similitudinis, plenus sapientia, & perfectus*

decore In ælicij Paradisi fuisti. Omnis lapis pretiosus operimentum tuum 4. ex Epistola S. Iudæ Apostoli, ubi dicitur Angelos non servasse suum principatum, sed reliquisse suum domicilium; quod intelligitur de principatu gratiæ. Cum enim in Dæmonibus, iuxta Doctrinam S. Dionysij, naturalia remanserint integra, naturalem etiam principatum retinuerunt, & confirmari potest auctoritate S. Leonis in Epistola 91. supra citata, in qua anathematizat eos, qui dicunt Diabolum non fuisse prius bonum. Idem docent communiter Scholastici cum Magistro sententiarum in libro secundo Dist. 4. inter quos S. Bonaventura ibi ait oppositam sententiam proximè ad hæresim accedere. His igitur, ut certis suppositis, Tota quæstio Scholastica est dissimilis; & hoc absolute, non verè conditionaliter tantum; nam ad veritatem conditionalis non requiritur veritas antecedentis, vel consequentis; sed sufficit necessaria unius ad alterum habitudo, & ideo etiam conditionaliter loquendo S. Thomas in Tertio. Dist. 12. quæst. 2. artic. p. in corp. docuit quod Christus potuisset peccare si voluisset, immo, & in Prima Parte quæst. 25. art. 3. in 3. ad secundum ait, quod dictum illud Philosophi lib. 4. Topic. cap. 2. *Potest Deus, & audiosus prava agere,* intelligitur sub conditione, cuius antecedens sit impossibile, ut puta si dica-

mus, quod potest Deus praua agere, si velit. & subdit, Nihil enim prohibet conditionalem esse veram, cuius antecedens, & consequens est impossibile. Pro pleniori intelligentia recolendū est ex eodem S. Doctore in præcitata dist. & qu. art. 2. Actum ad potentiam dupliciter se habere: primò tamquam formam, à qua specificatur: secundò tamquam effectum, qui ab ipsa efficienter egreditur; Et cum hæc distinctio habeat locum solum in actibus, ad quos potentia per se ordinantur, a quibus propterea specificantur; non posse liberum arbitrium nec in Angelo, nec in nobis dici potentiam peccandi; Liberum enim arbitrium, neque simpliciter, neque vt in nobis, respicit malum, vt id, a quo specificetur, neque per se est ordinatum ad illud, sed ad bonū; malum enim, seu peccatum incidit ex defectu illius, Quapropter cum quærimus vtrum aliquis habeat potentiam peccandi, non est sensus, an habeat liberum arbitrium; sed vtrū habeat illud ordinatum ad peccandum, ita vt peccare possit; & hoc quod in præsentī quæritur de Angelo. Præterea aduertendum est dupliciter posse summi potentiam peccandi; primo ita vt illa particula *peccandi*, sit gerundium impersonale, & idem sit potentia peccandi, ac potentia illa, qua peccatur. Secundo ita, vt illa particula *peccandi*, sit gerundium personale, & idem sit, ac potē-

tia ordinata ad peccandum in eo, in quo est. Dubitatio præsens non est de potentia peccandi primò modo sumpta, Sed solum posteriori; nam ex S. Tho. loco citato etiam in Christo fuit potentia peccandi primo modo sumpta, non verò secundo modo. Ex quo in Responsione ad secundū colligit, quod Liberum arbitrium absolute, & simpliciter, ac propriè, & in rigore loquendo non potest dici potentia peccandi nisi in illis, qui peccare possunt. Quibus circa quæstionis sensum politis, & explicatis duæ sunt DD. sententiæ: celebres. Prima est Scoti in secundo dist. 5. q. 2. Maioris ibid. qu. 3. art. 2. Bassolis qu. 1. Maioris q. 3. Okami Quod lib. 2. qu. 6. nostri Gregorij Ariminensis in secundo. Dist. 5. qu. p. art. 2. quos postea sequuti sunt Molina, Valentia; & alij recentiores asserentes Angelum in primo instanti potuisse peccare, & consequenter habuisse potentiam peccandi.

Secunda sententia est negatiua, quam docuit S. Thomas prima parte qu. 63. art. 5. & qu. 16. de malo art. 4. & in secundo Dist. 3. quem postea sequuti sunt noster Ferrariensis lib. 3. contra Gentes. Caietanus in Commentarijs primæ partis ad citatam quæst. & articulum; & communiter omnes alij Thomistæ tam antiqui, quam recentiores. Extra Scholam S. Thomæ eam docuerunt Alex. Alensis in secunda parte suæ summæ quæst.

quæst. 2. m. n. b. prim. 3. art. 2. noster Thomas de Argentina in secundo Dist. 6. Durandus Dist. 5. & Henricus Quodlib. 8. quæst. 10. & communiter censetur probabilior. Propterea.

Dico Angelum in primo instanti creationis non potuisse peccare. Prob. primò communiter à posteriori ratione desùpra ex Angelico Doctore locis citatis. Quia scilicet tale peccatum tribueretur Deo. Hæc ratione videtur vti etiam S. P. lib. v. decimo de Civitate Dei cap. 15. ad probandum quod Diabolus in primo instanti non peccavit ibi enim ait. *Illud quod ait de Diabolo Iohannes. Ab initio Diabolus peccat: non intelligunt Si naturale est, nullo modo esse peccatum, & adductis testimonijs Ezechielis cap. 28. & Epistolæ S. Io. cap. 3. supra relati, & Iob. cap. 40. ubi ait: Hoc est initium figmenti Domini, quod fecit ad illudendum ab Angelis suis: & Psalmi 103. Draco iste quem finxisti ad illudendum ei.* concludit non sic intelligendū esse, ut existimemus talem ab initio creatum, cui ab Angelis illuderetur, sed in hac pana post peccatum ordinatum: Initium ergo eius figmentum est Domini: Non enim est ulla natura, etiam in extremis, infirmisque bestiolis, quam non ille constituit, à qua est omnis modus, omnis species, omnis ordo: sine quibus nihil rerum inveniri, vel cogitari potest, quanto magis Angelica natura.

Voi ut observat noster Coquæus, docet ut probabilius, Diabolus ab initio bonum fuisse, & expertem omnis culpæ. Quibus positis: aliqui DD. Eam rationē vti à S. Thoma in præsentia sic explicant allatam ad negandū pro eo p. instanti potuisse Operatio, quæ incipit omnino esse potentia, siue naturalis, siue moralis, & consequenter naturæ illius, cuius est talis potentia tribuitur Authori ipsius; sed operatio sequens esse voluntatis, ut voluntas est, idest ut Dominum suorum actuum est. & libera. Ergo talis operatio sequens voluntatem, ut voluntas est in eo instanti in quo volūtas primo habet esse, quod est in instanti suæ creationis debet tribui Deo Ergo talis operatio libera non potest esse mala, quin tribuatur Deo ut Authori; maior, & consequentia probantur, quia Dei perfecta sunt opera; Sed perfectio cuiuscumque rei consistit in tribus; idest in Essentia, virtute, & operatione; Operatio enim siue sit naturalis, siue moralis, & libera, semper est manifesta, & actualis expressio bonitatis, & perfectionis naturæ. Deus autem non solum est Author in primo instanti creationis esse Voluntatis, ut natura est, quod est esse naturale; sed etiam, ut voluntas est, quod est esse morale, hoc enim modo est voluntas hominis, ut homo est, cuius ut sic Deus est Author; & hoc est, quod ait S. P. loco mox citato, cum dicit Angelum

gelū non peccasse in primo instanti, eo quod sit conditus à Deo Optimo omnium creaturarum conditore, *quo est omnis modus, omnis species, & omnis ordo.* quasi dicat, quod si peccasset peccatum illud, quod fuisset contra ordinem debitum, & consequenter tributum fuisset ipsi Deo. Confirmatur hæc ratio, quia prima operatio, incipiens cum re, cuius est, sequitur inclinationem naturæ illius, quæ non manifestatur nisi per suas operationes, & maxime per primam; Sed inclinatio naturæ intellectualis integræ non potest esse ad malum, & præsertim in primo instanti sui esse. Ergo prima operatio illius, ut Intellectualis est, qualis est operatio libera, non potest esse ad malum.

Hæc ratio sic explicata est valde plausibilis in Scholis, & præcipuè discipulorum D. Thomæ. Sed patitur difficultatem in eo, quod asserit operationes primas etiam morales, & liberas tribuendas esse Authori illius naturæ, cuius sunt operationes, non enim apparet unde hæc asseritio sumat certitudinem; posito enim quod Deus condiderit naturam Angelicam liberam, quod est idem, ac condidisse illam naturam Dominam suorum actuum cum indifferentia actiua ponendi, vel non ponendi tales actus; non apparet necessarius nexus operationis malæ libere cum Authore illius naturæ. Licet enim

appareat in operatione prima naturali & necessaria, si esset mala, & defectuosa, quia hæc esset proveniens à causa defectuosa, quæ cum primo tunc existeret, non potuisset esse sibi causa illius defectus in ratione principij; & consequenter deberet esse ab Authore illius Causæ. Hoc tamen non habet locum in causa creata libera, quæ cum sit Domina suarum operationum, sicut est potens operari, & non operari; ita etiam potest operari bene, vel male etiam in prima sua operatione, prout illi placuerit. Demus enim, quod in primo illo instanti habuerit præceptum eliciendi actum amoris, si est libera, nō video cur non potuerit ommittere illum actum liberum, & consequenter in illo primo instanti peccare.

Dices esse doctrinam S. Anselmi in libro de casu Diaboli cap. 12. Angelum non potuisse habere à se primam voluntatem; se a volitionem; eo quod, ut quis dicatur mouere seipsum ad aliquam volitionem, non sufficit, quod eliciatur actus ab ipsa voluntate, ad quam se ipsam mouere dicenda est; sed est necesse omnino, quod prius habeat alium actum volutatis, ex quo seipsam moueat ad sequentem; ait enim ibi: *Quod ergo nihil vult, nullo modo potest seminare ad volendum.* Et ex hoc capite colligit primam volitionem Angeli esse à Deo de quo argumento agit etiam capitibus sequentibus id est 13 & 14

Respondeo hanc doctrinam non cedere suis difficultatibus, ut enim obseruauit Henricus Quodlib. 8. qu. 10. non videtur esse necessariam, ut voluntas dicatur mouere seipsam, ut præcedat alia voluntas, virtute cuius impellat seipsam; Immo exemplum illud de visione, & potentia visiva, quod sibi obiecit eo loco S. Anselmus, videtur militare contra ipsum; nam potentia visiva dicitur mouere seipsam ad videndum, non virtute, alicuius prioris visionis; sed per hoc tantum, quod in singulis suis operationibus est principium illarum, & operationes ipsæ videndi sunt ab ipsa met potentia visiva, ut à principio. Propterea Scotus in Librum secundum sent. Dist. 5. qu. 2. docuit primam operationem non minus esse à voluntate seipsam mouente, quam reliquas, cum omnes procedant eodem modo à Voluntate, ut ab efficiente. Si dicas ad illam primam operationem debere præcedere præuium influxum, seu concursum Causæ primæ, cum quo non potest componi peccatum, licet simul cum illo itet potentia ad peccandum; iam novam aliam rationem adducis diuersam ab illa S. Thomæ, de qua infra. Propter hæc, & alia multa, censeo prædictam rationem non excedere limites probabiliter.

Probatur secundo: ab alijs à priori, quia omne peccatum oritur, vel ex defectu rectæ voluntatis in effe-

ctu, vel ex defectu intellectus, siue sit error, siue ignorantia, siue inconsideratio; sed in primo instanti creationis nullum potuit Angelus habere huiusmodi defectum: ergo non potuit in eo peccare. Maior prob. ex doctrina S. Thomæ, quam habet lib. 2. Physic. Lect. octaua, ubi dicit, quod nihil ad vtrumlibet exit in actum, nisi per aliquid determinetur ad vnum; quia id, quod est ad vtrumlibet, est sicut ens in potentia: principium autem agendi non est pura potentia nudè sumpta, sed per aliquid actu determinata, siue constituta in ratione principij actualis. Et Voluntas ex vi cognitionis ostenditur vtriusque partis, est solum ad vtrumlibet; Ergo ex vi illius non potest magis se determinare in vnam partem quam in aliam, & consequenter nec etiam tunc peccare. Ut igitur determinetur ad partem, in qua est peccatum, debet ab aliquo principio deficiente determinari. Minor probatur ex eo, quod prius non potuit esse defectus ex parte voluntatis; hic enim oritur, vel ex habitu prauo, vel ex aliqua passione, quæ non potuerunt habere locum in Angelis in primo instanti creationis; habitus enim prauus fit ex frequentatis actibus, & passio excitatur scilicet ab aliquo præiudicio, quod prius apprehendatur aliqua cognitione, vel sensitiua, ut in animalibus, vel intellectu, ut in spiritibus. Dices potuisse oriri ex ipsa voluntate.

luntate posita cognitione indeterminata, & ostensiva obiecti, in ordine ad quod voluntas dicitur, & est potentia libera. Cōtra est primò; quia libertas voluntatis, vt sic solum importat in Voluntate potentiam cū indifferentia ad plura, quæ vt sic nō est principium partis determinatæ, vt dictum est. Secundò, quia Voluntas, qua libera præcisè non est ad malum; & quando est ad illud diuerso modo se habet, ac se habeat ad bonum: nam vt docet Angel. Doctor tertia parte quæst. 34. art. 3. ad primum. Voluntas ad bonum se habet per se, & secundum naturā, ad malum verò per accidens, & præter naturam, quod probat ibi Auctoritate Philosophi lib. 2. de Cælo textu 18. vbi docet id, quod est per se, & secundum naturam, esse prius eo, quod est præter naturam: Ergò in primo actu nō potest voluntas, quantum est ex parte sui, tendere in malum. Nec ex parte intellectus potuit esse defectus erroris, vel ignorantie, aut inconsiderationis; Nam in primo instanti fuit creatus Angelus cum habituali, & actuali consideratione rerum tam in vniuersali, quam in particulari, tam respectu finis, quam respectu mediolorum, quorum cognitio requirebatur ad rectè deliberandum de vltimo fine; pertinebat enim ad Diuinam Prouidentiam conferre illi cogitationem illā, quæ conferret ad ostensionem Di-

uinæ Bonitatis in perfectione integra Angeli, vt est creatura Intellectualis, & in primo genere nobilitatis inter omnes alias creaturas, & consequenter collata cognitione tali ostensiva obiectorum propter libertatem actionis ipsius voluntatis, debebat Deus providere de medijs, & motiuis, quæ inducerent maiorem cogitationem, & attentionem circa partem contradictionis, in qua non est peccatum; quam circa illam, in qua est peccatum. Confirmant totum hunc discursum p. ex eo, quod habere potentiam peccandi est habere liberum arbitrium ordinatum ad peccandum, vt supra dictum est; sed hunc ordinem non habet voluntas ex prædicta cognitione ostensiva obiectorum; nam per ordinem ad hanc, Voluntas solum dicitur liberum arbitrium, quod vt sic non significat potentiā ordinatam ad peccandum, alias etiam in Christo Domino fuisset, in quo fuit voluntas cum illa cognitione. Præterea, quia vt docent plures Theologi, Voluntas non est causa peccandi nisi in potentia cognoscente præcedat aliquid aliud, per quod debet reduci in actum; & sic in nobis reducitur per motus præcedentes, primò quidem partis sensitiuæ, consequenter verò rationis; nec potest dici, quod voluntas habeat illum ordinem ad peccandum propter eandem rationes, propter quas est libera in agendo;

do; nam propter hæc habet potius inclinationem ad bonum, quam ad malum, illud enim respicit naturaliter, & per se, istud verò per accidens solum, ut dictum est: Ergò cū est ordinata ad malum, hoc habet


per aliquid aliud, id est per aliquem defectum præcedentem, vel per principium defectuosum; quorum neutrum potest in Angelo assignari in primo instanti, ut dictum est.

AXIOMA TERTIUM.

Angeli peccare possunt diuersis modis.

Ex Lib. 15. de Ciuitate Dei cap. 23.

Quoniam creberrima fama est multique se expertos, vel ab eis qui experti sunt de quorum fide dubitandum non est, audisse confirmant Sylvanos, Panes, & Faunos: quos vulgo incubos vocant, improbos sæpe extitisse mulieribus, & carum appetisse, ac peregrisse concubitus: & quosdam Demones quos Dufos Galli nuncupant, hanc assidue immunditiam, & tentare, & efficere plures, talesque asseuerant, ut hoc negare impudentia videatur, non hic audeo aliquid temere definire: utrum aliqui spiritus elemento aereo corporati [nam hoc elementum etiam cum agitur flabello, sensu corporis, tactuque sentitur] possunt etiam hanc pati libidinem, ut quomodo possint, sentientibus feminis miscerantur, Dei tamen Angelos Sanctos nullo modo illo tempore sic labi potuisse crediderim: nec de his dixisse Apostolum Petrum. Si enim Deus Angelis peccantibus non pepercit &c. sed potius de illis, qui primum apostatantes à Deo cum Diabolo principe suo ceciderunt; qui primum hominem per inuidiam serpentina fraude decepit.



D V B I V M.

Quibus modis potuerint Angeli peccare,
& quo genere peccati de facto pec-
cauerint Dæmones,

Circa primam partem dubij tria præcipue sunt disputanda: Primum est quo genere peccati potuerint Angeli peccare; Secundum est ex quibus causis: Tertium supposito quod diuersimode potuerint peccare; quo ordine hoc potuerit contingere; idest quonam genere peccati prius peccare potuerint, Singula breuiter totidem Conclusionibus ex Doctrina D. Thomæ resoluiam; propterea.

Dico primo: Omnia peccata quoad reatum culpæ potuisse esse in Angelis; idest causaliter, & quoad malitiam non verò formaliter: quo ad actū propriū, & completū peccati; Prob. quia tunc dicitur aliquod peccatum esse in aliquo secundum reatum, & non formaliter, quando aliquis contrahit culpam, siuè malitiam peccati, & tamen nō elicit actū proprium illius peccati. Vt fit in ijs, qui hortantur alios ad peccandū, vel approbant eorum peccata, licet nec eliciant actum formalem, &

completum talium peccatorum, Sed Angeli possunt suadere, & hortari alios ad omne genus peccati; ergo possunt contrahere reatum, siuè obligationem culpæ omnium peccatorū. Quo casu licet actus peccati illius proprius non sit formaliter in Angelis; malicia tamen, & reatus culpæ est formaliter in illis; huiusmodi sūt peccata quæ non nisi in corpore consumantur; cum enim Angeli careant corpore consequenter nec possunt exercere actus illos corporeos, qui requiruntur ad constituendum formaliter actum completum illius peccati; quo sensu in Axiomate S. P. dicit se non audere temere definire, an quidam Dæmones peragant concubitum; quod tamen longe esse ab Angelis Sanctis, & eos sic labi nō potuisse se credere ait. Vbi obiter aduerte S. P. in lib. Octauo pariter de Ciuitate Dei capite 4. videtur dubitasse; an essent incubi, & succubi Dæmones, Verum hoc loco asserit esse adeo certum, vt impudē-

tia negari non possit; de quo vide Marinum Del Rio lib. 7. Disq. Magic. qu. 15. Sententiam hanc S. P. sequuti sunt Alexander Aletis prima parte suæ summæ qu. 78. S. Thomas, S. Bonaventura, Scotus, Durandus, & Gabriel in secundo Dist. octaua, Abulensis in cap. sextum Genesis quæst. octaua, & in cap. 7. Exodi quæst. 12. De quo vide S. Thomam prima parte qu. 51. artic. 3. ad Sextum. Quo posito videtur etiam huiusmodi peccata carnalia posse, & de facto esse non solū quoad reatum; sed etiam actu, & formaliter, ac completè in huiusmodi spiritibus. Verum respondent communiter prædicti scholastici, & cum eis communiter alij: hæc non exerceri à Dæmonibus per corpus propriū, & Organa vitalia, cum illis careant; sed per corpus assumptum ex aere, & elemento, ut indicat etiam hic S. P. & per se men decisum ab aliquo viro, quod postea transferant in feminam; ac proinde eos, qui generantur per huiusmodi concubitus non esse dicendos filios Dæmonis; sed illius à quo semen est decisum, ut docet S. Thom. Quodlib. 6. artic. octavo ad Sextum; quo sensu etiam S. P. lib. 3. de Trinitate cap. 9. dixit. *Adhibere autem forinsecus causas accidentales quæ tametsi non sunt naturales, tamen secundum naturam adhibentur, ut ea quæ secreto naturæ sine abditâ continentur crumpant, & foris creantur*

quodammodo explicando mensuras, & numeros, & pondera sua, quæ in occulto acceperunt, ab illo qui omnia in numero, & mensura, & pondere disposuit, non solum mali Angeli, sed etiam mali homines possunt, sicut exemplo agriculturæ supra docui.

Dices S. P. non solum corpora, assumpta Dæmonibus concessisse; sed etiam corpora vera, & realia, ex quibus physicè sint compositi, nam in lib. 3. de Gen. ad litteram cap. 10. ait. *Quapropter, & si Dæmones aerea sunt animalia, quoniam corpora æreorum natura vigent: & propterea morte non dissoluntur, quia prauales in eis elementum, quod ad faciendum, quam ad patiendum est aptius.* R. S. P. hic loqui non ex sententia propria; sed illorum Philosophorum Platonicorum, quorum sententiam in principio capituli præcedentis narrat his verbis. *Nec ignoro, ita quosdam Philosophos sua cuiusque elementi distribuisse animalia, ut terrena &c. Aërea vero animalia dæmones esse, & posita supradicta sententia de corporibus æreis dæmonum subiungit, Si ergo hæc ita sunt non impedit ista distinctio nostram Scripturam &c.* ex quibus patet cum ista nec definitiue, nec assertiue docuisse. R. 2. has, & similes locutiones S. P. retractasse lib. primo Retract. cap. 26. ubi retractans ea, quæ illi displicebant in libro Octuaginta trium quæstionū; cum in quæst. 67. dixisset. *Summos*

*Angelos spiritaliter vivere, infimos verò animaliter: retractat hoc dictum dicens, audacius dictum est de infimis, quam ut possit, vel Scripturis Sanctis, vel ipsis rebus ostendi; plura alia, quæ spectant ad hoc argumentum, dixi supra: pro quo videri etiam possunt eruditissimæ Vindiciæ Augustiniani Nostri Admod. Reu. Pat. Magistri Henrici Noris. capit. quarto §. primo, ubi diffusè, & acutè ostendit Adamum Scriptorem Societatis Iesu in suo libro, cui titulus *Calvinus destruitur suismet, & S. Augustini armis*. Gallice tamen conscripto pag. 585. im meritò, & falsò attribuere S. P. N. Augustino, quod dixerit. *Animas, & Angelos esse corporeos, & solum Deum immaterialem; & Moraines eiusdem pariter Societatis Auctore dicentem, quod S. P. sensit etiam Angelos, & Demones esse corporeos: quod non assertivè, nec ex propria sententia dictum fuisse à S. P. patet ex dictis hic, & supra, & ubi dictum est ab eodem fuisse retractatum; ex prædicto lib. Retract. constat; imò Angelos summos spiritus esse, & spiritaliter vivere constanter semper docuit. Sed iam ad nostrum argumentum redeamus.**

Dico secundo: Duo potissimum ex septem peccatis capitalibus posse esse in Angelis formaliter, & completè secundum affectum, id est superbiam, & invidiam; de hoc secundò

loquitur S. P. in Axiomate illis verbis: *Quia primum hominem per invidiam serpentina fraude decipit.* De superbia verò in libro 12. de Civitate Dei cap. 6. expressè ait. *Cum causa miseria malorum Angelorum quaritur, ea meritò occurrit, quod ab illo, qui summè est averti, ad seipsos conversi sunt, qui non summè sunt: & hoc vitium quid aliud quam superbia nuncupatur è Initium quippè omnis peccati, superbia.* Probatur verò ratione hæc assertio, quia obiecta horum Vitiourum sunt spiritalia; Ergò Angelus secundum suam naturam, potest huiusmodi peccatis infici non solum secundum reatum; sed etiam formaliter, & completè. Antecedens probatur ex eorum definitionibus. Superbia enim tendit in propriam excellentiam inordinatè eam appetendo. Invidia verò est tristitia de Excellentia alterius, quatenus apprehenditur, ut diminutiva propriæ excellentiæ. Sed huiusmodi Excellentia in quam inordinatè tendit appetitus est quid spiritalis: Ergò obiecta huiusmodi vitiorum sunt spiritalia: Consequentia probatur, quia Angelus potest inordinatè appetere propriam excellentiam, & dolere inordinatè de excellentia alterius, ut opposita, vel destructiva suæ. Ergò potest formaliter, & completè peccare peccatis superbiæ, & invidiæ.

Dices: etiam Ira est appetitus alicuius

cuius obiecti spiritualis; idest vindictæ indebitæ. Ergo etiam hoc peccatum poterit esse in Angelis nō solum secundum reatum; sed etiam formaliter, & ut loquuntur, secundum affectum, & completè. R. quæstionem esse de voce, nam si quis contēdat totā essentiam Iræ saluari adæquatè in appetitu inordinato vindictæ, non est dubium, quod etiam huiusmodi peccatum poterit esse in Angelis formaliter completè, &c. Si verò dicatur de Essentia iræ esse accensionem sanguinis circa cor, ut materiale ipsius, ut cum Philosopho Lib. primo de Anima Textu 15. 63. & 64. docet S. Thomas Prima Parte q. 20 artic. 1. ad secundum tunc dicendum erit non convenire Angelis nisi metaphoricè, ut docet idem Angelicus Doctor qu. 63. artic. 2. ad 2. quod idem propter eandem rationem docuerat de Deo in loco supracitato; Vnde miror, quod à quibusdam recentioribus S. Thomas adducatur in testem, quod in Angelis possit esse ira formaliter, & completè secundum affectum: cum ipse tam clarè se explicet.

Ex prædictis duobus peccatis oriuntur alia peccata, quæ moderni Angelis inesse posse formaliter, & secundum affectum docent, & de facto, vel omnia, vel aliqua in Diabolis inveniuntur; ut sunt odium Dei, & hominum: Blasphemia contra Deū, Idolatria, quando se alijs proponunt

adorandos. Inobedientia, non solum quatenus est generale Vitium, quod reperitur in qualibet transgressione legis superioris; sed etiam quatenus est speciale peccatum, quia quis transgreditur præceptum ex intentione præcisè nolendi obedire. Præsumptio quæ opponitur Spei, quatenus possunt appetere gloriam propria virtute obtinendam. Infidelitas scilicet per privationem assensus, quia cum liberè credant rebus reuelatis, possunt suspendere assensum ex intentione nolendi credere; Et iniustitia quatenus possunt homines iniuste occidere, vel eorum bona diripere: & si quæ alia sunt huiusmodi peccata de quibus S. Thom. prima parte qu. 63. artic. 2. ad 3. quod sub invidia, & superbia, prout in Dæmonibus sunt, comprehenduntur.

Dico 3. cum S. Thomas l. c. in R. ad secundum; Gulam, Luxuriam, Avaritiam, & Accidiam proprie, & in rigore sumpta, ut sunt specialia, seu Capitalia peccata posse reperiri in Angelis secundum reatum, nō verò secundum affectum Probatur hæc assertio quoad tria priora, quia ista versantur circa materialia, & sensibilia, idest circa diuitias, & voluptates gustus, vel tactus corporales, à quibus non afficitur Angelus, cum sit spiritualis. Est tamen advertendum cum eodem Angelico Doctore loco citato nomine Avaritiæ venire quandoque omnem immoder-

moderatam cupiditatem habendi quodcumque bonum creatum, Sed hoc modo non est speciale peccatū, sed continetur in iuperbia, quæ inest formaliter Dæmonibus, ut dictum est. Probatur etiam de Accidia prædicta assertio: (quæ continet specialem difficultatem, eo quod versetur circa bona spiritualia; cum sit quoddam tædium de bonis spiritualibus) quia ut ait ibi S. D. *Accidia est quedam tristitia, qua homo redditur tardus ad spirituales actus propter laborem corporalem, qui Dæmonibus non competit.* Ideoq; Angeli cum careant corporibus, non possunt esse accidiosi secundum affectum formaliter, siue quoad actum completum; sed solum secundum reatum.

Dices S. P. lib. 21. de Ciuitate Dei cap. 6. expresse docere *Delectari Dæmones rebus corporalibus.* Ergo non solum quoad reatum; sed etiā quoad affectum insunt illis prædicta peccata. Respondeo ex eodem loco haberi responsionem: ait enim, *Illicuntur autem Dæmones ad inhabitandum per creaturas, quas non ipsi, sed Deus condidit delectabilibus pro sua diuersitate diuersis, non ut animala tibi, sed ut spiritus signis,* hæc postrema verba ostendunt non eodem modo, ac in nobis inesse delectationem de istis: sed modo supra cū S. Thoma explicato: quatenus scilicet non habent Dæmones in se formaliter illam delectationem corpo-

ralem, & sensibilem, ut habent animalia; sed quatenus apprehant affectum malum hominum circa illa, & inducunt ad illos affectus: & eos optant esse in nobis; & actu complacētiae spiritualis delectantur, cum insunt: nec est enim delectari illis *ut spiritus signis.*

Quæri hic solet an inter illa peccata, quæ secundum actum proprium, & completum; siue secundum affectum potest Angelus committere, necesse sit primum omnium esse Superbiam.

Negāt moderni. Affirmant Thomistæ. Propterea.

Dico primò: Regulariter, & moraliter loquendo primum Angeli peccatum non potuisse esse nisi Superbiam; quā postea consecuta est Inuidia. Probatur primo Auctori tate S. P. qui lib. 12. de Ciuitate Dei cap. 6. ait. *Cum quaritur causa miseria malorum Angelorum, ea merito occurrit, quod ab illo, qui summè est auersi, ad seipsos conuersi sunt, qui non summè sunt; & hoc vitium quid aliud quam superbia nuncupatur?* Eccl. 10. *Initium quippè omnis peccati superbia.* & lib. 14. cap. 3. post medium. *Etsi enim Diabolus fornicator, vel Ebriosus, vel si quid aliud huiusmodi mali est, quod ad carnis pertinet voluptates non potest dici, cum sit etiam talium peccatorum suator, & instigator occultus. Est tamen maximè superbus, atque inuidus, &c.* Hæc an-

tem vitia que tenent in Diabolo principatum carni tribuit Apostolus. &c. Quorum omnium malorum caput, atque origo superbia est, que sine carne regnat in Diabolo. Prob. 2. ratione qua vitur S. Thomas prima parte qu. 63. art. 2. Quia scilicet Angelus non potest habere affectum deordinatum, nisi circa spiritualia: sed talis affectus deordinatus non potest esse nisi, vel superbia, vel ex superbia. Ergo regulariter loquendo primum Angeli peccatum non potuit esse nisi superbia. Maior est in confesso ferè apud omnes, quia Vnaquæque res primò, & principaliter habet affectum ad ea, quæ conueniunt suæ naturæ. Minor probatur. Quia in Angelis non contingit aliter peccari, nisi quia non seruant superioris regulam. Sed hoc vel est superbia, vel oritur ex superbia. Ergo primū Angeli peccatū fuit superbia; Quam postea consecuta est inuidia; Eoquod, ait Angelicus Doctor, eiusdē rationis est, quod affectus aliquid appetat, & quod se opponat contrario, siuè renitatur opposito. Inuidus enim nō dolet de bono alterius, nisi quatenus est impedimentum sui. Sed Angelus appetiuit prius suā singularem excellentiam, inordinatè præferendo eam alteri, idest Excellentie Diuinæ. Et postea doluit de Excellentia Diuina, vt opposita suæ. Ergo superbiā consecuta est inuidia. Hæc Doctrina S. Thomæ

non placet Becano, & propterea. Tract. de Angelis cap. 4. qu. 2. S. Quinta Conclusio. dicit primum peccatum potuisse esse inobedientiam, & rationem S. Thomæ non conuincere oppositum. Licet enim concedat obiecta spiritualia, quæ secundū se sunt bona, non posse male appeti, nisi appetantur contra regulam superioris; negat tamen quamlibet transgressionē præcepti esse superbiā. Eo quod transgressio præcepti duobus modis contingere possit. Primo cum expressa intentione transgrediendi, & tunc est speciale peccatū inobedientiæ. Secundò: sinè tali intentione, & tunc est generale peccatum inobedientiæ, quod ponitur in illa specie peccati, cui præceptum opponitur. Benè: Concedo libenter veritatem huius Doctrinæ Becano; sed quæro vltius; vnde talis inobedientia oriatur: Nam semper, vel implicite, vel explicitè oritur ex eo, quod ille, qui est inobediens, vel primò, vel secundò modo præfert suum iudicium, vel suam voluntatem, vel vtrumque iudicio, vel Voluntati superioris. Respondet Becanus loco citato nu. 8. Superbiā formaliter cōsistere in eo, quod quis appetat aliquid supra mēsuram propriæ perfectionis; quod contingit, vel cum quis appetit maiorem excellentiam, quam ei conueniat, aut cōuenire possit; vel cum plus excellētis sibi tribuit, quam habet; quæ duo

duo formaliter distinguuntur à transgressionem præcepti; Cum possit aliquis transgredi præceptum ex alio motiuo, & intentione quam ex prædictis. Hanc etiam Doctrinam libenter admitto, quoad primam partem de superbia; quoad secundam partem, idest quod aliquis possit transgredi præceptum ex alio motiuo, licet habeat locum in nobis, negotamen habere locum in Angelis. Ratio disparitatis est, quia nos plurima alia obiecta habemus, quæ nobis primo mouere possunt ad peccandum alio genere peccati, at Angelus cum primo ex sua natura tendat in obiecta spiritualia propter eorum excellentiam, & primò in suam cum tendit in ordinatè, eam præfert excellentiæ Diuinæ; & consequenter semper primò peccat peccato superbiæ, vt hab. Eccles. 10. *Initium omnis peccati superbia.* Dixi regulariter, & moraliter loquendo; Nam si quis contendat metaphysicè dirimere quæstionem; & non implicare contradictionem, quin prius peccet alio peccato, quam peccato superbiæ: Puto difficile esse assignare huiusmodi implicantiæ. Dices: implicat contradictionem, esse peccatum, quod non oriatur ex inordinato amore sui ipsius. Sed omnis inordinatus amor sui ipsius est superbia. Ergò implicat esse aliquod peccatum in Angelo, quod non oriatur ex superbia. **¶** Data maiori propo-

sitione negando minorem. Nam amor sui ipsius consistit in eo, quod aliquis appetat sibi aliquod bonum; quod si non est illi proportionatum secundum rectam rationem, non constituitur speciale peccatū: Est enim quid commune inclusum in omnibus peccatis, vt eis appetatur aliquod bonum non proportionatum appetenti secundum rectam rationem; & propterea talis amor vocatur radix peccatorum; qui non est formaliter superbia. Quod si quis appetat bonum excellentiæ propriæ supra mensuram debitam, iam erit speciale peccatum superbiæ: Est autem difficile ostendere, quod implicet contradictionem Angelum primò tendere in aliquod aliud obiectum spirituale inordinatè, quam in excellentiam propriam, nec puto fuisse mentem S. P. vel S. Thomæ definire hanc quæstionem metaphysicè quoad implicantiæ. Sed solum moraliter spectatà natura ipsius Angeli.

Queritur hic vltèrius, an Angeli potuerint peccare venialiter. Negat D. Thomas in P. secundæ quæst. 89. art. 4. Affirmat Suarez lib. 3. de Angelis cap. 8.

Sententia S. Thomæ probatur; Quia Angelus in via non potuit errare circa media, quin prius erraret circa finem. Sed errare circa finem vltimū simpliciter est peccare mortaliter. Ergò non potuit peccare venialiter; sed solum mortaliter.

T:

Ma-

Major probatur, quia voluntas Angeli in suis operationibus se habet proportionaliter ad intellectum, cum iste sit dux illius. Sed iste non potuit se auertere, vel errare, circa media proportionata ad suum ultimum, quin prius erraret circa ipsum finem ultimum; Ergo neque voluntas potuit se prius auertere à medijs, quin se auerteret à fine ultimo. Hęc doctrina licet non habeat locum in homine etiam in statu innocentie constituto, quia etiam in illo statu illius intellectus erat discursus; nihilominus in Angelis non videtur posse pati difficultatem; cum eius intellectus vnico actu attingat conclusiones, & principia, & videat illas in istis non potest errare circa illas quin erret circa ista; Et cum in appetibilibus fines se habeant, vt principia, & media, vt Conclusiones; nā propter illos appetuntur ista; manet, quod voluntas Angelica vnico actu proportionaliter ad actum intellectus feratur, & in vltimum finem, & in media ad dictum finem; ac proinde quod non possit se auertere ab istis, nisi se auertat ab illo. Confirmatur, quia Voluntas Angelica per quemlibet actum fertur in terminum, seu finem suum simpliciter: Ergo sicut super suum actum tendat in Deum, vt finem simpliciter ultimum, non errat, sed exercet actum Charitatis; ita si constituat finem suum simpliciter ultimum in creatura, er-

ret, & peccet. Antecedens probatur, quia quod est vltimum in executione, siue allegatione, est primum in intentione, ac proinde est motuum quorumcumque aliorum actuum iuxta principium illud Peripateticum: quod est primum in vnoquoque genere est causa ceterorum. Consequentia est necessaria: & in hoc sensu dixit S. P. lb. 12. de Ciuitate Dei cap. 6. *Cum causa miseria malorum Angelorum queritur, eamertō occurrit, quod ab illo, qui summe est auersi, ad se ipsos conuersi sunt, qui non summe sunt.* Et S. Thomas loco citato in corpore articuli ait, quod omnes actus boni Angeli sunt actus Charitatis; Actus verò Angeli mali peccata. Quia Angeli Sancti omnia volunt in ordine ad finem debitum, Angeli verò mali nō mouentur nisi in ordine ad finem peccati superbiæ.

Dices: Angelus conuenit cum homine in superiori parte quę mens appellatur: Sed homo secundum superiorem partem animę potest peccare: ergo etiam Angelus. R. hoc argumentum Angelicum Doctorem sibi obieciſſe primo loco in supra citato art. & ibi. R. Hominem conuenire quidem cum Angelis in mente, siue in intellectu, sed differre in modo intelligendi, vt supra indicaui; quod ex mente eiusdem S. D. pro præſenti difficultate sic explico. Homo per diuersos actus intellectus versatur

cir-

circa principia, & Conclusiones; & diuersis actibus voluntatis versatur circa finem, & circa mediā; ita vt sæpe errando circa ea, quæ sunt ad finem, non tamen semper erret circa ipsum finem; cum non tendat per quemcumque actum suum in finem simpliciter vltimum: licet enim cūluscumque suæ operationis intendat aliquem finem aliquo modo vltimum: hic tamen multoties non est nisi secundum quid vltimus; idest non constituit illum nisi vt finem illius operationis, maxime quando videt, quod per talem operationem non priuat seipsum Deo: vt finē vltimo: Tunc verò constituit finem simpliciter vltimum suæ operationis: quando nō solum illum constituit finem suæ operationis; sed etiam sibi, & suæ personæ; quatenus scilicet videns se priuari Deo sine vltimo per suam operationem, eam nihilominus exercet, & eo ipso finem suum respuens

in Deo constituere; ponit illum in creatura. Quod non habet locum in Angelis, qui vnico actu vtrumque præstant; vt supra dictum est. Hæc differentia hominis, & Angeli faciliè dissoluit argumenta, quæ cōtra nostram sententiam obijci possunt. Propterea S. Thomas loco citato in Respons. ad secundum docuit, Angelum non potuisse diligere minus creaturam, quam Deum, nisi referendo eam in Deum, vt in vltimum finem, vel referendo eam inordinatè in aliquem alium finem: Et in R. ad tertium docuit, Quod licet Dæmones procurent vniuersaliter nostra peccata venialia; vt sic perducant nos ad peccatum mortale; nihilominus in omnibus mortaliter peccant propter intentionem finis.

Hæc doctrina supponit Angelum nullo modo posse discurrere; quod tamen patitur non leuem diffic.

AXOMA QVARTVM

Aliqui Angeli peccauerunt, quorum caput est Lucifer qui, & Diabolus dicitur.

Ex libro vndecimo de Genesi ad litteram cap. 24.

Quod per Esaiam Prophetā dicitur. *Quomodo cecidit de calo Lucifer c. 14. v. 12. mane oriēs, contritus est in terrā, qui mittebat ad omnes gentes. Tu autem dixisti in sensu tuo. In calum ascendam super sydera cali ponam thronū*

meum, sed et in monte excelsos, super montes excelsos, qui sunt ad Aquilonem, ascendam super nubes, ero summis Altissimis: nunc autem ad inferos descendens, & cetera: qua in figura regis velut Babylonis in Diabolum dicta intelliguntur plura in eius corpus conveniunt, quod etiam de humano genere congregat; & in eos maximè, qui ei per superbiam cohererent apostatando à mandatis Dei, &c. ex cap. 25. Item figura Principis Tyrri per Ezechielem Prophetam in Diabolum dicta intelliguntur, c. 28, v. 22. Tu es signaculum similitudinis, & corona decoris, in delicijs paradisi fuisti, omni lapide pretioso ornatus es, & cetera, quae non tam in ipsum Principem nequitia, quam in corpus eius dicta conveniunt, &c. [infra] Fuisti in medio lapidum flammavorum, id est Sanctorum Spiritu fermentiam lapidum vivorum ambulasti sine vito in diebus tuis, ex quo die creatus es tu, donec inuenta sunt delicta tua in te. Possunt diligentius ista tractari, ut fortassis ostendatur non solum, & hunc intellectum esse in his verbis posse, sed omnino alium esse non posse.

D V B I V M

Quinam fuerint Angeli, qui peccaverunt.

Supponit hæc quaestio tamquam certum, & de fide, ut supra dictum est; aliquos Angelos peccasse: & ex hoc procedit ad inquirendum, quinam fuerint illi, qui peccaverunt: continet autem plures difficultates. Quarum prima est, an Primus Angelus qui peccavit; fuerit ille, qui inter omnes omnino Angelos erat in perfectione naturali supremus: & hæc oritur ex diverso sensu Patrum. Aliqui enim distinguentes Angelicam naturam in eos, qui in caelis Deo assistebant: & alios qui

bus sublunarium rerum cura commissa fuerat; volunt Luciferum solum inter istos ultimos fuisse primū. Hæc sententia habetur apud S. Epiphanium heresi 64. in verbis Procli, quæ ibi ex Methodio referuntur; quam etiā docet, S. Ioannes Damascenus lib. 2. de Fide Orthodoxa cap. 4. vltare ibi explicat Commentator, & S. Gregorius Nissenus in oratione Catechetica cap. 6.

Oppositam sententiam tenent S. Hieronymus in illa verba Iob. c. 40. Ipse est principum viarum Dei. ubi

ait

ait ita dici, quod Diabolus ibi non natur inter ceteras creaturas primus a Deo conditus; & in illa verba Pl. 23. *Dominus virtutum ipse est Rex gloria*, ait. *Diabolus novem ordines Angelorum sub sua habuit Dominatione, siue bonos: siue malos*. Tertullianus lib. 2. contra Marcionem paulo ante medium. S. Io. Chrysostomus homilia de lapsu primi hominis. S. Bernardus Serm. p. de Adventu Domini S. Isidorus lib. p. de summo Bono cap. 12. S. Gregorius Magnus, qui satis prolixè de hoc agit lib. 32. Moralium cap. 18. eamque confirmat pluribus Sacre Scripturæ testimonijs, & post ipsum Hugo à S. Victore in summa Sententiarum Tract. 2. cap. 4. De S. P. dicā infra. Horum PP. sententiæ adherent communiter Scholastici in secundo Dist. sexta, & S. Thomas prima parte quæst. 63. art. 7. Estque hodie communis. Propterea.

Dico. Primum Angelum ex illis, qui peccaverunt, fuisse illum, qui inter omnes Angelos fuit supremus in perfectione naturali. Prob. primo ex Scripturis: de illo enim sub nomine Behemoth, dixit Iob, cap. 40. v. 14. *Ipse est principum viarum Dei*, nomine viarum in Scripturis communiter veniunt opera ipsius Dei; iuxta illud Prov. cap. 8. *Dominus possedit me in initio viarum suarum*, quem locum communiter PP. interpretantur de operibus Dei; Quapropter

cum Iob, ibi loquatur de Lucifero, manet, quod ipse fuerit Primus inter alios modo dicto. Similiter Isaiæ cap. 14. v. 12. de illo dicitur. *Quomodo cecidisti de celo Lucifer, qui mane oriebaris?* hi est allusio Luciferi Angeli ad Luciferum stellam, ut sensus sit, quod sicut hæc cæteris stellis præcellit, ita ille Spiritus alijs spiritibus. Sic etiam Ezech. cap. 28. v. 3. dicitur eidem. *In delicijs Paradisi Dei fuisti omnis lapis pretiosus operimentum tuum. Sardius, Topazius, & Iaspis, Chrysolitus, & Onyx, & Berillus, Saphyrus, & Carbunculus, & Smeragdus. Aurum opus decoris tui*. Vbi advertit Interpretes, quod ideo enumerantur novem species gemmarum, ut specificentur, & significentur novem chori; siue ordines Angelorum quorum omnium perfectiones veluti supremus continebat Lucifer, ut observat S. Gregorius Magnus lib. 32. moralium cap. 18. Denique etiam in cap. 31. Ezechielis v. 8. habetur *Cedri non fuerunt altiores illo in Paradiso Dei, abietes non adæquarant summitatem eius*, &c. quibus verbis iuxta communioem explicationem declaratur perfectio Luciferi; quæ fuit tam sublimis; ut non solum omnes alias creaturas corporeas; sed etiam omnes alios Angelos superaverit. Prob. 2. Auctoritate SS. PP. quos supra retuli. D. Gregorij magni solum verba refero; qui loco citato fusi

rem explicat, & Scripturas supra relatas in allegata sensu sic explicat. Ipse est principium viarum Dei. Velut si aperire diceret: Idcirco ad tam multa fortiter sufficit: quia in natura rerum hunc creandoper substantiam conditor primum fecit. Quid enim vias Dei, nisi eius actiones accipimus? De quibus per Prophetam dicit: Non enim sunt viae meae, sicut viae vestrae. Et principium viarum Dei Behemot dicitur: quia nimirum cum cuncta creans ageret, hunc primum condidit, quem reliquis Angelis eminentiorem fecit. Huius primatus eminentiam conspicis Prophetatum dicit. Cedri non fuerunt altiores illo in Paradiso Dei. &c. Qui namque accipi in cedris &c. nisi illa virtutum celestium proceras celsitudinis agmina, in aeterna letitia viriditate plantata? Quae quamvis excelsae sint condita, huic tamen nec praelata sunt, nec aequata. Qui speciosus factus in multis, condensisque ceteris legionibus tanta illum species pulchriorē reddidit, quanta, & supposita Angelorum multitudo decoravit. Illa arbor in Paradiso Dei tot quasi condensas frondes habuit, quot sub se positas supernorum spirituum legiones attendit. Qui idcirco peccans sine venia damnatus est, quia magnus sine comparatione fuerat creatus. Hinc ei rursus per eundem Prophetam dicitur: Tu signaculum similitudinis Dei, plenus sapientia, & perfectus decore in delicijs

paradisi Dei fuisti. Multa enim de eius magnitudine locuturus, primo verbo cuncta complexus est. Quid namque boni non habuit, si signaculum Dei similitudinis fuit? De sigillo quippe Anni talis similitudo imaginaliter exprimitur, qualis in sigillo eodem essentiatiter habetur. Et licet homo ad similitudinem Dei creatus sit, Angelo tamē quasi maius aliquid tribuēs, non eam aq similitudinem Dei conditam, sed ipsam signaculum Dei similitudinis dicit: ut quod subtilior est in natura, eò in illo similitudo Dei plenius credatur expressa. Hinc est, quod primatus eius potentiam addhuc insinuans, idem Prophetasubiungit: Omnis lapis preciosus operimentum tuum, sardius, & topazius, & iaspis, chrysolithus, onyx, & berillus, sapphirus, carbunculus, & smaragdus. Nouem dixit genera lapidum, quia nimirum novem sunt ordines Angelorum. Nam cum per ipsa sacra eloquia Angeli, Archangeli, Throni, dominationes, virtutes, Principatus potestates, Cherubim, & Seraphim, aperta narratione memorantur, quanta sint supernorum civium distinctiones, ostenditur: quibus tamen Behemot ille operatus fuisse describitur: quia eos quasi vestem ad ornamentum suum habuit, quorum dum claritate transiret, eorum comparatione clarior esset. De cuius illius adhuc descriptione subiungit: Aurum opus decoris tui, & foramina tua in die, quae conditus es, preparata sunt.

rum opus decoris eius extitit, quia sapientia claritate canduit, quam bene creatus accepit. Foramina verò idcirco in lapidibus sunt, ut vinctulati auro in ornamenti compositione iungantur, & nequaquam à se dissideant, quos interfusum aurum repletis foraminibus ligat. Huius ergo lapidis in die conditionis sue foramina preparata sunt, quia videlicet capax Charitatis est conditus. Quasi repleti voluisset, stantibus Angelis positis in regis ornamento lapidibus potuisset inherere. Si enim charitatis auro sese penetrabilem prae-buisset, Sanctis Angelis sociatus in ornamento, ut diximus, regio, lapis fixus maneret. Habuit ergo lapis iste foramina, sed per superbia vitium Charitatis auro non sunt repleta. Nam quia idcirco ligantur auro, ne cadant, idcirco iste cecidit, quia etiam perforatus manu artificis amoris vinculis ligari contempsit. Nunc autem ceteri lapides qui huic similiter fuerant perforati, penetranti se inuicem Charitate ligati sunt, & quoniam hoc munere, isto cadente, meruerunt, ut nequaquam iam de ornamento regio cadendo soluantur. Huius principatus celsitudinē adhuc idem Propheta inueniens adiungit: Tu cherub extentus, & protegens in monte sancto Dei, in medio lapidum ignitorum perfectus ambulasti. Cherub quippe plenitudo scientiæ interpretatur, & idcirco iste Cherub dicitur, quia transcendisse cunctos scientiā nō dubitatur. Qui in medio ignitorum

lapidum perfectus ambulauit; quia inter Angelorum corda charitatis igne succensa, clarus gloria conditus extitit. Quem bene extentum, & protegentem dicit: omne enim, quod extenti protegitur, obumbramus. Et quia comparatione claritatis sue, ceterorum claritatē obumbrasse credunt, ipse extensus, & protegens, fuisse perhibetur. Reliquos enim quasi obumbrando operuit, qui eorum magnitudinem excellentia maiore transcendit. Quod ergo speciosus multis frondibus, quod illic signaculum similitudinis, quod illic Cherub, quod illic protegens dicitur: hoc hic voce Dominica Bebe-mō iste viarum Dei principium vocatur. Hæc habet ibi S. Gregorius, quibus nihil expressius, aut magis ad rem nostram. De mente S. P. N. in hoc puncto mihi cerò non constat, licet enim Valentia Tomo primo Disp. quarta qu. 14. Puncto quinto S. Tertio assero citet lib. 11. de Ciuitate Dei cap. 15. ac etiam P. Augustinus à Virgine Maria, Carmelita strictioris Obseruantie. Anno secundo Lect. Mat. Disp. 14. de Angelis. h. 14. citet eundem S. P. lib. 11. de Genesi ad litteram cap. 26. uterque pro nostra sententia; nihilominus, nec in vno, nec in altero loco, nec alibi adhuc inueni, quod expresse, aut nostram, aut oppositam sententiam doceat, licet prædictis locis attendatis, & consideratis illis, quæ in Axiomate; & alibi docuit, videatur in-

inferri posse eum magis inclinare in hanc, quam in contrariam opinionē.

Dices primo ab Ezechiele c. 28. v. 14. Lucifer vocatur Cherub, ergo non solum non fuit supremus omnium Angelorum; sed nec etiam ex numero eorum, qui sunt in ordine supremo 1. *Seraphim*. Responderetur: ideo non vocari *Seraphim*, quia hoc nomen est desumptum ex ardenti Charitate, quam Lucifer peccando amisit; & vocari *Cherub*, quia hoc desumptum est à scientia, quam retinuit:

Dices secundo: si Lucifer fuisset supremus omnium creaturarum, gloriaretur gehenna, quod eum contingeret: & eo careret paradysus. R. debere potius confundi eo, quod contineat pessimam, & ingratiſſimam omnium creaturarum.

Secunda quæſtio est, an alij Angeli, qui peccauerunt, à Lucifero induſti ſint ad peccandum. R. communiter affirmatiuè ex cap. 12. Apocal. v. 4. vbi de Lucifero ead. sub nomine Draconis dicitur, quod *Traxit ſecum tertiam partem ſtellarū;* vbi etiam dicitur, *Draco, & Angeli eius pugnant.* & cap. 12. Sancti Matth. dicitur Reprobis. *Ite in ignem æternum qui paratus eſt Diabolo, & Angelis eius.* in quibus locis ſupremus eorum commemoratur, ut dux eorum in peccando, qui deſcirco eadem pœna puniuntur, quæ eorum princeps: quo ſenſu S. Hieronymus

in cap. 14. Illarū illa verba: *Tu terram tuam perdidisti, tu populum tuum occidisti.* interpretatur de Lucifero, qui cæteros Angelos malos, & natura inferiores perdidit, qui aliquo modo ei ſubditi erant. Hæc eſt communis, & vera ſententia DD. in ſecundo Diſt. 6. nec non, & S. Thome prima parte qq. 63. artic. 8. Nec ſcio ex Theologis vllum alium refragari præter Guilielmum lib. primo de Vniuerſo parte prima cap. 112. & Alſonſum à Caſtro in ſumma de Hæreſib. V. *Peccatum* hæreſi 3. qui docuerunt. Quemlibet Angelū ex ijs, qui peccauerunt, ex ſeipſo peccaſſe ſine vlla ſuggeſtione, vel ſuaſione. Sic reſert Valentia T. 1. Diſp. 4. q. 14. Puncto ſexto.

Quæſtio Tertia eſt; quo ſenſu alij Dæmones dicantur ſubditi Lucifero, & ipſe dicatur Princeps, & Rex eorum. Reſp. communiter huiusmodi poteſtatem, & ſubiectionem non eſſe ratione naturæ; Nam licet Vnus Angelus ſit ex natura ſua perfectior altero etiam in prædicatis naturalibus; nõ tamen ſequitur ex hoc quod vnus natura ſua ſit ſeruus, aut Rex alterius. Sed omnes immediate ex natura ſua ſunt ſerui Dei, qui eſſentialiter eſt Dominus omnium creaturarum. Eſt igitur ſubiectionis prædictæ ratione culpæ: eo quod ordo Diuina Juſtitie exigat; vt vnusquique ſubiaciatur illi in pœna, cuius ſuggeſtioni conſenſit in culpa iuxta illud Epist.

Epist. 2. D. Petri v. 19. *A quo quis superatus est, huius, & servus est*, sic discurre S. Th. quæst. 63. art. 8.

Quæstio quarta est an illa tractio aliorum ad culpam, & pœnam fuerit facta solo exemplo: vel aliquo alio maiori conatu, idest suasionem, & exhortationem. Primo modo fuisse factam per hoc scilicet, quod Lucifer manifestavit solummodo alijs suum prauum affectum, quem imitarentur, sentiunt plurimi, iij: classici DD. inter quos Alex. Alensis p. 2. quæst. 110. memb. 5. & 6. B. Albertus Magnus in secundo Dist. 6. art. 3. Richardus Dist. 5. artic. p. qu. 3. & Durandus Dist. 6. quæst. 2. in quam partem inclinare videtur etiã S. Th. p. parte quæst. 63. artic. 8. in Responsonem ad primum cum ait *in eodem instanti in quo Primus Angelus suam affectionem intelligibili locutione expressit fuit possibile alijs in eam consentire*. Secundo etiam modo contigisse, alij sentiunt, vt scilicet peculiari suasionem exhortationem, & conatu præter ostensionem suæ affectionis malæ alij alios ad suam imitationem inducere conati fuerint: res est incerta, vt aduertit Durandus loco citato: nec aliud peculiare consideratione dignum de hoc puncto occurrit.

Quæstio quinta est: An Angeli qui peccauerunt, fuerint ex vno aliquo ordine solum; vel ex omnibus ordinibus aliqui ceciderint. Respondet

S. Thomas p. parte quæst. 63. art. 9. in R. ad 3. Secundum illos qui dicunt, quod Diabolus maior fuit de inferiori ordine Angelorum, qui præ sunt terrestribus, manifestum est, quod non de quolibet ordine ceciderunt: sed de infimo tantum. Secundum illos verò, qui ponunt maiorem Diabolum de supremo fuisse ordine, probabile est, quod de quolibet ordine aliqui ceciderint, sicut in quemlibet ordinem homines assumuntur in supplementum ruinæ Angelicæ. In quo etiam magis comprobatur libertas liberi arbitrij, quæ secundum quemlibet gradum creaturæ in malum flexa potest. Hanc secundam partem iuxta supradicta nos sequimur. Dices in Sacra Scriptura nomina quorundam ordinum, vt Seraphim, & Thronorum Dæmonibus non attribuuntur. Esto in Epistola ad Ephes. cap. 6. v. 12. vocentur Principatus, & Potestates. Ergo non ex quolibet ordine ceciderunt spiritus; Respondet ibi S. Thom. prædicta nomina non attribui eis, quia nomen *Seraphim* sumitur ab ardore charitatis, & nomen *Throni* sumitur ab habitatione Dei: quæ non possunt esse cum peccato mortali. Attribuuntur vero eis nomina Cherubim: Potestatum, & Principatum: quia hæc nomina sumuntur à scientia, & potentia quæ bonis, & malis possunt esse communia.

Quæstio sexta est: an fuerint plures

res Angeli, qui peccauerunt, an verò qui remanserunt. R. S. Thomas loco citato, Est que communis sententia, quod plures sunt Angeli, qui permanserunt, quam illi qui peccauerunt. Quod probat, quia peccatum est contra naturalem inclinationem: Et ea quæ contra naturam fiunt, ut in paucioribus accidunt: eo quod natura consequatur suum effectum, vel semper, vel ut in pluribus. Hæc tamen ratio patitur difficultatem in hominibus, in quibus multi sunt vocati, pauci verò electi; & multo plures infideles, & mali, quam fideles, & boni. Propterea alij probant hanc assertionem ex illo Apocalyp. 1. vbi dicitur, quod Draco traxit tertiam partem stellarum. Ergò multo plures manserunt, quam sint illi qui ceciderunt. Posset nihilominus etiam sustineri ratio D. Thomæ assignando disparitatem. Nam etsi in hominibus sint plures illi, qui peccant, ut ait etiam Phil. libr. secundo Ethic. cap. 6. nihilominus etiam isti ex inclinatione ad aliquod bonum cadunt, idest ad bonum sensibile, quod est hominibus magis notum; & interdum cum bono rationis pugnat, & ex hoc fit, ut plures sint qui peccant; Non sic in Angelis, qui cum non habeant inclinationem naturalem ad huiusmodi, tam multa bona, quæ cum recta ratione pugnant. Id-

circo non fuerunt plures imò pauciores illi, qui peccauerunt, quam illi qui persisterunt in bono cōsentaneo rationi. Hæc inferuiunt pro congruenti argumento, & satis probabili; sed eff. ax argumentum est ex illo Apocalyp.

7. Dices: ex Arist. 1. 2. Ethic. cap. 6. text. 5. malum est, ut in pluribus, bonum, ut in paucioribus. Ergò plures sunt Angeli qui peccauerunt, quam illi qui permanserunt. Confirmatur à simili de hominibus, de quib. Eccl. 1. dicitur *Stultorum infinitus est numerus*. R. primo, quod nos non metimur mysteria Divina, ex Doctrina Aristotelis; sed ex Sacra Scriptura, quæ oppositum indicat. R. secundo ex S. Thoma, quod loquitur de hominibus, qui sequuntur bona sensibilia, quæ magis sunt nota; deserto bono rationis, quod paucioribus notum est: quod non habet locum in Angelis, in quibus non est nisi natura intellectualis, & propterea illis primo, & per se est notum, bonum rationis. R. tertio patet: esse etiam aliam diuersam rationem de hominibus, ac de Angelis; nam illi nascuntur cum peccato originali, & concupiscentia, & natura prona ad malum, quod non habuit locum in Angelis, in quibus nō precessit peccatum originale, nec concupiscentia, quæ ex illo oritur.

AXIOMA QVINTVM

Primum peccatum Luciferi, & aliorum Damonum fuit superbia :

Ex Lib. 11. de Gen. ad litt. cap. 13.

DE ipsa natura Diaboli scrupulosus quæri solet, quam totam quidam hæretici offensi molestia mala voluntatis eius, alienare conantur à creatura summi, & veri Dei, & alterum ei dare principium, quod sit contra Deum. Non enim valent intelligere omne, quod est, in quantum aliqua substantia est, & bonum esse, & nisi ab illo vero Deo, à quo omne bonum est, esse non posse: malam vero voluntatem inordinatè moveri, bona inferiora superioribus præponendo: atque ita factum esse, ut rationalis creatura spiritus, sua potestate propter excellentiam delectatus tumesceret superbia, per quam caderet à beatitudine spiritualis Paradisi, & inuidia contabesceret. Vide etiam dicta in præcedenti Axiomate, & in lib. 11. & 12. de Civit. Dei.

D V B I V M

Quo peccati genere primo peccauerint Angeli.

Dissidium hic est inter Scotistas, & Thomistas, & alios Scholasticos. Scotus enim in secundo dist. 6. q. 2. art. 2. docet primum Angeli peccatum potius esse reducendum ad speciem cuiusdam luxuriæ spiri-

tualis; quam ad superbiam: quatenus scilicet fuerit nimium delectatus in appetitu beatitudinis supernaturalis; vel ut alij Scotistæ explicant. Quia Angelus amore nimio amicitie dilexit se, & ex isto inordinato amo-

amore amicitiz, ortum habuit amor concupiscentiz, quo sibi concupiuit bonum aliquod, idest beatitudinem ultra debitum modum. Hanc sententiam dicit Valentia Tomo primo Disp. 4 qu. 14 puncto 3. dissidere à communi sententia PP. & aliorum Theologorum affirmantium primū peccatum fuisse superbiam. Alij verò benignius eam interpretātur cum Caspensi Disp. 8. de Angelis Sect. 4. S. Scotus dicentes, quod licet hec sententia communiter reiiciatur à Recentioribus, quatenus negat primum peccatum fuisse superbiam propriè dictam; & in hoc puncto non sit admittenda: posse tamen non incongruè dici, illum maximum, & in ordinatum superbiz affectum, fuisse in Angelis nimiam sui complacentiam; eo quod vanissimè delectatus sit in pulchritudine, & donis sibi à Deo datis, quod etiam antea obseruauerant Granado. Tract. de Angelis Dist. 2. Sect. 2. ac proinde posse dici huiusmodi affectum superbiz fuisse quamdam spirituales luxuriā!

De errore Origenis, & Tertuliani, qui dixerunt primum peccatum Angelorum fuisse Luxuriam ex illo Gen. cap. 6. v. 2. *Videntes Angeli Dei filias hominū. quod essent pulchre* satis egi supra in Controuersia secunda Dubio secundo. § *Dices secundo.*

S. Thomas prima parte qu. 63. art. 3. & cum eo communiter omnes alij Theologi extra Scholā Sco-

ti docent: primum peccatum Luciferi, & aliorum Angelorum fuisse superbiam.

Hec assertio, quoad primā partem probatur primo ex Scripturis Sacris; nam Tobiz cap. 4. habetur. *In superbia initium sumpsit omnis perditio.* Eccl. 10. *Initium omnis peccati superbia.* hoc loco utitur etiam S. P. lib. 12. de Ciuit. Dei cap. 6. ad hoc intentum. *Iob. 41. Ipse est Rex super omnes filios superbiz.* idest omnium primus, & antesignanus, sic etiam Isaiz cap. 14. *Quomodo cecidi fili de calo Lucifer: dixisti enim in calum conscendam.* Ezech. 28. *dixisti in corde tuo Deus ego sum.* & præterea *elatum est cor tuum in decore tuo.* Prob. 2. Auct. PP. & primo S. P. N. non solum in duobus præcedentibus Axiomatibus; sed etiam in lib. 11. de Ciuitate Dei cap. 13. ubi ait. *Idco nunquam beatus cum Sanctis Angelis fueris, suo recusans esse subditus Creatori, & sua per superbiam, velut prinata potestate elatus, ac per hoc falsus, & fallax.* & lib. 12. cap. 6. *Causa miserie malorum Angelorum ea merito occurrit, quod ab illo qui summè est auersi, ad seipsos conuersi sunt, qui non summè sunt, & hoc vitium quid aliud, quam superbia nuncupatur? Initium quippe omnis peccati superbia.* Quid clarius? Idem docent S. Ambrosius Serm. 3. in Psal. 118. ad illa verba, *Incepisti superbos.* S. Fulgentius lib. primo ad Monimum.

nimum S. Gregorius Magnus lib. 34 Moralium cap. 13. & 14. S. Gregorius Nazianz. oratione prima de Patre. S. A. hah. Lib. de Virg. & medit. & S. Io. Chrysostomus hom. 3. de Verbis Isaïæ. *Vidi Dominum sedentem. &c.* vbi ait. *Per superbiam factum esse Diabolum, qui antea Diabolus non erat.*

Secunda pars; id est etiam primum peccatum aliorum Angelorum, qui ceciderunt, fuisse superbiam, probatur p. Anterioritate S. P. qui lib. 11. de Genes. ad litteram cap. 24. cum retulisset verba illa Isaïæ Proph. c. 14. v. 12. *Quomodo cecidisti de calo. Lucifer, &c.* subiungit, *dixisti in sensu tuo, In calum ascendam super sydera caliponam Thronum meum. &c.* quæ in figura velut Regis Babylonis in Diabolum dicta intelliguntur, plura in eius corpus conuentus pro quo facit etiam locus ille ex lib. 12. de Ciuit. Dei cap. 6. supra relatus, in quo loquitur S. P. non solum de Lucifero, sed etiam de omnibus Angelis malis; cum ait. *Causa miseria malorum Angelorum &c.* Prob. etiam ratione quia Angeli, qui ceciderunt inducti sunt à Lucifero ad peccandum, vt supra dictum est. Ergo peccauerunt eodem genere peccati, quo ille.

Dices in lib. Sapientie c. 2. hab. *Inuidia Diaboli mors intrauit in orbem terrarum.* Ergo primum peccatum eius fuit inuidia, non sequi; vt acute discurret S. P. lib. 11. de Gen. ad

litt. cap. 14. vbi refert, quod *Nonnulli dicunt ipsum esse casum à supernis seorsus, quod inuidens homini factum ad imaginem Dei. & respondet. Porro hac inuidia sequitur superbiam, non procedit; non enim causa superbiendi est inuidencia, sed causa inuidendi superbia. Cum igitur superbia sit amor excellentie propria, inuidia vero sit odium felicitatis aliena, quid vnde nascatur satis in promptu est. Amando enim quisque excellentiam suam, vel paribus inuidet, quod ei coquantur; vel inferioribus ne sibi coquantur, vel superioribus, quod ei non coquantur, superbiendo igitur inuidus, non inuidendo quisque superbus est; Merito initium omnis peccati superbiam Scriptura definiuit dicens, Initium omnis peccati superbia. Inuidia ergo immediate oritur ex superbia; vt etiam supra dixi. Quæstio hic est inter PP. an hoc peccati inuidie commiserint, cum adhuc essent in via, an verò post casum, & inter termino: nam S. Basilius in homilia de inuidia, & S. Bernardus Sermon. 2. de Adventu asserunt, eos cecidisse de calo propter superbiam, & inuidiam; & consequenter inuidiam præcessisse statum damnationis, vt causam meritoriam eius. Oppositam sententiam docet S. P. lib. 14. de Ciuit. Dei cap. undecimo dicens, *Postea quam superbus ille Angelus, ac per hoc etiam inuidus per eandem superbiam à Deo ad semetipsum**

*sum conuersus, &c. male suada versu-
tia in hominis sensu serpere affectans;
cui usque stanti, quoniam ipse cecide-
rat, inuidebat colubrum elegit. &c.
Hanc eandem Sent. tenuit S. Gre-
gorius Magnus in Tertia parte curæ
pastoralis admon. 11, vbi ait. Dicen-
dum itaque est inuidis, quia dum se à
linore minime custodiunt, in antiquam
versuti hostis nequitiam demergun-
tur: de illo namque Scriptum est Inui-
dia autem diaboli mors intravit in or-
bem terrarum. Quia enim ipse male-
gnus spiritus aduersarius noster calū*

*perdidit, condito ad hoc homini inni-
dit, & damnationem suam perditus
adhuc alios perdendo cumulauit. lo-
cis istis hi SS. PP. & DD. primum
actum inuidiæ indicant fuisse post
ipsorum terminum viæ. Si dicas po-
tuit esse alius actus antecedens, ca-
sum. R. me non negare fuisse possi-
bilem: sed non habere fundamentū,
vel ex Scripturis, vel ex PP. ad asse-
rendum, quod fuerit de facto; sicut
habeo ad dicendum, quod fuerit
post casum.*

AXIOMA SEXTVM

*Obiectum superbiæ Angelorum fuit dominium, seu prelatio
illis indebita.*

Ex Lib. 14. de Ciuit. Dei. cap. vndecimo.

Postea quam superbus ille Angelus, ac per hoc inuidus per eandem super-
biam, à Deo ad semetipsum conuersus, & quodam quasi Tyrannico fastu
gaudere subditis, quam esse subditus eligens; de Spirituali Paradiso cecidit: de
cuius lapsu, sociorumque eius, qui ex Angelis Dei Angeli eius effecti sunt, in
libris vndecimo, & duodecimo huius operis satis, quantum potui, disputauit.

D V B I V M

Quodnā fuerit obiectū superbiæ Angelicę

IN hac quæstione in diuersas abie-
re Theologi sententias; quarum,

Prima est eorum qui docuerunt An-
gelum potuisse, & de facto peccasse
appe-

appetitu inordinato vnionis hypostaticę, quo desiderauit suam naturam Diuinę Personę vniri: & simul deliquisse inuidiā vnionis humanę naturę cum Verbo Diuino. Authores huius opinionis dicuntur fuisse Ambrosius, Catherinus in opusculo de gloria bonorum Angelorum, & lapsu malorum, & in Expositione Genesis ad illa verba c. 3. *Serpens callidior erat*. Noster Iacobus de Valentia in Psal. 81. ad illa v. *Surge Deus indica terram*. &c. Viguerius in lib. de institutionibus Theologicis cap. 3. §. 2. versic. 15. Iacobus Naclantus in Epistolam ad Ephesios, & Alexander Alensis Tertia parte qu. 2. membro 13. Eandem sequuntur plures recentiores; qui vtuntur etiā Auctoritate S. Bernardi Abb. & Rupertii Abb. Tuitiensis: de quibus infra.

Secunda sententia est eorum, qui dicunt, potuisse peccare appetitu æqualitatis naturę, cum Deo; pro qua citantur: Scotus in secundo Dist. 6. quęst. prima §. *Quia tamen ad primum*: Gabriel in eadem Dist. qu. p. Bassolis quęst. prima §. *Quia tamen ad primum*. Et tali superbia Angelos de facto peccasse affirmat Ioannes Maior: relatus à Vasquez T. 2. in primam partem Disp. 234. cap. 3. §. *Quamquam non improbanda*.

Tertia est eorum, qui dicunt non esse minus certum Angelum peccasse immoderato appetitu suę beati-

tudinis supernaturalis, quam creatura intellectus sperat in premium suorum meritorum, quam peccasse peccato superbię: hanc tenuerunt Anasilodorensis lib. 2. suę summę Tract. 2. p. 2. Alb. Magnus in secunda p. Summę Tract. 5. q. 21. memb. 1. & in sec. Sent. dist. 5. artic. 3. Alex. Alens. 2. p. §. quęst. 98. memb. 3. in corp. & ad 5. S. Th. prima parte quęst. 63. artic. 3. Caietanus, & alij Thomistę, noster B. Egidius in secundo Dist. 5. qu. primo artic. 2. noster Thomas, Arg. item in secundo Dist. 6. quęst. p. artic. p. citantur etiam pro ea Ricardus, Durandus, Henricus, Scotus, Bassolis, Gabriel Maior, Capreolus, Marsilius, Holcot, & Ferrariensis: à Vasquez Disp. 235. cap. p. Quidam ex istis citant pro se S. P. N. libro 22. de Ciuit. Dei cap. primo S. Ambrosium in Epist. 84. & S. Gregorium lib. 34. Moralium cap. 14. & in aliquibus impressionibus 17. ac etiam lib. 3. cap. 18. vel vt apud aliquos 23.

Quarta sententia est eorum, qui docuerunt; peccasse appetitu beatitudinis naturalis, vel saltem peccare potuisse pro hac Vasquez loco citato cap. 5. citat S. Thomam in citata qu. 63. art. 3. Caietanum ibi Ferrariensem nostrum lib. 3. contra Gentes cap. 109. §. *circa primum modum* Henricum, & Bassolium docentes Angelum peccasse appetitu immoderato beatitudinis naturalis; qua-

quatenus hæc illi ita placuit tamquā ultimus finis, ut à beatitudine naturali seipsum auerterit, Quibus ait consentire etiam Nostrum B. Egidium, & Ricardum, Sed aduertit hos Doctores non conuenire in modo explicandi hanc sententiam.

Quinta Sententia est eorum, qui dicunt, Angelum peccasse appetendo præferri alijs; & illis præesse: vel saltem nulli subesse: his enim duobus modis, vel peccasse, vel peccare potuisse docent Alexander Aléxis secunda parte sum. n.æ quæst. 98. membro 3. in corp. & §. 1. ubi docet peccasse, & hoc modo, & simul peccasse immoderato affectu beatitudinis supernaturalis; S Bonauentura in secundo Dist. 5. artic. 1. qu. 2. Nicolaus de Lyra in cap. 14. Isaie ad illa verba; *In calum conscendam*, &c. Burgenfis in addit. 2. illius capituli. Torrigius in replica illius Vailhelmus Parisiensis, prima parte secundæ partis principalis de Vniuerso cap. 109. & 110. circa has sententias dicam per singulas quid sententiam, &

Dico primo: Luciferum ex consideratione propriæ perfectionis, & pulchritudinis in superbiam elatum inordinatè appetiuisse dominatum. & potestatem: hoc est voluisse nulli subesse, nec etiam ipsi Deo; & præesse alijs. Hanc assertionem puto esse mentem expressam S. P. fundatā in Scripturis illis Ezech. cap. 8. ver-

su 5. *Elevatum est cor tuum in decore tuo.* Isaie cap. 14. versu 13 *In calum conscendam super astra Dei exaltabo solium meum.* &c. *Ascendam super altitudinem montium, similis ero Altissimo.* motuum huius appetitus fuisse excellentiam propriam indicat clarè illa verba Ezech. Et exponit S. P. lib. 11. de Gen. ad litt. cap. 23. ubi de Diabolo explicans quomodo in veritate non steterit, ait. *Factus continuo se à luce veritatis auertit, superbia tumidus, & propria potestatis delectatione corruptus.* Quod verò ex hac consideratione appetierit nulli subesse, & præesse alijs explicat S. P. in illis verbis Axiomatis: *quodam quasi tyrannico fastu gaudere subditis, quam esse subditus eligens;* quod etiam docuerunt S. Basilii oratione 17. S. Anselmus lib. de casu Diaboli cap. 4. & S. Bernardus Serm. 17. in Cantica. Quod verò nec etiam subesse Deo voluerit explicat S. P. in præcitato loco de Genesi ad litteram ubi subdit. *Ille autem continuo impius, consequenter, & mente cæcus non ex eo, quod acceperat cecidit, sed ex eo, quod acciperet, si subdi voluisset Deo, quod profecto quia noluit, & ab eo, quod accepturus erat cecidit, & potestatem illius sub quo esse noluit non euasit.* Quæ doctrina sic communiter explicatur: ut mali Angeli propterea ceciderint, quia inordinatè appeti vere esse Deo similes in hoc, ut quemadmodum ipse

se nulli est subiectus, vt Superiori; ita & ipsi nullius, nec etiam ipsius Dei imperio actu referrentur; vt inferiores: Ac proinde dicendū est, non appetuisse, eos nō subdi Deo quoad conseruationem; & actualom eius concursum ad eorum opera; quā sine hac subiectione, nec consistere poterant; nec poterant ignorare, hoc fieri non posse, cum essent pleni scientia: cuius hoc est vnum exprimis principijs. Sed desiderasse libertatē, qua non subessent Deo imperanti, & præcepta imponenti; Cum scirent hoc non esse impossibile: nulla apparente implicancia quin Deus possit creare Angelos, quibus nullum velit præceptum positium imponere; ac proinde eximere illos ab omni imperio actuali: & consequenter potuerunt absolutē, & efficaciter appetere talem exemptionem. Nulla est enim necessitas ponendi, quod nouerint tunc Decreta Dei de ipsorum ministerijs per actuale imperiū. Ex prædicto superbo appetitu probabilissimum est, deriuasse in vnumquemque Dæmonum desiderium cuiusdam principatus, idest potestatis in aliquas creaturas, vt indicat S. P. in Axiomate; & honoris indebiti exhibēdi à creaturis inferioribus. Quod suaderi potest, quia supremus Angelus inter malos desiderauit efficaciter, coli, & venerari à malis Angelis, & hominibus maiori honore; quam esset ille, qui sibi debeba-

tur, vt supra dictū est, & Scriptura indicat: Cumque alij peccauerint moti exemplo, vel forte etiam suasionem ipsius, consequens est, quod inducti fuerint ad eandem peccati speciem, & quod vnusquisque Angelorum malorum efficaciter desiderauerit à creaturis inferioribus se coli, & honorari indebitē. Confirmari potest ab experientia, qua patet, quod Dæmones contendunt ab hominibus sibi deferri honores soli Deo debitos: vt videre est apud Idolatras. Et consequenter relinquitur, probabilissimum esse, illos huiusmodi indebitos honores iam à principio appetuisse. Quæri hic solet an Lucifer appetierit, præesse solis Angelis; an solis hominibus, an verò vtrisque simul. R. rem esse incertam. Aliqui enim dicunt, eum appetiisse solum dominium super homines, & pro hac sententia citant S. Bernardum Serm. 17. in Cantica: verum ibi mellissimus Doctor sub duobus loquitur: dicendo: *hoc ego non assero, dicere spiritum S. sed nec contra dicere dico. Nescio enim. Poterit autem contingere, si tamen incredibile, non putetur.* & præterea ibi S. Bernardus non excludit alios Angelos ab hoc appetitu dominandi, nec de illis meminit, sed solum dicit, quod ipse appetierit, *aliis sedere, & regere genus humanum*, quod est præscindere ab hoc puncto, an scilicet appetierit etiam regere Angelos sibi in-

seriores: citatur etiam pro hac sententia S. Basilus. Communior videtur sententia, & magis ad mentē S. P. quod absolute appetierit praeesse utriusque: cum indeterminatē loquatur tam in Axiomate, quam alibi. Hæc autem præexcellētia; & præfidentia cum possit considerari in ordine ad diuersa; Videndum est in ordine ad quæ, illa appetierit. Primò quidem in ordine ad naturalia; & in hoc sensu non potuit eam appetere, cum in illis præcelleret omnibus, tam Angelis, quam hominibus: Secundò quoad iustificacionem, & in hoc sensu nec etiam potuit appetere nulli subesse, cum optimè sciret, Gratiā sanctificantem esse participationem Diuinæ naturæ; ac proindē à nullo alio, quam ab ipso Deo tamquam à causa principali posse infundi. Impossibilia verò, cognita ut talia, non appetuntur absolute, & efficaciter; sed solum conditionatē, & ineffaciter. Si dicas, potuit appetere præesse cæteris in ordine causæ ministerialis, siuè in instrumentalis. R. hoc iam esse velle subdi, & subesse; instrumentum enim, & minister subditur, & subieitur Principali; & Lucifer in eo, quod appetebat, nulli subesse volebat. Tertiò potest considerari in ordine ad actualia ministeria, & exercitia; & hoc modo peccasse, arbitror esse de mente S. P. ut indicant illa verba Axiom. quodam quasi tyrannico fastu

gaudere subditis, quam esse subditus eligens. Tyrannis enim illa nō poterat appeti, nisi in ordine ad hæc ministeria, & exercitia,

Dico 2 probabile esse, quod Angelus etiam peccauerit appetitu superbo acquirendi beatitudinem supernaturalem proprijs viribus; hæc sententia videtur esse de mente S. Thomæ, qu. 63. art. 3. & probatur Auctoritate S. P. qui lib. 22. de Ciuitate Dei cap. primo loquens de beatis, ait: *Deus ipse illis est tamquam vita victusque communis. Qui liberū arbitrium eidem intellectuāle natura tribuit tale, ut si vellet deserere Deum, beatitudinem scilicet suam, continuò miseria esses secutura. Qui cum præficeret Angelos quosdam per elationem, qua ipsi sibi ad beatam vitam sufficere vellent, tanti boni desertores futuros, non eis ademit hanc potestatem.* idem docuerunt S. Ambrosius Epistola 84. ante medium: & S. Gregorius Magnus lib. 34. suorum moralium: capite septimo, quod in aliquibus impressionibus est decimum quartum. Consequenter ad hæc S. Thomas loco citato ait: *Vel si appetijt ut vltimum finem illam Dei similitudinem, quæ datur ex gratia, voluit hoc habere per virtutem suæ naturæ non ex diuino auxilio secundum Dei dispositionem; & hoc modo consonat dictis Anselmi lib. de casu Diaboli cap. 4. qui dicit quod appetijt illud, ad quod peruenisset si sisset. Non placet*

cet hæc doctrina Becano, & propterea in Tract. de Angelis cap. 4. Q. 7. *S. Secunda Conclusio* dicit Angelum non peccasse appetendo beatitudinem supernaturalem; eo quod appetitus ille non fuerit inordinatus, neque ratione obiecti, neque ratione alicuius modi, vel circumstantiæ. Non ratione obiecti, quia tale obiectum est per se bonum, ad quod appetendum erat per se à Deo ordinatus. Si dicas potuit appetere plures gradus Beatitudinis, quam illi qui ei conuenirent, vel qui à Deo illi decreti fuissent. Respondet illum nescisse quot gradus illi decreti fuissent, si perseverasset; & propterea ex hac parte non habuit motiū inordinati desiderij. Quod verò nō fuerit inordinatus ratione modi, vel alicuius circumstantiæ probat; quia non fuit nimis obiectiuè, cum obiectum sit bonum, nec intensiuè, quia maior, vel minor intensio actus non facit illum esse malum; & præterea intensio non est in præcepto. Nec appetitiuè, quia nullus amat se inordinate, vel nimium hoc modo; nisi quando ex amore sui commodi transgreditur aliquod præceptum Diuinum, quod non constat fecisse Angelum in ordine ad beatitudinem supernaturalem. Et consequenter nec etiam modo inordinato appetiuisse talem beatitudinē. Si dicatur fuisse inordinatum ex eo, quod desiderauit habere beatitudi-

nem supernaturalem suis viribus sine gratia: vt docet S. Thomas loco citato: opponit, quod hoc desiderium non potuit esse nisi vel explicitum, vel implicitum; & neutro ex his modis Angelum potuisse peccare; primo; ita vt primum peccatum, de quo loquimur, esset actus superbiæ; quod sic probat, & explicat. Si desiderauit explicitè illo modo beatitudinem, errauit non solum contra rationem; sed etiam contra fidem; iudicando se posse consequi beatitudinem supernaturalem suis viribus; quod est error contra fidem, & primum principium hæresis Pelagianæ; & sic primum peccatum eius non fuit superbia; sed infidelitas. Similiter si dicatur, desiderasse solum implicitè, sequitur non peccasse primo per superbiam. Quia desiderare implicitè beatitudinem sine gratia, nihil aliud est, quam eam appetere non cogitando de medijs supernaturalibus, quibus acquirenda est. Sed in hoc nullum est peccatum, quando nullum adest præceptū obligans ad talem cogitationem. Neque enim nos peccamus appetendo Regnum Cælorum, licet nihil cogitemus de medijs: Eo quod, qui appetit beatitudinem, ex vi illius appetitus non tenetur semper appetere media; sed sufficit, quod actu non excludat media conuenientia, nec appetat media indebita. Quod si dicas; Angelum habuisse præceptum

cogitandi, & appetendi media, & tale mandatum non servasse; iam non fuisset peccatum superbiæ, sed omissionis, aut inobedientiæ. Iste est discursus Becani loco citato, cuius vis tendit ad infirmendam Doctrinam prædictam SS. DD. Augustini, & S. Thomæ, nec non & Ambrosij, ac Gregorij Magni locis supra citatis: Et dum nimio impetu fertur in illos sua met ratione destruit seipsum; nam eo ipso; quod confitetur eum, qui appetit beatitudinem, tenetur non excludere actum media convenientia, nec appetere media indebita. Cum isti SS. PP., & DD. præsidio, & contemplatione Sacrarum Scripturarum, quæ de peccato primo Luciferi agunt: agnoscant in eo actum positivum excludendi auxilium gratiæ Dei, iam actu excluditur medium conveniens; & cum ponant eum appetiisse dictam beatitudinem, ut acquirendam suis viribus naturalibus, iam agnoscunt eum appetiisse media indebita. Et consequenter eum utroque modo peccasse; quia tenebatur ex vi appetitus beatitudinis ad excludendum hos actus appetitus indebiti circa media; quod habet locum non solum in desiderio implicito; sed multo magis in desiderio explicito; quod isti SS. PP. supponunt fuisse in Angelis malis. Quod vero actus iste fuerit actus superbiæ; quod contendit negare Becanus: patet. Quia hoc

fuit, nolle subesse Deo auxilianti in acquirenda beatitudine; & consequenter appetitum præferre se ipsum illi, & suas vires divini gratiæ ipsius. Quod est formalissimè actus superbiæ: Nec obstat, quod fuerit casus infidelitatis; neque enim repugnat in vno, eodemque actu inveniri malitiam superbiæ, & malitiam infidelitatis; immò ex superbia ortas hæreses omnes, demonstrant communiter Theologi, quarum omnium venena concludit; ut loquitur Sanctus Hieronymus in Epistola ad Cæsarium Siphontem: error iste Luciferi; quæ postea Pelagius innovavit, contra quem S. iste Doctor in prædicta Epistola scribit, & dicit; *quod plebsque in oriente decepit, ut per similitudinem humilitatis superbiæ discerent, & discerent cum Diabolo. In Calum ascendam super sidera Cæli ponam thronum meum, & ero similis Altissimo. Quæ enim potest alia maior esse temeritas, quam Dei sibi non dicam similitudinem, sed aequalitatem vindicare, & brevi sententia omnium hæreticorum venena complecti.*

Dico 3. esse etiam probabile, quod Angeli mali appetierint suam beatitudinem naturalem, tanquam finem ultimum simpliciter, non curando de beatitudine supernaturali, ad quam ordinabatur per gratiam: hanc etiam sententiam docet S. Thomas loco cit. supra his verbis. *Appetijt esse similis Deo: quia appetijt ut finem*

finem ultimum beatitudinis, ad quod virtute sua natura poterat pervenire: avertens suum appetitum à beatitudine supernaturali, qua est ex gratia Dei. Hanc assertionem cum precedenti coincidere, docet ibi Angelicus Doctor; cum enim docuisset utramque verbis relatis, subiunxit: *Et hac duo quodammodo in idem redeunt: quia secundum utrumque appetit finalem beatitudinem per suam virtutem habere, quod est proprium Dei*. Ex hac Doctrina facta est contentio inter Thomistas, in quam partem S. Doctor magis inclinet: Cacetanus enim, & noster Ferrariensis censent eum magis propendere in hanc assertionem; Capreolus verò docet eum magis inclinare in precedentem: Vtrumque fortasse æqualiter probabile iudicavit, quod non obscurè indicant illa verba. *Et hac duo quodammodo in idem redeunt*. Hæc assertio præter auctoritatem S. Thomæ probari potest etiam testimonio S. P. qui in loco supracitato ex cap. 1. lib. 22. de Civitate Dei: loquens de præscientia Dei, quam habuit de peccato malorum Angelorum: ait. *Qui cum præsciret Angelos quosdam per elationem, qua ipsi sibi ad beatam vitam sufficere vellent, tanti boni desertores futuros, non eis ademisse hanc potestatem: hæc enim verba procul dubio indicant eos appetivisse beatitudinem naturalem; ad hanc enim solum ipsi sibi sufficere*

posse cogitare, & velle potuerant. Probari etià potest Auctoritate S. Ambrosij, qui epistola 84. ante medium describendo superbiam, species ait. *Non aliter inflantur, qui cupiditate extollentia singularis omnibus appetunt ante ferrum, aliter verò intumescunt, qui auxilium Dei recusantes, qua fieri sine ipsius opere non possunt, ex sua perfici virtute contendunt, & spem suam à Deo auferunt: hac superbia à Diabolo sumpsit exordium, qui quoniam sua, quam à Creatore accepérat potentia, & dignitate sibi placuit, sequens Authori suæ gloria comparavit, cum ijs Angelis, quos in consensum impietatis sua traxerat, à Cælesti sublimitate deiectus est*. Similia habet S. Gregorius loco supra citato; idest lib. 34. cap. 7. & apud quosdam 14. ubi de Diabolo ait *relicto enim cui debuit inharere principio, suum sibi appetitum quodammodo esse principium: relicto eo, qui verè illi sufficere poterat, se sibi sufficere posse iudicavit*. Hæc testimonia allegantur, tam pro precedenti, quam pro præsentī assertionē; eo quod hi SS. PP. non se explicant an de vna, vel de altera beatitudine; idest naturali, & supernaturali loquantur; & probabilissimum mihi videtur eos de utraque loqui indifferenter, ut loquitur etiam Sanctus Thomas.

Dices 1. cum Becano, cui nec etiam hæc Angelici Doctoris sententia placet: Angelus non appeti-

uit hanc naturalem beatitudinem, per modum desiderij, sed solum per modum amoris, & complacentiæ. Sed hic amor non fuit malus, nec ratione obiecti, nec ratione alicuius modi, qui fuerit in ipso actu amoris; neque ratione alicuius circumstantiæ, quæ debuerit esse in actu, vel secundum rectam rationem, vel secundum regulam fidei. Ergo non peccauit appetendo huiusmodi beatitudinem. Maiorem probat; quia desiderium fertur in rem absentem, & beatitudo naturalis erat præsens, non verò absens; ergo solo appetitu complacentiæ, non verò desiderij poterat appeti. Minorem etiam probat, primò quoad primam partem, quia beatitudo illa naturalis erat obiectum bonum, & dignum amore secundum rectam rationem; secundam etiam partem probat, quia non potest assignari aliquis modus intrinsecus; propter quem ille amor fuerit inordinatus. R. negando maiorem, ad probationem Respondetur negando antecedens; nam Angelus in via non habebat propriam, & integram rationem Beatitudinis in eo sensu, de quo hic loquimur; nam talis beatitudo, siue naturalis, siue supernaturalis non est re vera talis perfectè, nisi sit status omnium bonorum aggregatione perfectus, ad quem statum requiritur firmitas, stabilitas, & certitudo perpetuitatis in illo statu, quam non habebant Angeli in via:

propterea S. P. in lib. de correptione, & gratia cap. 10. de hoc puncto loquens ait erat tamen adhuc quod eorum adderetur beatitudini, si per liberum arbitrium in veritate stetissent, donec istam summam beatitudinis plenitudinem, tamquam primum ipsius permansionis acciperent, id est ut magna per Spiritum S. data abundantia charitatis Dei, cadere ulterius omnino non possent, & hoc de se certissime nosset. Hanc plenitudinem beatitudinis non habebant. Poterant igitur desiderare hanc plenitudinem beatitudinis; sine qua plenè, & perfectè beati esse non poterant, nec etiam beatitudine naturali, & libro vndecimo de Ciuitate Dei cap. vndecimo hoc idem argumentum versans ait. Quapropter quamuis non quicquid æternum, continuo beatum sit, [dicitur enim etiam penalis ignis æternus] tamen si verè perfectèque beata vita, non nisi æterna est, non erat talis istorum vita beata, quia quandoque desisteret, & propterea non æterna. Dicebantur igitur beati illi Angeli in via, & primi homines in statu innocentie, ut ait S. P. ibi capite sequenti, eo modo quo, & nos hodie non impudenter beatos vocamus, quos videmus iuste, ac pie cum spe futura immortalitatis hanc vitam ducere, sine crimine vastante conscientiam. Sicut igitur homines pii, ac Sancti in hac mortali vita dicuntur beati, & nihilominus sperant, & desiderant beatitudi-

rudinem æternam, & æternitatem beatitudinis, sic & Angeli quando erant in via, poterunt eam sperare, & desiderare. Ad minorem Respōdetur; amorem, & desiderium illud non fuisse quidem malum ratione obiecti in esse rei, sed ratione modi, ac circumstantiæ, quo intellectus maiorum Angelorū tēdebat in huiusmodi obiectū; quatenus scilicet, ut ait S. P. loco supra citato *ipsi sibi ad beatā vitam sufficere vellent*, vel ut ait S. Ambrosius, *auxilium Dei refusantes, qua fieri sine ipsius opere non possunt sua perfici virtute contendunt, & spem suam à Deo auferunt*, &c. ut supra, vel cū S. Gregorio; *appetijt sibi quodammodo esse principium*, &c. quibus verbis hi SS. PP. aperte indicant, Dæmones errasse in modo appetendi beatitudinem, volendo scilicet sufficientiam suam sibi non ex Deo, sed à seipsis esse, & refutando auxilium Dei, & appetendo esse sibi ipsis principium sue beatitudinis: ut docet prædicti SS. PP. per quæ latissime etiam probationi dictæ minoris; nam in his assignatur modus, immò modi intrinseci, quibus ille amor, & illud desiderium fuit inordinatus. Ad instantiā prædicti Auctoris, qua petit utrum Amor iste fuerit inordinatus obiectiue, vel intensiue, an verò appetiariue. R. quidquid sit de ly obiectiue, nam dici posset, obiectū dupliciter considerari posse; primo in esse rei; secundo in esse formali

obiecti; & quod in esse rei obiectum quidem illud in se erat bonum; nihilominus in esse obiecti quatenus scilicet ipsi Angeli sibi repræsentabant beatam vitam independētem; immò refusantem auxilia Dei, ad quam ipsi soli, sibi ipsis sufficere volebant: conantes ex tunc quodammodo fundare primam Monarchiā Solipforum, erat malum in ratione illa formali, & sub hac consideratione sub qua illam beatitudinem sibi repræsentabant. Sed quidquid sit de hoc. Respondeo: fuisse inordinatum appetiariue, quia suam sufficientiam ad hanc beatam vitam attollebant supra voluntatem, & potentiam Dei, recusantes dependentiam, & auxilium eius, sine quibus nec beatitudo supernaturalis, nec naturalis haberi potest. Ad id quod subiungit Becanus Angelum non fuisse transgressum aliquod præceptum naturale. Respondeo esse falsissimū; nā eo ipso, quo agnoscebant se esse creaturas ex nihilo factas, cognoscebāt etiam, quod creatura, que potest fieri Beata. *Nō ex seipsa potest*, ut loquitur S. P. lib. 12. de Civitate Dei, *quia ex nihilo creata est, sed ex illo, ex quo creata est*. Quapropter recusando subiectionem, & dependentiam à Deo in assequenda huiusmodi beatitudine transgrediebantur præceptum naturale, qua creatura eo ipso, quod est creatura, tenetur esse subdita Deo in suo esse, posse, & ope-

& operari; Et creatura intellectus libera eo ipso, quod vult in dependentiā in aliquo ex his à primo principio, eo ipso transgreditur huiusmodi præceptum, & superbissimè se attollit supra id, cui debet esse iure naturæ subiecta. Denique ad id quod addit Becanus, non posse designari circumstantiam, propter quam ille amor fuerit inordinatus. Respondeo etiam hoc pariter esse falsissimum, & omniſſa illa, quam ipse adducit ex Thomistis. Dico, fuisse malum, & inordinatum ex omnibus illis circumstantiis, ex quibus Theologi morales expendunt malitiam alicuius actus mali. Si enim attendatur *Quis* erat Angelus ornatus omni lapide pretioso, idest dotatus donis eximijs, tam naturalibus, quā supernaturalibus; & Lucifer præ omnibus, ac proinde tenebatur diligere Deum supra se ipsum, & non se attollere, vel æquiparare illi in beatitudine. Si *Quid*; actus fuit pessimus, & ingratiſſimus rebellando à Deo, & coniurando contra ipsam. Si *Ubi* in ipsa Regia Creatoris idest in Cælo, & forte in ipsa Aula Principis, idest in Empyreo, ut placuit plurimis Theologis. Si *quibus auxilijs*, eisdem donis, quibus ab ipso Deo cunctatus fuerat; & adducendo tertiam partem stellarum, idest Angelorum, ad consortium sui sceleris rebellionis, si *Cur*, ut esset similis altissimo in solio gloriæ, & in principatu in de-

pendens; quo sine peior assignari nequit. Si *Quomodo* priori, & pessimo modo, quo fieri posset, recusando scilicet eius auxilia, & conuertendo omnia ea, quæ acceperat ad sui perfectionem, & ornatum contra ipsum Deum. Si *Quando*; vix creatus, tunc potissimum quando maiori, liberiore, & ferventiori actu tenebatur subdi, & diligere ipsum Deum. Ex omnibus igitur circumstantiis, quæ in actu peccaminoso excogitari possunt, fuit inordinatus ille Amor sui, quo superbus spiritus dixit *In Calum conscendam super astra Dei exaltabo solium meum, & ero similis Altissimo.*

Di. es 2. Primum Angeli peccatum fuit appetitus cuiusdam principatus, ut dictum est in prima assertionem, & probatum Auctor. SS. PP. Ergo non potuit esse appetitus beatitudinis naturalis; aut supernaturalis. Probatur consequentia: quia hæc sunt valdè diversa inter se. Undè est; appetiſſet postea aliquam ex istis beatitudinibus inordinatè, hoc non fuisset primum peccatum eius, de quo quærimus, sed secundarium. Re. negando consequentiam; Ad probationem respondetur, nihil repugnare, quominus ea, quæ sunt diversa in esse materiali, siue in esse rei conveniant sub vna ratione formali obiecti intellectus, & voluntatis: & maximè in Angelis, qui plurimū, eodemque actu intelligunt, & appe-

appetunt, vt sunt conclusiones in principijs, & effectus in causis. Quod si homo mortalis potest vnico actu appetere præse omnibus alijs indiuitijs, voluptatibus, & honoribus, multo magis potuit Angelus appetere præse cunctis in dominio; & beatitudine vnico, & indiuisibili actu, & sic etiam Angelic⁹ Doctor in præcitato articulo agnoscit potuisse esse, & appetitum beatitudinis; & appetitum dominij iam explicati.

Dico 4. primum peccatum Angelic⁹ non fuisse appetitum vnionis hypostaticæ. Hæc assertio est communis, & sequitur per necessariam consequentiam ex principijs Doctrinæ SS. PP. & maximè S. P. N. Augustini; & S. Thomæ, & eorum omnium, qui docent Christum non fuisse vëturum; si Adam nõ peccasset. Quorum doctrina supposita, sic probò intentum, si Angelus primo peccasset per appetitum vnionis hypostaticæ, vel peccasset, quia eam concupiisset; vt sibi debitam; & naturæ suæ viribus acquirendam: vel quia eam hominibus inuidisset: vel quia Christo Domino; tamquam proprio capiti, & Domino nolisset se subijcere; hæc enim sunt præcipua capita, propter quæ aduersarij docent, eum huiusmodi appetitu peccasse. Sed nullo ex his modis primò peccauit; ergo non peccauit primò per huiusmodi appetitum. Maior conceditur ab Aduersarijs. Minor probatur

tur, quoad singulas partes. Et primò quod non peccarit appetendo eam vt debitam, &c. patet quia iste appetitus supponit in intellectu cognitionem talis vnionis antecedenter ad ipsorum peccatum; quæ tamen esse non potuit sine errore; & talis error communiter non admittitur in mente Angeli, & maximè circa talia obiecta: nam si in via nouit eam saltem vt possibilem; consequenter nouit eam esse in suo conceptu supremum opus ad extra inter supernaturalia; ac proinde nulli creaturæ debitum, aut acquisibile viribus naturæ. Quoad secundam partem probatur ex dictis in præcedentibus dubijs, vbi demonstratum est ex Scripturis, & SS. PP. primum Angelic⁹ peccatum non fuisse inuidiam, sed superbiam; vt enim ait S. P. lib. 11. de Gen. ad litteram cap. 14. *Inuidia sequitur superbiam, non præcedit.* Quoad tertiam partem probatur, quia omnis nolitio est fuga mali, & supponit, volitionem, & prosecutionem alicuius boni, nam vt ait S. Tho. in par. 2. qu. 2. t. art. 2. *Quia bonum queritur, ideo refutatur oppositum malum.* Si ergo Angelus peccasset, quia nolisset, se subijcere Christo tamquam Domino; hoc non fuisset, nec potuisset esse primum peccatum, de quo quærimus; Sed necessario debuisset præsupponi in Angelo peruersa voluntas alicuius obiecti excellentis, ad quam sequuta fuisset

nolitio, siue fuga talis subiectionis. Vide S. Thomam lib. 3. contra Gentes cap. 109. Probatur secundo ex Becano loco supracitato Q. 2. §. *Secunda Concl.* quia sententia Aduersariorum est planè noua, & nullum habet Authorem pro se ex veteribus Patribus, aut Theologis; cui addo, quod si aliqui PP. dicunt Angelum peccasse in hoc, nullus tamen ex illis dicit hoc fuisse primum Angeli peccatum; vt infra in obiectionibus clarum fiet. Prob. 3. cum eodem. Auctore, quia opposita sententia nititur fundamentis, vel falsis, vel saltem dubijs. Supponit enim Mystrium Incarnationis fuisse reuelatum, Angelis, cum adhuc essent in via; quod tamen probari non potest; præterea supponit, Christum Dominum fuisse venturum, etiam si Adam non peccasset; quod est contra omnes antiquos Patres, & in Scholis SS. DD. Augustini, & Thomæ falsum, omnino reputatur.

Dices 1. cum Catharino, Viguerio, & Suario in Epistola ad Hebræos cap. 1. nu. 6. habetur. *Et cum iterum introducit Primogenitum in orbem terra, dicit, adorent eum omnes Angeli Dei.* Hic locus indicat: Christum Dominum bis introductum fuisse in orbem terrarum; primò quidem in creatione Angelorum, quando illis manifestatum fuit Sacrosanctum Incarnationis Mystrium: secundò quando fuit adimpletum; Et

in vtraque vice præceptum fuisse Angelis, vt ipsum Christum, tamquam caput ipsorum, & hominum colerent, & adorarent: Quod præceptum Lucifer in prima introductione ex superbia, & inuidia transgressus fuit; eo quod propriam excellentiam, & perfectiones considerans egrè tulit, inferiorem creaturam sibi præponi; ac proinde eleuatum est cor eius in superbiam; & inordinatè sibi ipsi eam appetiuit excellentiam; & consequenter humanitati SS. Christi Domini, & toto generi humano eam inuidit. & ex communiori interpretum sententia, hunc non esse germanum sensum illius loci, & verborum illius textus, vt videre est apud Nicolaum de Lyra in Commentario prædicti loci, apud Adamum in expositione illius; vbi aduertit, illam particulam *Iterum* non significare aliquam secundam introductionem supponentem aliā priorem; sed esse citationem alterius testimonij veteris testamenti, idest ex Psal. 96. v. 8. vbi Psal. ait: *Adorate eum omnes Angeli eius;* nam antea Apostolus attulerat alios textus ex libris Sapientie cap. 7. v. 36. ex Psal. 2. v. 7. ex lib. 2. Regum cap. 7. v. 17. quapropter ly *iterum* idem est, ac si diceret Apostolus in alio loco Scripturæ; immò obsecurat Valsq. T. 2. primæ par. disp. 2. 34. cap. 2. §. 1. 2. quod Græci interpretes propterea non exponunt illam particulam

lam *Iterum*, eo quod viderent ad ipsum testimonium citatum non pertinere. Est enim nexus, & copula huius textus cum præcedentibus. Verum adhuc dato quod illa particula exprimeret duas introductiones; non est necesse accipere primam introductionem in mente Angelorum; nam illa fuit introductio intentionalis, & obiectiua; & non potest per illam dici Primogenitus introductus in orbem terræ, sed in orbem intellectualem; vnde nec etiam hoc modo potest sumi efficax argumentum ex hoc loco pro Aduersarijs; cum introductio in orbem terræ debeat esse physica extra suas causas, & non solum intentionalis: quapropter melius exponit hunc locum alij gratis data prædicta interpretatione de duplici introductione, vna in carne passibili, & mortali; altera impassibili, & immortali per Resurrectionem, quando capit Filij Dei notitia, & Regnum ipsius spirituale propagari: Et hæc introductio potest dici facta iterum; quia per mortem Crucis videbatur à Mundo exclusus, & abscessus de terra viuendum, vel cum Genebrando in expositione prædicti Psalmi 96. potest dici, secundam illam introductionem faciendam esse in extremo Aduentu Christi, quando venerit ad iudicandum, & omnia ei subijcientur. Vide plura alia de hoc textu supra Controuersia Septima

in dubio ad Axioma Tertium S. Dices 5. ex his enim, & illis ibi adductis corrumpitur penitus tota hæc Aduersariorum obiectio.

Dices 2. Diuum Bernardum serm. 17. in Cantica, & Rupertum Abbatem lib. octauo in Ioannem ad illa verba *ille homicida erat ab initio*: docere; Angelum peccasse appetitu vnionis hyppostaticæ, & eam inuidisse humanæ naturæ. R. cum Vasquez, Diuum Bernardum ibi solum docere; Luciferum inuidia vnionis naturæ humanæ cum verbo peccasse, non tamen docet, quod eam appetierit sibi; sed solum dicit, eum indignè tulisse hoc mysterium, & dixisse *Vt quid perditio hac unguenti*; ac si diceret frustra Verbum Diuinum fuisse incarnandum. Et in eodem Sermone solum affirmat Angelum appetiisse, præesse hominibus tamquam Magistrum, & propterea dixisse *Vt quid, &c.* Ad id quod adducunt alij in confirmationem ex eodem S. Bernardo serm. 1. de Aduentu. Respondeo: neque ibi aliquid tale docuisse Mellissimum Doctorem; sed solum docuisse; Angelos, & primos homines peccasse appetitu superbo equalitatis Sapientiæ, & Scientiæ Dei; quæ cum attribuitur Filio Dei, introducit ibi illum dicentem; *Si propter me orta est tempestas, projicite me in mare*; idest mortalitatis, & passionum, quas assumpsit. Similiter ad Auctoritatē. Ruperti respondeo: ibi

solum docere, quod Diabolus peccauerit peccato odij contra Christū, statim ac nouit Mysterium Sacrosancti Incarnationis, & propterea illi ex tunc Passionem, & mortem molitum fuisse. Et propterea ex tunc homicidam ab initio appellatum fuisse.

Dices 3. Lucifer appetijt aliquā aliam excellentiam maiorem illis, quas habebat, vel in re, vel in spe, vt indicant Scripturæ S. textus supra adducti; sed hæc non potuit esse alia quam vnio hypostatica; ergo hanc de facto inordinatè appetiuit. Maior non habet difficultatem, & ferè ab omniabus conceditur. Minor probatur, quia si quæ alia fuisset, hæc aut beatitudo naturalis; aut supernaturalis; aut prælatio aliqua fuisset; (nam acquisitam in natura cum Deo, nec appetijse, nec appetere potuisse infra ostendam,) sed non fuit vlla ex istis; nam Lucifer iam præerat alijs, beatitudinem verò naturalem iam habebat in re, supernaturalem verò habebat in spe; sciebat enim, quod eam de facto cōsequutus fuisset, si in gratia permansisset. ergo non potuit esse vlla alia perfectio illa, quam appetijt, nisi vnio hypostatica. R. negando minorem. Ad probationem respondendo, non habuisse, nec dominationē siue prælationem; nec beatitudinem supernaturalem, nec naturalem eo modo, quo ipse appetebat, idest independentem, & sine subiectione, ad

ipsum Deum, vt supra explicatum est; nec est beatitudo perfecta, siue naturalis, siue supernaturalis, nisi sit perpetua, & qui eam possidet, de hac perpetuitate sit certus, vt supra ex S.P. ostendi.

Dices 4. verba illa Iſaiæ. cap. 14. v. 13. *In Cælum conscendam, &c.* nō possunt intelligi de Cælo materiali; nam Angelus iam erat in eo; ergo sunt accipienda de ascensu ad Cælū intellectualem; idest ad aliquod esse spirituale, quod ipse non haberet: hoc non erat esse Angelicum, iam enim erat Angelus, nec esse Diuinū per identitatem; sciebat enim, hoc esse impossibile. Ergo fuit esse Diuinū per unionem hypostaticam, quod saltem ex reuelatione sciebat esse possibile. R. ex communi interpretum consensu aliam esse prædicti textus explicationem; nā Glossa interlinealis sic interpretatur. *Cum subiecero mihi terram, quid restat nisi vt in Cælum conscendam.* Glossa vero ordinaria, sic: *In firmamento erat in Cælum conscendam ubi est Domini solum,* & Nicolaus de Lyra; idest. *super alios Angelos, sic enim voluit præesse alijs Angelis indebitè scilicet, vt sibi exhiberent honorem soli Deo debitum, & nulli subesse; non simpliciter; cum sciret, se non posse esse absque Dei mantententia, sed quantum ad regulam agendum.* Hæc ibi Lyranus cōformiter ad verum, & germanū sensum SS. PP. interpretum, & cōmu-

muniorē Sententiā Theologorum.

Dices 5. Io: c. 8. v. 44. habetur dictum Phariseis a Christo Domino: *Vos ex patre Diabolo estis, & desideria Patris vestri vultis perficere, ille homicida erat ab initio.* Ex antecedentibus contextus illius capitis constat Phariseos voluisse occidere Christum D. & consequenter ad hæc ipse Saluator dicit, quod perficere volebant desideria Luciferi, quæ habuit ab initio occidendi ipsum; ergo si à principio Lucifer desiderauit occisionem Christi, necesse est, hoc peccatum initiale ipsius Luciferi ortum habuisse ex reuelatione visionis hypostaticæ quam ille appetebat, & humanitati Christi inuidebat. Be. illum non esse sensum verum illius loci; sed illū, quem habet S. P. Tract. 42. in Ioannem ad prædicta verba sic: *Ille inuidit homini, & occidit hominem, Diabolus enim, cum inuideret homini serpente inditus, locutus est mulieri, & de muliere venenauit & xrum, &c.* Ergo ille homicida erat ab initio. *Videte genus homicidij fratres, Homicida dicitur Diabolus, non gladio armatus, non ferro accinctus: ad hominem venit, verbum malum seminavit, & cecidit.* Immo in lib. vndecimo de Ciuitate Dei cap. 13. expressè loquens de casu, & ruina Angelorum malorum, & adducens hunc textum refundit illam in peccatum Superbiæ: nolendi esse subdi-

tum creatori ait enim. *Fortè quis dicat id, quod Dominus ait de Diabolo in Euangelio, ille homicida erat ab initio, & in veritate non stetit: sic esse capiendum, ut non solum homicida fuerit ab initio humani generis: ex quo utique homo factus est, quem decipiendo posset occidere: verum etiam ab initio suæ conditionis in veritate non steterit; & ideo nunquam beatus cum Sanctis Angelis fuerit, suo recusans esse subditus creatori, & sua per superbiam velut prinata potestate elatus; ac per hoc falsus, & fallax.* Quem discursum in fine capitis, approbat, ut omnino diuersum à discursu Manichæorum. Similiter etiā in libro vndecimo de Genesi ad litt. cap. 16. ait. *Et homicida quidem ab illo initio, ex quo homo potuit occidi: non autem potuit occidere, antequam esset, qui occideretur: Ab initio ergo homicida Diabolus, quia ipse occidit hominem primum, ante quem nullus hominum fuit.* Hæc & similia habet Glossæ, & interpretes, tam Græci, quam Latini; ex quibus patet sensum verum, & proprium illius loci esse, valdè diuersum ab interpretatione Catherini, & aliorum Neoteritorum, qui eius sententiæ adhærent.

Dices vltimo: Ex Scripturis, & SS. PP. constat, Angelum peccasse ex inuidia contra genus humanum. Sed hæc non poterat versari circa perfectiones naturæ, vel gratiæ; in his enim

enim ille superabat homines; ergo necessario sequitur fuisse circa donū vnionis hypostaticę, quam humanitati Christi D. inuidebat. R. verā, & germanam interpretationē Scripturarum, quę docent Angelos malos peccasse ex inuidia, esse illam, quam assignat S.P. in Axiomate huius dubij his verbis. *Posteaquam superbus ille Angelus, ac per hoc inuidus, per eandem superbiam à Deo ad semetipsum cōuersus, & quodam quasi tyrannico fastu gaudens subditis: quā esse subditus eligens, de spirituali Paradiso cecidit, &c. male suada versutia in hominis sensum serpere affectūs, cui utique stanti, quoniam ipse ceciderat inuidebat colubrū in paradiso corporali elegit, &c.* Inuidia igitur contra genus humanum fuit post casum ipsius Luciferi: quia videbat; quod ipsi primi homines starent, cum ipse cecidisset, & hoc quoad quæstionem de facto satis, quoad possibilitatem enim non nego, quin potuerit Angelus peccare appetendo inordinatē ipsam vnionem hypostaticam; dixi inordinatē: arbitror enim potuisse etiam appeti ordinatē, & sine peccato; idēst cum subiectione ad Diuinum beneplacitum, & affectu ac desiderio maioris coniunctionis cum ipso Deo; appetitur verò inordinatē, si appetatur ex motiuo dominādi, & tyrannico fastu gaudendi subditis, vt supraddictum est.

Dico 5. Angelum non appetiuiſ-

ſe appetitu absoluto, & efficaci, immò nec potuisse sic appetere equalitatem Dei in essentia, siue in natura: hanc assertionem probat S. Thomas art. 3. qu. 63. Quia nemo appetit id, quod scit esse impossibile; sed Angelus optimè nouerat, hoc esse impossibile; ergo nec appetiuit, nec potuit hoc appetere. Confirmatur ex Aristotile lib. 3. Ethic. vbi docet *Electiōnem non esse impossibilem*, cuius axiomatis ratio est, quia electio est voluntas efficax; quę tendit ad rei consecutionem; nullus autem voluntate absoluta, & efficaci nititur in id, quod iudicat, aut scit, esse impossibile; cum quo tamen stat, quod si detur iudicium erroneum, quod aliquid reuera impossibile alicui, sit sibi possibile; non nego; quin tunc possit aliquis tendere etiam per electiōnem in id, quod est impossibile, & sic libenter do, quod si Angelus habuisset iudicium erroneum de hoc, potuisset illam absolutē, & efficaciter appetere.

Dices: ex Scripturis Sacris habemus, eum reuera Deum se existimasse, & vt talem se manifestasse; ergo reuera hoc voluit, & appetiuit: probatur antecedens: nam Ezech. cap. 28. v. 2. ex probatur Diabolo hoc illis verbis: *Dixisti in corde tuo: Deus ego sum*. Sic etiam Isaia c. 14. v. 14. refertur dictum ab illo, *Similis ero Altissimo*; & ex nomine S. Michaelis Arcangeli desumptum ex actu quo

quo se illi opposuit; quod interpretatur. *Quis ut Deus*, manifestū est, Luciferum in hoc errasse. & communiter, ex istis locis solum haberi, quod voluerit esse similis Deo; non verò quod appetierit identitatem, vel æqualitatem in natura; cū enim esset plenus scientia, optimè nouerat: hoc esse impossibile, ut ex ipsis Sacris litteris patet; propterea in his textibus exprimitur similitudo, non verò identitas, aut æqualitas vera propria, & rigorosa; ly enim *sicut*, & *similis* solum similitudinem indicant, quæ rectè stat sine æqualitate. Locus ille Ezechielis dictus est primò in persona regis Tyri, sub quo tamen figurabatur Lucifer. Et propterea Glossa ordinaria in expositione illius textus affert etiam supradictam Auctoritatem Isaia, *Similis ero Altissimo*: ita ut sensus sit, solum de similitudine esse ibi sermonem: & apertius Nicolaus de Lyra ibi ait *dixisti, Deus ego sum; id est potens in terra, sicut Deus in Cælo, & est hyperbole, sicut communiter dicitur de aliquo multum potente in aliqua patria, vel Ciuitate: Talis est Deus talis Ciuitatis, vel patria; vel fortè quia Rex Tyri ex nimia elatione faciebat sibi exhibere honores diuinos, sicut Ioas. Nabuchodonosor, & Caius Imperator.* Ex quibus apparet, non rectè inferri ex eo, T quod ibi sit Luciferi sermo de appetentia absoluta Deitatis per æqualitatem propriam.

Dico 2. probabile esse, quod potuerit appetere æqualitatem prædictam affectu simplici, & inefficaci non tendente in rei consecutionem; sedistente in quadam simplici complacentia libera, & hanc dicunt aliqui fuisse mentem Scoti in secundo dist. 6. qu. 1. ubi videtur dissentire à S. Thoma circa huiusmodi appetitū; sed si hæc fuit eius intentio re vera non dissentit. Probarur hæc assertio primo ex Aristotele loco supradictato: ubi docet Electionem quidē non posse esse; bene tamen voluntatem impossibilem. Prob. 2. communiter quia etiam Dammati voluntate condicionata, & inefficaci appetunt Deū non esse; quod tamē non est minus impossibile quam sit Angelum esse Deum per essentiam: Ergo etiam Angeli potuerunt modo dicto appetere hoc impossibile.

Dices primo: damnati hoc appetūt nō propter se; sed propter aliud, id est ut euadūt punitionem. At hoc non habet locum in Angelis anrequam punirentur, in quibus non apparet vllum motiū, quo potuissent ipsi velle Diuinitatem per essentiam, & sufficiens motiū potuisse esse, quod vellent esse in maiori honore, & gloria, quam esset illa, quam habebant; & quæ proueniret ex tali æqualitate, ac proinde sibi in illa inordinate complacere.

Dices secundo: in simplici complacentia non est nec meritum, nec demeri-

meritum. Ergo Angelus non potuit hoc modo peccare. R. negando antecedens; nam in complacentia libera existentis in gratia, & victoris de perfectionibus Diuinis, gloria Dei, & in displacencia qua homo nollit se peccasse, postquam peccauit, licet sit voluntas conditionata, inuenitur ratio meriti, & similiter in libera, & simplici complacencia, qua voluntas delectatur de obiecto malo, vel qua desideraret Deum, non esse solum ex prauo affectu, inuenitur ratio demeriti.

Dices 3. Nullus potest appetere sui destructionem, nec etiam affectu simplicis complacencia, nisi ex errore prauo existente in intellectu. Sed si Angelus appetiuiisset simplici affectu Diuinitatem modo dicto appetiuiisset sui destructionem; cum tamen de hoc non haberet errorem in intellectu; ergo nullo modo potuit appetere Diuinitatem; Maior communiter admittitur. Minor probatur quoad primam partem, quia non poterat esse æqualis Deo in Deitate, nisi desisset esse Angelus; [non enim est hic sermo de vnione hypostatice, sed de identitate cum Diuina natura.] Ergo si appetiuiisset Diuinitatem modo dicto, appetiuiisset sui destructionem. Probatur etiam quoad secundam partem; quia Angelus clarè, & distinctè nouerat seipsum, & consequenter se esse creaturam, & ens essentialiter dependens,

ac proinde se non posse transire ad esse Dei, de cuius essentiali conceptu est esse ens omnino independens, nisi prius desineret esse ens essentialiter dependens. Ergo non haberet errorem in intellectu, qui requiritur ad hoc, vt posset appetere simplici affectu, seu complacencia hoc complexum impossibile, quod est, incipere esse Deum per essentialitatem. R. quod cum Angelus non cognosceret tunc Deum sicuti est, poterat optimè se apprehendere, ac si esset Deus; hoc est, ac si super se non haberet Deum; Ex quo non sequitur eum, appetendo Diuinitatem modo explicato, appetiuisse sui non esse; nam licet esse Deum essentialiter, importet necessariò, & essentialiter non esse creaturam, poterat nihilominus Angelus vnum sine altero voluntati proponere; id est bonum Diuinitatis, non proponendo malum, quod est in non esse sui ipsius, & hoc absque iudicio affirmante, vel negante; Sicut apprehendit præse alijs omnibus independentem à Deo, esse sibi bonum, ac proinde appetendum, pro vt de facto appetiit, vt supra dictum est; non apprehendendo, vel iudicando de malis, & pænis inde secuturis.

Dices 4: hæc simplex, & inefficax complacencia non est actus delibatus. Ergo non sufficit ad peccatum mortale. R. distinguendo antecedens, non est actus delibera-

tus, idest liber procedens à voluntate potente operari, & non operari, nego antecedens; & hæc sufficit ad peccatum si adsit præceptum vel naturale, vel positivum. Non est actus deliberatus procedens à voluntate eligente, ad quem præcesserit con-

sultatio, concedo antecedens; sed hoc licet sufficiat ad peccandum, non tamen necessarium requiritur; quia sine hoc complacentia simplex potest esse actus liber, & ad peccatum sufficiens.

AXIOMA SEPTIMUM.

Casus Angelorum deserentium Deum.

Ex Enchiridione cap. 28. & 29.

Angelis aliquibus impia superbia deserentibus Deum, & in huius aeris imam caliginem de superna cælesti habitatione deiectis: residuus numerus Angelorum in aeterna cum Deo beatitudine, & sanctitate permansit, neque enim ex uno Angelo lapso, atque damnato, ceteri propagati sunt, ut eos sicut homines originale malum obnoxia successionis vinculis obligaret, atque universos traheret ad debitas penas: sed eo, qui Diabolus factus est cum socijs impietatis elato, & ipsa cum eis elatione prostrato, ceteri pia obedientia Domino cohererunt, &c. Placuit itaque universitatis creatori, atque moderatori, ut quoniam non tota multitudo Angelorum Deum deserendo perierat, ea qua perierat, in perpetua perditione remaneret.

D V B I V M

Vtrum omnes Angeli, qui peccauerunt fuerint damnati, & quomodo.

Constans est omnium Theologorum assertio. Omnes Angelos, qui semel peccauerunt fuisse

damnatos. Et prob. 1. Ex epist. 2. S. Petri cap. 2. ubi habetur *Deus Angelis peccantibus non pepercit.* Et confirm-

firmatur ex cap. 12. Apocalyp. v. 8. ubi de Angelis peccantibus dicitur. *Neque locus inuentus est eorum amplius in Celo.* Hæc enim loca cum habeant vim propositionum vniuersalium negatiuarum satis apertè ostendunt nullum eorum veram penitentiam egisse. Si enim egissent veram penitentiam nõ fuissent damnati. Hoc idem docent communiter Patres: & hoc non obscurè indicat S. P. hic in Axiomate, cum indiscriminatim dicat. *Angelis impii superbia deferentibus Deum, & in huius aeris inuam caliginem de superna Celesti habitatione deiectis.*

Difficultas nunc est in assignanda firma ratione prædictæ impenitentiae Angelorum malorum; quæ ex eo oritur; quod vel penitentia erat possibilis, vel impossibilis illis. Si enim possibilis fuit, vnde constat aliquos non penituisse, & in gratiam reuocatos fuisse. Si enim dicatur hoc haberi ex prædictis scripturis: responderi potest in illis esse Sermone solum de Angelis omnibus peccantibus, & non penitentibus. Si dicatur quod fuit impossibilis, huius impossibilitatis ratio assignari debet: Et hic labor est, in quo primò reiiciendus est error Origenis, docentis Deones esse purgandos; quæ refert S. P. Augustin⁹ lib. de hæresibus, & refutat hæresin 43. his verbis. *Quis enim Catholicus Christianus, vel doctus, vel indoctus, non vehe-*

menter exhorreat, eam, quam dicis purgationem malorum, idest etiam eos, qui hanc vitam in impietate finierint, ipsum etiam Diabolum, atque Angelos eius post longissima tempora purgatos, atque illuminatos Regno Dei restitui, &c. Qui error in sexta Synodo in Epistola Sophronij, quæ fuit recitata actione secunda, & approbata actione 13. specialiter damnatus est iste Origenis error, & meritò, nam oppositum eius cõtrahitur in Euang. S. Matthæi cap. 25. in epist. S. Iudæ Apostoli, in Apocalypsi S. Ioan: cap. 20. in Symbolo S. Athanasij, & in Concilio Later. cap. firmiter. Quibus in locis habetur pænas damnatorum futuras Eternas. Et hic est sensus vniuersalis SS. PP. & omnium Christi fidelium. Quo errore excluso, quem Valentia dicit Origenem in Periarchon cap. 6. non asseueranter docuisse; sed cum timore, & tremore proposuisse datis eius verbis.

Thomistæ communiter docent cum Angelico Doctore 1. par. qu. 64. art. 2. Angelos semel peccantes natura sua esse inflexibiles, eo quod immobiliter adherent ei, quod semel elegerunt, ac proinde eos non posse mutare electionem semel factam, & ex hac inflexibilitate oriri impossibilitatem in eis post peccatum agendi penitentiam.

E contra S. Bonaventura in secundo dist. 7. par. 1. art. 1. qu. 1. Scotus ibid.

ibid. quæst. vnica. Durandus eijā ibi qu. 2. num. 11. & Marsilius qu. 5. art. 3. & alij plures, cum antiqui, tū recentiores docent voluntatem Angelī naturā suā esse flexibilem : ac proinde aliunde esse petendam rationem impænitentiae Dæmonum : Et hoc est magis conforme doctrinæ S. P. N. Augustini, & S. Fulgentij Ruspensis Episcopi, & eius discipuli, vt habetur in libro de Fide ad Petrum, qui sub nomine vtriusque circumfertur cap. 23. vbi expressè habetur. *Hoc ipsum quod Angeli ab illo statu beatitudinis mutari in deterius nullatenus possunt, non est eis naturaliter insitum, sed postquam creati sunt gratia Diuina largitate collatum. Si enim Angeli naturaliter incommutabiles fierent, numquam de eorum consortio Diabolus, & eius Angeli cecidissent.* Hoc ipsum etiam manifestè habetur in capite tertio eiusdē libri. Propterea

Dico 1. totam causam impenitentiae Diaboli desumendam esse ex denegatione diuini auxilij. Quod probatur, quia Angeli mali sine speciali auxilio gratiae, non potuerunt agere verā pænitentiam de peccato semel commissio. Et Deus huiusmodi auxilium illis omnibus peccantibus iussè denegauit, vt ex Scripturis, & PP. habetur, & patet ex effectu. Ergo ex hoc capite sufficiens ratio impenitentiae habetur.

Dices 1. cum Thomistis intelleximus Angelū apprehendere immobili-

ter vnum oppositorum. Ergo, & voluntas Angelica adhæret vni oppositorum fixè, & immobiliter postquam illud elegerit. Antecedens probatur, quia Angeli apprehendūt sine discursu eo modo, quo nos apprehendimus prima principia; quæ propterea à nobis apprehenduntur fixè, & immobiliter. Consequentia probatur, quia voluntas est proportionata intellectui, tamquā mobile suo motori. R. quidquid sit de iudicio speculatiuo; non tamen dictamine practico, quo intellectus mouet voluntatem habere Angelū, vt apprehendat immobiliter. Potest enim, & ipse practice quodlibet oppositorum sub ratione aliqua boni saltem apparentis, vel delectabilis, ac proinde sine errore speculatiuo proponere voluntati oppositum eius, quod idem intellectus iudicio speculatiuo iam apprehēderat vt verum. Est tamen probabilissimum, quod longe difficilius Angelus, quā homo dimoueatur ab eo, quod sibi semel proposuit. Cum enim sit perfectiori intellectu, & voluntate præditus; sic etiam eligit firmiori quodam conatu.

Dices 2. Si Angelī natura suā essent flexibiles Deus pro sua misericordia aliquem illorum adiuuisset ad salutarem pænitentiam suscipiendam; hoc enim videtur verosimilius, & Diuinæ misericordiae con-

formas: cum hoc p. æteter quotidie cum hominibus non semel tantum, sed plusquā septuagies septies enormissima scelera iterantibus. Sed nullum unquam adiuvit; ut constet ex prædictis, & testatur etiam Divus Petrus in secunda Epiitola cap. 2. sic Deus Angelis suis peccantibus non pepercit. Ergo dicendum est eos natura sua post electionem esse inflexibiles. R. esse plures rationes, quas adducat SS. PP. propter quas Deus voluit negare gratiam Angelis ad pænitentiam salutarem, esto illorum arbitrium natura sua sit flexibile, & eam concesserit hominibus. Prima est quia homo peccavit ex imbecillitate, seu fragilitate, Angelus verò ex malitia. Secunda, quia homo peccavit alio suadente, & decipiente, Angelus sua sponte. Tertia, quia peccante vno homine peccasse tota natura humana;

Dico 2. non esse certum, an Angeli statim, ac immediatè post primum peccatum fuerint damnati; licet enim communiter habeatur pro certo, quod omnes in eodem instanti simul peccaverint; non tamè propterea possumus asserere in eodem quoque momento fuisse pæna affectos simul cum peccato; nam licet posset assignari, quod in priori naturæ peccaverint, & in posteriori fuerint puniti intra idem instans durationis, seu temporis; nihilominus hoc à nullo adhuc ex Theologis,

quos vidi assertum inueni. Cum enim peccatum fuerit commissum in via: & primum instans pænæ fuerit initium termini necessariò videtur debere assignari diuersam durationē vni, ac alteri; neq; enim via, & terminus debent, aut possunt in eodem momento durationis implicari. Si quæras quantum distauerit primum instans inflictionis pænæ à primo instanti creationis, vel ab instanti lapsus, loquendo de duratione extrinseca, nihil certi possumus assignare, loquendo verò de intrinseca, ea ratione qua supra dixi, instantia Angelica desumi ab eorum operationibus ad minus tria instantia sunt assignanda. Primum est creationis, in quo omnes omnino Angeli creati fuerunt in gratia, iuxta proloquiū S. P. Deus erat in eis condens naturam, & largiens gratiam. Secundum, in quo mali per actum superbiæ se auerterunt à summo bono; quem consecutos fuisse alios actus aliorum peccatorum probabile est, sed ab his ordinariè non desumi: ut diuersas instantia, cum supponatur simul cum illis durasse actum illū superbiæ, qui fuit radix aliorū peccatorum; Et propterea ab eo solū, & principaliter accipitur denominatio diuersi instantis à primo. Tertium fuit, in quo incepit eorum pæna, & non solum ignis, & cruciatus, postquam deieci suere, sed etiam damni; nam licet omnes

An-

Angeli in toto spatio viæ non videntur clarè Diuinam Essentiam; non tamen hæc carentia in Angelis malis habuit rationem pænæ; nisi quando ex decreto Dei habuit rationem priuationis, & priuationis æternæ; nam antea habebat solum rationem simplicis carentiæ: non enim adhuc debita erat visio beata, nec etiam bonis; Et sicut in Angelis Sanctis collatio visionis beatificæ in primo instanti, fuit debita eorum merito, & habuit rationem præmij, & primi esse termini eorum; ita carentia illius non potuit habere rationem pænæ, nisi quando incipit esse priuatio æterna à Deo decreta, & ab eis contracta pro debito supplicio suæ Apostasiæ. Propterea communiter censetur simul simultate coexistentiæ cæpisse terminum viæ Angelorum Sanctorum, & terminum viæ Dæmonum.

Dico 3. Angelis non fuisse concessum spatium, vel locum pænitentiae, sed statim, ac deliquerunt fuisse irremissibiliter deputatos damnationi, & pænæ æternæ. Hæc assertio est communis in Scholis, & ex principijs S. Thomæ sequitur per necessariam consequentiam; nam eo ipso quod ponuntur natura sua post liberam electionem inflexibiles omnino, necessariò sequitur, quod frustra eis concederetur locus, vel spatium pænitendi. In nostra verò sententia, qui ponimus eos naturæ sua

flexibiles, habet aliquam difficultatem. Immo non desuere Scholastici primarij, ac interpretes S. Scripturæ, qui oppositum docuerunt. Inter quos sunt Scotus in secundo dist. 6, quæst. 2. S. *Ad argumenta principalia*, v: *ad quartum*. Gabr. ibid. art. 1. concl. 2. ubi docent Angelos post primum peccatum intra spatiū viæ potuisse resipiscere; quod si fecissent inuenturi erant veniam, & misericordiam, & consequenter negant Angelum statim post primum peccatum fuisse irremissibiliter adiudicatum, & addictum pænæ. Hoc defendit etiam Salmer. in suis Commentarijs super Epistolam secundā S. Petri cap. 2. disp. 3. Dubio 3. His tamen non obstantibus, non est recedendum à communiori sententia supra posita. Quæ communiter probatur, ex illo D. Petri epist. 2. cap. 2. *Deus peccantibus Angelis non peperit*, cuius textus sensus est Deus non reliquit eis locum remissionis, & veniæ; conantur aliqui infirmare vim huius Scripturæ, dicēdo quod Apostolus ibi subiungit. *Et originali Mundo non peperit diluuium inducens*. Cum tamen constet Deum concessisse hominibus pænitentiam, Sed facile respondetur hic loqui Apostolum de pæna temporali Mundi; idest hominum, qui erāt in Mundo; ibi verò loquitur de æterna; unde potius erat inferendum oppositum; idest quod sicut Deus non pe-

per.

percit hominibus peccantibus, & non penitentibus penam temporalem comminatum diluuij; quia non respuerunt; ita nec etiam pepercit Angelis peccantibus penam aeternam, sic se explicat ibi Apostolus ipse, cum enim dixisset *Angelis peccantibus non pepercit*, statim subdit, *sed videntibus Inferni detractos in tartarum tradidit cruciandos*, &c. post illud verò de diluuiio adducit etiam in exemplum Ciuitates Sodomorum, de quibus dicit, & *Ciuitates Sodomorum, & Gemmarum in cinerem redigens euersione damnauit*. Vbi ulterius aduerto, quod hic Scriptura meminit de Noë custodito à diluuiio, & Loth de incendio liberato: ex quibus infert, *Nonit Dominus pios de tentatione eripere*. Cū tamen nullam faciat mentionem de Angelorum malorum penitentia, vel actuali, vel possibili. Prob. 2. ex communi consensu PP. nam S.P. hic in Axiomate, & in lib. vndecimo, duodecimo, & 22. de Ciuitate Dei; & alibi indifferenter ponit Angelos per superbiam elatos, & deferentes Deum deiectos fuisse: Idem habetur expressius in libro de mirabilibus Sacrae Scripturae, qui circumfertur inter opera S.P. in appendice tamen lib. 1. cap. 2. est celebre ad hoc intentum Axioma illud Sancti Ioannis Damasceni lib. 2. cap. 4. *Hoc fuit Angelis casus, quod hominibus mors*. Idem docent S. Gregorius

Magnus lib. 2. Moralium cap. 3. & lib. 4. cap. 9. & 10. S. Iuannes Chrysostomus homil. de Adam, & Eva. S. Isidorus lib. 1. de Summo Bono cap. 12. & in lib. Sentent. Sent. vndecima. S. Anselmus lib. 2. *Cur Deus homo*, cap. 21. & S. Gregorius Nyssenus lib. 1. de Philosoph. cap. 3. Probatur tertio ratione à posteriori, [nam à priori nullam aliam possumus certam assignare præter diuinā voluntatem, & Prouidentiam sic disponentem;] quia de facto non conceditur remissio peccatorum, nisi per merita Christi Domini; Sed Christus non fuit Redemptor Angelorum, sed hominum solum, ut est indubitatum in doctrina S. P. N. & S. Thomæ. Ergo non poterant Angeli consequi remissionem peccati; sed statim ac peccarunt, fuerunt sine remissione addicti damnationi aeternæ. Prob. ultimo, quia alias posset quis dicere inter Angelos Beatos dari de facto aliquos, qui peccauerunt, & postea per penitentiam veniam obtinuerunt, quod tamen ad minus esset temerarium asserere.

Dices post primum peccatum, antequam infligeretur eis pœna; & durante pralio inter S. Michaelem, Archangelum, & Draconem potuerunt addere, & communior sententia est quod de facto addiderint alia peccata. Ergo potuerunt etiam resipiscere à primo peccato, & agere pœ-

pœnitentiam. Probatur consequentia, quia si non potuissent resurgere à peccato; nec etiam peccassent addendo novos actus malos primo peccato. Ideo enim dicitur epi non potuisse resurgere à peccato; quia non fuit eis datum auxilium sufficiens ad hoc: sed nec etiam habuissent auxilium sufficiens ad vitanda sequentia peccata: Ergo de facto non peccassent per sequentes actus quantumvis malos, quos supponitur eos exercuisse antequam de superna cœlesti habitatione deicerentur. R. aliqui actus malos sequentes ad primum peccatum fuisse solum liberos in causa, hoc est in primo peccato; nam Angeli tunc præuidere, & cogitare debebant, se per illud peccatum contrahere necessitatem committendi deinceps alia peccata. Hoc tamen recentioribus nō placet, quia cum essent in via, vt supponitur, ad quemcumq; actum antecedentem ad principium termini debebant esse liberi: Et quia sequentia peccata imputarentur solum ratione eius primæ voluntatis in causa, quod eis durum videtur. Sed quidquid sit de hoc, de quo alibi. Responsio communior, & magis recepta est; quod etiam tunc peccare poterant magis, ac magis; & demereri, & maiorem pœnam sibi thesaurizare: Cū enim adhuc peccent in termino damna-

tionis, etiam tunc peccare poterant; & liberum erat eis non addere illa peccata; nam licet non habuerint auxilium sufficiens, quo possent conuerſi ad Deum, & agere pœnitentiam de primo peccato; habebant tamen, quatenus erat necessarium, vt possent non adijcere noua peccata. Sic soluit nodum Auerſa 1. par. quæst. 64. sect. 1.

Dices 2. videtur durum quod ex vna parte Angeli post aliquod meritum potuerint peccare; & posito primo peccato non potuerint resurgere, & ex alia ad acquirendam gloriā requisita fuerit perseuerantia interrupta. R. hoc non esse durum, sed iustissimè à Deo ordinari potuisse; vt patet in simili de primis parentibus, quibus vt conseruarentur immunes à morte, & in statu iustitiæ originalis imposuit Deus præceptum, quod toto tempore viæ debebant obseruare, post cuius primam transgressionem non fuit amplius reditus ad illum statum, nec ad immuniratem à morte. Quod verò nobis hominibus in hoc statu naturæ lapsæ concessum fuerit, vt post peccatum sumus in via, possimus ad Deum conuerſi, & veniam obtinere; Hoc est singulare beneficium, & priuilegium nobis concessum propter merita Christi Domini.

AXIOMA OCTAVVM.

*Diabolus, & Angeli eius ad ignem æternum, & alias
perpetuas pœnas sunt destinati.*

Ex enarratione in Psal. 54.

Diabolus, & Angeli eius in Scripturis Sanctis manifestati sunt nobis, quod ad ignem æternum sint destinati. Ipsorum tantum desperanda est correctio, contra quos habemus occultam luctam.

D V B I V M

Quasnam pœnas incurrerint Angeli mali
propter peccata.

Pœnas Dæmonum singillatim, ac per partes hic breuiter percurro distinctis assertionibus, ea solum attingens, quæ mihi magis ad mentem S. P. videntur, & initium fumo à pœna intellectus, &c.

Dico 1. Maximam, & omnium pœnarum primam, esse in Dæmonibus priuationem visionis beatificæ; sicut enim in uisione beata primariò, & formaliter saltem inadæquatè consistit beatitudo; sic eius priuatio est maxima, & prima omnium damnatorum pœna. De hac loquitur S. P. lib. undecimo de Ciuitate Dei cap. 13. ubi cum dixisset; *utroque coniun-*

cto effici beatitudinem, quam recto proposito intellectus natura desiderat. Hoc est ut incommutabili bono, quod est Deus sine ulla molestia perfruatur, & in eo se in æternum esse manjurum, nec ulla dubitatione cunctetur, nec ullo errore fallatur: subiunxit. Hanc habere Angelos lucis pia fide credimus; hanc nec antequam caderet habuisse Angelos peccatores, qui sua prauitate illa luce priuati sunt, consequenter ratione colligimus. Hanc pœnam consequitur in intellectu Dæmonum, sicut, & aliorum damnatorum continua cogitatio de suis damnis, & malis, quæ ob peccatum patiuntur.

riuntur, & de bonis, quæ amiserunt: & ob maiorem suum cruciatum non possunt à tali cogitatione mentem auertere; à qua provenit tristitia, de qua infra.

Dico 2. Angelos malos fuisse, spoliatos quarumcumque notitia entitatiuè supernaturali, tam actuali, quam habituali, quod probatur ex Apost. ad Heb. 11. ubi de Fide supernaturali dicitur, quod sit *substantia verum sperandarum, argumentum non apparentium*. Quapropter cum beatitudinem sperare non possint, non est cur eis detur, aut conseruetur fides supernaturalis, est enim par ratio de illis, ac de cæteris damnatis in quibus communi consensu docent Theologi non conseruari huiusmodi actus, vel habitus supernaturales. Et hoc est verum non solum de illa cognitione supernaturali practica, & affectiua, quæ est causa efficax amoris Dei, & pertinet ad donum Sapientiæ, de qua S. Io: in prima epistola c. 4. dicit. *Qui non diligit non nouit Deum*, & S. P. Augustinus epist. 112. docet solos Mundos corde videre Deum etiam in hac vita cognitione illa, quæ habetur per donum Sapientiæ. Hanc enim omnino ablatam esse à Dæmonibus nullum est dubium cum exciderint à charitate, nec possint eam amplius recuperare. Sed verificatur etiam de quacumque cognitione speculatiua entitatiuè supernaturali; nam sicut non habent

spem supernaturalem, ita nec etiam fidem infusam, sine qua huiusmodi cognitiones non habentur.

Dices 1. S. Iacobum Apostolum in sua epist. canon. cap. 2. Fidem hominum peccatorum comparare cum fide Dæmonum, qua credunt, & contremiscunt. Sed in peccatoribus fidelibus dantur, & habitus, & actus fidei entitatiuè supernaturales. Ergo etiam in Dæmonibus, & similitudines non tenere in omnibus, ac proinde inualuisse Axioma eas non currere quattuor pedibus. Quapropter similitudo ista Apostoli tenet solum in eo, quod utraque fides iisdem veritatibus assentitur; & quod neutra sufficit ad salutem. Fides enim sine operibus mortua est. Sed non stat comparatio in eo, quod sicut Fides Christianorum existentium in peccato mortali est donum supernaturale, & habitus infusus, ita etiam sit fides Dæmonum.

Dices 2. S. Thomas, Q 64. docet cognitionem gratuitam speculatiuam, fuisse solum diminutam; & quod de Diuinis secretis reueletur eis quantum oportet; in cuius rei confirmationem adducit Auctoritatem S. P. Augustini lib. 9. de Ciuitate Dei cap. 21. circa medium. & non propterea Angelicum Doctorem concedere illis noticiam, quæ sit in se entitatiuè, & formaliter supernaturalis; sed solum noticiam, quæ sit ad instar fidei humanæ, quod apertè indicat

Auctoritas illa S. P. qui in loco citato; ac etiam in libro secundo de Genesi ad litteram cap. 17. docet hanc notitiam à Dæmonibus haberi, vel per reminiscentiâ eorum, quæ prius dum erant in via, illis reuelata fuere; vel per nouam acquisitionem ex effectibus Dei, vel ex reuelatione Diuina notificata ipsis Dæmonibus ministerio Angelorum Sanctorum iuxta Diuinæ Prouidentie dispositionem: audiamus ipsum S. P. qui in primo loco cit. ait. *Ipsi autem Dæmones etiam hoc ita sciunt, ut eisdem, Domino infirmitatis carne induto dixerint. Quid nobis, & tibi Iesu Nazarene, &c. Tantum verò eis innotuit quantum voluit: Tantum autem voluit, quantum opportuit. Sed sic innotuit, non sicut Angelis Sanctis, quibus eius secundum, quod verbum est participata aternitate perfruuntur, sed sicut eis terrendis innotescendum fuit, &c. Innotuit ergo Dæmonibus non per id quod est vita eterna, & lumen incommutabile, quod illuminat pios; cui videndo per Fidem, quæ in illo est, corda mundantur: sed per quadam temporalia sua virtutis effecta, & occultissima signa præsentia, quæ Angelicis sensibus etiam malignorum spirituum, potius quam infirmitati hominum possent esse conspicua: Denique quando ea pantulum suppressenda iudicauit, & aliquanto altius latuit, dubitauit de illo Dæmonum princeps, eamque tentauit, an Christus esset. Similia ha-*

bet etiam in secundo loco citato, ex lib. 2. de Gen. ad litt. ex quibus patet huiusmodi cognitiones esse quidem de obiectis supernaturalibus, puta de mysterio Incarnationis, de quo præcipuè loquitur hic S. P. ipsas tamen non esse in se formaliter supernaturales; nec supponentes in eis habitus supernaturales, vt clarè hic se explicat S. P. vbi etiam aduertendum est cum S. Tho: loco cit. Dæmones in pænam sui peccati carere plurimarum rerum notitiâ, quâ habent S. Angeli, & quam etiam ipsi habuissent, si perstitissent in gratia; quod non obicurè indicat hic, & alibi S. P.

Dico 3. Dæmones non fuisse spoliatos cognitione naturali, quam iuxta suam naturalem virtutem intellectuam exigunt habere. Prob. communiter Auctoritate D. Dionysij in lib. de Diuinis nominibus cap. 4. vbi ait *Dæmones non omnino exortes boni sunt. Quia, & sunt, & viuunt, & intelligunt, estque in eis quidam desiderij motus.* Ex eodem cap. adducit communiter vulgarū illud Axioma. *Naturalia in Dæmonibus integra permanserunt, quod 1. par. Qu. 64. art. 1. S. Thomas sic proponit. Data sunt Dæmonibus aliqua dona, quæ nequaquam mutata esse dicimus: sed sunt integra, & splendidissima: inter ista autem naturalia dona, est cognitio veritatis.* Ex quo principio inferret S. Doctor in Dæmonibus cognitionē

naturalem, nec esse ablatam, neque diminutam; eo quod consequatur ipsam naturam Angeli, qui secundum suam naturam est quidam intellectus, vel mens; & idcirco propter simplicitatē suā substantię à natura ei⁹ aliquid subtrahi nō potest, ut sic per subtractionē naturalium puniatur, sicut homo punitur p subtractionē manus, aut pedis, aut alicuius huiusmodi. Hęc tamen S. Tho: doctrina nō sic est intelligēda, quasi Deus nō potuerit spoliare Dēmones omni actu cognitionis naturalis; nam licet Angeli sint simplices quoad substantiam; nihilominus actus isti sunt verē distincti ab ipsorum substantia, quæ sine illis rectē conservari potest. Habet etiam apud me specialem difficultatem attentis principiis Doctrinæ Thomisticæ, quod & in Angelis, & in anima rationali potentæ spirituales, puta intellectus, & voluntatis, distinguantur realiter ab eorum substantia distinctione reali, nam ea posita; non video quomodo Deus de potentia absoluta, non potuisset priuare Angelum potentia intellectiua remanente integra illius substantia; sicut aufertur pes, vel manus ab homine remanente integra substantia animæ ipsius. Propterea censeo doctrinā illam Angelici Doctoris esse intelligendam de inclinatione radicali ad cognoscendum, quæ est ipsamet substantia Angeli, quæ propterea tolli ab eo nō potest,

quia est identificata cum illo qui est substantia simplex, ac proinde nō diuisibilis in partes, ut est corp⁹ humanū

Dico 4. Pœnam Dæmonum ex parte voluntatis fuisse obnationē in malo, quam pulchrē explicat S. P. lib. 14. de Ciuitate Dei cap. 27. sic *Peccatores; & Angeli, & homines nihil agunt, quo impediuntur magna opera Domini exquisita in omnes voluntates eius; quoniam qui providenter, atque omnipotenter sua cuique distribuit, non solum bonis, verum etiam malis benē uti nouit, ac per hoc propter meritum prima mala voluntatis, ita damnato, atque obdurato Angelo malo, ut iam bonam voluntatem ulterius non haberet, benē utens Deus, cur non permitteres, ut ab illo primus homo, qui rectus, hoc est bonæ voluntatis creatus fuerat tentaretur?* &c. Ex hac S. P. doctrina non est dubium desumptam fuisse à S. Fulgentio eius discipulo illam celebrem sententiā, quæ hab. in lib. de Fide ad Petrum cap. 3. Dæmones, nec mala vmquam posse carere voluntate, nec pœna. Prob. hęc assertio à S. Thoma loco citato art. 2. ex illo Psal. 73. *Superbia corū, qui te oderunt ascendit semper.* Huius obnationis causam docēt Thomistæ esse inflexibilitatem liberi arbitrij Dæmonum supra explicatam. Verum cum ex vna parte ipsi Angeli mali peccando ostenderint suam voluntatem esse flexibilem à bono in malum; & ex alia partē homines

damnati sint, & ipsi quoad voluntatem in malo obstinati, quos tamen certum est non habere voluntatem ex natura sua inflexibilem, aliunde petenda est ratio. Propterea censeo eam esse peccatam partem ex eo, quod semper sunt in actuali odio Dei propter perpetuum cruciatum in quo versantur; ex quo fit ut omnia eorum opera sint pessima partim; ex eo quod Deus nolit illis dare auxilium gratiæ, quo conuertantur. Quod habet locum non solum in Angelis; sed etiam in hominibus damnatis, & probari potest ex natura ipsius obstinationis damnatorum, quæ consistit in his duobus. Primo ut non possint dolere de peccatis. Secundo in eo quod non possint bene operari.

Dico 4. præter has penas dari etiam in Dæmonibus dolorem continuum, qui à Theologis dicitur pæna sensus. Sicut carentia visionis beatificæ dicitur pæna damni. Cui enim peccando se auerterint à Summo bono, & conuerterint se ad creaturas; illi auersioni correspondet pæna damni, & huic conuersioni correspondet dolor iste, & pæna sensus, quæ infligitur à creatura; qui enim inordinate appetiuit res creatas dignus est, ut ab illis crucietur; sicut quia noluit frui summo bono dignus est, ut illius intuiui, & possessione perpetuè priuetur. Dolor iste, & cruciatus probatur ex varijs Scriptu-

ræ Sacræ locis, in quibus & Dæmones, & animæ hominum damnatorum dicuntur cruciari, & torqueri die, ac nocte in sæcula sæculorum; ut propterea S. P. lib. 21. de Ciuitate Dei cap. 10. docuerit spiritus incorporeos, licet miris, veris tamen modis cruciari ab illo igne corporeo.

Dices in Dæmonibus non est corpus, & consequenter nec etiam sensus. Ergo non potest eis infligi dolor iste, siue pæna sensus. R. cum S. Thoma qu. 64. artic. 3. Dolorem posse sumi dupliciter primo, ut est passio appetitus sensitui, & hoc modo non ponitur à nobis in Dæmonibus, quia carent parte sensitua; Secundo ut est simplex actus voluntatis renitentis ad ea, quæ sunt, quæ nollit esse, & ad ea, quæ non sunt, & vellet esse. Et hoc modo est in Dæmonibus, qui nollent esse in miseria, in qua sunt, & vellet habere felicitates, & bona, quæ non habent.

Dico 5. Dæmones torqueri ab igne corporeo esse communem SS. PP. & Theologorum Sententiã, conformem Sacris Scripturis; nam Matth. 25. hab. *Ite maledicti in ignem æternum, qui parati estis Diabolo, & Angelis eius.* Apocalyp. c. 20. *Diabolus missus est in stagnum ignis, & sulphuris.* Hunc ignem non esse Metaphoricè, & spiritualiter solum accipiendum; sed verè, & corporaliter pto certo habetur à DD. & in confirmationem præter scripturas præ-

prædictas affertur communiter Textus ille S. P. loco supra cit. *Dicamus, quamvis miris, veris tamen modis, spiritus incorporeos posse pena ignis corporalis affligi.*

De modo tamen quo cruciantur non levis est inter Scholasticos questio; nam Henricus Quodlib. 8. qu. 34. & cum eo alij ex Theologis antiquioribus dixerunt Dæmones, & animas separatas torqueri ab igne illo, eodem modo, quo anima nostra in corpore patitur, & cruciatur, dum corpus exurit. Sed hæc sententia communiter refellitur, si velit Dæmones pati ab igne corpoream vllā læsionem, aut dolorem sensibilem, qualem patimur nos in sensu tactus, & in appetitu sensitivo, cum istis omnino careant. Si verò intelligant hunc dolorem, & cruciatum esse tristitiam voluntatis, cum nō repugnet fieri à Deo, vt ea apprehensio, & tristitia, quæ causatur ab igne corporeo in nostro intellectu, & in nostra voluntate, causetur etiam in intellectu, & voluntate Dæmonum ab ipso igne, vt infra venio iustitiæ Dei; est satis probabilis, & habet patronos Scotum in Quarto dist. 50. qu. 1. art. 2. Zumel in pri. par. qu. 64. art. 4. qu. 3. & fauet S. Bonaventura in Quarto dist. 44. par. 2. art. 3. qu. 2.

Recentiores aliqui cum Pesantio pri. par. qu. 64. ad art. 4. disp. 5. Malonio in secundo dist. 6. disp. 20. sect. 2. & Suario lib. 8. de Angelis cap.

11. docent ignem corporeum inferni eleuari virtute Dei, vt instrumentum ad imprimendam Dæmonibus qualitatem doloriferam ipsis repugnantem; ex qua postea Dæmones tristentur. Hanc sententiam multo ante tempora horum DD. retulerat Durandus in Quarto dist. 44. qu. 11. art. 15.

S. Thomas in præcit. Qu. 64. art. 4. in resp. ad 3. & in lib. 4. contra Gentes, & alibi, & cum eo ferè omnes Thomistæ docent Dæmones cruciari ab illo igne per alligationem, hoc est alligatos detineri, & ex hoc affligi, atque tristari. Et hunc dicendi modum absolute tradiderunt etiā Scotus in Quarto dist. 44. qu. 2. S. *Ad Questionem dico.* S. Bonaventura loco supra citato, & Riccardus art. 2. qu. 3. eum etiam satis probabilem existimavit Durandus loco cit. à nu. 26. Si ponantur spiritus esse in loco secundum suam substantiam; difficile verò si ponantur esse solum per operationem res est incerta; probabilis est quilibet ex his modis; *Quid autem horum verum sit res ipsa expeditius indicabit, quando erit scientia tanta Sanctorum, vt eis cognoscendarum illarum penarum necessaria non sit experientia, sed ea, qua tunc erit plena, atque perfecta, ad hoc quoque sciendum sapientia sola sufficiat.* Nunc enim ex parte scimus, donec veniat quod perfectum est; dum tamen nullo modo illa corpora talia fu-

iura esse credamus, ut nullis ab igne afficiantur doloribus. Sic discurret S. P. incitato lib. 21. de Civitate Dei cap. 9. & postea cap. 10. fusè pertractat hanc quæstionem de spiritibus docens miris, tamen veris modis etiã spiritus incorporeos posse pana corporalis ignis affligi. Quam doctrinam, quia varijs eruditionibus exornat eruditissimus noster Leonardus Coquæus in præcitato loco, Et Codex est rarus, placet hic ipsius verba referre. Ait igitur. An ignis inferni sit corporeus, & eiusdem rationis cum nostro igne, disputans Theologi in 4. sentent. distinct. 50. videtur aliquando D. Augustinus dubitasse. Nam supra lib. 20. cap. 16. ita scripsit; Qui ignis eiusmodi sit, vel in qua parte Mundi futurus sit, hominem arbitror scire neminem, nisi cui id diuinus spiritus ostenderit. Damascenus extremis verbis lib. 4. scribit non esse materialem, qualis est apud nos, sed qualem Deus novit. D. Gregorius lib. 15. moral. cap. 17. corporeum ignem perpetuò indigere nutrimento, ignem verò inferni, quia incorporeus est, alimento non egere. Lactantius lib. 7. dicit ignem illum diversum esse ab hoc nostro. Est autē Theologorū communis opinio ignē illum esse corporeum. Frequēter enim meminit scriptura illius ignis, nec quicquam est, quod nos cogat, ut eum metaphorice exponamus. Et hic aperte docet D. Augustinus illum esse corporeum. Cum enim nihil ferè habeat

difficultatis, quo pacto corpora damnatorum, post resurrectionem ab igne corporeo patiantur, necesse est ut etiam demones, & anima priusquam iterum corporibus coniungantur eodem igne cruciantur. Si quidem ex verbis illis scriptura. Ite maledicti in ignē æternum, qui preparatus est Diabolo, & Angelus eius, aperte constat eund, esse ignem, quo cruciantur demones, & quo torquentur corpora damnatorum; Erit igitur ille ignis corporeus. Et D. Augustinus conatur dissolvere argumenta Philosophorum, quibus illi adducebantur, ut crederent non posse rem spiritualement pati ab igne corporeo. Ait enim Demones igni alligari quemadmodum anivia coniuncta est corpori, etsi discrimen in eo existat, quod anima corpori coniungatur, ut vitam illi det; demones verò igni alligantur, ut inde panam accipiant. D. Hieronymus epist. 59. ad Autum, & in Apologia contra Rufinum, propterea taxat Origenem, quod metaphoricè interpretaretur ignem inferni, conscientiam videlicet peccatorum, & penitudinem interna cordis vreniē, & in cap. 66. Isaia interpretatur stridorem dentium propriè accipiendum, multo igitur magis existimamus ignem propriè accipi debere. D. Gregorius lib. 4. dialog. cap. 29. aperte docet ignem illum corporeū esse, & qui induxerunt ignem metaphorice, vel improprie dictum non videntur alia ratione fuisse impuls, quam difficultate argumentorum in contrariam

partem; quod tamen ut hic passim docet Augustinus, minime faciendum fuit, cum multa sint alias evidētissima, quorum tamen nullam propemodum rationem reddere possumus. Quod aliquando Patres videntur illum ignē vocare incorporeum, respondere potest non negasse eos verum ignem, sed dixerunt aliquando esse incorporeum, nō quod sit spiritus, verum quia aliterius sit rationis à nostro igne, multo eo subtilior, ac maiori vi pradiis calefaciendi; quod constare videtur, & D. Gregorio, qui ut supra observauimus, aliquando ignem inferni, ait esse corporeum, aliquando incorporeum; atque hoc sensu intelligendus est Damascenus, & D. Augustinus cum profitetur se ignorare qualis sit ille ignis.

Sicut doctis hominib⁹ visū est (Ita sensit Origenes lib. 2.) ubi solum Deū ait esse incorporeum, & Tertullianus lib. de car. Christi Angelos esse corporeos licet non carne pradios, Basilii lib. de Spiritu Sancto cap. 16. Angelos non tantum vult esse corporeos, sed etiam in proprijs corporibus videri posse, & visos aliquando fuisse. In 7. Synodo generali, act. 4. in eandem sententiam adferuntur varia testimonia Græcorum Authorum. D. Augustinus hoc loco videtur, quidem hac de re ambigere, ut etiam in Enchiridio cap. 59. alias tamen saepe magis propendit in eam sententiam, ut existimet Angelos habere corpora, ut supra lib. 11. cap. 23. & lib. 2. super Genes. ad lit. cap.

17. & Epist. 115. ad Nebridium causam celeritatis motus Angelorum referi in subtilitatem corporum. Vbi tamen aduerso S. P. hanc sententiam retractasse [Primo Retractat. c. 27.

Si autem quispiam) D. Thomas quaest. 16. de malo art. 1. citat, ut doceat ex sententia D. Augustini quācumque sententiam quis asserat, non multum pertinere ad doctrinam fidei Christiana, ut neutra sit de fide.

Quamuis miris, tamē veris modis etiam spiritus incorporeus certum quidem est ex Scriptura, & Patrum auctoritate torqueri illo igne inferni, & Demones, & animas damnatorum, quā verò ratione cum sint substantia, & spirituales, & incorporea patiantur ab illo igne corporeo, non ita cerō constat. De hoc cum D. Augustino, hoc loco disputat D. Greg. lib. 4. dialog. cap. 29. & Scholastici in 4. dist. 50. Ex quibus Durandus ingenuē fatetur non posse in hac vita sciri, quomodo ignis corporeus agat in animam incorpoream. D. Greg. loco citato, dicit ex igne visibili inuisibilem panam animas trahere, quod ita interpretatur Bellarminus lib. 2. de Purg. cap. 12. quia occulta, & incognita est nobis; Suarez, verò tom. 4. in 3. p. D. Thomas disputat. 46. sect. secunda dolorem inuisibilem, ex D. Gregorio interpretatur, non quia nobis occultus est, sed quia spiritualis est, & non sensibilibus, ubi vult per actionem ignis fieri in spiritu qualitatem illi disconuenientē, quæ sit obiectum doloris, & tristitiæ.

Probabile est eo quidem igne cruciari
dæmones, & animas non quod illo igne
comburantur, cum res spirituales, non
admittunt in se huiusmodi actionem,
vel qualitatem; Sed quod in eo igne,
tamquam in carcere detineantur. Dū
enim dignitatem suæ naturæ confide-
rant, deinde se ita esse veluti alligatos
illi igni contra suam ipsorum volunta-
tem, tanquam carceri sibi à divina Ius-
titia per scripto, ut inde recedere non
possint, necesse est, ut inde summa tri-
stitia afficiantur. Accidit quod sint
veluti definiti ab igne, ne de alijs re-
bus possint cogitare, quod etiam cedit
in partem supplicij; & locus ille, in quo
detinentur, vilissimus est, & ita expli-
cat D. Tho. 1. par. q. 64. art. 4. ad 1. cum
ait locum non esse penalem Dæmon,
vel animæ, quasi efficiat aliquid alie-

rando naturam; sed quoniam afficit
voluntatem eam contristando cum Dæ-
mon, vel anima apprehendit se esse in
loco non convenienti suæ naturæ, &
lib. 4. contra gentes cap. 9. idem docet.

Vbi tamen erant sine corpore ani-
mæ.] Illa ergo improprie, & meta-
phorice intelligenda sunt; unde ex hoc
Luca male Tertullianus colligit ani-
mæ esse corpoream lib. de anima cap.
7. & 9. & lib. de resurrectione car.
cap. 17. verum ex hoc loco non conclu-
di animam esse corpoream, docet Au-
guſtinus lib. 4. de anima, & eius ori-
gine cap. 16. & Gregorius Nyſenus di-
sputat. de anima, & resurrectione, ubi
membra illa spiritualiter interpreta-
tur, [Hæc ibi Coquæus.] Et hæc fa-
cis de hac terra materia.



CONTROVERSIA NONA, ET VLTIMA.

De Ordinatione, Potestate, Missione,
& Custodia Angelorum.

AXIOMA PRIMVM.

Angeli sunt dispositi per Ordines.

Ex lib. ad Orosium contra Priscillianistas,
& Origenistas cap. 11.

Essē Sedes, Dominationes, Principatus, Potestates in celestibus appar-
tibus firmissimè credo, & differre inter se aliquid inambigata fide se-
neo.

D V B I V M

Quomodo Angeli dispositi sint per ordi-
nes, & Hierarchias.

Difficultates has breuiter per-
stringo; licet enim habeant
de sacra eruditione plurimum; pa-
rum tamen habent de Scholastica.
Disputatione. De quibus videri
potest Suarez tomio secundo in pri-

mam partem, qui est de Angelis,
propterea per assertiones breues;
quæ sunt præcipua perstringo, &

Dico 1. Hierarchiam idem esse,
ac Sacrum Principatum, vel Sacram
Rempublicam, & quemadmodum,

inter homines est vna Ecclesiastica Hierarchia sub Christi Domini vicario vt sub capite; ita & in Angelis esse vnā Hierarchiam, si considerentur in ordine ad Principem. Quatenus scilicet tota hominum, & Angelorum multitudo, qui sacris participant sub vno Principe, idest Deo gubernantur. Et hoc sensu S. P. lib. 12. de Ciuitate Dei cap. 1. docuit duas esse in toto vniuerso Ciuitates vnā SS. Angelorum, & hominum sub vno principe Deo; alterā maiorem sub principe Diabolo pūmā illam describit. *Vna est enim, ait ibi Coque⁹ sic, & eadem velut Res publica Ciuitas, ac societas, seu maior Ecclesia, quæ complectitur electos & Angelis, & hominibus, vt non alia sit Angelorum, & hominum societas, esse natura sint differentes, in his spectandum tamen quod est gratia, quod in eundem finem beatitudinis, & gloriæ sint à Deo ordinati; quod homines assumendi sunt pro varietate meritorum ad omnes Angelorum ordines, &c.*

Dico 2. inter Angelos ipsos esse tres Hierarchias. Hec est communis, & vnanimis PP. & Theologorum sententia, vt ex D. Dionysio in lib. de celesti hierarchia cap. 6. ostendit S. Tho. pri. par. qu. 108. art. 1. Licet enim, considerata tota illa multitudo beatorum spirituum in se, sub vno Deo nomine vnitatis appellatur. Celestis Hierarchia: ab ipso tamen S. Dionysio loco cit. diuiditur in supre-

mam, mediam, & infimam, & in vna quaque ex his tribus numerantur tres ordines, siue Chori Angelorum distincti. In suprema enim sunt Seraphim, Cherubim, & Throni. In media Dominationes Virtutes, & Potestates. In infima Principatus, Archangeli, & Angeli, &c. Aliter tamen disponantur hi nouem Chori à S. Gregorio hom. 34. in Euangelia, & à S. Bernardo lib. 5. de Consideratione ad Eugenium. Qui secundæ Hierarchiæ, pro secundo Choro adscribunt Principatus, & infimæ Hierarchiæ pro primo Choro, Virtutes reponunt; refert tamen Becanus Tract. de Angelis cap. 3. qu. 10. S. 3. & testimonio Dionysij Chartistiani in Commentarijs super Dionysium: D. Bernardum doluisse, quod dissensisset ab Areopagita. Sufficientia tamen diuisionis in nouem Choros ab omnibus Catholicis retinetur, nec licet de ea dubitare; nam ex scripturis Sacris: & ex vniuersi consensu PP. habetur. Ad Romanos enim cap. 8. numerantur tres; idest Angeli, Archangeli, & Principatus. Ad Colossenses cap. 1. tres alij, idest Throni, Dominationes, & Potestates, & in epist. 1. ad Corinth. cap. 15. Virtutes. In libro Gen. cap. 3. fit mentio de Cherubinis, & Isaiæ cap. 6. de Seraphinis. Et hoc pacto etiam S. Gregorius homil. prædicta ex Scriptura Sacra, nouem Choros esse collegit, & probauit. Veritas hæc

hæc ab illis, qui sunt de hac materia scriptæ probatur etiam Auctoritate PP. & primo S. Martialis in Epistola ad Tolosanos cap. 11. S. Antonij Abbatis epist. 5. quæ hab. tom. 3. Bibliothecæ PP. S. Dionysij loco citato. S. Ignatij Martyris in epist. ad Tral- lianos. S. Irenæi lib. 2. aduersus Va- lentinum cap. 54. S. Atanasij serm. 3. & 4. contra Arianos, & in qu. 4. ad Antiochum. S. Basilij in Liturgia. S. Io: Chrysostomi hom. 2. de Incom- prehensib. Dei natura, & hom. 4. in Gen. S. Cyrilli Alexandrini lib. 1. in Genesim. S. Io: Damasceni lib. 2. de Fide cap. 3. S. Hilarij in Ps. 134. Beati Laurentij Iustiniani in serm. de Angelis. Nostri S. Thomæ de Villa noua serm. de S. Michaeli Archang. S. Clementis Romani lib. 8. Constit. Apostolicarum cap. 13. & aliorum.

Dico 3. prædicta nomina quæ sin- gulis Choris attribuantur esse nomi- na significatiua personas, & officia di- stincta; sic enim docet S. Dionysius loco cit. & plures alij PP. & præ- cipue S. Gregorius in prædicta homi- lia, id colligit expresse ex Sac. Scri- ptura, & indubitanter asserit.

Dices 1. hæc nomina in scripturis sæpe accipiuntur promiscue: nomen enim *Angelus* est nomen generici- cum de singulis quibusque ex quoli- bet Choro prædicabile. Similiter etiam nomen *Arcangelus* S. Michaeli tribuitur, qui tamen à PP. communi- ter in Choro Seraphim collocatur,

& inter illos primus esse dicitur. Id- id accidere ob conuenientiam natu- ræ, vel ob similitudinem officiorum, quæ nobis exhibent, propter quæ quando concionatoriè, non verò in toto rigore Scholastico loquimur, solemus ea usurpare, & miscere; vt contingit etiam in alijs materijs.

Dices 2. S. P. in Enchiridione, cap. 58. ait. *Quomodo autem se ha- beat Beatissima illa, & suprema socie- tas, qua ibi sint differentia personarum, cum omnes tanquam generali no- mine Angeli nuncupentur, &c. & quid inter se differant quatuor illa voca- bula, quibus vniuersam ipsam celestem societatem videtur Apostolus esse com- plexus dicendo, siue Sedes, siue Domi- nationes, siue Principatus, siue Potesta- tes: dicant qui possunt, si tamen possunt probare quod dicunt. Ego me ista igno- rare confiteor.* Ergo non est certum apud PP. illa nouem nomina esse no- mina significantia diuersos ordines, & Choros. R. eundem S. P. tolle- re hanc difficultatem in Axiomate posito pro fundamento huius dubij; cum dicat se indubitata fide tenere, quod differant.

Dico 4. Distinctionem prædictâ trium Hierarchiarum; & nouem or- dinum iuxta communiorum expli- cationem consistere in eo, quod An- geli supremæ Hierarchiæ sunt veluti assessores, & cubicularij Dei, per quos ad reliquos Angelos Diuinæ reuelationes deriuantur, vt docet S.

Dionys. cap. 7. Cælestis Hierarchiæ; quibus in Ecclesia militanti correspondent viri Sancti, & contemplativi, quous immediate à Deo multa revelantur. In hac perfectissima Hierarchia infimus Chorus est eorum, qui dicuntur Throni, eo quod sint quasi Sedes Dei. Medius est eorum, qui dicuntur Cherubim à plenitudine scientiæ. Supremus eorum qui dicuntur Seraphim à plenitudine Charitatis. Hi tres ordines occupantur solum in assistentia ad Divinam Maiestatem, & per se non mittuntur ad exteriora, seu inferiora ministeria.

Secunda Hierarchia habet Angelos, ut docet noster B. Egidius in secundo dist. 9. qu. 2. art. 1. dub. 2. ad quos spectat dispositio Divinorum Ministeriorum, & sunt veluti præfati operum, quorum spiritus infimæ Hierarchiæ sunt executores; quibus etiam imperant; ita ut Potestates, quæ in infimo ordine huius sunt habebant statuerè, & disponere ea, quæ acceperunt à suprema Hierarchia, esse executioni mandanda; quapropter isti mandant, & tres ordines infimæ Hierarchiæ exequuntur. His S. Gregorius tribuit etiam specialem in Demones potestatem; Virtutes verò, quæ sunt in secundo Choro ex D. Dionysio loco citato; præfunt operibus miraculosis, quæ extramunem cursum causam secundarum contingunt; ut propterea S.

Arcopagita dicat. *Virilem quandam fortitudinem habere, qua in actionibus suis omnibus ad imitationem Dei potenter assurgunt.* Supremus ordo in hac Hierarchia est illorum spirituum, qui dicuntur Dominationes; ad quos spectat mandando præfere; ita tamen ut in hoc differant à Potestatibus, ut non solum tribus infimis Choris; sed etiam ipsismet Potestatibus imperent; sic explicatur dictum illud S. Dionysij loco citato de Dominationibus, esse scilicet *Intelligentias, celsiores, omni inferiori submissione liberas, & omni servili; & imitantium omnino opere superiores.* Beatus loco citato dicit ad hanc Hierarchiam spectare regimen generale S. Ecclesiæ militantis, & executionem eorum, quæ ad universale bonum eiusdem Ecclesiæ spectant. Quibus ait in Ecclesia militante respondere Prælatos, qui curam habent communitatis.

Tertia, & infima Hierarchia habet in infimo ordine spiritus illos, quibus nomen commune, & generale omnibus alijs appropriatur; & propterea dicuntur Angeli, id est missi ad ministrandum hominibus. Chorus medius contingit illos, qui Arcangeli appellantur, de quibus incertum est apud D. D. an excellentia illorum consistat præcisè in maiori excellentia, & perfectione eorum; an verò etiam in aliqua iurisdictione supra Angelos; hoc posterius videtur

tur esse de mente S. Dionysij cap. 9. prædicti libri de celesti hierarchia, ubi admittit aliquam iurisdictionē, & illuminationem eorum. Aliqui tamen cum Sulario contendunt dictū S. Dionysij esse intelligendum de indirecta potestate, quando ratione personarum altioris gradus, & conditionis, quarum dicuntur esse custodes videntur posse imperare aliquid Angelo Custodi personæ inferioris, & subiectæ alteri personæ, cuius Archangelus curā habet. Primus Chorus huius Hier: est eorum, qui dicuntur Principatus; quibus ab omnibus conceditur aliqua iurdictio ad imperandum non solum Angelis, sed etiam Archangelis; & ad eos illuminandum, & instruendum iuxta ordinem Diuinæ Prouidentię sibi manifestatum. Ex his communior fert sententia aliquos suscipere curam Regum, aut regnorum; vel etiam Pontificum; & in hoc ordine dicit Arriaga S. Dionysium collocare S. Michaelē, quod tamen esse valde dubium, asserit & rectē; nam communiter censetur esse in supremo ordine primæ Hierarchiæ, & Principum; id est primum totius militiæ celestis, de quo infra. Hanc Hierarchiam dicit Bertrāus loco citato, habere curam eorum omnium, quæ ad speciale regimē pertinent; quibus in militanti Ecclesia, ait, respondere turatores negotiorum; & causarum particularium; Puto ta-

men huius Auctoris sensum, tam circa præcedentem Hierarchiam supra relatum, quam circa hanc infimam non esse restringere munera, & potestates illorum spirituum ad ea solum, quæ ipse commemorat; id est ad regimen, & bonum Generale militantis Ecclesiæ; tantum, & ad sola negotia particularia; nam & de partibus vniuersi corporei; ac etiam de illis, quæ extra Ecclesiam sunt, & de corporibus celestibus illis curam commissam fuisse, est communis sententia; Virtutes enim celorum orbibus sydereis præesse, & Principatus non solum Principes Ecclesiasticos, & Reges Christianos dirigere, & illuminare, ac custodire, sed etiam Infideles, & alienos ab Ecclesia dicuntur, & ex Sacris Scripturis probatur. Dices Apostolus in Epistola ad Hebr. cap. 2. ait: *Non enim Angelis subiecit Deus orbem terræ.* Ergo nec etiam partes vniuersi corporei; nec orbis syderum, nec similia. Respondentiam istam, ab eis, qui illa vtuntur contra præcedentem doctrinam, allegari truncatam; nam Apostolus dicit: *non enim Angelis subiecit Deus orbem terræ futurum.* Ex quo loco non rectē postea colligitur, quod Deus non subiecerit illis partes orbis corporei secundum presentem statum. Nam vt rectē exponit Nicolaus de Lyra hunc textum: *Duplex est status orbis vnus qui primus est secundum generationem, & corruptio-*

ptiorem. *Alia erit status post iudicium, in quo cessabit omnis talis transmutatio, &c. Orbis autem secundum statum presentem subiectus est quodā modo ipsis Angelis, quia Ministeriorum mouentur corpora caelestia, & per consequens transmutantur ista inferiora per ipsos, & illuminantur homines de Diuinis. Omnia autem cessabunt in iudicio, & ideo orbis futurus non erit Angelis subiectus, sed ipse Christo, &c.*

Disputant hic aliqui recentiores, in quo differat habitatio Dei in Angelis tertij Chori primæ Hierarchiæ, qui dicuntur Throni Dei, ab habitatione in alijs Angelis; siue vt alij proponunt, quid sit esse Thronum, siue Sedem Dei. Et an Seraphim sicut in amore excedunt alios, sic etiam in scientia, & visione Dei, quæ responderet amori, & si hoc est, quomodo Cherubim dicantur tales ob excellentiam scientiæ. Et cum hæc inæqualitas visionis Dei, & Amoris reperitur etiam in alijs Choris, & Hierarchijs inferioribus, quomodo sufficiat in prima ad constituendam singulariter diuersitatem ordinum, & post longam discussionem relinquere dubiam, sicut eam inuenerunt. In hoc placet mihi sententia eorum, qui docent Seraphim excedere quidem omnes in visione, & charitate, sed denominationem excellentiæ ipsorum desumi ab amore, & à charitate, quia hæc potissimum facit pro-

pinquiores Deo; & est vera forma sanctitatis, & Amicitie Dei. Cherubim verò dici à plenitudine scientiæ, quia licet inferiores illis etiam in hac excellentia; nihilominus excellunt omnibus alijs Choris inferioribus in hac perfectione, quæ immediate in creaturis attenditur post charitatē, quia sicut ista est perfectio voluntatis, ita illa est perfectio intellectus, quæ sunt potentie præcipuæ creaturæ intellectualis. Hoc verò quod est esse Sedem Dei, Potestates, Virtutes, & cætera huiusmodi esse in illis Choris veluti sunt gratiæ gratis datæ in nobis, quæ sunt specialia ornamenta, & perfectiones illarum personarum quæ eas participant, & sicut inter homines, posset dici habentes sermonem scientiæ, constituere ordinem diuersum ab habentibus Sermonem sapientiæ, & istos diuersum ab habentibus genera linguarum, & isti diuersum ab habentibus gratiam curationum; & sic de singulis: sic etiam in illis Choris per similes gratias distingui ordines. An autem hæc distinctio supponat necessariò diuersitatem essentialem in natura; & inæqualitatem notabilem in gratia, & meritis; & an sit alia diuersitas. Nullum adhuc reperi mihi plenè de hoc satisfaciens: unde libens cū S. P. fateor me ignorare, cum, n. in lib. ad Orasium capit. vñdecimo dixisset esse Sedes, Dominationes, Principatus, &c. vt habes

bes in Axiomate: Statim subdidit. *Sed quo me contemnas, quem magnum putas esse Doctorem, quantum ista sint, & quid inter se differant nescis. Nec eas sanè ignoranti periclitari me puo, sicuti in obediens, si Domini præcepta neglexero.* Sic loquitur S.P. ut propterea mirum non sit si S. Ecclesia Romana, de eo dicit. *Nihil illo fuit humilior.*

Quæres hic an diuersitas horum ordinum remanebit post diem Iudicii. R. S. Thomas pri. par. qu. 108. art. 7. In ordinibus Angelicis duo posse considerari. Primum est distinctio graduum; secundum verò est executio officiorum, & distinctionem graduum esse in Angelis secundum differentiam gratiæ, & naturæ; & utramque hanc differentiam in Angelis semper esse mansuram; & sic etiam differentiam gloriæ, secundum differentiam meritorum præcedentium. Quantum verò ad executionem officiorum cessaturum quidem, secundum quod eorum officia ordinantur ad perducendum aliquos ad finem: remansuram verò secundum quod conuenit in vltima finis consecutione: sicut alia sunt officia militarium ordinum in pugna, & in triumpho. Arbitror mentem Angelici Doctoris esse, quod remanebunt in illis veluti characteres, nobilitates, dignitates illas constituentes illos spiritus in talibus, vel talibus officijs, ad eorum decorem, splendo-

rem, & gloriam accidentalem; sicut post prælium in hoc Mundo, adhuc post victoriam, & triumphum retinent Duces, Vexilliferi, Centuriones, & alij similes easdem dignitates, & stipendia ad decorem, & vtilitatē. Porro cessaturam esse executionem prædictorum officiorum in Angelis colligitur ex epist. 1. ad Corinth. c. 13, vbi Apostolus loquens de extremo die iudicii, ait. *Cum euenerit omnem Principatum, & Potestatem, & Virtutem.* Quem locum etiam S. Thomas ibi in responsione ad primū exponit, secundum prædictam distinctionem; idest quantum ad executionem perducendi ad finem.

Dico 5. S. Michaëlem esse vnum ex primis Seraphim, qui immediatè Deo assistunt, ut fert communior sententia, immo & primum inter illos. Prima pars huius assertionis probatur 1. ex scripturis; nā Danielis cap. 10. v. 13. habetur *Michael vnus de principibus primis venit in adiutorium meum,* & c. 12. *Conserget Michael Princeps Magnus, qui stat pro filiis populi tui.* Nomine horum principum apud interpretes veniunt communiter Seraphim, & præcipuè septem illi, qui dicuntur stare ante Thronū Dei; Eum verò esse primum inter illos. Quod habet altera pars nostræ assertionis probat Andreas Vitorellus in lib. de Ministerijs Angelorum lib. 6. cap. 6. simul cum Cardinali Bellarmino, eo quod in Apo-

calypsi cap. 12. v. 7. habeatur *Michael*, & *Angeli eius præstabantur cum Dracone*, & *Draco pugnabat*, & *Angeli eius*, &c. ex quo loco sic arguunt: Tota militia Angelorum cælestium est subiecta directioni, & imperio S. Michaelis, veluti milites vni Duci Generalissimo totius exercitus: ergo ille est primus absolute inter omnes; & probatur à simili, quia nullus dubitat, quin Draco ille, quæ dicitur pugnasse cum S. Michael e esse primum inter Angelos eius; idest Dæmones, qui ibi dicuntur pugnasse. Prob. 2. testimonio S. Eusebii, quæ eum in eius officio appellat præpositum Paradisi; nam in Antiphona secunda Nocturni secundi est; *Michael Præpositus Paradisi, quem honorificant Angelorum ciues*, &c. hoc nomen præpositi Paradisi proculdubio primatum eius significat: Sic etiam in Lytanijs SS. & in Confessione primum ei locum concedit immediate post Beatissimam Virginem.

Dices. B. Egidium nostrum in lib. 2. sent. dist. 10. dub. 2. laterali, ex illis, quæ perpendit versus finem articulorum totius distinctionis collocat S. Michaellem in ordine Principatum; eumque sequitur Cardinalis Toletus in Comment. super caput primum Euang. S. Lucæ immo Arriaga tom. 2. in pri. par. Tract. de Angelis disput. 2. 6. sect. 5. subsect. 2. refert ex Suario, hoc esse de mente S. Thomæ, & alios Auctores docere,

eum esse de Choro Potestatum. & mihi in hac parte aridere sententiâ P. Dominici Bannez, quem refert Victorinus loco citato docuisse, esse duos saltem spiritus, qui hoc nomine appellantur; alterum quidem supremum inter Seraphim; alterum verò inter Principatus existentem; immo Arriaga refert ex Suario sententiam quorundam dicentium; multos esse Angelos inter Beatos spiritus hoc nomine appellatos. In hac enim sententia facile conciliantur omnia, dicendo alium esse Michaellem supremum, qui cum Dracone bellum gessit; & alium, vel alios qui sæpè leguntur missi. Neque hoc mihi videtur, sine fundamento asseri, ut opponit Victorinus; nam ut ait S. Gregorius homil. 34. in Euang. *Angeli idcirco prænati nominibus censentur, ut signetur per vocabula, etiam in operatione quid valeant; Michael namque, quis ut Deus; Gabriel autem, fortitudo Dei. Raphael verò medicina Dei.* Quæ nomina, cum ex operationibus eorum sint desumpta: propter nostram eruditionem; neque enim in illa suprema Hierusalem indigent Beati illi ciues, & spiritus nominibus, ut se mutuo cognoscant, & discernant; & in prælio illo contra Draconem probabilissimum sit hoc eodem conceptu. *Quis ut Deus.* à pluribus ex illis spiritibus esse formatum, & manifestato pugnatum fuisse; non debet videri mirum si in

teseram suæ victoriæ etiam hoc nomine plures alij decorentur, sicut nõ est inconueniens in eodem exercitu plures duces ex inferioribus eodem nomine appellari, quo Dux Generalis, & supremus, & stemmata, ac signa eiusdem rationis, & similia referre. Nec officit id quod opponit Arriaga loco citato, nempe quod induceretur magna æquiuocatio tot Michaelis ponendo; nam vel hæc æquiuocatio supponeretur oriri inter ipsos Beatos spiritus, vel inter nos homines; non inter illos, quia vt di-

xi non indigēt nominibus, vt se appellent, discernant, & cognoscant. Apud nos æquiuocatio facillè tolli potest si cum absolute profertur, vel cum addito *Seraphim* intelligatur supremus; cum verò indicare volumus aliquem alium ex inferioribus ordinibus addatur. pro distinctiuo nomen illius Chori, eo modo quo plures Sanctos eodem nomine insignitos v. g. Petri, Ios, Thome, Francisci, &c. per additum Patriæ, vel dignitatis, aut excellentiæ vt plurimū distinguimus.

AXIOMA SECVNDVM.

Sape ad nos Angeli Sancti mittuntur.

Ex Conc. 1. in Psal. 103. ad illa verba. Qui facit Angelos suos spiritus, & ministros suos ignem vrentem.

Essē Angelos nouimus ex fide. Spiritus autem Angeli sunt. Angelus officij nomen est, non natura. Quærit nomen eius natura? Spiritus est. Quærit officium? Angelus est. Sic ergo, qui erant iam spiritus conditi à Creatore Deo facit eos Angelos mittendo eos nuntiare quod insersit. Et ignem flagrantem facit ministros suos. Bene facit Angelos suos spirituales, id est nuntios verbi sui. Quomodo dicit, & Ministros suos ignē flagrantem? nisi quomodo ad Rom. 12. Spiritu feruentes? Hunc ignem se missurum in terram Dominus dicebat, Quomodo gladium sic ignem.



D V B I V M

An, & quomodo Angeli Sancti ad nos mittantur

Premittitur ex Angelis Sanctis alios esse, qui dicuntur Deo assistentes, ut habetur Tobie cap. 12. *Ego sum Raphael unus ex septem, qui astamus ante Dominum; alios vero esse ministrantes, de quibus Danielis cap. 7. dicitur Milia millium ministrabant ei, & decies milles centena millia assistebant ei.* Porro hoc quod est assistere Deo dupliciter accipi potest. Primo præcisè pro eo, quod est intueri faciem ipsius Dei clarè, & in hoc sensu omnes Angeli Beati sunt Deo assistentes, nec in ordine ad hoc sumitur prædicta distinctio. Secundo pro eo, quod est specialiter assistere, idest per se, siue ordinariè non recedere ab assistentia, & conspectu eius in Empyreò, seu Civitate Sancta Hierusalem Cælesti, & in hoc sensu procedit prædicta distinctio. Hi enim per se, idest non ordinariè, sed rarè exeunt, aut mittuntur ad nos. Sic etiam hoc, quod est ministrare, dupliciter accipitur. Primo pro ea ministratiōe, quæ est purè spiritalis, & intra cor-

pore cælestia, ut cum mittuntur ad alios: illuminandos, & ad iocundandum eis ea, quæ Deus vult fieri. Sicut Consilij Regis quandoque mittuntur ad Principes, ut nuntient eis mentem, & decreta sua. Ad hanc ministratiōem non requiritur morus localis. Cum enim supra demonstratum sit eos posse loqui in distantia inter se: nulla est per se necessaria localis mutatio ad hoc. Secundo accipitur pro Ministerio externo extra Cælum, vel ad custodiendos homines, vel ad eos puniendos, vel ad reuelandum eis aliquid; vel alijs de causis, quo posito est quæstio, quæ mihi de voce videtur, an utraque hæc ministratio Angelorum dicenda sit missio, in quo mihi placet sententia S. Thomæ pri. par. qu. 112. art. 2. ad primum affirmatiuè respondētis. Et quidem de secunda non est difficultas, nam etiam inter nos talis ministratio de mandato superioris missio dicitur. Primam verò esse etiam propriè missionem probatur; nam & persona Diuina, quamvis sem-

semper immota, & immutabilis, eo ipso; quod specialiter per aliquem effectum sit in creatura, dicitur missa ab ea; à qua procedit, ut suo loco cū Angelico Doctore, & S. P. dictū est. His positis quæstiones de re sunt. An omnes omnino Chori Angelorum sint ministrantes utroque ministrationis modo explicatō. Secunda, an sint aliqui, qui per se, & regulariter extra cælum nō mittantur. Tertiā, an sint plures, qui assistūt an verò qui mittuntur. Quartā, an ex assistentibus, idest Seraphim, aut Cherubim aliquiā propria persona mittantur. Has per totidem assertiones breuiter resoluo, & ostendo.

Dico 1. Omnes omnino spiritus Beatos esse ministrantes, vel in secūda, vel in prima ministrationis acceptione; nam vel immediatē illuminantur à Deo, ut alijs etiam spiritibus intiment; quod Deus fieri vult, & tunc primo modo ministrant: & in hoc sensu, & assistentes, & ministrantes iidem sunt. Vel exequuntur illa, quæ à Deo per alios sibi sunt mandata, & tunc exercent secundā missionem, seu ministrationē. Prob. hæc assertio ex illo D. Pauli ad Hebræos cap. 1. *Omnes sunt administratores spiritus, propter eos, qui hereditatem capiunt salutis.* Non vtor hic rationibus; nam de possibilitate vtriusque missionis, & ministrationis non procedit hæc difficultas; vñquemque enim spiritum Beatum

posse mitti utroque modo à Deo nō est dubium; quapropter quæstio est solum de facto, in qua standum est revelationi Diuinæ per Scripturam Sacram nobis notæ.

Dices data hac Doctrina sequitur multo plures esse Angelos assistentes, & consequenter ministrantes primo modo, quam missi, & ministrantes secūdo modo. Sed hoc videtur absurdum, & contra regulam rectā Oeconomicam, & Politicam. Ergo dicendum est non omnes omnino spiritus assistentes esse ministrantes, nec etiam primo modo. Sequela probatur ex illo communi principio, vel Axiomate, quod ascendendo ab infimis ad superiora, hæc per notabilem puta decuplam proportionem superent illa; quo posito tres Chori supremæ Hierarchiæ, qui sunt assistentes per multa millia superabunt Angelos non solum infimæ, sed etiam mediæ Hierarchiæ, qui censentur esse ministrantes etiam secundo modo. Minor probatur ex analogiā ad dispositionem nostrarū communitatum, in quibus si plures sint mādantes, & mittentes, quam missi, tollitur pulchritudo, & ordo; & oritur confusio, ut est videre in Regnis, in Republica, in exercitu, in domibus, in nauibus, &c. R. Primo nos non habere fundamentum certum inferendi esse multo plures spiritus assistentes, quam ministrantes; immo potius si arguere volumus ex

visibilibus ad invisibilia debere concludi oppositum; nam in vnoquoque genere rerum, siue sint inanimata, siue animata, multo plura cernuntur, vt plurimum esse imperfectiora, siue minus perfecta, quam perfectiora: Vnde ortum est Prouerbiū: Natura in minus perfectis magis abundat, quam in perfectissimis; sic videmus in lapidibus multo pauciores esse pretiosiores, sic & in herbis, & in arboribus, & in animalibus, siue sumas aquatilia, siue volatilia, siue terrestria, sic & in syderibus. Et propterea in Physicis prædictam decuplam proportionem dixi non habere fundamentum certum. Præterea adhuc incertum est, an ex solo infimo Choro assignentur custodes. Denique nulla est necessitas, quod illuminatio, & intimatio Diuinæ voluntatis semper fiat per eundem Seraphim, vel Cherubim, sed quandoque per vnum, quandoque per alterū; vt videmus inter Reges, & Principes frequentes esse mutationes Legatorum, & Oratorum. Cumque sint duæ Hierarchiæ, quibus assignantur ministeria illa exteriora optime potuit à Deo disponi, vt omnes spiritus administratorij primo modo, idest assistentes, & illuminantes, Cōsequenter ad hæc

Dico 2. esse communem sententiam Angelos quosdam esse, qui per se, & ordinariè non mittuntur extra

Cælum, & hos esse tres primos Choros, & supremum Chorum ex prima Hierarchia. Fundamentum huius assertionis est Auctoritas S. Dionysij, in libro de Cælesti Hierarchia cap. 7. & 13. vbi hoc docet, & Sancti Gregorij Magni, qui hom. 34. in Euangelia idem significat, quibus adherent S. Thomas pri. par. qu. 11. 2. artic. 2. & 3. & ferè omnes Scholastici.

Dices ex eodem D. Dionysio solum Chori Primæ Hierarchiæ à Deo immediatè illuminantur. Ergo cū illis non est adnumeratus supremus Chorus secundæ Hierarchiæ, & ex dicta Auctoritate solum sequi tres primæ Hierarchiæ, Choros esse illos, qui propriè dicuntur Deo assistentes. Vnde Dominationes in hoc non conueniunt cum illis; sed in eo quod intimant alijs quinque inferioribus ordinibus mandata, qui immediatè ea exequuntur, & mittuntur extra Cælum, ipsæ tamen Dominationes accipiunt ipsa mandata nō à Deo immediatè, sed à tribus primis Choris. Propterea à Suario, & Arriaga loco citato sect. 4. disp. 2. 1. nu. 25. notatur Benedictus Pererius, quod lib. 8. cap. 7. in Dan. dixerit iuxta Dionysium esse quatuor Choros Angelorum assistentium, quod minus rectè, & contra mentem Sancti Dionysij dictum voluit; eo quod iste S. docuerit quidem esse quatuor Ordines, qui non mittuntur ad ex-

rema ministeria; sed vnum ex illis non computavit inter assistentes, & iste est Chorus Dominationum; eo quod non accipiat à Deo immediatè illuminationes.

Dico 3. Probabilissimum esse, quod sint plures Angeli ministrantes etiam secundo modo, quam illi, qui simpliciter assistentes dicuntur. Prob. 1. Auctoritate S. Gregorij Magni lib. 17. Moralium cap. 9. vbi explicans illud capitis 25. Iob. *Numquid est numerus militum eius, adducit illud Danielis c. 7. Millia millium*, &c. & ait: *quamvis est aliud assistere, aliud ministrare. Assistentium enim illi proculdubio Potestates, quæ ad quadam hominibus nuncianda non exeunt. Ministrant verò hi, qui ad explenda officia nunciorum veniunt: sed tamen ipsi quoque contemplatione ab intimis non recedunt. Et quia plures sunt, qui ministrant, quam hi qui principaliter assistunt, assistentium numerus, quasi definitus, ministrantium verò infinitus ostenditur.* Similiter etiam Rupertus Abbas Tuitiensis lib. 1. Commentariorum in Daniele Proph. explicans eundem Textum huius Proph. ait. *Plures in ætina ministrant, pauciores in contemplativa assistunt ei. Bene ergo indefinita quantitate dictum, est millia millium ministrabant ei; definita verò, & decies milles centena millia assistebant ei.* Vbi licet hunc locum Danielis tribuat hominibus renatis per aquam, & Spiritum Sanctum,

qui distributis ordinibus servire cæperunt Maiestati Dei; nihilominus ratio desumpta ex diuersa enumeratione Prophetæ militat præcipuè, & primò de Angelis: cum de istis insensu litterali communiter textus iste exponatur à P.P. Probari etiam potest, quia Chori ministrantium sunt plures, quam Chori assistentium, siue includas, siue excludas ab istis Chorum primum secundæ Hyerarchiæ. Quinque enim sunt ministrantium, & non habemus fundamentum firmum dicendi interiores Choros, non constare tot spiritibus, quot sunt illi superiorum. Non nego tamen propterea probabilitatem oppositæ sententiæ, quæ innititur illi fundamento, quod eo plures debent esse numero res, quo perfectiores sunt: contra quod non habeo nisi, id quod supra dixi, tum ex lumine naturæ, quo id quod est perfectius rarius esse cognoscimus: tum ab experientia ferè in omnibus rerum generibus.

Dico 4. non esse omnino certum, an aliqui ex assistentibus Seraphinis, vel Cherubinis in propria persona mittantur extra Cælum. Pro sententia affirmante citantur à Suarez, Alësis, Scotus, Durandus, noster Thomas Argentina, Gabriel, Mallorius, Marsilius, & Molina. Pro sententia negante S. Thomas, B. Egidius noster, Caietanus, Capreolus, & Richardus. Fundamentum huius sententiæ est Auctoritas S. Dionysij; & vide.

videtur esse aliquo modo S. Gregorij loco mox citato de assistentibus, ubi dicit. *Ad quendam hominibus pronuntianda non exiens.*

Sententia affirmatiua prob. 1. testimonio Isaie Proph. c. 6. ubi Proph. ait, *& volauit ad me vnus de Seraphim, & in manu eius calculus, quem forcipe tulerat de Altari.* Respondent aliqui, illum non fuisse verum Seraphim; sed sic appellatum ab officio purgandi labia igne. Hæc tamen responsio communiter rejicitur propter multa. Primo, quia est singularis, & opposita expositioni aliorum PP. idest S. Athanasij, S. Io: Chrysostomi, S. Gregorij Nazianzeni, S. Io: Damasceni, & Theodoret, qui de verò Seraphim illa verba interpretantur. Secundo, quia cum in Scriptura Sacra non habeamus mentionem de Seraphinis, nisi in dicto capite Isaie. Non erit locus probandi ex scripturis dari talem Chorum, sed ad summum esset nomen commune, quibuscumque spiritibus Beatis, sicut est nomen Angeli; quo pacto etiam rejiciuntur, qui dicunt, cum dicitur Cherubim missum, non loqui de Cherubim propriè dictis. Tertio, quia illi, qui ab Isaia visi sunt astantes ante solium Dei, procul dubio erant veri Seraphini; erant enim assistentes, & ex illis vnus volauit. Respondent secundo, alij non volasse ipsum Seraphim in propria persona, sed misisse alium Angelum ordi-

narium ad Isaiam, & confirmant ex illis verbis. *Et in manu eius calculus.* Vbi per manum dicunt posse intelligi alium Angelum. Sed hæc etiam respōsio, licet propter auctoritatē S. Dionysij sit probabilis; nihilominus non videtur sufficiens, quia est valde metaphorica; & præterea hoc modo posset etiam dici ipsum Deum volasse ad Isaiam. Ex quibus patet hunc locum habere magnam probabilitatem pro hac sententia, cum pro se habeat prædictos PP. & iuxta regulam S. P. non debeamus in expositione Sacrae Scripturae recurrere ad expositiones minus proprias, nisi vehementi ratione cogamur. Nec valet dicere supremi spiritus distinguuntur per hoc ab inferioribus, quod isti mittantur illi non; nā hæc regula non constituit in illis differentiam essentialem, aut proprietatem quarto modo; sed ad summum privilegium quoddam, quod non mittantur ordinariè sicut inferiores, non verò quod non mittantur pro rebus magni momenti. Si enim Diuinæ Personæ procedentes, propriè dicuntur missæ, cur nō etiam & Angeli, quamuis supremi, aliquando mitti poterunt, illè quidem modo illis conuenienti; isti verò etiam per imperium ipsius Dei.

Prob. 2. ex cap. 3. Genesis, ubi in fine dicitur. *Et collocauit ante Paradisum voluptatis Cherubim, &c.* Respondent aliqui dictum Cherubim

bim propter formam, seu figuram, quam assumpserat similem Cherubinis arcæ; qui postea à Moysè efformatus fuisse; non verò ex eo quod esset verè Cherubim; cum hoc non esset negotium tam Magni ponderis, ut spiritum supremæ Hierarchy exigere. Respondent alij dictum Cherubim, quia custodiebat viam ligni scientiæ; & Cherubim dicti sunt spiritus secundi Chori primæ Hierarchy à plenitudine scientiæ; quod nomen tribuitur etiam ab Ezechiele Lucifero, qui tamen communiter censetur fuisse de Choro Seraphim antequam caderet. Eneruari tamen possent predictæ responsiones ex dictis supra; non esse scilicet sine necessitate recurrendum ad metaphoras; nisi ex sensu proprio verborum aliquod inconueniens sequatur, quale hic non apparet; nam & custodire Paradisum erat opus magnum, & dignissimum tali spiritu. Et præterea magis congruum erat, ut collocaretur ibi pro custode arboris, scientiæ Spiritus, cui scientia ex propria ratione, & prædicatis intrinsecis conueniret. Prob. 3. ex toto capite decimo Prophetiæ Ezechie- lis, ubi Propheta dicit se vidisse, & intellexisse quatuor illa animalia; quæ prius viderat iuxta fluuiū Chobar fuisse verè Cherubim, & pluries illa hoc nomine Cherubim appellat. Locus iste mihi videtur efficacissi- mus, sicut visus est etiam Suarez; ne-

que enim est probabile, quod dicunt aliqui, hic non esse sermonem de veris Cherubim: nam tolleretur via probandi ex Scripturis Sacris dari huiusmodi Chorum. Nec officit quod dicantur ambulasse; nam & dicitur etiam ibi Deum in curru ve- ctum fuisse, cum tamen sit omnino immutabilis: nec est inconueniens, quod dicantur ibi moueri, cum nulli spiritui creato per se competat nun- quam moueri de loco ad locum, qui- libet enlm est finitæ, & limitatæ vir- tutis, sicut est determinatæ essentiæ; huius motus plures rationes adducit Arriaga loco citato subsect. 1. n. 3. 1. & apparente Domino Deo; vel ad significandum Ezechiele Aduentum Verbi Dei in carne; vel ad exprimē- dam exterius per mobilem figuram maiestatem gloriæ suæ, conueniens erat, ut etiam Cherubini, non per delegatos, sed per seipfos appare- rent: & verum motum illis conue- nientem ibi exercuerint. Ex his Scripturæ Sacræ locis valde proba- biliter conuincitur etiam supremos alios extra Cælum mitti; Quod pro- bant alij etiam ex Daniele cap. 10. ubi dicitur Michaelē vnū de Prin- cipibus venisse; qui tamen supremus inter omnes omnino Angelos San- ctos, & consequenter primus inter Seraphim censetur, & ex illo Epist. ad Hebræos cap. 1. *Omnes sunt ad- ministratores spiritus in ministerium missi propter eos, qui hereditatem ex-*

piunt,

pinni salutis. Verum quia de his ex dictis, satis constat quid sit dicendum, ab ulteriori discussione eorum supersedeo.

Dices esse regulam generalem, & infallibilem ut Deus administret infima per media, & media per suprema; Ergo non mittuntur, aut recedunt suprema à summis, ut descendant ad hæc infima. *R.* huiusmodi regulam posse pati dispensationem, & ex Sacris Scripturis adductis satis probabiliter, & efficaciter convinci de facto Deum in hac lege dispensasse. Dices dispensationes admitti quidem in ordine naturæ aliquando, sed hoc fieri propter ordinem gratiæ, qui est superior illo. At ordinem gratiæ non habere alium ordinem superiorem sibi, ratione cuius in huius legibus sit dispensandum. *R. r.* Deum quandoque ordinare maiora ad finem in se minorem; ut cum voluit Incarnationem propter salutem generis humani. Secundò *R.* in ipso ordine gratiæ esse aliqua maioris, alia minoris momenti; & sicut in ordine naturæ illa regula quod graviora naturaliter non ascendant sursum, mutatur ad impediendum vacuum; Sic intra ipsum ordinem gratiæ possunt fieri dispensationes, ut maiora, idest suprema, quæ regulariter non descendant, nec mittuntur, propter aliquem finem à Deo intentum, & mittantur, & descendant. Sic plurimis viris Sanctis, & Dei amicis legi-

mus concessa multa, & plura esse facta præter communes regulas naturæ, & gratiæ. *R.* tertio ordinem Incarnationis, in quo habemus hominem Deum, esse superiorem ordine gratiæ, qui est in puris creaturis. Et propterea Deum non solum potuisse, sed etiam de facto merito dispensasse pie creditur cum magno fundamento ex Scripturis Sacris desumpto, puta ad annuntiandum ipsum Divinissimum Incarnationis mysterium; ad quod annuntiandum Sanctus Gabriel Archang. missus fuit, qui communi Theologorum calculo inter supremos Seraphim numeratur. Sic & in Natali Sacratissimo ipsius Redemptoris quando facta est cum Angelo multitudo militiæ celestis, etiam ex supremis venisse dicit S. l.: Chrysostomus in Ps. 8. Quando post ieiunium, & tentationem accesserunt Angeli, & ministrabant ei, ac etiam in Horto, quando apparuit ei Angelus de Cælo confortans eum, communiter creditur, vel S. Michael, vel Gabriel, qui sunt ambo Seraphim, venisse. Pie etiam creditur in die Assumptionis Beatissimæ Virginis, etiam supremos Seraphim cum Christo Domino venisse ad excipiendam, & deducendam illam ad Thronum gloriæ. Denique in die Iudicii extremi omnes cum Christo Dño venturos esse, videtur esse extra controversiam, cum Sacer Textus dicat. *Et omnes Angeli eius cum eo.*

AXIOMA TERTIVM.

Angeli Sancti Custodes nostri sunt.

Tomo 9. ex libro Soliloquiorum cap. 27.

Facis Deus Angelos tuos spiritus propter me, quibus mandasti, ut custodiant me in omnibus vijs meis, ne forte offendam ad lapidem pedem meum. Hi enim sunt custodes vigilantes, & custodientes vigilas hostis super gregem tuum, ne antiquus ille serpens aduersarius noster Diabolus animas nostras eripiat. Hi cives superna Civitatis Hierusalem missi in ministerium propter eos, qui hereditatem capiunt salutis, ut eos liberent ab inimicis suis, & custodiant in omnibus vijs suis, confortent quoque, & moneant, & orationes filiorum tuorum offerant in conspectu gloria Maiestatis tue. Vt hoc libro, quia licet sit dubium, an sit opus S.P., nihilominus teste Cardinali Bellarmino, est opus non solum pium; sed etiam non indignum ingenio S.P. Augustini, & ut tale vniuersaliter habetur. Præterea Doctores Louanienses in censura huius libri, sic habent. *Opus plenum pijs affectibus per hominem versatum in Augustini voluminibus: non nunquam verba quadam, ac sententias veluti testelas inter textas ex libris Confessionum, alijsque scriptis illius decerpas; Cuius dignitas ex eo apparet, quod eximij illi viri, nihil in eo reprehensione dignum inuenerunt.*

D V B I V M

An, & quomodo Angeli Sancti custodiant homines, & alias res.

Continet hoc dubium plura quesita sciti digna, quæ quia parum habent difficultatis Scholasti-

cæ, per asserta breuia resoluam: Hæc sunt. 1. An homines custodiantur ab Angelis. 2. An singuli homines

D d d

à fin.

à singulis Angelis. 3. An sit aliquis homo, qui careat Angelo Custode. 4. A quo tempore incipiat hæc custodia. 5. Vtrum aliquis Angelus præsit toti Ecclesiæ. 6. An personæ publicæ habeant alium Angelum Custodem diuersum ab eo, qui custodit illum vt naturæ humanæ singulare indiuiduum. 7. An Prouinciæ, & Regna habeant Angelum tutelarem. 8. An etiam species rerum irrationabilium. 9. Ex quib⁹ Choris sint Angeli Custodes. 10. Quid efficiant Angeli Custodes; quibus positis.

Dico 1. cum S. Thoma qu. 113. art. 1. Angelos custodire homines. Hoc assertum probat Angelicus Doctor ex illo Ps. 90. *Quoniam Angelis suis mandauit de te, vt custodiant te in omnibus vijs tuis; in manibus portabunt te, ne forstè offēdas ad lapidem pedem tuum.* Licet enim aliqui Interpretes hunc Psalmū de solo Christo Domino intelligant contextum; nihilominus ex primo versu illius constat eum esse vniuersaliter de omni iusto accipiendū; ait enim Proph. *Qui habitat in adiutorio Altissimi:* Et propterea assertum illud de Angelis, communiter de omnibus hominibus explicatur. Aliā loca scripturæ, & PP. adducit Suarez tom. 3. in pri. par. Probat^r secundò ratione, quia ordo Diuinæ Prouidentię solet esse, vt variabilia, & mobilia per illa, quæ habent aliquam immobili-

tatem, & inuariabilitatem moueantur, & regulentur; quod patet inductione in corporibus; nam inferiora, quæ sunt variabilia per omnes mutationes sensibiles, per superiora, quæ de facto cōsentur solum habere motum localem, & in hoc habere etiam quēdam cursum regulatum, & inuariatum, regulantur. Sic & omnia corpora mobilia per substantias immateriales, & immobiles, quoad statum suum regi, & moueri docent communiter Scholæ. Et nos ipsi Conclusiones illas, in quibus diuersimodè possumus opinari, per principia, quæ inuariabilia censemus, firmare, & probare nitimur. Sed constat homines viatores in rebus agendis multipliciter esse mutabiles; & de facto variari in suis cogitationibus, affectionibus, & actionibus, & deficere posse à bono, & ab vltimo fine; Ergo necesse fuit pro liberandis nos, aut summè cōsentaneū Diuinæ Sapientiæ, & Prouidentię, vt nobis ad custodiam deputarentur Angeli immobiles, & inuariabiles in bono, qui nos dirigerent, regularēt, & mouerent ad bonum.

Dico 2. cuilibet homini vnum Angelum esse deputatum in custodiam. Probarur hoc ex communi consensu PP. Theologorum, & totius Ecclesiæ Catholicæ. Probat hanc assertionem S. Thomas loco citato, quia homines non solum quoad speciem communem; sed etiā quoad

ad formas proprias singulorum individuorum sunt incorruptibiles: Et sicut ad conseruationem specierum corruptibilium assignantur Angeli tutelares; estò non sint capaces finis supernaturalis; ita pro singulis hominibus, cum sint ordinati ad finem supernaturalem, conueniens fuit, vt assignarentur singuli Angeli. Celebris est pro hoc intento sententia illa D. Hieronymi in Matth. c. 18. *Magna dignitas animarum, vt vnaquaque habeat ab ortu natiuitatis, in custodiam suam Angelum delegatum, &c.* Hoc idem antea docuerat Origenes homil. 23. in Lucam.

Opponit Caluinus hæresicare contra hanc veritatem Catholicam, melius esse omnes Angelos simul habere curam omnium hominū, quam cuiuslibet vnum tantum. Respondet aliqui cum Suario: ex eo quod vnus sit assignatus, non tamen propterea rectè inferri alios etiam non posse iuuare quando opus fuerit. Alij respondent, & fortè melius, vel Caluinum intèdere, vt omnes simul Angeli habeant curam eiusdem hominis, vel successiue omnes; ita vt quandoque vnus, quandoque alter eum tueatur. Si primum, est impossibile, cum nequeat naturaliter idem Angelus esse in duobus locis distantibus; vt opus esset, si deberent simul habere curam eorum, qui sunt in oriente, & eorum, qui sunt in Occidente, & eorum, qui sunt Antipode nostri.

Si verò intendat secundum; melius esse, vt vnus semper regat eundem hominem; tum quia cum sit virtus omnino spiritualis, non defatigatur; & si perpetuò id faciat, maiori notitia de singulis actibus, & maiori assensu de sibi commisso curam habebit. Propterea censetur hunc hæreticum animo potius tollendi è medio traditiones Ecclesiæ, quam inquitendi veritatem, hæc, & similia in medium protulisse.

Dubitant hic aliqui, an vnus Angelus soleat habere curam plurium hominum, vel simul, vel successiue. R. communem sententiam esse eundem Angelum non custodire simul plures homines; cum enim, vt dictū est, non possit naturaliter esse simul in pluribus locis sibi adæquatis, & distantibus, & homines sint quandoque in locis valde diffitis, non posset simul, & semel assistere illis sua præsentia, & ope indigentibus. Quoad alteram partem, an scilicet successiue, non est ita certum quod vnus, & idem Angelus successu temporis, defuncto scilicet vno, non custodiat alterum. Illi qui censent solū Angelos infimi Chori deputari ad custodiam ordinariam singulorum hominum, & non adæquare numerum omnium hominum, consequenter loquendo dicunt, successiue vnum habere curam plurium. Alij verò, qui dicunt prædictos Angelos, estò sint infimi Chori, adæquare, vel etiam.

superare numerum omnium hominum, qui fuerunt, sunt, & erunt; consequenter docent nullum Angelum, nec etiam successiue deputari ad custodiam plurium hominum; res est dubia. Hoc posterius videtur habere plures patronos.

Dico 3. omnibus, & singulis omnino puris hominibus fuisse deputatum suum Angelum Custodem. Hæc assertio est contra illos, qui solis prædestinatis eum concesterunt, cuius sententiæ videtur fuisse Origenes (Tract. 5. in Ioannem circa finem; ac etiam contra eos, qui solis iustis dari contendunt, siue saluandi sint, siue non; pro qua sententia citantur Didymus, Euagrius, Basilus, Hilarius, Chrysostomus, & Cyrillus, nec non & Origenes. Prob. hæc sententia Auctoritate Sacræ Scripturæ; nam Exodi cap. 23. habetur. *Ece ego mitto Angelum meum, qui præcedat te, & custodiat in via, & introducat ad locum; quem præparauit; obserua eum. & audi vocem eius, nec contemnenda putes, quia non dimittet eum peccantem.* Hoc loco vritur S. Romana Ecclesia in officio Angelorum Custodum; ac proinde dicendum est de mente ipsius esse, quod etiam cum homo peccat, & non est in gratia, nihilominus etiam tunc habeat Angelum Custodem. Et hic est sensus communis omnium Catholicorum, qui vnanimi consensu hanc veritatem docent, & tenent, tam de Prædesti-

natis, quam de reprobis; tam de iustis, quam de peccatoribus.

Dices 1. prædictos PP. oppositum docere; & præcipue S. Basilium in cap. 5. ita; ubi ait: *Vt muro tutelari spoletur, si in peccatis deprehendatur.* Et adhuc clarius in expositione Pl. 33. his verbis. *Omnis n. Christum credenti Angelus afficit, nisi illum à nobis per improbas actiones profugauerimus.* Ergo non omnes habent hunc Angelum Custodem. Respondet Arriaga loco citato subsect. 1. Nonnullos obseruasse quod alij PP. non apponunt exclusionem: & ipse fatetur quod non ita clarè ut S. Basilus loquuntur; immo nec hunc Sanctum Doctorem in his locis denotasse abscessum Angeli à custodia; sed solum nos esse qui nosmetipsos indignos reddamus eius custodia per peccata: vel aliquem breuem abscessum eius significare voluisse, quod non est contra Catholicam, certam, & communem Doctrinam; non enim propterea posset ille homo tunc dici desertus ab illo. Et hoc eo magis de tam magno Sancto, & Doctore credendum est; quia in libro tertio contra Eunomium; & in libro de vera virginitate nostram docuit sententiam. Et hoc etiam modo intelligendi sunt alij PP. quando de abscessu nostri Angeli Custodis loquuntur; id est per breue tempus, neque enim dicitur non habere Rectorem, Ducem, vel Magistrum illa

Ciuitas, vel exercitus, vel Schola, à quibus illi per breue tempus se elongant.

Dices 2. ad Hebræos cap. 1. de Angelis Custodibus dicitur. *In Ministerium missi propter eos, qui hereditatem capiunt salutis.* Ergo solis prædestinatis dantur Angeli Custodes: cum hi solum capiant hereditatem salutis. Respondent aliqui etiam reprobos ordinari in bonum salutis electorum; ac proinde, vel dirigi à suis Angelis Custodibus in bonis, quibus possunt, & aliqui de facto cooperantur bonis operibus electorum, vel arceri à malis, quæ quâdoque illis intentant. Verum hæc responsio non potest habere locum in plurimis reprobis; puta in infidelibus illis, qui ante mille annos erant in America, in quibus cum non esset fides: nec etiam erant electi, quibus vel iuarent, vel nocerent; nec in infantibus, qui moriuntur sine baptismo. Respondent alij Apostolū solum voluisse ibi indicare finem Ministerij, & missionis Angelorum esse, vt omnes sint salui: eo sensu quo communiter docent Deum velle, vt omnes omnino homines salui fiant; & propterea dat quibuscumque media sufficientia ad salutem, inter quæ computanda venit custodia Angelica. Vnde cum omnes homines sint eleuari ad finem supernaturalem, necesse est, vt singulis assistant Angeli Custodes, qui eos dirigant ad hunc

finem. Quod habere locum dicunt etiam in illis infidelibus, de quibus supra, quia si non peccassent contra legem naturalem, & bene vsi fuisset his auxilijs, vltiora auxilia recepissent, quibus tandem salutem æternā consequuti fuissent. Hæc responsio inter cæteras difficultates hanc præcipuè patitur, quod non habet locū in perpetuò amentibus, qui vt non possunt his auxilijs, nec in infantib; qui ita moriuntur, vt illis nullo modo remedium salutis æternæ applicari possit. Respondent aliqui huic instantiæ, in moralibus regulam generalem habere locum etiam in illis, in quibus nō subest ratio motiua legis, dummodo id sit per accidens, vt patet in plurimis præceptis, & prohibitionibus. Verum hæc responsio nō euacuat difficultatem, nam licet hoc contingat in dispositionibus humanis, in quibus prouisor communis nō potest singula in indiuiduo disponere, & ordinare: non videtur tamen habere locum in dispositionibus, & ordinationibus diuinis, in quibus Deus est, qui habet curam de omnibus, & nihil frustra operatur. Respondent alij, idcirco datos illis Angelos Custodes, vt quantum patiebatur cursus causarum secundarum, procurarent illis cum parentibus, vel tutoribus bonæ ipsorum, & protractionem etiam vitæ; ac etiam ipsa auxilia, quibus salutem consequi possent. Hæc etiam responsio patitur

tur difficultatem, quia huiusmodi personę iam erant pręuisę non habeturę talia bona, nec facultatem vtendi illis bonis. Melior ergo responsio videtur esse illorum, qui dicunt non vni, ū tantum officium, vel Ministerium exercere Angelum tutelarem, sed plures, putā dirigentis, docentis, illuminantis, remouentis pericula, arcentis operationes Dæmonum [qui propter odium quod eis gerunt contra homines, nocerent quantum possunt, vel inuadendo, vel suffocando, vel pręcipitando, vel alio modo] custodientis etiā corpus, & cineres, ac membra illius defuncti, quem custodiuit viuētem; cum ex Sacra Scriptura constet hęc per ministerium ipsorum Angelorū esse colligenda in resurrectione mortuorum in supremo die Iudicij, & Aduocati in suis causis maximē in Iudicio Dei, & propterea eis etiam assignatum fuisse Angelum Custodē, qui iuxta exigentiam status, & conditionis eorū illos custodirent; Apostolum verō ibi loquutum fuisse de fine principaliori huius custodię, & missionis, cum quo tamen stat, quod eo cessante in reprobis, quoad executionem, & efficaciam; remaneat tamen quamdiu viuunt, saltem quoad potentiam remotam, & hi alij fines quoque supersunt, qui per se sunt sufficientes ad hoc, vt iuxta rectum ordinem suę Providentię Deus etiā reprobis assignet talem custodiam,

vt iustificetur in sermonibus suis. Sic etiam Antichristum habiturum Angelum Custodem, cum S. Thoma, qu. 113. art. 4. ad 3. docent communiter Theologi.

Dixi solum omnibus, & singulis puris hominibus; nam certum est Christum Dominum exceptum fuisse ab hac generali regula, & lege habendi Angelum Custodem; quia cum esset Deus, & consequenter Dominus Angelorum, & quoad animam etiam comprehensor, nec ind gebat, nec erat conueniens vt ei deputaretur Angelus in Custodem: fuisset enim veluti assignare discipulū pro Magistro maximo omnium Doctori; habuit tamen illos Ministros; vt patet in Nariuitate, & post tentationem in deserto; & ex eo quod dixit Petro in Horto: videlicet. *An putas, quia non possum rogare Patrem, & exhibebit mibi modo plusquam duodecim Legiones Angelorum, &c.*

Dices 1. etiam Beatissimam Virginem fuisse Dominam Angelorum. Ergo vel non habuit Angelum Custodem, vel hęc ratio dominij in eos non sufficit ad hoc, vt Christus Dominus nō haberet talem custodem. R. Beatissimam Virginem non fuisse Dominam ratione Diuinitatis, vt erat Dominus noster Iesus Christus, sed ex priuilegio, & eius Regni possessionem dilatatam fuisse, vsque ad Assumptionem ipsius. At Dominium Christi Domini in eos erat ratio-

tionem Verbi Diuini, cui erat essentialis potestas in ipsos, ac proinde nunquam fuit sine possessione talis Potestatis, & Domini; & propterea est communis consensus Theologorum, quod Beatissima Virgo haberet talem Angelum tutelarem; cum esset pura creatura, & viatrix, & non adhuc in termino: Et hunc contemplatiui aliquot dicunt fuisse S. Gabrielem Archangelum.

Dices 2. Quicumque tentatur à Diabolo indiget Angelo Custode; Ad hoc enim maxime datur, vt tueatur nos ab incurfibus, & tentationibus malignorum spirituum. Sed Christus Dominus fuit tentatus à Diabolo; ergo habuit Angelum Custodem. Responderetur illos indigere tali custodia, qui possunt in tentationibus vinci; at Christus non potuit tentationibus superari, ac proinde non eguit tali custodia. Dices vt quid ergo tentatus est si expugnari non potuit? & propter multa. Primo, vt tentatus per omnia compateretur nobis quando tentamur, vt ait Apostolus in Epistola ad Hebr. c. 2. & 4. Secundo, vt nos doceret, & instrueret ieiunijs, & orationibus, ac Sacrarum Scripturarum eloquijs superandi modum. Tercio, vt hoste deuictio redderet nos fortiores, & confidentes in eius virtute de Victoria, iuxta illud Io: cap. 16. *Confidite, ego vici Mundum.* Quarto, vt cognosceremus, quod quando vinci-

mus, illo vincente vincimus; & vt ait S. P. in Pl. 60. *Agnosce te in illo tentatū, & agnosce te in illo vincentē.*

Dico 4. loquendo de mundi tempore probabile esse, quod Angelorum custodia inceperit à principio mundi, & ab ipsa creatione primorum parentum, & hæc est sententia S. Thomæ in cit. quæst. 113. art. 4. ad secundum, quod probat, quia in ipso statu innocentie imminabat homini periculum ab exteriori propter insidias Dæmonum, vt rei probauit euentus; & ideo etiam in illo statu indigebant custodia Angelorum. Hæc sententia est communis inter recentiores, qui addunt etiam hanc aliam rationem, quia, & in illo statu poterant Angeli suis illuminationibus illos homines incitare, & inclinare ad bonum; nam licet homo tunc à passionibus non esset pronus ad malum, nec ab illis retraheretur à bono; indigebat tamen etiam ibi incitamentis ad bonum. Dixi esse probabilissimum; nam hoc docent communiter S. holæ; Non desunt tamen, qui dicant huiusmodi custodiam incæpisse post lapsum primorum Parentum, & pro hac sententia citatur S. Gregorius Nyssenus in Vita Moysis paulò post initium, vbi ait *Occultior iraditio est, verus sermo ad nos usque descendit, quo creditur postquam in peccatum natura nostra lapsa est, non omnino clementia diuina neglectam, nec absque suo patrociniò dimis-*

missam, sed Angelorum, qui incorporati sunt, aliquem in adminiculum cuique constitutum esse. Hanc sententiam sequitur etiam noster P. Ioannes Gregorius à Iesu Maria Lektionē 8. de Horto. ubi ad argumenta Suarii respondet ex doct. S. P. N. Agult, sequi veritatē huius sententiæ; nam lib. 8. de Genesi ad litteram capite 10. exponens illa verba Gen. cap. 2. *Posuit eum (idest hominē) in Paradiso voluptatis, ut operaretur, & custodiret illum.* ait *Est alius in his verbis sensus, quem puto non immerito præponendum. Ut ipsū hominē operaretur Deus, & custodiret.* Quod si Deus illum immediate custodiebat, & operabatur eum, idest in eo actiue, non passiue illuminando, dirigendo, & arcendo malū &c. profectò non erat necessaria Angeli custodia; quod idem habet ibi Rupertus sic. *Ut operaretur Adā obediendo, & sic eum custodiret Deus.* Verum, quia non obediuit, indignū se reddidit immediatæ Dei custodiæ; qui tamen eum non penitus deseruit sed cuique Angelum aliquem in adminiculum constituit. Vtraque sententia valde probabilis est, illa prior magis recepta inter Thomistas. Hæc posterior videtur esse magis ad mentem S. P. Loquendo postea de tempore cuiusque hominis, sententia S. Thomæ in præd. q. 113. art. 5. est deputari cuique Angelum Custodem à puncto natiuitatis suæ: quod pro-

bat, quia beneficia illa, quæ Deus prouidet cuique hominī quatenus habet naturam rationalem; eo tempore illi conferuntur, quo talem naturam incipit habere. Sed custodia Angelica computatur inter huiusmodi beneficia, ergo homo statim à natiuitate habet talem custodem. Prob. 2. Auctoritate S. Hieronymi, & Origenis supracit. qui dicunt ab ortu natiuitatis habere vnumquēq; Angelum deputatum.

Dices 1. pueri mox natī, sunt incapaces, ut illuminentur, & dirigantur in suis actionibus ab Angelo: ergo non ab hoc tempore, sed ab eo, in quo incipit homo habere vsum rationis debet sumi exordium huius Tutelæ. R. effectum huiusmodi custodiæ non esse solam illuminationē, & directionē in operationibus moralibus; Sed etiam arcere Dæmones, remouere pericula tam spiritualia, quam corporalia, procurare bona conuenientia statui sui clientis &c. quæ optimè potest Custos exercere circa huiusmodi infantes.

Dices 2. puer accipit naturā humanā ab eo puncto, in quo anima rationalis incipit informare corpus in utero matris, quod conceptio hominis communiter appellatur. Ergo ab hoc puncto, & non à tempore natiuitatis debet assignari exordium custodiæ. Respondeo non deesse Auctores, qui & propter hanc rationem, & quia infans etiam in utero

Matris

Matris est persona distincta à Matre in ordine ad beatitudinem. Vnde est capax peccati originalis, & eo infectus, esto Mater, vt plurimum sit Sancta, & in statu gratiæ; docent assignari Angelum tutelarem à momēto huiusmodi Conceptionis; in quo videtur magis commendari Liberalitas Dei. Nihilominus censeo propter hæc non esse recedendum à sententia S. Thomæ loco cit. in responsione ad Tertium, qui pro sua sententia assignat hanc rationem: Puer quādiu est in vtero Matris est veluti pars Matris, quemadmodum fructus pendens ab arbore est aliquid arboris; & propterea tunc ab Angelo Tutelari Matris custoditur; quod non habet locum in Natiuitate, tunc enim puer separatur à Matre. Et cum hæc sit etiam sententia S. Hieronymi, & Origenis videtur habere maiorem probabilitatem, & ab intrinseco, & ab extrinseco. Ad argumentum adductum. R. quod licet tunc puer habeat naturam rationalem indiuidua liter diuersam à Matre; nihilominus moraliter censetur vnum quid cum ipsa, vt quid contentum, vnitum, & alligatum illi; ac proinde nullam esse necessitatem diuersi Custodis: sicut non assignatur diuersus Custos pro vase, & pro contentis in vase. Ad aliam rationem recentiorum, respondetur distinctionem illam, non importare, nec exigere diuersitatem talis Custodis; nam sicut communi-

ter docetur Custos Regni, vel Ciuitatis non solum custodit Sanctos, qui in illis sunt, sed etiam peccatores; sic & Angelus, qui custodit Matrem Sanctam, optimè poterit custodire infantem existentem in vtero Matris. Ad illud de Liberalitate Dei, responderetur hanc non esse regulandam per nostros discursus, sed secundum ordinem Sapientiæ, & Prouidentię suæ, quæ suauiter disponit omnia; tunc enim recta est Liberalitas, & dispensatio, quando non solum datur, sed etiam datur quid, quantum, & quo tempore conuenit, tam danti, quam recipienti.

Dico 5. S. Michaeli Arcangelum præfuisse Iudæorum Synagogæ, & nunc præesse toti Ecclesiæ. Prima Pars prob. communiter ex Daniele capite decimo v. 21. vbi habetur. *Nemo est adiutor meus in omnibus his, nisi Michael Princeps vester.* Prob. 2. ex illis quæ narrantur in Scripturis Sacris gesta pro Hebræis; nam in hoc eodem capite decimo refertur eum egisse causam ipsorum, vt possent liberari ex captiuitate Babylonis, & in Epistola canonica Sancti Iudæ Apostoli narratur eum contendisse cum Diabolo de corpore Moysis; quo loco Lyranus, Dionysius, Cartusianus, & alij interpretes dicunt Diabolum voluisse illum in apertum proferre, vt Iudæis occasionem Idololatriæ daret. S. verò Michaeli se opposuisse, vt populo
Ecc
Dei

Dei hanc peccandi occasionem auferret: Probat ut etiam Auctoritate Sancti Thomæ, qui in quarto dist. 43. quæst. 43. quæst. 3. art. 3. ad 3. de S. Michael loquens, ait quod Synagoga præerat; refert etiam noster P. Io: Gregorius in præcitata Lectione 18. nu. 11. Auctoritatem S. Gregorij Magni, ex Vincentio Regio lib. 5. cap. 10. Digress. 6. nu. 11. dicentis *Michael erat Hebræi populi præpositus*. Et præterea adducit Auctoritatem S. Pantaleonis Ecclesiæ Constantino politanæ Decani dicentis de S. Michael *Semper castra loca in circuitu fidelium, & nos redimit à telis Belial, & omnium inimicorum nostrorum*; immò ex Vicentio Regio loco citato, probat nomen Macabæorum derivatum fuisse à S. Michael; eo quod isti in vexillis ex præcepto inuictissimi Ducis Iudæ filij Mattatæ præliaturi contra Antiochum, inscripserint quatuor litteras initiales M. C. B. I. quorum significatum erat *Mi, Chemocha, Baslasm, Tethona*, idest quis sicut tu in fortibus Domine: quæ postea milites corruptè legentes ex illis se inuicem Macabæos appellabāt; ut refert Sixtus Senensis Lib. 1. suæ Bibliothecæ Sacræ; & his verbis contineri nomen S. Michaelis, qui interpretatur *quis ut Deus*, ostendit Vincentius Regius Digress. Sex:ta supra citata. Quibus addere possumus Nicolaum de Lyra in Epist. S. Iudæ Apostoli ad illa verba, *Cum Michael*

*Archangelus, cum Diabolo disputans aliter carens de Moyse corpore; vbi ait. Voluit Diabolus revelare corpus Moyse Iudæis ad idolatriam pronis, ut eum adorarent tanquam Deum. Michael autem tunc Princeps Synagoga, hoc volebat impedire; ac etiam Dionysium Cartusianum ibidem sic dicentem. Quoniam tanquam Princeps Synagoga, voluit corpus illud manere absconditum, quod etiam repetit in Evangelio S. Luca ad illa verba cap. 22. Apparuit illi Angelus de Celo confortans eum: vbi ait. Probabile est Angelum illum fuisse Michaelem, tunc Principem Synagoga. Durasse hanc custodiam, donec Velum templi scissum est in duas partes; ostendit in præcit. Lect. n. 11. eruditè noster P. Io: Gregorius Auctoritate S. Hieronymi, Ruperti Abbatis, & Iosephi Hebræi quando audite fuerunt à multis voces illæ *Migremus hinc, migremus hinc*, quas fuisse voces Angelorum derelinentium Templum, & Synagogam, quorū Princeps est S. Michael, communis est Sententia.*

Secunda pars probatur. Primò ex Sacra Scriptura; nam Danielis cap. 12. habetur. *In tempore autem illo consurget Michael Princeps Magnus, qui stat pro filiis populi tui. Loquitur ibi Propheta, ut est clarum ex capite antecedenti, de præliis contra Ecclesiam, & maxime de tribulatione illa magna, qualis non fuit, quam*
ha-

habebit Ecclesia Sancta tempore Antichristi, qua descripta subdit prædicta verba, & statim subiungit. *Et veniet tempus quale non fuit ab eo, ex quo gentes esse caperunt usque ad tempus illud; Et in tempore illo saluabitur populus tuus, omnis qui inuenus fuerit scriptus in libro. Et multi de his, qui dormiunt in terra pulvere cui-gilabunt, alij in vitam æternam, & alij in opprobrium, ut videant semper.* Immo S. Thomas Aquinas ad illa verba Epist. 2. ad Thessal. c. 2. *Quem Dominus Iesus interficiet spiritu oris sui: ait, id est mandato suo; Quia Michael interfecturus est eum in Monte Oliveti; unde Christus Calum ascendit.* Ex quibus apparet S. Michael Archangelum, non solum Synagogæ, sed etiam S. Ecclesiæ Protectorem, Defensorem, & Custodem fuisse, esse, & fore futurum in omnibus, & maxime in cunctis suis prælijs, & certaminibus. Huius assertionis optima ratio illa mihi videtur esse, quam adducit Andreas Victorellus libro sexto Ministeriorum Angelorum cap. 9. id est, quia servauit fideles Maiestati Diuinæ, omnes Sanctos, & felices spiritus omnium triū Hierarchiarum; immò S. Pantaleo supra relatus loquens de S. Michael docet eum à primis parentibus hanc custodiam exorsum fuisse. Et quod Adam de Paradiso eiectum fraude Dæmonis inimici, texit, traduxit, & direxit, & eum terram ligo ne docuit

fodere, seminare, & metere, & ad reliqua, quæ utilitatem asserbant instituit, ut quæ ei ex iniuria contingerat lapsus per laboriosam, & gratam Deo viuendi rationem rursus corrigeretur, & quod instructus à Michael, non fuit amplius seductus à Diabolo, nec ab eo est passus aliquā commotionem. Præterea ait inter cætera præclara Michaelis gesta, est quod Abraham comitatus est, cum è terra egrederetur, qui manu tenuit gladium, ne Isaac interficeretur; subinde narrat eundem S. Archangelum liberasse populum Hebræum à tyrannide Pharaonis, adiuisse populum Hebræorum in deserto, Balaam Prophetam correxisse, Ad prælium hortatum fuisse Gedeonem, eumque iuuisse, Natam Prophetam apparuisse, & ad corripiendum David misisse; qui exercitum Assiriorum interficiendo vna nocte, centum octuaginta quinque mille virorum destruxit, qui tres pueros in fornace ignis seruauit, Daniele intactum, & illæsum inter Leones custodiuit, & Abachucum cibo ad eum detulit. Dæmonem volentem prodere corpus Moysis cohibuit, qui aquam Probaticæ piscinæ commouit, & denique statuit, ac firmat veluti generalem regulam, quod *Michael fidelium populorum Ecclesias exhibeat. Romanorum custodit Rempublicam. Christi Imperatorem armat. Aduersus barbaros Christianos reddit victores,*

Hostes inimicos persequitur, ab eorum qui persequuntur molestijs pios liberat, ab ingentibus maris fluctibus eos, qui ipsum inuocant eripit, Dæmonis impetus propulsat. Hanc eandem veritatem probat Becanus Tra&. de Angelis cap. 6. S. Secunda Pars. Ex multis huius Sancti Seraphim apparitionibus, & ex multis miraculis, quibus partim in Occidentali, partim in Orientali Ecclesia conspicuū se fecit. Vnde tot illi Basilicæ erectæ, & dicatæ in Orbe Christiano fuere. Propterea arbitror S. Romanam Ecclesiam ei commendare omnes animas suorum filiorum in Missa Defunctorum illis vocibus. D. I. C. libera animas omnium Fidelium Defunctorum, &c. signifer Sanctus Michael representet eas in lucem Sanctam, &c. Dignissimus propterea spiritus Princeps, & Seraphim, quem inuocemus omnes; sicut eum toto corde ex nūc oro, & deprecor vt me nūc, & semper, & maximè in hora obitus mei, iuuet, protegat, custodiat, & defendat, & eisdem vocibus interpellor, quibus S. Sosthionius Episcopus Hierosolomitæ oratione de excellentia Angelorum interpellauit, & sunt. Re, & nomine Michael venerande te oro, & quantum possum sensu obsecro, vt è vita huius curriculo existuro letus, pacatusque appareas; meque sub honorato alarum tinarum velamine abscondas, atque ex angustis, obscurisque inferorum lacis ereptum in loca Tabernaculi

admiraibilis constituas; deducens vsque ad domum Dei, in voce exultationis, & confessionis, & soni festum celebrantium.

Dico 6 communem esse sententiam Theologorum personas publicas, vt sunt Summus Pontifex, Episcopi, Reges, Gubernatores, & alij, huiusmodi præter Angelum Custodem assignatum eis ab ortu natiuitatis iuxta præcedentem Doctrinam habere alterum Angelum Custodē, in ijs quæ spectant ad regimen; qui à quibusdam Angelus gubernij appellatur. Probant hanc assertionem aliqui ex cap. 12. Actuum Apostolorum vbi narratur, quod Petro educto è carcere, & pulsante ad ostium, vbi erant fideles congregati, & oratio fiebat sine intermissione ab Ecclesia ad Deum pro eo; crediderunt isti Angelum eius esse idest Angelum officij. Hoc tamen recentioribus non videtur sufficiens ad probandum intentum, quia verba illa Textus hoc, nec quidem leuiter indicant, nec apparet ex quo capite illi fideles potius de Angelo Custode Personæ, quam de Angelo officij dixerint Angelum eius esse. Melius crediderim ego probari ex apparitione ipsa Angeli in carcere, qui perculso latere ipsius Petri eduxit eū ab omnibus periculis, & si quæras à me cum Arriaga; vnde habeam hūc fuisse Angelum officij. Respondeo ex contextu in quo habetur, quod ora-

oratio fiebat sine intermissione ab Ecclesia ad Deum pro eo; & cū hoc expediret bono totius Ecclesiæ, ipsum S. Michaelē Archangelum ipsum S. Ecclesiæ Protectorem, & Custodem ex officio arbitrōr id præstitisse, cuius rei non habeo quidem necessariam consequentiam; sed solum argumentum ex dictis, & ex eo, quod cum Andrea Viſtorello docet noster P. Io: Gregorius in præcitata lectione 19: videlicet S. Michaelē Archangelum esse Tutelarem Summi Pontificis pro tempore existentis, pro quo citat etiam Cornelium à lapide, & Vincentium Regium, qui omnes vt viri pij, & eruditi hæc non sine fundamento docuerit; propterea etiam ipse Arriaga Tract. de Angelis sect. octaua; licet in subsecutione secunda. § sexto dubitatur, hoc valde dubium reliquisset; nihilominus in subsect. 3. nu. 38. §. Dices scripsit, probabilissimè dicitur etiam Regibus, Episcopis, & similibus personis Archangelos aliquos designari: Hoc magis patebit ex sequenti assertionē.

Dices. Cum nullus homo sit Episcopus, aut Rex ante electionē, vel inaugurationem, vel ante hanc, puta à natiuitate, habuerunt huiusmodi personæ Angelum Custodem officij, vel solum personæ vel vtrumque simul. Non primum, nec tertium, quia tunc non habebant huiusmodi officia, & consequenter frustra

fuisse talis Angelus. Ex secundo sequitur, quod vel postea mutandus sit Angelus cum vnicus sufficiat; tam pro persona, quam pro officio: vel quod idemmet, qui est personæ debeat etiam esse officij Custos; si cur eadem est persona, quæ assumitur à statu priuato ad statum personæ publicæ: ne dicatur Deum aliquid frustra disposuisse. R. communiter iuxta ordinem Sapientię Diuinæ factam esse illam dispositionem ordinum Angelorum, quam supra ex Sancto Dionysio, & alijs indicauimus; vt Angeli infimi Chori custodiāt priuatas personas; Archangeli verò, vel etiam Principatus custodiant personas publicas; ac proinde duos omnino esse constituendos vnum à natiuitate, qui semper curam illius habet vt est indiuiduum naturæ humanæ, qui cum sit Angelus semper manet in ordine infimo Angelorum, cum in Patria non fiat assumptio ab vno Choro ad alium. Alterum verò à puncto electionis, vel inaugurationis, qui regat, dirigat, & custodiat in illis, quæ ad officium spectant, qui sit à Choro Angelorum, vel Principatum; ac proinde Deum, nihil frustra disposuisse. Instantia illa Arriagæ loco cit. ex absurdo quod sequeretur, si Angelus sciret iam ab instanti Conceptionis, quis sit futurus Episcopus, quis verò non. Mihi videtur oriri potius ex inordinato illo appetitu intrudendi vbique quæ-

sitionem scientiæ de futuris liberis, vel absolutis, vel conditionatis, quæ ex eo, quod habeat aliquid difficultatis consideratione dignæ. Quis enim Theologorum ignorat quemcumque Beatum sine vilo inconuenienti scire, & videre, ac præuidere ea omnia, quæ ad proprium statum, & eorum cuius curam habet, vel habuit?

Dico 7. Regnis singulis, atque Prouincijs etiam infidelium præpositos esse Angelos singulos quod prob. ex cap. 12. Danielis ubi narratur quattuor Angelos fuisse Principes diuersorum regnorum, esto duo ex illis essent infidelium; nam vnus dicitur fuisse Princeps Persarum. Secundus Græcorum. Tertius captiuorum in Perside, & hic dico ibi fuisse Gabriel. Quartus Michael Princeps populi Dei: & ortam fuisse dissensionem inter Angelum Principem Persarum, & Gabrielem, an Iudæi essent liberandi ex Perside nec ne? nam Princeps Persarum urgebat persistendum esse Iudæis in Perside, vt Persæ erudirentur ab illis de cultu, & Religione veri Dei, & sic conuerterentur. Gabriel verò contendebat eos esse liberandos, ne paularim imberent mores Persarum infidelium, & relicto verò Deo ad idola se conuerterent, & durauit dissensio, donec Michael nunciavit eis voluntatem Dei. Idem docent PP. & Interpretæ in hoc loco, & alibi.

Quæret hic fortè aliquis, an idem numero sit Angelus Custos Regni vel Prouinciæ, ac Custos Regis, vel Gubernatoris. Pars affirmatiua videtur suaderi posse ex eo quod supra dixi; idest S. Michaelem Archangelum esse simul, & Custodem S. Ecclesiæ, & Summi Pontificis pro tempore existentis. Pars verò negatiua videtur argui posse ex eo quod Regna, quandoque adeo sunt distantia à suo Rege, vt non possit concipi eandem Angelum simul custodire Regnum, quod est v. g. in America, & Regem, qui est in Hispania; sed hæc ratio non multum urget, nec cōuincit, vt infra dicam. Fortius suaderi potest, ex eo quod quandoque, & sæpe causæ Regum, & causæ Regnorum sunt inter se diuersæ, & ex diametro oppositæ; in quo nec etiā leges humanæ concedunt eandem personam posse esse Aduocatam, pro vtraque parte. In hac quæstione non vidi adhuc Auctorem, qui eam discutat; ea propter, & ipse sub dubio illā relinquo. Pars tamē hæc negatiua magis placet, & ad argumentum desumptum ex Summo Pontifice, & Ecclesiæ respondeo esse disparē rationem; nam hic semper eadem est causa Summi Pontificis, & Ecclesiæ; idest causa fidei, non sic in Regnis temporalibus, quod tamē dictum volo, saluo meliori iudicio.

Dico 8. cum communi sententiæ etiam specibus aliarum rerum præsidet.

videre Angelos, quod probatur primo ex Apocalypsi cap. 1. & 14. ubi habetur Angelum unum fuisse aquarum præsentem, alterum verò habuisse potestatem supra ignem. Secundo idem prob. Auctoritate S. P. Augustini, S. Gregorij Nazianzeni, S. Io: Damasceni, quos refert, & sequitur Suarez lib. 6. cap. 17. n. 15.

Dico 1. cum Caietano, Angeli nec produciunt res irrationales, aut insensibiles, nec immutant cursum causarum secundarum; nec istæ sunt capaces illuminationis, aut doctrinæ; ergo sine necessitate, & fundamento ponitur talis præsentia. R. sufficiens fundamentum pro constituenda opinione probabili esse prædictas auctoritates, tam script. quam SS. PP. & pro sufficienti necessitate assignari potest, quod Angelus v. g. qui præest mari potest impedire, & coercere tempestates pro salute, & bono hominum; qui præest igni potest coercere magna incendia, & sic de alijs possunt etiam procurare conservationem ipsarum specierum, impedire magna nocumenta, v. g. ne locustæ deuorent segetes, Lupi oues, & alia ministeria exercere circa illas in bonum, & utilitatem hominum; cū earum existentia ad hoc sit ordinata.

Limitat Suarez loco citato hanc generalem regulam cap. 19. tribuendo solum huiusmodi curam, & protectionem spiritibus perfectis; nam in aliquibus alijs non apparet neces-

sitas, nec utilitas talis curæ; vt v. g. in arenis maris, ibi enim non est periculum ne pereant, nec ab eis timeretur malum.

Dices 2. vel assignatur vnicus Angelus pro tota specie v. g. Leonum, vel vnus pro quolibet indiuiduo. Primum est impossibile. Secundum est ridiculum; ergo non est admittenda talis custodia. Antecedens probatur quoad primam partem, quia vnus Angelus non potest sufficere pro omnibus indiuiduis talis speciei, qui sunt in toto orbe, cum sphaera actiuitatis, & loci ipsius sit limitata. Quoad secundam partem prob. quia tantæ dignitatis ponerentur esse Vrsi, & Lupi, ac sint homines. R. negando talem insufficientiam, vel impossibilitatem; nam prouidentia illa talis Angeli est solum pro aliquibus casibus in quibus vel toti speciei magnum aliquod immineret nocumentum, vel pateretur illud actu, vel ob aliquam aliam causam similem, quæ optimè potest præuidere talis Angelus, & statim citissime accurrere; quod idem dicendum est de mari, quando imminet aliqua tempestas; & de alijs similibus casibus. Nec iudicarem inconueniens dicere, quod Deus constituendo talem præsentiam dederit quoque vnique virtutem, & potentiam actiuam operandi in prouisionem, & bonum cuiusque indiuidui sue speciei ad quam eumque distantiam. Quemadmodum cum subiecerit res corporeas acti-

actiuitati corpori cælestium, & maxime Astrorum, vt Solis, & Lunæ, &c. eorum actiuitatem, vt probatur experientia, voluit extendi ad totum orbem terrarum.

Dico 9. cum communiori sententia solum ex tertia Hierarchia assignari huiusmodi Angelos Custodes; est tamen dubium, an ex omnibus tribus Choris, vel solum ex infimo Choro. Quoad Angelos Custodes singulorum indiuiduorum nature humanæ; sicut etiam singulorū generū rerum corruptibilem, docet S. Thomas pri. par. qu. 113. art. 2. esse ex infimo Choro: cuius assertionis optima ratio videtur esse illa, quam assignat in articulo sequenti, quia scilicet minima pertinent ad infimum ordinem; At Custodia & procuratio eorum, quæ conducunt ad salutem vnus tantum, est minimum inter officia Angelica. Ergo hæc spectat ad infimum Chorum, & pro hac sententia citantur etiam SS. Doctores Dionysius, Athanasius, & Gregorius. Cum quo tamen stat, quod custodia vniuersaliter hominum, vt Ecclesiarum, Regnorum, & Prouinciarum spectet ad Angelos superiores, puta ad Archangelos, & ad Principatus, vt docet ibi art. 3. Angelicus Doctor, & toti Ecclesiæ Catholice esse supremū Seraphim idest Sanctū Michaelē, vt dictum est.

Dices 1. S. Io: Chrysostomum homil. 60. in Matthæum docet An-

gelos Custodes esse ex Angelis excellentioribus. Ergo non sunt ex infima Hierarchia, nec ex infimo Choro. Respondent aliqui hunc S. Doctorem solum intendere, quod fiat inter spiritus excellentiores, eo quod sunt superiores omnibus Dæmonibus, qui & ipsi spiritus, & Angeli Apostatæ dicuntur, & hoc deducitur ex contextu illius homiliæ, quia explicans huiusmodi excellentiam, ait consistere in hoc quod *videant faciem Patris*; quod est commune omnibus Sanctis Angelis: hæc mihi videtur melior responsio cæteris. Nam illam quam assignant alij dicendo eum loqui de excellentioribus in infima Hierarchia non satisfacit planè; nam ex hac sequeretur etiam Angelos Custodes, cui vsque hominis esse ex supremo Choro Tertie Hierarchiæ, quod est expressè contra prædictos Sanctos Doctores. Quod si dicas adhuc apud S. Ioan: Chrysostomum per ly videre faciem Patris non venire quamcumque visionem Beatam omnibus communem, sed specialem solummodo assentiam, vt notauit quidam recentior. Respondeo me ex lectione illius homiliæ nihil tale deprehendere potuisse; quod si hoc esset, deberemus dicere S. Ioannem Chrysostomum in hac re dubia esse in opposita sententia. Præterea hic argumentū illud desumptum ex inæqualitate specifica cuiusque Angeli, quam do-

cent Thomistæ, eo quod sit res valde incerta, & adhuc ea admissa spectat ad Diuinam Prouidentiam assignare prædictos Custodes, iuxta regulas Diuinæ Sapientiæ, in qua re crediderim magis attendi dona supernaturalia ipsorum Angelorum, quàm prædicata naturalia; Cum sint administratorij spiritus in ministerium missi propter eos, qui hæreditatem capiunt salutis.

Dico 10. inter munera, quæ exercent Angeli in custodia hominum, præcipua esse quod illuminent intellectum. Impediant Dæmones in suis prauis intentionibus, & tentationibus. Auertant pericula spiritualia, & corporalia. Remoueant occasiones tentationum, & denique orationes nostras Diuinæ Maiestati offerant, vt habetur in eo Tobix cap. 12. dictum ab ipso S. Raphael Archangelo eidem Tobix; ac etiam in Apocalypsi cap. 8. Necessitas horum officiorum patet ex discursu S. Thomæ pri. par. qu. 114. art. 1. vbi ostendit nos assidue impugnari à Dæmonibus, vt est clarum ex Epist. ad Ephesios cap. 6. vbi Apostolus ait, *Non est nobis colluctatio aduersus carnem, & sanguinem, sed aduersus principes, & potestates, & aduersus Mundi rectores tenebrarum harum, contra spiritualia nequitia in caelestibus*, & passim de hoc in Sacris Scripturis admonemur. Prouenit autem hæc impugnatio principaliter ex ma-

litia ipsorum Dæmonum, qui propter inuidiam profectus hominum impedire nituntur; vnde & ardenti odio Diuinæ Maiestatis imaginem, & similitudinem in nobis persequuntur, & propter superbiam, Diuinæ potestatis similitudinem sibi usurpant deputando sibi ministros deterritos ad hominum impugnationem. Ordinatur verò Omnipotens Deus, & ipsam custodiam bonorum, & Sanctorum Angelorum, vt primº Auctor, & prouisor bonorum omnium, & sapienter disponit, & ordinat impugnationem prædictam ea regula, & ordine, quibus nouit etiam malis bene vti, vt de facto vtitur hac impugnatione ad nostram vtilitatem, & progressum.

Dices etsi in prioribus exercitijs SS. Angelorum Custodum appareat vel necessitas, vel vtilitas; in eo tamen quod est nostras preces offerre, vel deferre ad Deum nihil tale videtur; Deus enim nouit omnia, ac proinde etiam orationes nostras antequam fiant. & nihilominus locutiones illas deferendi esse metaphoricæ, & sensum proprium illorum esse, quod iungunt suas preces cum nostris, vt nostræ efficaciores reddantur: Quin etiam, & sæpe independentes à nostris precibus, & ipsi pro nobis suas Deo fundunt orationes; vt communiter ex Sacris Scripturis docent PP.

Quæri hic solet an ad munus Angelorum

geli Custodis spectet corrigere, & punire clientes sibi commissos. & ex vitis Sanctorum constare eos correctione filiali in ordine ad emendationem etiam Sanctis personas corripuisse; Sæpe enim pro nostro profectu spirituali aliquid aduersum in bonis temporalibus disponunt, vel in pœnam nostrorum peccatorum curant, ut aliquid mali nobis eueniat, quo redeamus ad nos, vel ut in hoc Mundo pro pœnis in Purgatorio debitis satisfaciamus: sæpe etiam excitant in nobis conscientie remorsum, ut vel doleamus de erratis præteritis, corrigamus præsentia, & caueamus ab illis in posterum. Censent etiam aliqui pii, & eruditi Auctores quandoque in bonum sui clientis Angelum Custodem ex voluntate Diuina eidem mortem immediatè infligere, cum hæc quandoque immatura, & anticipata soleat esse Prædestinationis effectus, ac proinde maximum hominis bonum, ut habetur Sapientie cap. 4. *Raptus est ne malitia mutaret intellectum eius*, Porro decedentes in gratia, si habet aliquid ad purgandum Angelos tutelares comitari, & solari est communis, & pia Theologorum sententia, eosque feliciter absoluto pœnæ cursu, ad Cælum deducere. Quod si nihil habeant ad soluendum in pœnis Purgatorii, eos statim à puncto mortis ad regna cælestia festiuos, & lætos perducere docet nos S. Ioan:

Chrysostomus in homilia de Lazaro mendico; ad illa verba, quæ habetur ex S. Luca cap. 16. *Factum est autem, ut moreretur mendicus, & portaretur ab Angelis in sinum Abrahe*: ubi ait. *Nō sufficeret vnus Angelus ad portandum? sed propterea plures veniunt ut Chorū lætitiæ faciāt. Gaudet vnus quisque Angelorum tale onus tangere: libenter talibus oneribus prægrauantur, ut adducant homines ad regna Cælorum.* Ex his habemus non solum Custodem, sed etiam pluriimos alios Angelos concurrere ad animam vni⁹ iusti deducendam in Cælum, quod & docet, & precatur S. Ecclesia Catholica in exequijs defunctorum illis verbis. *Subuenite Sancti, occurite Angeli Domini, suscipientes animam eius, offerentes eam in conspectu Altissimi. Suscipiat te Christus, qui vocauit te, & in sinum Abrahe Angelus deducant te.*

Absoluto hunc de Angelis Custodibus & torum de Angelis Sanctis, Tractatum verbis illis quibus pius, & eruditus ille Doctor Augustinianus Auctor libri Soliloquiorum caput illud 27, vnde desumpsi Axioma pro fundamento harum breuium de custodia Angelorum questionum, prosequitur, & explicat, ac breui complexu suam de custodia SS. Angelorum deuoram meditationem ad mentem S. P. terminat videlicet.

Diligunt nempe coniues suos, per quos sua ruina scissuras instaurari ex-

petant; ideoque magna cura, & vigilantissimo studio adsumt nobis omnibus horis, & locis, succurren. es, & providentes necessitatibus nostris, & solliciti discurrerent inter nos, & te Domine, gemitus nostros, atque suspiria referentes ad te, ut impetrent nobis facilem tuam benignitatis propitiationem, & referant ad nos desideratam tuam gratiam benedictionem. Ambulant enim nobiscum in omnibus visis nostris, intrant, & exeunt nobiscum attentè considerantes quam piè, quamque honestè in medio prava nationis conuersemur, quantoque studio, & desiderio quaramus Regnum tuum, & iustitiam eius, quantoque timore, & tremore serviamus, & exultemus tibi in latissimis cordis nostri. Adiuuant laborantes, protegunt quiescentes, hortantur pugnantes, coronant vincentes: congaudent gaudentibus, de te, inquam, gaudentibus; compatiuntur patientibus, pro te, inquam, patientibus. Grandis est eis cura de nobis. Magnus est effectus dilectionis eorum erga nos: & hoc totum propter honorem tuam inestimabilis Charitatis, qua dilexisti nos. Diligunt enim, quos tu diligis, custodiunt quos tu custodis, & deserunt quos tu deseris.


Nec diligunt operantes iniquitatem, quoniam, & tu odisti omnes operantes iniquitatem, & perdes omnes, qui loquuntur mendacium. Quoties benè agimus gaudens Angeli, & tristantur Dæmones. Quoties vero à bono opere deuiamus Diabolum latificamus, & Angelos tuos suo gaudio defraudamus: gaudium est enim eis super uno Peccatore penitentem agente, sed Diabolo super uno iusto penitentem deserente. Da igitur, da Pater eis semper gaudere de nobis, ut & tu semper per eos lauderis in nobis: & nos cum eis in unum ouile tuum adducamur, ut constitemur simili nomini Sancto tuo, Creator hominum, & Angelorum. Hac ipse commemorans coram te, confiteor laudans te: quoniam beneficia tua magna sunt, hæc quibus nos honorificasti dans nobis Angelos tuos spiritus in ministerium nostrum. Dederas enim quidquid Cæli ambitu continetur, & quasi parua raptas hæc, quæ sub Cælo sunt, nisi adderes etiam ea, quæ sunt super Cælos. Laudent te Domine de hoc omnes Angeli tui, constentur tibi de hoc omnia opera tua, & ipsi Sancti tui tibi benedicant. In sæcula sæculorum. Amen.

F I N I S.

I N D E X
 CONTROVERSIARVM, ET DVBIORVM
 IN AXIOMATA
 S. P. N. AVGVSTINI.
 D E A N G E L I S.
 CONTROVERSIA I.

De existentia, & essentia Angelorum.

- Axioma primum. Existentiam Angelorum fide tenem^r. p. 1.
 Dubium. Vtrum Existentia Angelorú ratione naturali
 probetur. 2.
 Axioma 2. Natura Angeli est spiritualis. 14.
 Dubium. Vtrú Angeli sint immateriales, & incorporei. ibid.
 Axioma 3. Datur in Angelis aliqua compositio. 30.
 Dubium. Quænam compositiones sint in Angelis. ibid.
 Axioma 4. Differentiæ plures dantur in Angelis, quæ-
 dam tamen à nobis ignorantur. 43.
 Dubium. Vtrum Angeli differant specie. ibid.
 Axioma 5. Angelorum magnus est numerus. 54.
 Dubium. de eodem. ibid.
 Axioma 6. Angelus respectu potentiæ creatæ est im-
 mortal is, & incorruptibilis. 60.
 Dubium. Vtrum Angeli natura suæ sint incorruptibiles. ibid.



CONTROVERSIA II.

De Potestate Angelorum circa corporalia.

- Axioma 1.** Angeli quandoque assumunt corpora. 66.
Dubium de eodem, & quomodo. 67.
Axioma 2. Angelus non potest in corpore assumpto exercere operationes vitales quoad substantiam. 75.
Dubium de eodem. ibid.
Axioma 3. Angelis non convenit illapsus in animas. 85.
Dub. utrū Angeli possint illabi animę rationali, vel corp. 86.
Axioma 4. Angelos quandoque commedisse habetur ex Sacra Scriptura. 90.
Dubium. Vtrum Angelus in corpore assumpto possit exercere alias operationes vitales. ibid.

CONTROVERSIA III.

De loco, & motu Angelorum.

- Axioma 1.** Angeli sunt in loco. 94.
Dubium. Quānam sit Angelo ratio existendi in loco. 95.
Dubium alterum. Vtrum vnus Angelus sit tantum in vno loco, vel possit etiam simul, & semel esse in pluribus locis, & plures Angeli in eodem loco. 104.
Axioma 2. Mouentur Angeli per tempora. 110.
Dub. Vtrū Angelis competat mot⁹ localis, & quomodo. 111.

CONTROVERSIA IV.

De intellectu, & cognitione Angelica.

- Axioma 1.** Angeli cognoscunt seipsos per suam subst. 115.
Du-

- Dubium. Vtrum intelligere Angeli sit eius substantia; ibid.
 Dub. 2. Vtrum intelligere Angeli sit eius esse. 117.
 Dub. 3. Vtrú potentia intellectiua Angeli sit idéntificata
 cum eius essentia. ibid.
 Dub. 4. Vtrum in Angelo dentur intellectus agens, &
 possibilis. 118.
 Dub. 3. An in Angelis detur alia cognitio præter intel-
 lectiuam. 121.
 Axioma 2. Dantur in Angelis species à Deo inditæ. 122.
 Dub. Quodnam sit medium cognitionis Angelicæ. ibid.

CONTROVERSIA V.

De obiecto intellectus Angelici, & de locutione, & illuminatione Angelorum.

- Axioma 1. Mens cognoscit se per suam substantiam. 142.
 Dub. 5. Vtrú Angel⁹ cognoscat seipsú per suâ substantiâ. 143.
 Axioma 2. Vnusquisq; Angel⁹ cognoscit aliú per speciẽ. 151.
 Dub. Vtrum Angelus cognoscat alium per substantiam
 suam, vel per substantiam cogniti, vel per species. ibid.
 Axioma 3. Angeli cognoscunt Deum. 160.
 Dub. Quomodo Angeli cognoscant Deum. ibid.
 Axioma 4. Angeli materialia, etiam singularia cogno-
 scunt. 169.
 Dub. An & quomodo Angeli cognoscant materialia. ibid.
 Axioma 5. Angeli Beati cognoscunt quædam futura. 173.
 Dubiú. Vtrum Angeli cognoscant futura contingentia
 certo, & infallibiliter. 174.
 Axioma 6. Angeli non cognoscunt naturaliter certo co-
 gitationes cordium. 180.
 Dub. Vtrum cogitationes, & affectiones nostræ possint

ab Angelis cognosci naturaliter.

Axioma 7. Cognoscunt Angeli mysteria gratiae.

Dub. An ea cognoscant antequam fiant, vel solum postquam sunt facta.

Axioma 8. Angeli inter se loquuntur.

Dub. Quomodo Angeli inter se loquantur.

Axioma 9. Angeli superiores illuminat mentes inferiorum.

Dub. Quomodo vnus Angelus illuminet alium.

CONTROVERSIA VI.

De voluntate, & amore Angelorum.

Axioma 1. In Angelis est voluntas, & libertas.

Dubium. De eodem.

Axioma 2. Angeli diligunt Deum, seipsos, & nos.

Dubium. De eodem.

CONTROVERSIA VII.

De gratia, meritis, & gloria Angelorum.

Axioma 1. Angeli fuerunt creati in gratia.

Dub. Vtrum fuerint creati in gratia sanctificante.

Axioma 2. Angeli omnes in primo instanti suae creationis Deo amore casto adhaerunt.

Dubium. Vtrum Angeli in primo instanti potuerint, aut etiam de facto se disposuerint ad gratiam sanctificantem per proprium actum.

Axioma 3. Angeli non receperunt gratiam ex meritis Christi Domini.

Dubium. De eodem.

Axiom-

- Axioma 4. Gratiā actūalem receperunt Angeli à principio. 273.
 Dubium. Vtrum gratiā actūalem receperint Angeli à principio. ibid.
 Axioma 5. Angeli non acceperunt gloriā in primo instanti suæ creationis. 280.
 Dubium. De eodem. 281.
 Axioma 6. Angeli fuerunt viatores. 287.
 Dub. Quæ, qualis, & quanta fuerit via Angelorum. ibid.
 Axioma 7. Angeli Sancti non possunt nec deficere, nec proficere in Beatitudine. 299.
 Dubium. De eodem. ibid.

CONTROVERSIA VIII.

De peccato, & p̃na Dæmonum.

- Axioma 1. Angeli potuerunt peccare. 303.
 Dub. Vtrum contra legem tam supernaturalem, quam naturalem possint peccare Angeli. 304.
 Axioma 2. Peccauit Diabolus ab initio. 314.
 Dubium. An in primo instanti potuerit peccare Angelus. 315.
 Axioma 3. Diuersimodè peccare potuerunt Angeli. 322.
 Dub. Quibus modis potuerint Angeli peccare, & quo genere peccati de facto peccauerint Dæmones. 323.
 Axioma 4. Aliqui Angeli de facto peccauere, quorum caput est Lucifer. 331.
 Dub. Quinam Angeli de facto peccauerunt. 332.
 Axioma 5. Primum peccatum Luciferi, & aliorum Dæmonum fuit superbia. 339.
 Dub. Quo peccati genere primo peccauerint Angeli. ibid.
 Axio-

- Axioma 6.** Obiectum superbiæ Angelicæ fuit dominus. ⁴¹⁷ 342.
Dub. Quodnam fuerit obiectum primum superbiæ Angelicæ. ^{ibid.}
Axioma 7. Casus Angelorum deferentium Deum. ^{361.}
Dub. Vtrum omnes Angeli, qui peccauerunt fuerint damnati. ^{ibid.}
Axioma 8. Diabolus, & Angeli eius ad ignem æternum sunt destinati. ^{368.}
Dub. Quasnam pœnas incurrerint Angeli mali propter peccatum. ^{ibid.}

CONTROVERSIA IX.

De Ordinatione, Potestate, Missione, & custodia Angelorum SS.

- Axioma 1.** Angeli sunt dispositi per ordines. ^{377.}
Dubium. Quomodo Angeli sint dispositi per ordines, & Hierarchias. ^{ibid.}
Axioma 2. Angeli Sancti ad nos mittuntur. ^{385.}
Dub. An, & quomodo Angeli Sancti ad nos mittantur. ^{386.}
Axioma 3. Angeli Sancti Custodes nostri sunt. ^{393.}
Dub. An, & quomodo Angeli Sancti custodiant homines, & alias res. ^{ibid.}



INDEX NOTABILIVM.

Primus Numerus Paginam, Secundus indicat Columnam.

A

A

Angeli existentia quo sensu sit de fide. pag. 2. c. 1. caret compositione reali. 3. 1. Esse corporeū, vel non esse, non est definitum in Eccl. ibid. Si Angelorum nomine accipiuntur substantia intellectuales completae omnino independentes à corpore, non potest ratione naturali euidenter demonstrari eos existere. 4. 2. Et esse corporeos docuerūt aliqui Philosophi. & PP. 15. 1. Negant plures SS. PP. & praecipue S. P. N. 16. 1. &c. Quatuor ordines substantiarum intellectualium ponebant Platonicci. 23. 2. Admisit S. P. corpora Dæmoniis alligatam penam, non verò quæ ab eis informarentur. 24. 1. Nec etiam admisit in eis materiam propriè dictam. 26. 1. Compositiones aut quæ non verò omnes admittuntur in Angelis. 30. 1. Non habent animas. 41. 1. Diferunt inter se singuli, non tamen ut species al. quæ vniuersales. 43. 1. Aliquos solummodo differre est possibile, & probabilissimum. 44. 2. Esse in magno numero est de fide. 54. 1. Excedunt numerum rerum materialium, & quomodo. 56. 2. &c. Eorum numerus sciri non potest. 59. 2. Quomodo sint immortales, & incorruptibiles. 61. 1. Comparati ad causas secundas exigunt durationem infinitam, non verò in ordine ad causam primam. 65. 1. Quomodo natura sua sint destruibiles, & cum habiles. 65. 2. 66. 1. &c. Quandoque assumunt verba cor-

pora. 67. 2. Apparitiones eorum quod modis fieri possint. 68. 1. Corpora quæ assumunt sunt sensibilia, non habent tamen semper veritatem rei, vel speciei quam repræsentant. 71. 1. Mutantur huiusmodi corporibus solum, ut motores mobilibus. 72. 2. Ex substantia tenuissimæ, ut plurimum assumunt. 74. 1. Non possunt producere formas substantiales, nec qualitates ad eas disponentes. 75. 1. Causant formas rerum, non influendo, sed mouendo corpora celestia. 76. 2. Quomodo Angeli mali misceuerint se mulieribus. 77. 1. Falsissimum est Angelos sanctos cum eis concubuisse ibid. 2. Possunt moneri localiter, & producere aliquas qualitates, non tamen omnes. 78. 1. Mouentur per accidens ad motum corporis assumpti. 83. 1. Illis non conuenit illapsus in animas hominum. 85. licet eas illuminent, & in eis species producant. 89. 1. Non possunt propriè exercere actiones vitales corporeas, nec quoad substantiam, nec quoad modum virtualitatis. 91. 1. Secundum suam substantiam verè sunt in loco determinato. 95. 1. Alijs etiam modis dicuntur esse in loco. 101. 2. Non potest Angelus naturaliter esse in pluribus locis ad æquatis sua perfectioni virtuali. 105. 1. Potest tamen esse in pluribus sibi inadæquatis ibid. 2. Probabile est quod presentia sua substantia, sit semper in loco sibi adæquato. 105. 2. Per

ope-

operationem potest esse non solum in e-
quali, sed etiam in minori. 106. 2. So-
lum intra latitudinem loci sibi adaequa-
ri potest esse in loco maiori, & maiori.
106. 2. Posse esse in loco minori, & mi-
nori non est maior, sed eadem perfectio.
108. 1. Praesentia sua substantiae pos-
sunt plures Angeli simul esse in eodem
loco. 108. 2. Numquam plures Angeli
sunt simul in uno aliquo loco, qui sit vi-
cuique illorum adaequatus. 109. 1. Per
operationem plures Angeli sunt in eo-
dem loco, non solum materiali, sed etiā
formali. 110. 1. Certum est eos se mo-
nere localiter, 111. 1. non solum motu
continuo. 112. 1. sed etiam motu discre-
to. 113. 1. Naturaliter secundum praesentiam
sua substantia non possunt se mo-
nere ab extremo in extremum, quin tran-
seant per medium. 114. 1. Licet tamē hoc
nō possint efficere naturaliter, possunt ni-
hilominus supernaturaliter ibid. 2.
Angelorum intelligere non est eorum sub-
stantia aut esse. 115. 2. 117. 1. Proba-
bilis est non dari in eis intellectum
agentem. 118. 2. Nec habent aliam co-
gnitionem, quam intellectivam. 121. 2.
Cognoscunt plura obiecta per species.
124. 1. Quo perfectiores sunt eo paucio-
ribus, & vniuersalioribus speciebus
vtuntur. 139. 1. Non implicat Angelus
quī omnia cognoscat per suam substan-
tiam absque specie superaddita. 141. 1.
De facto tamen vnusquisque cognoscit
alium per speciem. 151. 1. Nec potest
vnus per suam propriam substantiam
cognoscere substantiam alterius distin-
ctē. 152. 1. Probabile est posse vnum
Angelum cognoscere alium per substan-
tiam illius. 153. 1. Incertum tamen est
an de facto ita contingat. 154. 2. Nul-
lus comprehendit alterum, immo nec

suam essentiam, & virtutes. 158. 1. nisi
nomine comprehensionis veniat solum
quidditativa, & distincta cognitio pre-
dicatorum, & proprietatum naturalium
ibid. 2. Per suam substantiam cogno-
scent Deum naturaliter. 161. 1. Quae
cognitio nec est beatifica, nec ita obscu-
ra, & confusa ut est nostra. 162. 2. &c.
Cognoscunt Deum per suam substantiam
tamquam per obiectum cognitum, &
tamquam per medium cognoscendi. 163.
2. Perfectius cognoscitur ab illis exi-
stentia Dei per suas substantias, quam
per species. 164. 1. Cognitio eorū Be-
atifica à S. P. N. Augustino descripta, &
explicata. 165. 2. &c. ac eorum cog-
nitio Matutina, & Vespertina. 167. 1.
Cognoscunt propriū, & distinctē res ma-
teriales. 169. 2. & singularia. 170. 1.
Futura contingentia quomodo cogno-
scentur ab Angelis naturaliter. 175. 1.
Diversimodē cognoscuntur à Beatis, &
à Dæmonibus. 176. 1. &c. Non cogno-
scent naturaliter cogitationes cordium,
nec liberas affectiones. 180. nisi in suo
effectū. 182. 1. Naturales tamen, &
necessarias naturaliter cognoscunt. 184.
2. Nec etiam possunt naturaliter cogno-
scere actus imaginationis, & appetitus
sensitivi quatenus liberi sunt, vel pen-
dent à libero arbitrio, & sunt moraliter
boni vel mali. 187. 2. Quare cognoscā-
tur ab eis actiones liberae Dei ad extra
in suis effectibus ad extra, & non cogno-
scentur actus liberi creaturarum. 190.
1. Non possunt solo naturali lumine co-
gnoscere effectus supernaturales re ipsa
futuros. 193. licet possint cognoscere ali-
quos esse possibiles, non tamen omnes.
194. 1. Mysterium Sacrosanctae Incar-
nationis, quo modo & innouerit. 196.
1. Naturaliter possunt cognoscere esse.

Etus illos, qui in entitate sua sunt natura-
 les, & solum in modo supernaturales. **197. 2.** non tamen illos, qui sunt super-
 naturales in entitate, & in termino.
198. 1. Quomodo cognoscant Sanctissi-
 mæ Eucharistæ & Sacramentum. **200. 2.**
 Subsistentiam humanitatis Christi Domi-
 ni. **201. 2.** Virginitatem Beatissima Vir-
 ginis Mariæ. **202. 1.** Ac etiam ha-
 bitus supernaturales Fidei, Spei, & Cha-
 ritatis in animabus nostris. **203. 1.** Lo-
 quuntur inter se, & quomodo **204. 1.**
 Quomodo unus loquatur alteri absenti.
209. 1. Deo quomodo loquantur. **210.**
2. Locutio, & auditio eorum in quo dif-
 ferant. **211. 1.** Diversæ sententia de lo-
 cutione Angelorum expenduntur. **211.**
1. Superiores illuminant inferiores.
217. 1. Locutio, & illuminatio Ange-
 lorum in quibus differant. **219. 2.**
 Liberū arbitriū est in Angelis **222. 2.** Di-
 ligunt Deū, seipsos, & nos. **224. 1.**
 Amor Angelicus est multiplex **225. 1.**
 Quilibet Angelus naturaliter diligit
 alium sicut seipsum. **226. 1.** Angeli
 mali oderunt homines, & alios Ange-
 los non quoad naturam, sed solum quoad
 illas perfectiones in quibus differunt
 ab eis. *ibid.* **2.** Oderunt Deum ratione
 effectuum, id est damnationis, & punitionis.
227. 2.
 Omnes Angeli fuerunt creati in gratia.
228. Non fuerunt creati ab æterno.
229. 1. An ante omnem creaturam cor-
 poralem est in *Controversia*. S. P. mens
230. 1. sicut etiam quo loco. **232. 2.**
 Gratiam sanctificantem largitus est eis
 Deus in primo instanti, **234. 2.** Non est
 certum eos inflexibiliter adherere obie-
 ctis, quod semel amplexi sunt. **241. 2.**
 Omnes in illo primo instanti elicerunt
 actum dilectionis Dei. **243. 1.** qui tamē

non fuit dispositio ad gratiam sanctifi-
 cantem. **245. 2.** sed *fuireffctus illius.*
248. 2. Est etiam probabile omnes eli-
 cisse actus Fidei, & Spei. **249. 1.** Nec
 maior perfectio naturalis fuit causare-
 ciendi maiorem gratiam. Nec maior
 conatus fuit ratio cur primo daretur hu-
 iusmodi gratia sanctificans. **253. 1.**
 Neceam receperunt ex meritis Chri-
 sti. **256. 2.** Quod prob. Auctoritate Sa-
 cræ Scripturæ, SS. PP. & rationibus.
257. 1. &c. Gratiam actualem accepe-
 runt omnes à principio. **273. 1.** sine qua
 cum essent viatores non poterant elicere
 actus supernaturales. **247. 1.** Quomo-
 do Angeli Sancti permanserunt in iusti-
 tia accepta: ubi de Perseuerantia, Li-
 bertate, & necessitate auxilij superna-
 turalis. **277. 1.** Non habuerunt in pri-
 mo instanti suæ creationis Beatitudinem
 supernaturalem. **281. 1.** nec etiam per
 transitum. **282. 1.** Eodem actu volun-
 tatis, quo Angeli Sancti dilexerunt De-
 um in primo instanti, diligunt etiam nunc,
 licet actus intellectus fuerit mutatus.
286. 2. Qui cum essent viatores adepti
 fuerunt Beatitudinem proprio merito.
287. 1. Mali verò propter suum demer-
 itum ab ea defecerunt. **288. 1.** Inter-
 cessit aliqua mora inter creationem, &
 Beatitudinem eorum qui steterunt. *ibid.*
2. Via Angelorum bonorum ante ter-
 minum habuit solum vicium instans
 Angelicum. V a verò Angelorum ma-
 lorum ante terminum duobus instanti-
 bus fuit absoluta. **291. 2.** Variæ aliorū
 Auctorum de hoc expenduntur senten-
 tiæ. **294. 2.** Beatitudo accidentalis San-
 ctoꝝ Angelorum est debita beatitu-
 dini essentiali. **297. 1.** Qui de lege or-
 dinaria non possunt proficere, nec defi-
 cere in Beatitudine essentiali. **300. 1.**

De facto tamen proficiunt in accidenta-
 301. 1. Angeli mali indicabuntur à viris Sanctis in
 iudicio. 302. 1. In Angelis Sanctis dura-
 bit augmentum beatitudinis accidentalis
 usque ad diem Iudicii, & non ultra. 303.
 1. Omnes Angeli in via poterant
 ex natura sua peccare contra precepta
 naturalia. 305. 2. ac etiam contra pre-
 cepta supernaturalia. 312. 2. Nullus
 Angelus fuit ex natura sua malus. 315.
 1. nec peccauit in primo instanti. 316.
 1. nec potuit peccare. 318. 1. &c. Po-
 terant omnes peccare omni genere pec-
 cati casualiter, & quoad malitiam; non
 verò formaliter, & quoad actum pro-
 prium. 323. 1. Formaliter, & comple-
 tē duo peccata in eis esse possunt super-
 bia scilicet, & inuidia. 325. 1. Ira quo-
 modo possit esse in eis. 326. 1. Quo mo-
 do insit Diabolo odium Dei, Blasphemia,
 Idolatria, Inobedientia, Infidelitas, & Iniustitia. 326. 1. Gula, Luxu-
 ria, Avaritia, & Accidia solum secundum
 reatum. ibid. 2. Quomodo delecten-
 tur Angeli mali rebus corporeis. 327.
 1. Regulariter, & moraliter loquendo
 primum Angeli peccatum non potuit esse
 nisi superbia. ibid. 2. Non potuerunt
 Angeli in v. a primo peccare venialiter,
 ut docet S. Thomas. 329. 2. Vnico actu
 versantur circa finem, & media, non sic
 homines. 331. 1. Illi qui peccauerunt
 fuerunt indulti à Lucifero ad peccatum,
 qui est Principiorum non ratione natu-
 ra, sed culpa. 336. 1. 2. Probabile est,
 ex quolibet ordine aliquos Angelos, ce-
 cidisse. 337. 1. Plures fuerunt Angeli,
 qui permanserunt in gratia, quam illi
 qui peccauerunt. 338. 1. Primum pec-
 catum eorum fuit superbia. 340. 2. Ob-
 iectum huius Superbiae fuit dominium,

seu Prælatio indebita. 342. & 344. 1.
 Primum peccatum Angeli non fuit ap-
 petitus vnionis hyppostatica. 353. 1.
 Angeli, qui semel peccauerunt fuerunt
 omnes damnati. 361. 1. ipsi sunt dene-
 gatum auxilium ad penitentiam agen-
 dam. 363. 1. nec fuit concessum spatium
 penitentia. 365. 1. fuerunt spoliati
 quacumque notitia entitativæ superna-
 turali. 369. 1. non tamen cognitione na-
 turali. 370. 2. Omnes Angeli sunt mi-
 nistrantes. 387. 1. Plures sunt mini-
 strantes, quam assistentes. 389. 1. cui-
 bet homini vnus Angelus est deputatus
 in custodiam. 392. 2. omnibus, & An-
 gelis hominibus fuit deputatus Angelus
 Custos. 396. 1.
 Anima humana quomodo cognoscat futura
 contingentia. 177. 2.
 Anima rationalis separata potest intelli-
 gere seipsum, per suammet essentiam,
 sine specie, non verò vnita. 150. 2.
 Averroes errauit negando Deo, & substan-
 tijs separatis cognitionem singularium.
 169. 1.
 Avicenna errauit, non admittendo aliam
 cognitionem singularium in Angelis,
 nisi quatenus conueniunt in ratione entis
 ibidem.
 Axioma illud, quod est primum in vno-
 quoque genere est causa cæterorum
 explicatur. 268. 1. & illud. Ad id quod
 est tale per essentiam reuocantur om-
 nia, quæ talia sunt per participatio-
 nem. ibid. 2.
 Assistere Deo sumitur dupliciter. 386. 1.

B

B Eati cognoscent easdem res intuitiue
 per species infusas, & abstractiue
 per species acceptas à rebus. 145. 1.
 Hhh Bea-

Beatifica Angelorum cognitio descripta a S. P. N. 165. 2.

Beatitudinem supernaturalem non habuerunt Angeli in primo instanti sue creationis. 281. 1.

Beati uero accidentalis SS. Angelorum est debita beatitudini essentiali eorum. 297. 1.

Vbi plura de Angelorum Beatitudine.

C

Cognitio matutina, & vespertina SS. Angelorum explicatur. 167. 1.

Cognoscunt Angeli plura obiecta per spec. es. 124. 1. Ibi, & in sequentibus habentur ea, quae spectant ad cognitionem Angelorum.

Christus Dominus est caput hominum, & Angelorum. 266. 2. & in sequentibus.

Christus Dominus manifestando cogitationes cordium efficaciter ostendit suam Diuinitatem. 186. 2.

Concilium 2. Lateranense sub Innocentio Tertio definiuit quidem Deum ab initio temporis omnes creaturas condidisse: non uero an Angeli sint omnino incorporei. 3. 2. De creatione eorum quid doceat. 232. 1.

Concilium Bracarense definiuit Diabolum in Mundo nullas naturas condidisse. 76. 1.

Concilium Senonense docet animas Sanctorum cognoscere orationes nostras in speculo Diuinitatis. 128. 2.

Concilium Afrasicanum secundum docet auxilium Dei, etiam a Sanctis esse implorandum. 280. 2.

Concilium Tridentinum gratiam excitauit, & adiutorem requiri ad iustificacionem. ibid. 1.

Compositio ex esse, & essentia non datur in Angelis. 30. 2. datur tamen ex na-

tura, & subsistentia. 33. 1. ex subiecto, & accidente, ex genere, & differentia. 34. 1. &c. Non tamen ex materia, & forma substantiali, nec ex partibus quantitatiuis. 38. 1.

Corpora possunt assumi ab Angelis. 67. Quae tamen non semper habent naturam speciei, quam repraesentant. 71. 1. Quo sensu S. P. admiserit corpora in Demonibus. 324. 2.

D

Demonones quomodo de Caelo deciderint, & plurimi sint intra corpus unius arreptitij. 18. 1. Quomodo miferint se mulieribus. 77. 1. Occultis suggestionibus, & phantasmatibus eludunt sensus humanos. 82. 1. quomodo cognoscant futura contingentia. 175. 2. Quomodo cognoscant cogitationes cordium, & liberos actus. 191. 2. dolent non posse habere Charitatem, quam habent homines Sancti. 240. 2. Diabolum non esse ex natura sua malum est certum, & de fide. 315. 1. est etiam certum in primo instanti illum non peccasse. 316. 1. Nec potuisse peccare est probabilissimum. 318. 1. &c. Diuersitas ordinum Angelorum an remanebit post diem Iudicij. 383. 1.

E

Effectus non demonstrant euidenter existentiam Angelorum sumpto Angelo pro substantia omnino incorporea. 8. 2.

Entis naturalis, & supernaturalis diuersitas. 199. 2.

Essentia, & existentia in Angelis non distinguuntur, nec realiter, nec ratione. 31. 1. Essen-

Essentia Angeli non est actus intellectus
eius in essendo. 147. 1. sed solum in in-
telligendo. ibid.

Euclidis propositio trigesima sexta de loco,
& locato explicatur. 107. 1. &c.

Excessus, vel defectus eius quod gerit vice
speciei non attenditur secundum perfe-
ctionem essendi, sed secundum rationem
representandi. 157. 1.

F

Formatio corporum in quibus apparent
Angeli quid requirat. 68. 1.

Filius non est in Angelis Sanctis, quando
assumunt corpora, neq. frustra sit. 71. 1.

Fines ad quos ordinantur apparitiones An-
gelorum. ibid. & 73. 2.

Frustraneum non est eorumdem specie effe-
ctuum dari plures causas specie differen-
tes. 81. 1.

Futura cognoscuntur ab Angelis. 173.

G

Generationem propriam non possunt
exercere Angeli. 93. 1.

Gradus varij rerum secundum quos atten-
ditur perfectio vniuersi. 55. 1.

Gratia sanctificans non est Angelo conna-
turalis, licet eam habuerit à principio.
241. 1. Eamque largitus fuerit libere
Deus in primo instanti. 234. 2.

Gratia maioris in Angelis non fuit causa,
nec maior perfectio naturalis, nec maior
conatus. 253. 1.

Gratiam sanctificantem non receperunt
Angeli ex meritis Christi. 256. 2.



Il lapsus proprie dictus in animas no-
stras non conuenit Angelis. 86. Nec
etiam in corpora. 87. 1.

Illustrationibus Diuinis sibi accommodatis
cognoscere Angelos iuxta S. Dionysium
quid sit. 142. 2.

Illuminantur mentes inferiores per Ange-
los superiores, & quomodo. 216. 1.

Incarnationis mysterium non fuisse reuela-
tum Angelis viatoribus est probabile.

269. 2. & dato quod fuisset non sequitur
eos accepisse gratiam sanctificantem ex
meritis Christi. 271. 1.

Incorporeum tripliciter accipitur. 14. 2.

Incorruptibilitas, & immortalitas quomo-
do competat Angelis. 60. 1.

Inuidia quomodo fuit in Angelis, qui pec-
cauerunt. 341. 1. &c.

L

Amiarum, & arreptitiorum effectus
non ostendunt euidenter existentiam
Angelorum. 11. 1.

Libertas Angeli quæ. 319. 2. &c.

Locutiones, & voces Angelorum in corpo-
ribus assumptis non fuerunt proprie vi-
tales. 93. 2.

Locus competit Angelis, isque determi-
natus. 95. 1. In loco esse competit eis
diuersimode. 101. 2. Quomodo possit
vnus esse in pluribus locis. 109. 1. Et
plures in eodem loco. 168. 2.

Loquuntur Angeli inter se. 203. De modo
diuersitas sententiarum. 205. 2. Pro-
babilius videtur consistere in verbo men-
tali vnius, quatenus dirigitur ad alterum.
206. 2.

Luciferum fuisse in delitijs Paradisi iuxta
Ezechielæ quomodo intelligatur. 282. 2.

Est caput eorum, qui peccauerunt, & Diabolus dicitur. 331. &c. qui inter omnes erat supremus in perfectione naturalis. 333. 1. Cur dicitur Cherub. in Scripturis S. 336. 1. Induxit Angelos qui peccauerunt ad peccatum. ibid. 1. Quomodo sit Princeps Daemonum. ibid. 2. An appetierit praesse solis Angelis, vel solis hominibus, an verò utrisque simul. 345. 2. Lumen Angelicum esto efficacius nostro non potest abstrahere species ab objectis. 130. 1.

M

Materia propriè dicta non datur in Angelis. 26. 1. Mens S. P. N. Augustini de hoc aperitur. 28. 1. Modus agendi quomodo proportionetur modo essendi. 81. 1. Modi omnes, quibus potest Angelo competere esse in loco. 99. 1. Modus operandi, & aquirendi propriam perfectionem consequitur modum essendi. 129. 2. Modus, quo Angelus se mouet localiter tam latè patet, quam modus quo est in loco. 112. 2. Motus Calorum non demonstrat euidenter existentiam Angelorum. 10. 2. Mouentur Angeli per tempora. 110. 1. Mystèria gratiæ à Deo facta sunt in dupli differètia. 193. 1. Nō possunt solo naturali lumine cognosci ab Angelis. ibid. 2. Michael è vn° de primis Seraphim. 383. 2.

N

Nullo modo potest Angelus accipere species à rebus. 128. 1.

Numerum Angelorum excedere numerum rerum materialium, docet S. Dionysius. 156. 2. Numerus filiorum Dei, iuxta quem in Scripturis dicuntur constituti termini populorum quinam fuerit. 58. 2. Numerus definitus Angelorum à nobis sciri non potest. 59. 2. Nomina, quæ singulis Choris attribuntur significant personas, & officia distincta. 379. 1.

O

Objectum Intellectus Angelici, quod & quale; & quæ comprehendat. pag. 142. & sequentibus. Obiectum in intellectu tripliciter esse potest. 206. 2. Obiectum peccati Angelorum non fuit Incarnatio Dominica. 271. 2. Operationes p. tales quoad substantiam non possunt exerceri ab Angelis in corporibus assumptis. 90. 2. Ordo rerum in vniuerso duplex. 145. 2. Obiectum superbiæ Angelorum fuit dominium, seu prælatus indebita. 342. &c.

P

Platonici quatuor ordines substantiarum intellectualium ponebant inter Deum, & nos. 23. 1. Pluralitatem numericam cur admittat natura corporea, non verò spiritualis iuxta doctrinam Thomistarum. 48. 1. Potestas Angelorum circa corporalia. 66. Potentia intellectualis Angeli est identificata cum eius substantia. 118. 1. Præsentia substantiæ quomodo constituat Angelum in loco. 101. 2. Propositio Euclidis applicata ad existentiam

tiam Angeli in loco explicatur. **107.1.**
 Principium formale, per quod potentia operatur, nō est semper quid inferius, & subordinatum illi. **150.1.**
 Principium, per quod cognoscitur ratio generica, non est semper ratio cognoscendi gradum specificum, & **individualm.** **153.1.**
 Principium coefficientium intellectus non semper requirit informare, seu inhaerere potentia. **156.1.**

Q

Qualitates dispositivae ad productionē formarum substantialium nō possunt ab Angelis fieri. **75.1. &c.** bene tamen illae quae non sunt dispositivae ad huiusmodi formas. **78.1. &c.**
 Quanam qualitates in specie ab Angelis produci possint. **79.1. &c.**

R

Rationes formales proximē constituentes spiritum in loco definitivē unde sint desumenda. **98.1.**
 Receptacula, ad quae migrant animae post mortem, sunt loca corporea etiam per **S.P.** **112.1.**
 Requisita ad formationem veri corporis. **68.2.**
 Res supernaturales excedunt vires naturales effectivas, & cognoscitivas hominū, & Angelorum. **155.2.**

S

Sadduceorum error circa Angelos. **3.1. &c.**
 Septima Synodus Generalis, quae est secunda Nicæna, definiit esse pingendos An-

gelos in figura corporea, non tamen eos esse corporeos. **21.1. &c.**
 Species quibus Angeli cognoscunt obiecta, quae, & quales sint. **154.1.** non sunt propria passioneseorum, nec formae supernaturales. **131.1.** Per huiusmodi species recte cognoscuntur ab eis, tam universalialia, quam singularia, & rationes, tam essentialia, quam accidentalia. **133.1. &c.** Alia alijs universaliores esse possunt in representando. **134.1.**
 Species indita Angelis sunt excellentiores rebus ipsis in esse intelligibili, & representativo. **137.1.**
 Species Angelicae representant uniformiter ex parte sui, & difformiter ex parte rerum oppositarum, & conditiones individuales rerum successiviarum. **172.2.**
 Eadem specie non solum impressa, sed etiam expressa representantur opposita non solum contrariē, sed etiam contradictoriē. **172.1.** Non repugnat huiusmodi speciebus infinitas in representando. **173.2.**
 Spiritus nomine in Sac. Scriptura solet ut plurimum intelligi aliquid incorporeum. **17.1.**
 Substantia est immediate operativa. **149.1.**
 Superbia fuit primum peccatum Angelorum. **339. & 340.2. &c.**

T

Tribus modis fit unum simpliciter per Aristotelem. **73.1.**
 Tripliciter potest unares aliam intelligibiliter representare. **125.1.**
 Tribus modis essentia unius rei cognita ducit in cognitionem alterius. **152.1.**



Vla Angelorum, qua & qualis fuerit.
a pag. 289. 1. & sequentibus.

Videre in Verbo creaturas non semper im-
portat intuitiuam Dei visionem. 285. 2.

Virtus quo altior est, & efficacior operatur
ex paucioribus. 139. 2.

Vniuersi perfectio non euidenter ostendit
existentiam Angelorum. 5. 2. ex ea ta-
men probabilissime arguitur dari crea-
turas omnino incorporeas. 18. 1.

Vnio potentia cū obiecto requiritur ad co-
gnitionem, & qualis esse debet. 123. 1.

Vnitas obiecti: requisita ad unitatem scien-
tia, speciei, vel sensus quam sit, &
qua sufficiat. 135. 2.

Vniuersalis cognitio est duplex. 142. 2.

Voluntas potest vno actu feri, vel acce-
ptare diuersa obiecta propter diuersas
bonitates. 136. 2.

Voluntatem esse in Angelis est certissimū.

221. 1. Eamque esse liberam. 222. 1.

Nō distinguitur realiter ab intellectu. 223.

2. Quomodo libera in primo instanti ad
pectandum. 318. 2. &c.

Voluntas Angeli natura sua est flexibi-
lis. 363. 1.

F I N I S.



Errata.

Sic Corrige.

- Pag. 2. Col. 1. *Angelorum*
 4. col. 1. opponeretur
 14. Quæris nomen Quæris, &c.
 38. col. 2. S. Buona Ventura
 49. col. 2. Philosophico
 117. c. 2. *post illa verba realiter*
 ab ipso

111. Dubium secundum
 143. 2. Eamque tuetur Scorus
 152. 1. perfectè & distinctè
 298. 1. appositum
 299. 1. nonnè
 300. 1. Accidentales
 ibid. 1. appositum
 ibid. 2. ad litteram
 302. 1. per illum
 304. Scripturalem
 ibid. 1. HHoc
 306. 1. loquens de Angelis & lu-
 minibus.
 312. 1. per similes actiones eas
 amittere posset
 317. 1. Et hoc quod in præfenti
 quæritur
 318. 1. cap. 3. supra relati

Angelis
 opponerentur
 Quæris nomen Quæris
 S. Buona Ventura
 Philosophico.
addendum est. Melior ergo ratio est,
 quia in mea sententia esse est identifica-
 tum cum essentia, & substantia Angeli,
 & propterea sicut non identificatur cum
 eius essentia, ita nec etiam cum eius
 esse.

Dubium quintum.
 eamque tuetur Scorus
 perfectè & distinctè
 oppositum
 tonè
 Accidentalis
 oppositum
 ad litteram
 per illam
 supernaturalem
 Hoc.
 loquens de Angelis, & hominibus.
 per similes actiones eam amittere
 posset.
 Et hoc est quod in præfenti quæritur.
 supra relatis

[The page contains faint, illegible handwritten notes.]









